

Pultorice 1807.
M^o 7bris Domi: A laccom-
mendat^o commendavit a me Virgi-
l^o ex latins in Gallia idiom^o
frangit^o In 3bris Domi: — Epus
vero Secretarius 2os minus Tomos
Coali despro: cum promissione
reddendi. Cohabit: in Ame Episcopo.
Pultorice

19bris Secretarius tulit 2os
minus Tomos, sed accepit 3 ulti-
mos despro: ad legendu.

Postea omnes libros re-
cepi 13bris 1807 do-
minica 3 Advent

1855

M


A

O

C

R

S



num 18
REV. P. F.

ANACLETI REIFFENSTUEL,
ORD. MIN. S. FRANCISCI REFORM.
PROVINCIAE BAVARIAE LECTORIS
JUBILATI &c.

THEOLOGIA MORALIS

EDITIO RECENTISSIMA
PRO LEGENTIUM COMODITATE IN OCTO
TOMULOS DISTRIBUTA,
AC

PLURIBUS ADDITIONIBUS, ET SUCCINCT
PROPOSITIONUM DAMNATARUM
DECLARATIONE, AUCTA

Bibliotheca Monasterii AB Plo conf. Ord. S. P. Ben.

A. R. P. F. MASSEO KRESSLINGER

EJUSDEM ORD. AC PROV. LECT. JUB.

ET TERTIO EX-PROVINCIALI.

ADJECTIS ALIIS NOVISSIMIS
ADDITIONIBUS.

P. F. DALMATII KICKH,

DICTI ORD. ET PROV. LECTORIS

EMERIT. EX-PROVINCIALIS.

Ad

TOMULUS I.

16 33

COMPLECTENS TRACTATUM I. ET II. DE
ACTIBUS HUMANIS, CONSCIENTIA,
ET LEGIBUS.


Cum Privilegio Caesareo & permissu Superiorum

Sumptibus JOANNIS URBANI GASTL, Bibliopolae

Monacens. & Pedepontani.

ANNO MDCCLXII.

By Piem. F. I. 8(a)



Privilegium Cæsareum.

NOS FRANCISCUS Divina favente
Clementia Electus Romanorum Im-
perator, semper Augustus, ac Germaniæ, &
Hierosolymarum Rex, Dux Lotharingiæ &
Barri, Magnus Hetururiæ Dux, Princeps
Carolopolis, Marchio Nomenei, Comes
Falkensteinei &c. &c. Agnoscimus, &
notum facimus tenore præsentium univer-
sis, quod, cum Nobis Sacrique Imperiî
fidelis dilectus Joan. Gastl. Bibliopola & Ci-
vis Monacensis humillime exponi curarit,
quem in modum P. Anacl. Reiffenstuel
Theol. Moral. cum additionibus P. Massæi
Kresslingeri prelo committere resolverit, ve-
reatur autem, ne æmulorum invidia hanc edi-

tionem imitantium impendii & laboris sui
fructu frustretur; ideoque Nobis demisse
supplicarit, quatenus ejus indemnitati Priv.
Nost. Cæs. succurrere clementiss. digna-
remur, Nos submissæ pariter ac æquæ ejus
petitioni annuendum censuerimus; Ac
proinde Authoritate Nost. Cæs. omnibus
& singulis Bibliopolis, Bibliopegis, Ty-
pog. & aliis quibuscumque rem librariam
seu negotiationem exercentibus, firmiter
inhibemus, vetamus & interdicimus, ne
quis supra nominatam P. Anacl. Reiffenst.
Theol. Moral. cum additionibus P. Massæi
Kresl. in folio & 8. nec sub hoc, nec
sub alio Titulo per 10. annor. spatium,
ab hodierno die computandum, intra S.
R. 1. fines recudere, vel aliis recudendam
dare, aliorumve impressam aportare,
vendere vel distrahere, citra præfati Im-
petrantis ejusdemque hæredum ac suc-
cessorum voluntatem & assensum in scri-
ptis obtentum ausit vel præsumat, si quis
vero secus faciendo Privil. hoc Nostrum
seu Interdictum violare, contemnereque
præsumpserit, eum non solum ejusmodi
Exem-

Exemplaribus , ubicunque locorum reper-
tis , perperam quippe recusis seu aportatis
(quæ dictus Joan. Gastl sive propria au-
thoritate sive Magistratus illius loci auxilio
sibi vindicare poterit) de facto privandum,
sed & quinque marcarum auri puri poena
Ærario seu Fisco Nostr. Cæs. & parti læsæ
ex æquo pendenda , omni spe veniæ sub-
lata , mulctandum decernimus , dummodo
tenor hujus Nostr. Priv. in fronte libri im-
pressus reperiatur , & consueta 5. Exempla-
ria Consil. Nostr. Imperiali Aulico exhibean-
tur. Mandamus itaque omnibus & sin-
gulis Nostr. & S. R. I. subditis & fideli-
bus dilectis , tam Eccles. quam sæculari-
bus , cujuscunque status, gradus, Dignitatis,
aut ordinis fuerint , præsertim vero iis , qui
in Magistratu existentes , vel suo , vel Su-
periorum suorum loco aut nomine jus
justitiamque administrant , ne quempiam
Privil. hoc Nostr. Cæs. impune violare,
spernere , & transgredi patiantur , sed si
quos contumaces compererint , constituta
à Nobis mulcta eos puniri , & quibus-
cumque modis idoneis coerceri curent ,

quatenus & ipsi gravissimam Nostram indignationem, prædictamque pœnam evitare voluerint. Harum testimonio literarum manu Nostra subscriptarum & Sigilli Nostri Cæs. appensione munitarum, quæ dabantur Viennæ Die 16. Novembris anno millesimo septingentesimo quinquagesimo Regni Nostri sexto.

FRANCISCUS
mppr.



Vt. F. Comes Colloredo mppr.

*Ad Mandatum Sac. Cæs. Majestatis
proprium.*

Joh. Georg. Reizer mppr.

LICEN.

LICENTIA ET APPROBATIO
ORDINIS.

Fr. Bernardinus à Terlitio Ordinis Minorum Regularis observantiæ, S. P. N. Francisci Lector Jubilatus, & in hac Cismontana Familia tam Observantium, quam Reformatorum, & Conceptionistarum Commissarius Generalis, Visitator, Reformatior Apostolicus, & Servus.

Cum à duobus Theologis revisum de Ordine nostro, & approbatum fuerit quoddam opus, cui titulus est: *Additiones novissimæ* &c. à Reverendo P. Dalmatio Kickh, S. S. Theologiæ Lectore, ac nostræ Reformatæ Provinciæ S. Antonii in Bavaria actuali Provinciali compositum, vigore præsentium facultatem eidem concedimus, quatenus servatis servandis, ipsum typis mandare possit. Datum Romæ ex Arcæ cœli die 22. Februarii 1755.

Fr. BERNARDINUS,

Commissarius Generalis.



Concordat cum Originali de verbo ad verbum.
Ita est.

Fr. VITALIS KUTTNER,

Provinciæ Archivarius juratus mppr.

De Mandato Reverendissimi in Christo Patris

Fr. ANGELUS SERAPH. ab ALEXIO,

Secretarius Generalis, mppr.

FA.


FACULTAS MODERNI PATRIS PROVINCIALIS

Ego infra scriptus virtute Privilegii
Cæsareæ Majestatis super impressio-
ne, & distractione Librorum fratribus Mi-
noribus Regularis, & strictioris observan-
tiæ concessi, facultatem facio D. Joanni
Gastl Bibliopolæ, ac Civi Monacensi,
& Pedepontano; ut suis sumptibus reim-
primi faciat, suisque emolumentis distrahât
Theologiam Moralem R. P. Reiffenstuel
Nostræ Provinciæ Alumni, cum additio-
nibus tum A. R. P. Massæo, tum aliis re-
centioribus in duplici forma per ipsum Pri-
vilegium Cæsareum descripta. Actum Mo-
nachii 23. Augusti 1754.



F. DALMATIUS KICKH,
Ord. Min. S. P. Francisci Re-
form. Provinciæ Bavariae Mini-
ster Provincialis.

PRO-



PROLOQUIUM
PRIMUM IPSIUS
AUCTORIS.

*Una cum Approbationibus
Theologicis Operis.*

QUa par est, reverentia & humilitate tuis, Benevole Lector, non tam faventibus, quam frequentibus oculis aspiciendum, revidendumque sese offert istud Theologiæ Moralis, brevi, claraque methodo comprehensæ Opusculum. Ejus intentio, finisque, est, & tuam, & Proximorum promovere salutem. Addat

Divina Bonitas desideratum
Votis successum. Quoniam ve-
ro in Librorum delectu nihil
gratius accidere solet, quam si
concurrat simul succincta bre-
vitas, scriptorum claritas, re-
rumque, atque doctrinarum uni-
versitas, & ad omnem usum ex-
pedita utilitas: hæc eadem præ-
sens Opusculum per singula ex-
hibere studuit, tibi que facere,
atque utinam ! & satisfacere.
Cæterum, ut intentum suum
assequeretur felicius, selegit
Auctores probatissimos, Sen-
tentias probabiliore, magisque
fundatas (non tamen filendo
probabiles) Conclusionésque,
aut solidis rationibus, aut iofi-
dis rationibus, aut ipsis SS.
Canonum Auctoritatibus (queis
& Theologia Moralis, & recta
viven-

vivendi ratio sese Deo jubente, submittere, atque obsequi tenetur) fortiter stabilivit. Adduntur Decreta Summorum Pontificum novissima, &, ubi cavenda in docendo scandalositas, aut timenda in practican- do temeritas, propositiones damnatae propriis locis fideliter inferuntur. Summaria præponuntur brevia, in quibus veluti Iliadem in nuce, totam materiarum seriem, scopumque conspicere valeas. Ut autem minori cum labore singula reperire liceat, hinc Elenchus Tractatum, illinc Index Materiarum Alphabeticus inserviet locupletissimus. Numerositatem Objectionum adhibere dissuasit ipsamet Theologiæ Moralis Methodus passim recepta,

pta, breuitasque in fronte promissa; nonnullæ tamen maioris claritatis gratia nonnunquam apponuntur; alias si forsan alicubi desideres, eas supplere poterunt vel rationes adductæ, vel SS. Canones, Legesque allegatæ. Tuum penes hæc, Lector Benevole, sit iudicium: nam omnia, quæcunque sequuntur, meliori sint submissa iudicio, atque imprimis humillime subiecta Censuræ Sanctæ Romanæ Ecclesiæ, utpote quæ, *disponente Domino, cunctorum Fidelium Mater est, & Magistra*, c. Damnamus. De Summa Trinitate, & Fide Catholica.

APPRO-

APPROBATIO ORDINA- RII.

Theologiam Moralem R. P. Anacleti Reif-
fenstuel, Ordinis Minorum Sancti Fran-
cisci Reformatorem, Provinciae Bavariae Ex-
Diffinitoris, Lectoris Jubilati, & SS. Cano-
num Actualis, sedulo pervolvi, nihilque in
ea Orthodoxae Fidei aut bonis moribus vel
à longe contrarium inveni, quinimo Opus
omnibus numeris absolutum, in quo omnia
tum clare proposita, tum solide resoluta, &
adeo caute enodata sunt, ut per hoc expe-
ctationi de tanto viro universim conceptae
plene fuerit satisfactum. Quare ob commu-
nem omnium utilitatem lucem publicam jure
meritissimo sibi vindicat. Ita sentio. Actum
Frisingae, die 3. Januarii Anno 1692.

VITUS ADAMUS L. B. à
Pellkofen, de Hochenbuech-
bach in Mosach, *Ecclesiae Cath.*
Frising. Can. Capit. & Vica-
rius in Spirit. General. nec non
Preposit. ad S. Petrum in Monte
Madron, Librorum Censor.

LICEN-

LICENTIA ET APPROBATIO ORDINIS.

FRater Carolus Franciscus de Varese, Ordinis Minorum Strict. Observantiæ S. P. N. Francisci Lector Emeritus, Supremæ & Universalis Inquisitionis Qualificator, ac Cismontanæ Familiæ Observantium, & Reformatorum Commissarius Generalis & Servus. Dilecto nobis in Christo P. Fr. Anacleto Reiffenstuel, Lectori Jubilato, SS. Canonum Actuali, ac Ex-Diffinitori nostræ Reformatæ Provinciæ Bavariæ Salutem.

Cum juxta Apostolicas, nostrique Ordinis Constitutiones revisum, & approbatum fuerit Volumen quoddam à te nuper editum, cujus Titulus est: *Theologia Moralis*. Tenore præsentium ad salutaris obedientiæ meritum facultatem tibi impertimur, quatenus servatis servandis illud Typis mandare valeas. Datum Romæ die 16. Maji 1691.

Fr. CAROLUS FRANCISCUS
de Varese, *Commissarius
Generalis*,

**FACULTAS ADM. REV. P.
MINISTRI PROVINCIALIS:**

CUM Theologia Canonico-Moralis à Rev.
Patre Anacleto Reiffenstuel, Ord. Min. S.
Francisci Reformatorem, Almæ nostræ Provin-
ciæ Baviaræ Ex Diffinitore, Lectore Jubilato,
& SS. Canonum Actuali composita, à duobus
Theologis revisa, & approbata, plurimumque
recommenda, & omnia, quæ in editione Li-
brorum de jure sunt servanda sint observata.
Tenore præsentium Facultatem impertior, ut
hoc laudatissimum Opus Theologicum pro uti-
litate publica Typis mandari possit. Actum
Monachii 11, Febr. Anno 1692.

FR. BENNO MAYR,
*Lector Jubilatus, & Almæ
Provinc. Bavar. Minister
Provincialis.*

CENSURA THEOLOGICA.

Suum *Moralis Theologiæ* Opus R. P. Ana-
cletus Reiffenstuel, Nostræ Provinciæ Ex-
Diffinitor, Lector Jubilatus, & Sacrorum Ca-
nonum Actualis Ordinarius, ita Catholicæ Fi-
dei ac bonis moribus conformavit, ita solidis
ac fundamentalibus doctrinis stabilivit, ita no-
tabilibus atque utilibus distinctionibus illustra-
vit, ita præclaris questionibus, cathegoricis
conclusionibus, ac prolixis compendiis inte-
gravit, ut Numero & Muneri eximii Theolo-
gi ac Canonistæ simul satisfecisse videatur. Ita
censeo, ex Mandato Superiorum, Frisingæ,
die 3. Febr. Anno 1692.

Fr. FORTUNATUS HUEBER,
Totius Ord. S. Francisci, & Pro-
vinciæ Bavarie Pater, Lector &
Concionator Generalis, p. t. Guar-
dianus Loci.

Theo-

T*heologiam Moralem Universam, brevi, simulque clara Methodo comprehensam, atque juxta SS. Canones, & novissima Decreta Summorum Pontificum, diversas Propositiones damnantium, ac probatissimos Auctores, succincte resolventem omnes Materias Morales,* a Rever. P. Anacleto Reiffenstuel, Ord. Min. S. Francisci Reform. Almæ Provinciæ Baviaræ S. Antonii de Padua Ex-Diffinitore, Lectore Jubilato, & SS. Canonum Actuali, industrie, solideque congestam & elaboratam, ex Mandato Superiorum solerter revidi, revidendoque deprehendi, id omne, quod ab Auctore promittitur in Titulo, exacte servari in progressu, videlicet doctrinæ brevitatem, claritatem, cum SS. Canonum allegatione, & circumspecta ad novissima Decreta Pontificum attentione. Quare, cum hæc *Theologia Moralis* non tantum nihil Orthodoxæ Fidei aut bonis moribus contrarium, sed plurima Reipublicæ literariæ proficua, Curatoribusque animarum necessaria contineat, illam vel ob ipsos etiam frequentissimos textus Juris (quorum peritia Auctorem summe commendat) juris publici ut fiat, dignissimam censeo. Dabam in Conventu S. P. Francisci

Anacl. Reiffenstuel. Theol. Tom. I. c

cisci Stigmatizati Frisingæ Anno 1692.
3. Februarii.

Fr. FLORIDUS MOSMILLER,
*Ord. Min. S. Francisci Reform.
Provinciae Bavariæ SS. Theol.
Lector.*



PROLOQUIUM SECUNDUM.

*In Additiones, una cum Approba-
tionibus earum.*

UTi præfixus Libro titulus tibi, Benigne
Lector, exhibet, post plures Germa-
niæ, & Italiæ Editiones denuo in Lucem
prodit Rever. Patris Anacleti Reiffenstuel
Ord. Min. & Provinciæ Nostræ Alumni
Theologia Moralis, augmentata tamen ad-
huc magis in omnibus ferme locis, & jux-
ta novissimas Recentiorum Pontificum
Bullas instructa. Quatenus autem hæ Ad-
ditiones commodius a propria Auctoris
Doctrina secerni valeant, initium & finis
earum a potiori, si tamen fuerint notabi-
lio-

liores ac longiores, aliquo asterisco * signantur, & simul per hoc nomen *Additio* indicantur. Quod si post unum numerum ipsius Auctoris plures similes Additiones occurrerint, immediate sibi invicem succedentes, etiam singulis distincta aliqua ciphra (uti vocant) adjungitur, ponendo e. g. *Additio I. Additio II.* &c. ut sic commodius in Indice annotari, & in suis locis propriis facilius post numeros ordinarios ipsius Auctoris inveniri queant. Tu interim Amice Lector laborem istum benigno oculo prosequere, atque ad animarum salutem, quæ est unicus finis ac scopus, utere, & vale.



FACULTAS ORDINARII.

Circa novissimas Additiones.

CUM novæ denuo Additiones copiosæ Theologico-Canonicæ ad nominatissimam ubique, & jam sæpius reimpressam *Theologiam Moralem* R. P. Anacleti Reiffenstuel Ord. Min. S. Francisci Reformatorum Lectoris Jubilati &c. ab Adm.

Rev. Patre Massæo Kreslinger ejusdem
Ordinis Lectore Jubilato, ac Provinciæ
Bavariæ Patre ter Emerito compositæ, a
Theologis, ad hoc specialiter deputatis,
perlectæ, ac summe laudatæ, nihil Or-
thodoxæ Fidei, aut bonis moribus con-
trarium contineant, sed potius Bono pu-
blico perutiles futuræ sint: ideo, ut pub-
licam Lucem videre possint, licentiam
& Facultatem concedimus, ac imperti-
mur. In quorum fidem præsentēs, a
Nobis subscriptas, & proprio Sigillo mu-
nitas dedimus, Frisingæ die 15. Maji
1741.

(L. S.)

JOS. LUDOVICUS Baro de
Welden, *Vicarius Ge-
neralis.*

LICEN-

LICENTIA.

Reverendissimi, & Eminentissimi S. R. E.
Cardinalis Laurentii Cozza &c. &c.
pro tunc Ministri Generalis
Ordinis.

*Fr. Laurentius &c. &c. dilecto Nobis P. Mas-
sao Kresslinger &c. Salutem &c.*

CUM juxta Apostolicas, nostrique Or-
dinis Constitutiones revisæ, & ap-
probatae fuerint *Additiones Theologico - Ca-
nonicae* ad Theologiam Moralem Rev. Pa-
tris Anacleti Reiffenstuel a te multo labo-
re, atque eruditione compositæ, & colle-
ctæ, ab aliis vero plurimis magna aviditate
desideratæ, & expectatæ, tenore præsen-
tium ad Salutaris Obedientiæ meritum ti-
bi Facultatem impertimur, quatenus ser-
vatis servandis easdem Typis dare, ac
publici Juris, & utilitatis facere valeas.
Vale. Datum in Nostro Conventu SS.
Crucifixi Nemoris 20. Octobris 1725.

Fr. LAURENTIUS a S. Laurentio
Minister Generalis &c. &c.



FACULTAS.

Moderni Reverendissimi P. Ministri Generalis &c.

FR. Cajetanus de Laurino Lector Jubilatus, Catholicæ Majestatis in Regali Congressu Matritensi pro Immaculata Conceptione B. V. Mariæ Theologus, ac totius Ordinis Fratrum Minorum S. P. N. Francisci Minister Generalis, Commissarius Visitator Apostolicus, & in Domino Servus. Dilecto nobis in Christo R. P. Fratri Massæo Kresslinger Nostræ Reformatæ Provinciæ Bavariæ Lectori Jubilato, & Patri Emerito &c. Salutem, & Seraphicam Benedictionem.

Cum juxta Apostolicas, nostrique Ordinis Constitutiones per idoneos Censores revisæ, & approbatæ fuerint Additiones quædam Theologiæ Moralis R. P. Anacleti Reiffenstuel a te compositæ. Harumstrarum vigore cum salutaris Obedientiæ merito tibi facultatem impertimur

mur, quatenus, servatis de jure servandis, illas Typis mandare possis, & valeas.
Data ex hoc nostro Conventu S. P. Francisci Gentiani die 27. Aprilis 1742.

Fr. CAJETANUS a S. Laurino
Minister Generalis.

De Mandato Reverendissimi in
Christo Patris Generalis &c.

Fr. JOANNES LAURENTIUS
a Roma Secretarius Generalis Ordinis.



CENSURA THEOLOGICA I.

Quanto in pretio habeatur *Theologia*
Moralis R. P. Anacleti Reiffenstuel,
Ord. Minor. S. Francisci Reformat. Theologi Jubilati &c. ex hoc solo dignoscere
licet, quod Eadem in Germania jam sæpius

pius sit Typis vulgata, non recensitis multis mille Exemplaribus Venetiis impressis, ac per Italiam, aliasque mundi partes copiose distractis. Et ut Opus istud, a Doctoribus summe æstimatum, cuivis etiam Tyroni Litterario magis deserviret, ab A. R. P. Massæo Kreslinger ejusdem Ordinis Lectore Jubilato, ac Provinc. Baviaræ Patre Emerito per variorum Casuum resolutiones ita adauctum fuit, ut in Doctrinæ soliditate, & clara tractandi Methodo haud dispar sit, ac si redivivus Auctor ipse manum apposuisset. Quapropter dignissimum censeo, ut Opus istud, sicuti illibate est conditum, ita in Legentibus multiplicem fructum ferat. Monachii 18. Augusti 1725.

Fr. THOMAS CANT. PRUGG-
MAYR, *Lector Jubilatus,*
& *Guardianus.*

CEN-



CENSURA THEOLOGICA II.

Additiones Theologico - Canonicas ad
Theologiam Moralem R. Patris Anacleti
 Reiffenstuel , Provinciæ Bavariæ Lecto-
 ris Jubilati, sæpius reimpressam, ab A. R.
 Patre Massæo Kreslinger Lectore Jubilato,
 ejusdem Provinciæ Patre Emerito com-
 positas , de Mandato Superiorum accu-
 rata perlegi deligentia. Quemadmodum
 autem tam solidæ ac perspicuæ Doctrinæ
 securitate , quam omnimoda cum Or-
 thodoxæ Fidei & morum principiis con-
 cordantia cum eximio illo Opere per om-
 nia perfectissime symbolizant , nec non
 ad exquisitam & facilem praxim in quo-
 tidianis, ac etiam extraordinariis casibus
 discutiendis manuducunt, ita dignissimas
 censeo, ut ad publicum Christianæ Rei-
 publi-

publicæ emolumentum, atque summam
Confessariorum consolationem publico
prælo committantur. Datum Frisingæ
20. Septembris 1725.

Fr. STANISLAUS KARG,
Ord. Minor. S. Fran-
cisci Reformat.

*Lector Jubilatus & Sacrorum
Canonum Actualis.*



CENSURA

THEOLOGICA II.

Pro Novissimis Additionibus.

Cum *Theologia Moralis* R. P. Anacleti
Reiffenstuel, Ordin. Fratrum Minor.
S. Francisci Almæ Provinciæ Bavarix Le-
ctoris Jubilati adeo a Doctis viris æstime-
tur, ut iterato intra terminum unius quin-
quennii, (id est ab anno 1737.) exem-
plaribus jam compluribus millibus distra-
ctis, & divenditis, de novo reimprimi
me-

mereatur: Boni communis, & rei Litterariæ sollicitus Adm. R. P. Massæus Kresslinger Lector Jubilatus, & hujus Almæ Provinciæ Bavariæ ter Emeritus Pater ac Diffinitor &c. quasdam adhuc novas (maxime de Materia Legum, Contractuum & Sacramentorum) Additiones annexuit, quas tanta claritate, & soliditate proponit, ut plane maximæ æstimationis pondus superaddituræ sint. Proinde dignissimum censeo hoc Opus, ut cum novis Additionibus ad communem utilitatem toti erudito orbi denuo appareat. Monachii 17. Junii 1741.

FR. THOMAS PRUGGMAYR,
Lector Jubilatus, & Provinciæ Pater.



CENSURA THEOLOGICA II.

Pro Novissimis Additionibus.

RElegi præsentibus novas Additiones ad Theologiam Moralem Reverendi Patris Anacleti Reiffenstuel, Lectoris Jubilati

lati &c. ab Adm. Rever. Patre Massæo
Kresslinger Lectore Jubilato, Provincia
Bavariæ Patre Emerito ac Diffinitore &c.
compositas : & quia easdem tam claritate,
quam solidæ doctrinæ securitate illis, ab
Eodem clarissimo Auctore in priori edi-
tione huic ubique terrarum notissimo
operi maxima utilitate insertis, similes
omnino inveni, dignissimas censeo, ut
hæ quoque novam, atque passim deside-
ratissimam prælaudati operis editionem
pro uberrima utriusque fori utilitate de-
nuo illustrent. Dabam Frisingæ 11. Ju-
nii 1741.

FR. STANISLAUS KARG,
Lector Jubilatus mpp.

PRÆ-



PRÆFATIO

AUCTORIS SECUN- DARUM ADDITIONUM.

3, **O**ffertur denuo
tuis oculis, Be-
nevole Lector,
Spectanda, Lustranda-
que, Theologia Moralis
R. P. Reiffenstuel toties
re-

recusa, ac ipso usu factis hucusque commendata. Ne tamen Ea velut antiqua displicere possit, novam ei formam addere constitui, non quod vetus haud arrideret, sed quod novitatis avido admodum Sæculo aliqua ex parte parendum esse censerem. Nihilominus non ita rerum novarum studio me abripi sum passus, ut oblivioni dederim, aut ab illo

illo sejunxerim utilitatis
vel ex ipsis recentiori-
bus quoque assertis eru-
endæ propositum. Ita-
que eo collineavere præ-
cipue tenues conatus
mei, ut nonnulla, etiam
ex Veterum Theologo-
rum Tractatibus, quæ
prioribus, a P. Anacleto
traditis Lucem afferre
possent, adderem, dein
aliqua nuper exorta dog-
mata, quæ minus cum
antiqua, receptaque do-
ctri-

ctrina convenire videntur, perstringerem, alia demum nostris temporibus a Supremo ac Sapientissimo Felicissime regnante Moderno Ecclesiæ Antistite BENEDICTO XIV. Saluberissime Decreta, ac Scripta, tam scitu digna, quam observatu necessaria haud omitterem. Eam ob rem sub principium operis immediate ante Tractatum de Actibus

bus Humanis collocavi
Constitutionem illam
longe celeberrimam, qua
quinque de Duello The-
ses Censura castigantur
vere Apostolica, & plu-
ra ordinantur Pruden-
tissime æque, ac San-
ctissime. Ex quibus
proprio inferius loco,
quæ ad praxin faciunt,
deducere adlaboravi.
Addita mea posteriora
asteriscus duplex ** præ-
missus semper, & post-

positus indicat, sicut
priora P. Massæi Kres-
linger astericus unus *
indigitat. Pariter ut
commodo legentium
confulerem magis, opus
totum in parvulos dispe-
scui Tomulos, seorsim
(si ita lubet) compin-
gendos, & manibus fa-
cilius terendos, secum-
que levi negotio portan-
dos. Hæc sunt, quæ
ista in editione maxime
sum molitus: si quid bo-
ni

ni mea industria ei accesserit, id mecum Deo omnis boni Auctori tribue : si mala quædam repereris, meæ adscribe imbecillitati, & pro tua benevolentia excusa, atque emenda.





CNSURA ORDINARIATUS Frisingensis:

Additiones Novissimas a Plurimum
Reverendo, Religiosissimo, ac Cla-
rissimo Domino Patre Dalmatio Kick,
Ord. Min. S. P. Francisci Reform. Le-
ctore Emerito, p. c. Provinciæ Bavaricæ
Ministro Provinciali, ad Theologiam Mo-
ralem A. R. P. Anacleti Reiffenstuel,
compositas, debita attentione perlegi,
quas non tantum Orthodoxæ fidei, &
bonis moribus, verum etiam SS, Pon-
tificum Constitutionibus, etiam novissi-
me editis, undequaque conformes, præ-
terea Doctrinas Solidas, Claras, ac sub-
tiles, succincta Methodo continentes,
Sacri Tribunalis Ministris præprimis
scitu

scitu necessarias, ac utilissimas, sicque
 præfatam Theologiam Moralem A. R. P.
 Anacleri Reiffenstuel aliunde jam ubique
 deprædicatam, magis adhuc illustrantes,
 ac commendantes inveni ; dignissimas
 proin judico, ut publicam Lucem quam-
 primum, ad perennem Plurimum Reve-
 rendi, ac Clarissimi Authoris famam, ac
 Laudem, aspiciant. Frisingæ 13. Maji,
 1754.

(L.S.)

JOSEPHUS SEBASTIANUS PLA-
 CIDUS de MARALT, SS. Theo-
 logiæ Doct̃or, Consiliarius Eccle-
 siasticus Actualis ; nec non insig-
 nis Colleg. ad S. Andream De-
 canus.



IMPRIMATUR.

(L. S.)

Eminentissimi, ac Serenissimi Sacrae
 Romanae Ecclesiae Cardinalis, Episco-
 pi Frisingensis, Ratisbonensis, & Leo-
 diensis, Sacri Romani Imperii Principis,
 Bavariae Ducis &c. &c. Consiliarius Inti-
 mus, Consilii Ecclesiastici Praeses, &
 per Diocesin Frisingensem in Spirituali-
 bus Generalis.

FRANCISCUS IGNATIUS
 ALBERTUS de WERDEN-
 STEIN, *Cathedralis Ecclesiae*
Canonicus Capitularis.

CEN-



CENSURA THEOLOGICA.

INfra scripti secundo perlegimus Additiones novissimas ab Admodum Reverendo Patre Dalmatio Kick, Ord. Min. S. P. Francisci Reform. Lectore Emerito, & pro Tempore Provinciæ Antoniano-Bavaricæ Ministro Provinciali, super Theologia Morali R. P. Anacleti Reiffenstuel compositas, in iisque adeo nihil invenimus aut Fidei Orthodoxæ, aut bonis moribus adversum, ut potius mira eruditione refertas, Constitutionibus SS. Pontificum, etiam recentissimis, omnino conformes, elegantissima in-

super claritate donatas, dignissimas pro-
in, quæ publici Juris fiant, repereri-
mus. Dedimus in Conventu Metropo-
litano Monachii ad S. Antonium de Pa-
dua die secunda Martii Anno Millesimo
septingentesimo quinquagesimo quarto,

Fr. DEOGRATIAS HÆRING,
*Lector Generalis, & SS. Ca-
nonum Actualis, nec non Pro-
vincia Diffinitor.*

Fr. ISAIAS WERCKMAISTER,
*Lector Emeritus, & Provincia
Diffinitor.*



AD
PROPOSITIONES
DAMNATAS

A SUMMIS PONTIFICIBUS
 INTRODUCTIO A. R. P. MASSÆI
 KRESSLINGER.

QUando legis aliquam Bullam Pontificiam, in qua damnantur certæ Propositiones, sæpius invenies, easdem reprobari tamquam *Laxas*, *Scandalosas*, *Temerarias*, *Erroneas*, *piarum aurium Offensivas*, *male Sonantes*, *suspectas*, *sapientes Hæresin*, *Hæresi proximas*, *Hæreticas*, *Blasphemias*, *Schismaticas* & *Seditiosas*; consultum igitur, ac valde proficuum reputavi, antequam ad ipsasmet similes Bullas deveniam, aliqualem horum terminorum explicationem præmittere. Itaque

Laxa dicitur aliqua Propositio, quæ in materia morum nimium relaxat Frænum libertati.

Scandalosa, quæ præbet occasionem ruinæ spiritualis, seu peccati; hincque etiam *Perniciosa* inticulatur.

Temeraria, quæ nullam pro se vere gravem, contra se vero firmissimas habet rationes.

Erronea, quæ contradicit alicui conclusioni Theologicæ, deductæ ex talibus duabus præmissis, quarum una est evidens, & altera de Fide.

Piarum Aurium offensiva, quæ in materia Religionis affert aliquid, si non falsum, saltem valde indecens.

Male sonans, quæ abutitur vocabulis contra communem sensum Fidelium.

Suspecta, quæ ex circumstantiis videtur innuere latentem Hæresin.

Hæresi proxima, quæ a plerisque censetur tanquam contraria Fidei saltem deductive.

Heretica, quæ formaliter & explicitè opponitur alicui articulo Fidei.

Blasphema, quæ continet injuriam contra DEUM, B. Virginem, aut Sanctos.

Schismatica, quæ nata est inducere scissionem inter caput Ecclesiæ, ejusque membra.

Seditiosa, quæ apta est excitare tumultum,

tum, & concitare subditos contra illos legitimos Superiores.

Impia, quæ pugnat contra Cultum, alias DEO, B. Virgini, vel Sanctis debitum.

Præterea multæ Propositiones solent damnari, prout jacent, id est, in eo sensu, quem verba habent secundum se, nimirum ut separata, ac præcisa ab alio contextu, forsan tales Propositiones in libro ipso, ex quo excerptæ sunt, per antecedentia vel subsequenta modificante. Aliæ vero Propositiones, uti Bajanae & Jansenianæ &c. reprobantur etiam in sensu ab Auctoribus earum in suis libris intento.

His prænotatis addendum est ulterius, Propositiones a diversis Pontificibus damnatas respicere Theologiam vel Mysticam, vel Dogmaticam, seu Polemicam, vel Speculativam, vel demum Moralem; ubi sciendum, quod *Theologia Mystica* dicatur ea facultas, quæ hominem ducit, ac instruit ad apicem perfectionis Evangelicæ, & ad intimam cum DEO (quantum in hac vita obtineri potest) unionem. *Theologia Dogmatica*, seu *Polemica* appellatur, quæ tractat controversias Fidei inter nos, & Heterodoxos agitas. *Theologia Speculativa*, seu *Scholastica* vocatur, quæ
spe-

speculativas præcipue quæstiones examinat
 e.g. de DEO Uno, & Trino, de Gratia, de
 Angelis, de Incarnatione Verbi Divini &c.
 deducendo varias Conclusiones partim
 ex principiis Fidei, partim ex ratione na-
 turali. Demum *Theologia Moralis* est illa,
 quæ ad actus humanos dirigendos, & ca-
 sus conscientiæ recte resolvendos ordina-
 tur. In præsentî, uti totam Theologiam
 Moralem subsequenter pluribus Additio-
 nibus augmentavi, ita prævie noxias, at-
 que a Summis Pontificibus rejectas doctri-
 nas in tres Paragraphos divisi: *Inprimis*
 ponendo propositiones damnatas a po-
 tiori concernentes statum perfectionis
 Evangelicæ, seu Theologiam Mysticam:
Secundo propositiones damnatas circa li-
 berum arbitrium, Gratiam Divinam, &
 Charitatem a potiori respicientes Theolo-
 giam Speculativam, & Dogmaticam, seu
 Polemicam: *Tertio* demum loco, pro-
 positiones damnatas a potiori spectantes
 ad materiam morum, seu Theologiam
 Moralem; ubi pariter sensus earum vel
 hic succincte declarabitur, vel ad illos
 Tractatus, Distinctiones, & Numeros,
 in quibus declaratae inveniuntur, fiet re-
 missio. His præscitis, sit

§. I.

Continens Propositiones damnatas a potiori concernentes statum internum Hominis, & Theologiam Mysticam.

D E C R E T U M.

**INNOCENTII
PAPÆ XI.**

Quo damnantur Propositiones 68.

Michaelis de Molinos.

Feria V. die 28. Aug. & iterum 19.

Nov. 1687.

AD abolendam perniciosissimæ hæresis pravitatem, quæ in plerisque mundi partibus non sine maximo Animarum discrimine invaluit, rigor debet Apostolicus excitari, ut Pontificiæ sollicitudinis auctoritate & providentia hæreticorum protervia in ipsis suæ falsitatis conatibus elidatur, & Catholicæ veritatis lumen in Ecclesia Sancta resplendens, eam ubique demonstrat ab omni execratione falsorum dogmatum expiatam. Cum igitur comperitum fuerit, quemdam *Michaelē de Molinos*

nos

nos perditionis filium, prava dogmata, tum verbis, tum scriptis passim docuisse, & in praxim deduxisse, quæ prætextu Orationis, Quietis, contra doctrinam & usum a SS. Patribus, ab ipsis Ecclesiæ nascentis primordiis receptum, fideles a vera Religione & a Christianæ pietatis puritate, in maximos errores, & turpissima quæque inducebant; Sanctissimus D. N. INNOCENTIUS Papa XI. cui cordi est, ut fidelium Animæ sibi ex alto commissæ, purgatis pravarum opinionum erroribus, ad optatum salutis portum tuto pervenire possint, pro re tam gravi, auditis pluries coram se Eminentissimis & Reverendissimis DD. Cardinalibus in tota Republica Christiana Generalibus Inquisitoribus, ac pluribus in Sacra Theologia Magistris, eorumque suffragiis, tum voce tum scripto susceptis, matureque perpensis, implorata etiam Sancti Spiritus assistentia, ad damnationem infra scriptarum Propositionum ejusdem Michaelis de Molinos, a quo fuerunt pro suis recognitæ, & de quibus Propositionibus tamquam a se dictatis, scriptis, communicatis & creditis, & ipse convictus, & respective confessus, devenire, ut infra; decrevit.

PRO-

PROPOSITIONES.

1. **N**Ecessarium est annihilari potentias;
& hæc est via interna.

2. Velle operari active, est offendere
DEUM, qui vult solus Agens esse; & ideo
necesse est derelinquere se in illo, & dein-
de se habere corporis mortui instar.

3. Vota faciendi aliquam rem sunt impe-
ditiva perfectionis.

4. Activitas naturalis est inimica gratiæ,
& impedit operationem DEI & veram per-
fectionem; quia Deus vult operari in no-
bis, sine nobis.

5. Anima nihil operando annihilat se,
& redit ad suum principium & ad suam ori-
ginem, quæ est essentia DEI, ubi manet
transformata, & divinizzata; & tunc DEUS
manet in seipso, quia tunc non sunt am-
plius duæ res unicæ, sed una sola; & sic vi-
vit, & regnat DEUS in nobis, & anima se
annihilat in esse operativo.

6. Interna via est illa, in qua non cogno-
scitur aut lumen, aut amor aut resignatio,
neque necessarium est cognoscere Deum,
& sic bene proceditur.

7. Non

7. Non debet anima cogitare aut præmium, aut pænam, aut Paradisum, aut infernum, aut mortem, aut æternitatem.

8. Non debet velle scire, an ambulet cum voluntate DEI, an sit resignata illi, vel non; nec est necesse, ut velit cognoscere suum statum, nec proprium nihilum sed sese habeat quasi corpus mortuum.

9. Non debet anima memor esse, vel sui ipsius, vel DEI, vel ullius rei, & in via interna omnis reflexio est nociva, etiam reflexio supra suas actiones humanas ac proprios defectus.

10. Si propriis defectibus aliquis scandalizat alterum, non est necesse ad id facere reflexionem, dummodo non sit voluntas scandalizandi; & non posse reflectere ad proprios defectus est donum DEI.

11. Ad dubia, quæ accidunt, rectene procedamus, an non, non est necessarium reflectere.

12. Qui dedit liberum arbitrium DEO, non debet curare de ullare, nec de Inferno, nec de Paradiso, nec de habendo desiderio suæ propriæ perfectionis, nec virtutum, nec propriæ Sanctitatis, nec propriæ Salutis, a cuius etiam spe se purgare debet.

13. Dum consignatum fuerit liberum arbitrium DEO, illi debet relinqui cura & cogitatio omnium rerum nostrarum, & permitti, ut in nobis sine nobis suum Divinum faciat velle.

14. Qui resignatus est Divinae voluntati, non debet a DEO quidquam petere, quia petere est imperfectio, cum sit actus propriae voluntatis & electionis, & est quodammodo velle, ut Divina voluntas nostrae se conformet, & non nostra voluntati Divinae: & illud, *Petite, & accipietis*, ex Evangelio non fuit dictum a Christo pro animabus internis, quae nolunt habere voluntatem; quin & istae eo deveniunt, ut non possint a DEO quidquam petere.

15. Unde, sicut nihil debent a DEO rogare, etiam non debent reddere illi gratias pro ulla re; quia utrumque est aequaliter actus propriae voluntatis.

16. Non oportet quærere Indulgentias pro poena debita peccatis propriis, quia melius est satisfacere Divinae iustitiae, quam quærere misericordiam; nam illud procedit ex puro DEI amore, & hoc ex amore, interessato, id est, personalis commodi nostri, & non est res grata DEO, nec

c

meri-

meritoria, quia est velle subterfugere crucem.

17. Ex quo traditum est DEO liberum arbitrium, cura etiam ac cogitatio animæ nostræ, non debent ulterius astimari tentationes, nec alia fieri illis resistentia nisi negativa, non utendo industria: & si natura inde patitur, necesse est illam sine-re pati, quia natura est.

18. Qui in oratione utitur imaginibus, figuris, speciebus, & propriis conceptibus, non adorat Deum *in spiritu & veritate*:

19. Qui amat Deum, prout illum ratio argumentando representat, aut intellectus comprehendit, non amat Deum verum.

20. Dicere, in oratione utendum discursu & cogitationibus tunc, cum Deus non loquitur animæ, est ignorantia: Deus non loquitur unquam, illius loqui est operari, semperque in anima operatur, dum ista suis discursibus, cogitationibus & operationibus eum non impedit.

21. In oratione manendum est in fide obscura & universali, cum quiete & oblivione omnis alterius cogitationis particularis, & distinctæ attributorum DEI & Trinitatis, atque standum in præsentia DEI ad eum adorandum, amandum, eique serviendum,

endum, verum sine productione ullorum actuum; Deus namque id genus rebus non delectatur.

22. Non est hæc cognitio fidei actus quispiam productus a creatura, sed cognitio quædam illi a Deo data, quam creatura non novit se habere, neque adeo postea scit se habuisse, idemque dicendum de amore.

23. Mystici cum S. Bernardo in *Scala Claustralium*, distinguunt quatuor gradus, Lectionem, Meditationem, Orationem, & Contemplationem infusam. Qui semper est in primo, nunquam transit ad secundum. Qui semper est in secundo, nunquam ad tertium pertingit, quæ est contemplatio nostra acquisita, ubi consistendum est tota vita, dummodo Deus non trahat animam, nihil tale expectantem, ad contemplationem infusam: & hac cessante redeundum est animæ ad gradum tertium, & eo consistendum, non amplius revertendo ad secundum aut primum.

24. Quantæcunque cogitationes inter orandum accidunt etiam impuræ, quin & contra Deum & Sanctos, contra Fidem & Sacramenta, si non voluntarie foveantur, neque actu aliquo voluntatis rejiciantur,

sed cum indifferentia & resignatione tolerantur, non impediunt orationem fidei: imo illam reddunt perfectiorem, quia anima magis est resignata voluntati Divinae.

25. Tamen si superveniat somnus & dormiatur, omnino tamen oratur & contemplatio fit actualiter; quia oratio & resignatio, resignatio & oratio, totum est idem; & quamdiu continuatur resignatio, utique etiam oratio continuatur.

26. Tres hae viæ, purgativa, illuminativa, & unitiva, ineptia est maxima, quæ unquam prolata sit in ipsa mystica, cum non sit nisi via unica, id est, via interna.

27. Qui desiderat, & amplectitur devotionem sensibilem, is nec desiderat, nec querit Deum, sed seipsum: quique per viam internam incedit, male facit eam desiderando, ac habere conando, sive in locis sacris, sive diebus solemnibus.

28. Bonum est tedium rerum spiritualium; quia sic ab amore proprio expurgamur.

29. Cum anima interna fastidit discursus de Deo & Virtutibus, manetque frigida, non sentiendo se ad fervorem accendi, bonum signum est.

30. Quidquid sensibile in vita spirituali per-

percipitur, illud omne abominabile est, sordidum & immundum.

31. Nemo meditativus exercet veras virtutes internas, quales non possunt cognosci a sensibus. Perdere oportet virtutes.

32. Nec ante, nec post Communionem alia opus est præparatione aut gratiarum actione (pro animabus hisce internis) quam ut se teneat in solita resignatione passiva; quia in hac invenitur amor, qui supplet modo perfectiori, quam omnes alii virtutum actus, qui fieri possunt, & fiunt in via ordinaria. Et si in hac occasione Communionis accendant motus humiliationis, petitionis aut gratiarum actionis, reprimi debent, quoties non cognoscuntur esse speciales Dei impulsus; aliter enim sunt impulsus naturæ nondum mortuæ.

33. Male facit anima, quæ via ista interna graditur, si diebus solemnibus facere velit conatum aliquem particularem ad habendum sensum devotionis; quia animabus internis omnes dies sunt pares, omnes festi: idemque est de locis sacris, cum omnia loca his animabus sint paria.

34. Deo gratias agere lingua & verbis non est animarum internarum, quarum

est in silentio se tenere, non præbentes Deo impedimentum, quo minus in iis operetur: & quanto amplius se Deo resignant, tanto magis experiuntur impotentiam dicendi *Pater noster*.

35. Animabus hujus vitæ internæ non convenit, ut faciant operationes etiam virtuosas ex propria electione & activitate; alioquin mortuæ non forent. Nec debent facere actus amoris erga D. Virginem, Sanctos, Humanitatem Christi; quia, cum hæc sint objecta sensibilia, talis est amor erga illa.

36. Nulla creatura, neque D. Virgo, nec Sancti, sedem habere debent in corde nostro; quia Deus solus vult occupare illud, & possidere.

37. In occasione tentationum etiam vehementium non debet anima facere actus explicitos virtutum oppositarum, sed tenere se in supradicto amore & resignatione.

38. Crux voluntaria mortificationum gravis est & sine fructu, ideoque omittenda.

39. Opera sanctissima, & austeritates, quas Sancti subierunt, non sufficiunt ad animam vel uno assultu liberandam.

40. B. Virgo nunquam opus aliquod externum fecit, & omnium Sanctorum fuit

fuit sanctissima: igitur perveniri potest ad sanctitatem sine opere externo.

41. Deus, ut nos humiliet, & ad veram transformationem pertingere faciat, permittit, & vult in animabus quibusdam perfectis, etiam non arreptitiis, ut dæmon operetur violentiam in earum corporibus, illasque committere faciat actus carnales, etiam in vigilia & sine mentis obfuscatione, movendo illis physice manus, aliaque membra contra earum voluntatem; & idem dicendum est in ordine ad alios actus per se peccaminosos: quo casu non sunt peccatum, quia non adest consensus.

42. Potest dari casus, quo hæ violentiæ ad actus carnales existant in eodem tempore ex parte duarum personarum, id est, viri & fæminæ, & consequatur actus ex parte amborum.

43. Deus temporibus præteritis faciebat Sanctos per medium tyrannorum: hodie eos facit per medium dæmonum; qui, dum illis causant dictas violentias, facit, ut ii magis se vilificent, annihilent in se ipsis, seque in Deo resignent.

44. Job blasphemavit, & tamen in eo non peccavit labiis suis; quia id fuit per violentiam dæmonis.

45. Sanctus Paulus passus est in suo corpore tales violentias dæmonis; unde scripsit: *Non quod volo bonum, hoc ago, sed quod nolo malum, hoc facio.*

46. Hæ violentiæ sunt medium magis proportionatum ad annihilandam animam, eamque promovendam ad veram transformationem & unionem: neque alia est via; estque via facilior & securior.

47. Cum hæ violentiæ accidunt, oportet, sinamus satanam agere, non utendo propria industria aut viribus, sed confistendo in nihilo nostro: ac tamen si accidunt pollutiones, actusque obscæni manibus procurati, atque etiam his magis insolita & peregrina, non opus est his inquietari, sed excludendi sunt scrupuli, dubia, timores: quia anima magis illuminata, robustiorque & candidior efficitur, & acquiritur sancta illa libertas. At imprimis non oportet ea confiteri, fitque sanctissime illa non confitendo, quia sic vincitur dæmon, & thesaurus quidam pacis obtinetur.

48. Satanas, qui facit tales violentias, suggerit deinde, esse graves defectus ad inquietandam animam, ut non progrediatur in via interna: unde ad tollendas illi

illi vires præstat ea non confiteri, quia ne quidem sunt peccata venialia.

49. Job per violentiam dæmonis faciebat pollutiones manibus suis eo ipso tempore, quo *mundas habebat ad Deum preces.* Ita interpretando in tali sensu textum quemdam *cap. 16. Job.*

50. David, Jeremias & multi e Prophetis sanctis patiebantur ejusmodi violentias harum impurarum operationum externarum.

§ 1. In Scriptura Sacra multa sunt exempla violentiarum ad actus externos peccaminosos, ut Samsonis, qui per violentiam occidit seipsum cum Philistæis, uxorem duxit alienigenam, fornicatus est cum Dalila meretrice; quæ alias erant res prohibitæ, & fuissent peccata: item Judith, quæ mentita est Holoferni, Elisei, qui pueris maledixit, Eliæ, qui igne consumpsit duos Duces cum cohortibus Regis Achab. An autem fuerit violentia facta immediate a Deo, vel dæmonis ministerio, ut in aliis accidit animabus, in dubio relinquitur.

§ 2. Quando hæ violentiæ, etiam impuræ, veniunt sine mentis offuscatione, tunc anima potest se unire Deo, & reipsa semper magis unitur.

53. Ad cognoscendum in praxi, an aliqua operatio in aliis personis fuerit violentia, regula, quam ea de re habeo, non solum est, quod protestentur hæ animæ se non consensisse, vel quod non possint jurare se consensisse, ac quod videamus esse animas, quæ profectum faciunt in via interna: sed præsertim me dirigo lumine quodam actuali, & quod superius est cognitione humana ac Theologica, quo cognosco certo cum interna securitate, operationem ejusmodi esse violentam: & hoc lumen certus sum venire a Deo, quia mihi venit conjunctum cum securitate, quod veniat a Deo, neque mihi vel umbram dubii in contrarium relinquit; eum in modum, quo interdum accidit, ut Deus revelando rem quampiam, eodem tempore animam securam reddat, se esse, qui eam revelationem facit, neque anima possit in contrarium dubitare.

54 Spirituales illi viæ ordinariæ in hora mortis se delusos & confusos invenient, cum omnibus passionibus in altero mundo expurgandis.

55. Per hanc viam internam pervenitur, etsi cum multa tolerantia, ad expurgationem & mortificationem omnium passionum

fionum, ita, ut nihil amplius sentiat, nihil
nihil plane, neque percipiat quis inquietu-
tudinem ullam perinde, ut corpus quod-
dam mortuum, neque anima se amplius
in diversa transferri sinat.

56. Duæ leges & duæ voluntates, alte-
ra animæ, altera amoris proprii, durant,
quamdiu amor proprius durat: unde, ubi
hic expurgatus & mortuus fuerit, uti fit
per viam internam, non amplius ibi sunt
illæ duæ leges, neque duæ voluntates, nec
ultra fit ulla subreptio, aut motus impro-
visus, neque aliquid porro sentitur, ne
unum quidem veniale peccatum.

57. Per contemplationē acquisitam per-
venitur ad statum non peccandi amplius,
seu mortaliter, seu venialiter.

58. Ad ejusmodi statum pervenitur,
non faciendo reflexionem ad operationes
proprias, quia defectus nascuntur ex re-
flexione.

59. Via interna separata est a Confessio-
ne, a Confessariis, & a Casibus conscien-
tiæ, a Theologia, & Philosophia.

60. Animabus proVectis, quæ reflexio-
nibus mori incipiunt, quin & eo, ut
mortuæ sint, jam pertingunt, Deus non-
nunquam impossibilem reddit Confessio-
nem,

nem, ipseque supplet tantundem ipsis largiendo gratiae præservantis, quantum reciperent ex Sacramento: ideoque his animabus non expedit eo casu Sacramentum poenitentiae accedere, quia non possunt.

61. Anima, cum ad mortem mysticam, pertingit, non potest ultra velle aliud, quam vult Deus; quia non habet amplius voluntatem, & Deus illam ipsi ademit.

62. Per viam internam pervenitur ad continue consistendum immobiliter in pace quadam imperturbabili.

63. Pervenitur etiam mediante via interna ad mortem sensuum; imo signum, quod quis in nihilo illo consistat, id est, mortuus sit morte mystica, est, si sensus externi non magis jam repræsentent res sensibiles, quam si non existerent; quandoquidem non efficiant, ut intellectus se iis applicet.

64. Theologus minus est dispositus, quam simplex & idiota, ad hoc, ut sit contemplativus. Primo, quia non habet fidem tam puram. Secundo, quia non est tam humilis. Tercio, quia non curat perinde de sua salvatione. Quarto, quia habet caput plenum phantasmatis, speciebus,

ciebus, opinionibus & speculationibus, & in eum nequit verum lumen intrare.

65. Superioribus obediri debet in exteriori, & latitudo voti Obedientiæ Religiosorum pertingit solummodo ad exterius: aliud est in interiori, quo solus Deus & Director intrant.

66. Risu digna est doctrina quædam nova in Ecclesia Dei, animam, ad interna quod attinet, gubernari debere per Episcopum, &, si is idoneus non fuerit, eundem animæ ab illo ad suum Directorem. Dico *novam*, quia nec Scriptura Sacra, nec Concilia, nec Canones, nec Bullæ, nec Sancti, nec Auctores unquam id dixerunt, neque dicere possunt; quia *Ecclesia non judicat de occultis*, habetque jus anima, ut eligat, quem maluerit.

67. Dicere, opus esse, ut internum manifestetur tribunali externo Superiorum, & esse peccatum, nisi fiat, ea est deceptio manifesta, quia *Ecclesia non judicat de occultis*, atque animabus suis damnum adferunt fraudibus hisce & fictionibus.

68. In mundo non est facultas, nec Jurisdictio ad mandandum, ut manifestentur litteræ Directoris circa internum animæ: & idcirco monitos esse oportet, esse hunc assultum quemdam satanæ. Quas

Quas quidem Propositiones tanquam hæreticas, suspectas, erroneas, scandalosas, blasphemias, piarum aurium offensivas, temerarias, Christianæ disciplinæ relaxativas & everivas, scandalosas respectivè, ac quæcunque super iis verbo, scripto vel typis emissa, pariter cum voto eorundem Fratrum nostrorum S. R. E. Cardinalium & Inquisitorum Generalium damnavimus, circumscripsimus, & abolevimus, deque eisdem & similibus omnibus & singulis posthac quoquo modo loquendi, scribendi, easque credendi, tenendi, docendi, aut in praxim reducendi facultatem quibuscunque interdiximus, & contrafacientes omnibus dignitatibus, gradibus, honoribus, beneficiis ipso facto perpetuo privavimus, & inhabiles ad quæcunque decrevimus, vinculoque etiam anathematis eo ipso innodavimus, a quo nisi a nobis & a Romanis Pontificibus Successoribus nostris valeant absolvi. Præterea eodem nostro Decreto prohibuimus, & damnavimus omnes Libros, omniaque Opera quocunque loco & idiomate impressa, nec non omnia Manuscripta ejusdem *Michaelis de Molinos*, vetuimusque, ne quis, cujuscunque gradus, conditionis

nis vel status, etiam speciali nota dignus, audeat sub quovis prætectu, quolibet pariter idiomate, sive sub iisdem verbis, sive sub æqualibus, sive absque nomine; seu ficto aut alieno nomine ea imprimere, vel imprimi facere, neque impressa, seu Manuscripta legere, vel apud se retinere, sed Ordinariis locorum, aut hæreticæ pravitatis Inquisitoribus statim tradere, & consignare teneatur sub eisdem poenis superius inflictis: qui Ordinarii & Inquisitores statim ea igni comburant, & comburi faciant.

Tandem, ut prædictus *Michael de Molinos*, ob hæreses, errores & turpia facta prædicta debitis poenis in aliorum exemplum & ipsius emendationem plecteretur, lecto in eadem nostra Congregatione toto processu, & auditis dilectis Consultoribus nostri sanctæ Inquisitionis Officii, in Sacra Theologia & in Jure Pontificio Magistris, cum eorundem Venerabilium Fratrum nostrorum S. R. E. Cardinalium unanimi voto, dictum *Michaelem de Molinos* tanquam reum convictum & confessum respective, & uti hæreticum formalem, licet poenitentem, in poenam arcti & perpetui carceris, & ad peragendas alias poenitentias salutares, prævia tamen abjurazione de
forma-

formali per ipsum emittenda, servato Juris ordine damnavimus, mandantes, ut die & hora præfigendis in Ecclesia sanctæ Mariæ supra Minervam hujus almæ urbis, præsentibus omnibus Venerabilibus Fratribus nostris S. R. E. Cardinalibus, & Romanæ Curiae nostræ Prælati, universoque populo ad id etiam per concessionem indulgentiarum convocando, ex alto tenor processus, stante in suggesto eodem *Michael de Molinos*, una cum sententia inde secuta legeretur. Et postquam idem *Michael de Molinos* habitu poenitentiae indutus prædictos errores & hæreses publice abjurasset, dedimus facultatem Dilecto Filio nostri sancti Officii Commissario, ut eum a censuris, quibus innodatus erat, in forma Ecclesiæ consueta absolveret: quæ omnia in executionem dictæ nostræ Ordinationis die 3. Septembris labentis solemniter adimpleta sunt.

Et licet supra narratum Decretum mandato nostro latum ad majorem Fidelium cautelam typis editum, publicis locis affixum, & divulgatum fuerit, nihilominus, ne hujus Apostolicæ damnationis memoria futuris temporibus deleri possit, utque popu-

populus Christianus Catholica veritate instructior per viam salutis incedere valeat, Prædecessorum nostrorum Summorum Pontificum vestigiis inhærentes, hæc nostra perpetuo valitura constitutione supradictum Decretum denuo approbamus, confirmamus, & debitæ executioni tradi mandamus, iterum supradictas Propositiones definitive damnantes, & reprobantes, Librosque & Manuscripta ejusdem *Michaelis de Molinos* prohibentes, & interdicentes sub eisdem pœnis & censuris contra transgressores latis & inflictis.

Decernentes insuper, præsentis litteras semper & perpetuo validas & efficaces existere, & fore, suosque plenarios integros effectus sortiri, & obtinere, sicque per quoscunque Judices ordinarios & delegatos, quavis auctoritate fungentes, & futuros ubique judicari, & definiri debere, sublata eis & eorum cuilibet quavis aliter judicandi, & interpretandi facultate & auctoritate, ac irritum & inane, quidquid secus super iis a quocunque, quavis auctoritate, scienter vel ignoranter contigerit attentari. Volumus autem, ut præsentium transumptis, etiam impressis, ma-

f

nu

nu Notarii publici subscriptis & sigillo aliqujus personæ in Dignitate Ecclesiastica constitutæ munitis, eadem fides prorsus adhibeatur, quæ ipsis originalibus litteris adhiberetur, si essent exhibitæ, vel ostensæ.

Nulli ergo omnino hominum liceat hanc paginam &c.



SANCTISSIMI D. N.

D. INNOCENTII
D. P. PAPÆ XII.

Damnatio & prohibitio Libri Parisiis Anno
1697. impressi, cui titulus:

*Explication des Maximes des
Sains sur la vie interieure &c.*

12. Martii 1699.

INNOCENTIUS PAPA XII.

Ad perpetuam rei memoriam.

CUM alias ad Apostolatus Nostri noticiam pervenerit, in lucem prodiiſſe librum quendam Gallico idiomate editum,
cui

cui titulus : *Explication des Maximes des Saints sur la vie interieure, par Messire Francois de Salignac Fenelon, Archeveque Duc de Cambray Præcepteur des Messeigneurs les Ducs de Bourgogne, d' Anjou, & de Berry. A Paris chez Pierre Abovin, Pierre Emery, Charles Cloussier 1697.* Ingens vero subinde de non sana libri hujusmodi doctrina excitatus in Galliis rumor adeo percrebuerit, ut opportunam pastoralis vigilantix nostræ opem efflagitaverit, nos eundem Librum nonnullis ex Venerabilibus Fratribus Nostreis S. R. E. Cardinalibus, aliisque in Sacra Theologia Magistris, mature, ut rei gravitas postulare videbatur, examinandum commisimus. Porro hi mandatis obsequentes, postquam in quamplurimis Congregationibus varias propositiones ex eodem libro excerptas diuturno, accurateque examine discusserant, quid super earum singulis sibi videretur, tam voce, quam scripto nobis exposuerunt. Auditis igitur in pluribus itidem coram nobis desuper actis Congregationibus memoratorum Cardinalium, & in Sacra Theologia Magistrorum Sententiis, Dominici Gregis nobis ab æterno Pastore crediti periculis, quantum nobis ex alto concedi-

tur, occurrere cupientes, motu proprio, ac ex certa scientia, & matura deliberatione nostris, deque Apostolicæ potestatis plenitudine, librum prædictum ubicunque & quocunque alio idiomate, seu quavis editione, aut versione hucusque impressum, aut impofterum imprimendum, quippe ex cujus lectione, & usu fideles sensim in errores ab Ecclesia Catholica jam damnatos induci possent, ac insuper tanquam continentem propositiones sive in obvio eorum verborum sensu, sive attenta sententiarum connexionione, temerarias, scandalosas, male sonantes, piarum aurium offensivas, in praxi perniciosas ac etiam erroneas respective tenore præsentium damnamus, & reprobamus, ipsiusque libri impressionem, descriptionem, lectionem, retentionem, & usum omnibus, & singulis Christi fidelibus etiam specifica, & individua mentione, & expressione dignis, sub pœna excommunicationis per contrafacientes ipso facto absque alia declaratione incurrenda, interdiciamus, & prohibemus: volentes, & Apostolica auctoritate mandantes, ut, qui unque supradictum librum penes se habuerint, illum statim, atque præsentem litteræ eis innotuerint,

tuerint, locorum Ordinariis, vel hæreticæ pravitatis Inquisitoribus tradere, ac consignare omnino teneantur. In contrarium facientibus non obstantibus quibuscunque. Cæterum propositiones in dicto libro contentæ, quas Apostolici censura judicii, sicut præmittitur, configendas duximus, ex Gallico idiomate in latinum versæ sunt tenoris, qui sequitur, videlicet:

1. Datur habitualis status amoris Dei, qui est charitas pura, & sine ulla admixtione motivi proprii interesse. Neque timor pœnarum, neque desiderium remunerationum habent amplius in eo partem. Non amatur amplius Deus propter meritum, neque propter felicitatem in eo amando inveniendam.

2. In statu vitæ contemplativæ, seu unitivæ amittitur omne motivum interessatum timoris, & spei.

3. Id, quod est essentialiale in directione animæ, est, non aliud facere, quam sequi pedetentim gratiam cum infinita patientia, præcautione, & subtilitate. Oportet se intra hos limites continere, ut sinatur Deus agere, & nunquam ad purum
f 3 amo-

amorem ducere, nisi quando Deus per unctionem interiorem incipit aperire Cor huic verbo, quod adeo durum est animabus adhuc sibi met affixis, quod adeo potest illas scandalizare, aut in perturbationem conjicere.

4. In statu sanctæ indifferentiæ anima non habet amplius desideria voluntaria, & deliberata propter suum interesse, exceptis iis occasionibus, in quibus toti suæ gratiæ fideliter non cooperatur.

5. In eodem statu sanctæ indifferentiæ nihil nobis, omnia Deo volumus. Nihil volumus, ut simus perfecti, & beati propter interesse proprium, sed omnem perfectionem, ac beatitudinem volumus, in quantum Deo placet efficere, ut velimus res istas impressione suæ gratiæ.

6. In hoc sanctæ indifferentiæ statu volumus amplius salutem, ut salutem propriam, ut liberationem æternam, ut mercedem nostrorum meritorum, ut nostrum interesse omnium maximum, sed eam volumus voluntate plena, ut gloriam, & beneplacitum Dei, ut rem, quam ipse vult, & quam nos vult velle propter ipsum.

7. Derelictio non est nisi abnegatio, seu
sui

fui ipsius renunciatio, quam IESUS CHRISTUS a nobis in Evangelio requirit, postquam externa omnia reliquerimus. Ista nostra ipsorum abnegatio non est, nisi quoad interesse proprium. Extremæ probationes, in quibus hæc abnegatio, seu sui ipsius derelictio exerceri debet, sunt tentationes, quibus DEUS æmulator vult purgare amorem, nullum ei ostendendo perfugium, neque ullam spem quoad suum interesse proprium, etiam æternum.

8. Omnia Sacrificia, quæ fieri solent ab animabus quam maxime disinteressatis circa earum æternam beatitudinem, sunt conditionalia. Sed hoc Sacrificium non potest esse absolutum in statu ordinario. In uno extremarum probationum casu hoc Sacrificium fit aliquo modo absolutum.

9. In extremis probationibus potest animæ invincibiliter persuasum esse persuasione reflexa, & quæ non est intimus conscientiæ fundus, se juste reprobata esse a Deo.

10. Tunc anima divisa a semetipsa expirat cum Christo in cruce dicens: DEUS, Deus meus, ut quid dereliquisti me. In

hac voluntaria impressione desperationis conficit Sacrificium absolutum sui interesse proprii quoad æternitatem.

11. In hoc statu anima amittit omnem spem sui proprii interesse, sed nunquam amittit in parte superiori, id est in suis actibus directis, & intimis spem perfectam, quæ est desiderium disinteressatum promissionum.

12. Director tunc potest huic animæ permittere, ut simpliciter acquiescat jacturæ sui proprii interesse, & justæ condemnationi, quam sibi a Deo indictam credit.

13. Inferior Christi pars in cruce non communicavit Superiori suas involuntarias perturbationes.

14. In extremis probationibus pro purificatione amoris fit quædam separatio partis superioris animæ ab inferiori. In ista separatione actus partis inferioris manant ex omnino cæca, & involuntaria perturbatione; nam totum, quod est voluntarium, & intellectuale, est partis superioris.

15. Meditatio constat discursivis actibus, qui a se invicem facile distinguuntur. Ista compositio actuum discursivorum, & reflexorum est propria exercitatio amoris interessati.

16. Da-

16. Datur status contemplationis adeo sublimis, adeoque perfectæ, ut fiat habitualis, ita ut quoties anima actu orat, sua oratio sit contemplativa, non discursiva. Tunc non amplius indiget redire ad meditationem, ejusque actus methodicos.

17. Animæ contemplativæ privantur intuitu distincto, sensibili, & reflexo JESU Christi duobus temporibus diversis. Primo in fervore nascente earum contemplationis. Secundo anima amittit intuitum JESU Christi in extremis probationibus.

18. In statu passivo exercentur omnes virtutes distincte non cogitando, quod sint virtutes. In quolibet momento aliud non cogitatur, quam facere id, quod Deus vult, & amor zelotypus simul efficit, ne quis sibi virtutem velit, nec unquam sit adeo virtute præditus, quam cum virtuti amplius affixus non est.

19. Potest dici in hoc sensu, quod anima passiva, & disinteressata nec ipsum amorem vult amplius, quatenus est sua perfectio, & sua felicitas, sed solum quatenus est id, quod Deus a nobis vult.

20. In confitendo debent animæ transformatae sua peccata detestari, & condemnare se, & desiderare remissionem suorum

rum peccatorum, non ut propriam purificationem, & liberationem, sed ut rem, quam Deus vult, & vult nos velle propter suam gloriam.

21. Sancti Mystici excluderunt a statu animarum transformatarum exercitationes virtutum.

22. Quamvis hæc doctrina (*de puro amore*) esset pura, & simplex perfectio Evangelica, in universa traditione designata, antiqui Pastores non proponebant passim multitudini iustorum, nisi exercitia amoris interessati eorum gratiæ proportionata.

23. Purus amor ipse solus constituit totam vitam interiorem, & tunc evadit unicum Principium, & unicum motivum omnium actuum, qui deliberati, & meritorii sunt.

Non intendimus tamen per expressam propositionum huiusmodi reprobationem alia in eodem libro contenta ullatenus approbare. Ut autem eadem præsentis litteræ omnibus facilius innotescant, nec quisquam illarum ignorantiam valeat allegare, volumus pariter, & auctoritate præfata decernimus, ut illæ ad valvas Basilicæ Principis Apostolorum, ac Cancellariæ Apostolicæ, nec non Curiae Generalis

neralis in Monte Citatorio & in acie campi Floræ de Urbe per aliquem ex Cursoribus nostris, ut moris est, publicentur, illarumque exempla ibidem affixa relinquantur, ita, ut sic publicatæ omnes, & singulos, quos concernunt, perinde afficiant, ac si unicuique illorum personaliter notificatæ, & intimatæ fuissent: utque ipsarum præsentium litterarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in judicio, quam extra illud ubique locorum habeatur, quæ ipsis præsentibus haberetur, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die XII. Martii MDCXCIX. Pontificatus Nostri Anno Octavo.

J. F. CARD. ALBANUS.

*Anno a Nativitate D. N. JESU Christi
1699. Indictione 7. die vero 12. Mensis Martii, Pontificatus autem Sanctissimi in Christo Patris, & D. N. D. Innocentii, Divina Providentia Papæ XII. anno ejus octavo supradictum Breve affixum, & publicatum fuit ad
valvas*

valvas Basilicae Principis Apostolorum, Magnae Curiae Innocentianae, in acie Campi Florae, ac aliis locis solitis, & consuetis Urbis per me Franciscum Perinum, ejusdem SS. D. N. Papae Cursorem.

COROLLARIUM,

In quo succincte explicantur allegata Propositiones.

DEduces ex lectione harum propositionum, quod ea potissimum damnata fuerint propterea, quia vel ex pessimis principiis animam via perfectissima, nimirum unitiva, deditam posuerunt in mera quiete, seu in statu mere passivo, vel saltem ab eadem, culmen perfectionis attingente, excluderunt exercitium aliquarum virtutum, praesertim Spei, quasi vero impossibilis cum excellenti gradu perfectionis Evangelicae, cum tamen SS. PP. & Theologi communissime Spem principalibus virtutibus nimirum Theologicis semper annumeraverint, uti & exercitium aliarum virtutum summo opere recommendaverint. Vide Tractat. 4. Dist. 6. num. 9. & sequenti Additione. Item alium a me editum Libellum succincta Declaratio &c. inticulatum cap. 1.



§. II.

COMPREHENDENS.

*Propositiones damnatas circa Libe-
rum Arbitrium, Gratiam Divinam, & Cha-
ritatem, Merita ac Demerita &c. a po-
tiori respicientes Theologiam Specula-
tivam & Dogmaticam.*

PROPOSITIONES XLI.

Martini Lutheri An. 1520. dam-
natæ a LEONE X. per Bullam.

Exurge Domine &c.

1. **H**æretica sententia est, sed usitata,
Sacramenta novæ legis justifican-
tem gratiam illis dare, qui non ponunt
obicem.

2. In puero post Baptismum negare re-
manens peccatum, est Paulum & Chri-
stum simul conculcare.

3. Fo-

3. Fomes peccati etiamsi nullum adfic
actuale peccatum, moratur exeuntem a
corpore animam ab ingressu coeli.

4. Imperfecta charitas morituri fert se-
cum necessario magnum timorem, qui
se solo satis est facere poenam Purgatorii,
& impedit introitum regni.

5. Tres esse partes Poenitentiae, Con-
tritionem, Confessionem & Satisfactio-
nem, non est fundatum in Sacra Scriptu-
ra, nec in antiquis SS. Christianis Do-
ctoribus.

6. Contritio, quæ paratur per discussio-
nem, collationem & detestationem pec-
catorum, qua quis recogitat annos suos
in amaritudine animæ suæ, ponderando
peccatorum gravitatem, multitudinem,
foeditatem, amissionem æternæ beatitu-
dinis, ac æternæ damnationis acquisitio-
nem, hæc contritio facit hypocritam,
imo magis peccatorem.

7. Verissimum est proverbium, & om-
nium doctrina de contritionibus hucus-
que data præstantius, de cætero non fa-
cere, summa poenitentiae: optima poe-
nitentia nova vita.

8. Nullo modo præsumas confiteri pec-
cata

cata venialia, sed nec omnia mortalia, quia impossibile est, ut omnia mortalia cognoscas: unde in primitiva Ecclesia solum manifesta mortalia confitebantur.

9. Dum volumus omnia pure confiteri, nihil aliud facimus, quam quod misericordiæ DEI nolumus relinquere ignoscendum.

10. Peccata non sunt ulli remissa; nisi remittente Sacerdote credat sibi remitti: imo peccatum inaneret, nisi remissum crederet, non enim sufficit remissio peccati & gratiæ donatio, sed oportet etiam credere esse remissum.

11. Nullo modo confidas absolvi propter tuam contritionem, sed propter verbum Christi, *Quodcunque solveris &c.* Hinc, inquam, confide, si Sacerdotis obtinueris absolutionem, & crede fortiter te absolutum, & absolutus vere eris, quidquid sit de contritione.

12. Si per impossibile confessus non esset contritus, aut Sacerdos non serio, sed joco absolveret, si tamen credat se absolutum, verissime est absolutus.

13. In Sacramento Pœnitentiæ ac remissione culpæ non plus facit Papa aut Episcopus, quam infimus Sacerdos, imo,
ubi

ubi non est Sacerdos, æque tantum quilibet Christianus, etiamsi mulier aut puer esset.

14. Nullus debet Sacerdoti respondere, se esse contritum, nec Sacerdos requirere.

15. Magnus est error eorum, qui ad Sacramenta Eucharistiæ accedunt, huic innixi, quod sint confessi, quod non sint sibi conscii alicujus peccati mortalis, quod præmiserint orationes suas & præparatoria, omnes illi ad judicium sibi manducant, & bibunt: sed, si credant, & confidant, se gratiam ibi consecuturos, hæc sola fides facit eos puros & dignos.

16. Consultum videtur, quod Ecclesia in communi Concilio statueret, laicos sub utraque specie communicandos: nec Bohemi sub utraque specie communicantes sunt hæretici, sed schismatici.

17. Thesauri Ecclesiæ, unde Papa dat Indulgentias, non sunt merita Christi & Sanctorum.

18. Indulgentiæ sunt piæ fraudes fidelium, & remissiones bonorum operum, & sunt de numero eorum, quæ licent, & non de numero eorum, quæ expediunt.

19. Indulgentiæ his, qui veraciter eas consequuntur, non valent ad remissionem

nem pœnæ pro peccatis actualibus debitæ apud Divinam Justiciam.

20. Seducuntur credentes, Indulgentias esse salutes, & ad fructum Spiritus utiles.

21. Indulgentiæ necessariæ sunt solum publicis criminibus, & proprie conceduntur duris solummodo & impatientibus.

22. Sex generibus hominum indulgentiæ nec sunt necessariæ, nec utiles: videlicet mortuis seu morituris, infirmis, legitime impeditis, his, qui non commiserunt crimina, his, qui crimina commiserunt, sed non publica, his, qui meliora operantur.

23. Excommunicationes sunt tantum externæ pœnæ, nec privant hominem communibus spiritualibus Ecclesiæ orationibus.

24. Docendi sunt Christiani plus diligere excommunicationem, quam timere.

25. Romanus Pontifex Petri Successor non est Christi Vicarius super omnes totius mundi Ecclesias ab ipso Christo in B. Petro institutus.

26. Verbum Christi ad Petrum: *Quodcumque solveris super terram &c.* extenditur duntaxat ad ligata ab ipso Petro.

g

27. Cer-

27. Certum in manu Papæ, aut Ecclesiæ prorsus non esse statuere articulos Fidei, imo nec leges morum seu bonorum operum.

28. Si Papa cum magna parte Ecclesiæ sic vel sic sentiret, nec etiam erraret, adhuc non est peccatum, aut hæresis contrarium sentire, præsertim in re non necessaria ad salutem, donec fuerit per Concilium universale alterum reprobatum, alterum approbatum.

29. Via nobis facta est enervandi auctoritatem Conciliorum, & libere contradicendi eorum gestis, & judicandi eorum decreta, & confidenter confitendi, quidquid verum videtur, sive probatum fuerit, sive reprobatum a quocunque Concilio.

30. Aliqui articuli Joannis Hufs condemnati in Concilio Constantiensi sunt christianissimi, verissimi, & evangelici, quos nec universalis Ecclesia posset damnare.

31. In omni opere bono justus peccat.

32. Opus bonum optime factum, est veniale peccatum.

33. Hæreticos comburi, est contravoluntatem Spiritus.

34. Præ-

34. Præliari adversus Turcas est repugnare Deo visitanti iniquitates nostras per illos.

35. Nemo est certus, se non semper peccare mortaliter, propter occultissimum superbiæ vitium.

36. Liberum arbitrium post peccatum est res de solo titulo; & dum facit, quod in se est, peccat mortaliter.

37. Purgatorium non potest probari ex S. Scriptura, quæ sit in Canone.

38. Animæ in purgatorio non sunt securæ de earum salute, saltem omnes; nec probatum est ullis aut rationibus aut Scripturis, ipsas esse nec extra Statum merendi, aut agenda charitatis.

39. Animæ in purgatorio peccant sine intermissione, quamdiu quarunt requiem, & horrent pœnas.

40. Animæ ex purgatorio liberatæ suffragiis viventium minus beantur, quam si per se satisfecissent.

41. Prælati Ecclesiastici & Principes sæculares non male facerent, si omnes saccos mendicitatis delerent.



PROPOSITIONES LXXIX.

Michaelis Baji, & aliorum damnatae a S. PIO V. per Constitutionem:

Ex omnibus, & a GREGORIO XIII. per Bullam Provisionis nostrae.

P IUS Episcopus Servus Servorum DEI.
 Ad perpetuam rei memoriam. *Ex omnibus afflictionibus, quas in hoc loco a Domino constituti tam luctuoso tempore sustinemus, ille animum Nostrum praecipue excruciat dolor, quod Religio Christiana tantis jam pridem turbinibus agitata, novis quotidie propositis opinionibus conflictetur, Christiique populus, antiqui hostis suggestionem dissectus, in alios atque alios errores passim & promiscue deferatur. Quantum vero ad Nos attinet, totis viribus conamur, ut illi simul atque prosiliunt, penitus opprimantur: magno enim maerore afficimur, quod plerique spectata aliquin probitatis & doctrina, in varias sententias, offensionis & periculi plenas, tum verbo,*
tum

tum scriptis prorumpunt, deque eis etiam in scholis invicem controversantur, cujusmodi sunt sequentes:

1. Nec Angeli, nec primi hominis adhuc integri merita recte vocantur Gratia.
2. Sicut opus malum ex natura sua est mortis æternæ meritorium, sic bonum opus ex natura sua est vitæ æternæ meritorium.
3. Et bonis Angelis & primo homini, si in statu illo permansissent usque ad ultimum vitæ, felicitas esset merces, & non gratia.
4. Vita æterna homini integro & Angelo promissa fuit intuitu bonorum operum, & bona opera ex lege naturæ ad illam consequendam per se sufficiunt.
5. In promissione facta Angelo & primo homini continetur naturalis justitiæ constitutio, qua pro bonis operibus, sine alio respectu, vita æterna justis promittitur.
6. Naturali lege constitutum fuit homini, ut, si in obedientia perseveraret, ad eam vitam pertransiret, in qua mori non posset.
7. Primi hominis integri merita fue-

runt primæ creationis munera, sed juxta modum loquendi Scripturæ Sacræ non recte vocantur gratiæ; quo fit, ut tantum merita, non etiam gratiæ debeant nuncupari.

8. In redemptis per gratiam Christi nullum inveniri potest bonum meritum, quod non sit gratis indigno collatum.

9. Dona concessa homini integro & Angelo, forsitan non improbanda ratione possunt dici Gratia, sed quia secundum usum Scripturæ nomine gratiæ tantum ea munera intelliguntur, quæ per Jesum male merentibus & indignis conferuntur, ideo neque merita, nec merces, quæ illis redditur, gratia dici debet.

10. Solutionem pœnæ temporalis, quæ peccato dimisso sæpe manet, & corporis resurrectionem proprie nonnisi meritis Christi adscribendam esse.

11. Quod pie & juste in hac vita mortali usque in finem conversati vitam consequimur æternam, id non proprie gratiæ DEI, sed ordinationi naturali statim initio creationis constitutæ justo DEI judicio deputandum est; nec in hac retributione bonorum ad Christi meritum respicitur, sed tantum ad primam institutio-

uem

nem generis humani, in qua lege naturali institutum est, ut justo DEI judicio Obedientiæ mandatorum vita æterna reddatur.

12. Pelagii sententia est: Opus bonum citra gratiam adoptionis factum non est Regni coelestis meritorium.

13. Opera bona a filiis adoptionis facta non accipiunt rationem meriti ex eo, quod fiunt per Spiritum adoptionis, inhabitantem corda filiorum DEI, sed tantum ex eo, quod sunt conformia legi, quodque per ea præstatur obedientia legi.

14. Opera bona justorum non accipient in die judicii extremi ampliorem mercedem, quam justo DEI judicio mererentur accipere.

15. Dicit, rationem meriti non consistere in eo, quod, qui bene operatur, habeat gratiam & inhabitantem Spiritum Sanctum, sed in eo solum, quod obedit divinæ legi: quam sententiam sæpius repetit, & multis rationibus probat fere toto libro.

16. In eodem libro sæpius repetit, quod non est vera legis obedientia, quæ fit sine charitate.

17. Dicit, sentire cum Pelagio: qui dicunt esse necessarium ad rationem meriti,

ti, ut homo per gratiam adoptionis sublimetur ad statum Deificum.

18. Dicit, opera Catechumenorum, ut fidem & pœnitentiam ante remissionem peccatorum factam, esse vitæ æternæ merita, quam vitam non consequentur Catechumeni, nisi prius præcedentium delictorum impedimenta tollantur.

19. Videtur insinuare, quod opera iustitiæ & temperantiæ, quæ Christus fecit, ex dignitate personæ operantis non traxerint majorem valorem.

20. Nullum est peccatum ex natura sua veniale, sed omne peccatum meretur pœnam æternam.

21. Humanæ naturæ sublimatio & exaltatio in consortium divinæ naturæ debita fuit integritati primæ conditionis, & proinde naturalis dicenda est, non supernaturalis.

22. Cum Pelagio sentiunt, qui textus Apostoli ad Rom. 2. *Gentes, quæ legem non habent, naturaliter, quæ legis sunt, faciunt*, intelligunt de Gentibus, Fidei gratiam non habentibus.

23. Absurda est eorum sententia, qui dicunt, hominem ab initio dono quodam supernaturali, gratuitoque supra conditionem
natu-

naturæ fuisse exaltatum, ut Fide, Spe, Charitate DEUM supernaturaliter coleret.

24. A vanis & otiosis hominibus secundum insipientiam Philosophorum excogitata est sententia, hominem ab initio sic constitutum, ut per dona naturæ superaddita fuerit largitate Conditoris sublimatus, & in DEI filium adoptatus.

25. Omnia opera Infidelium sunt peccata, & Philosophorum virtutes sunt vitia.

26. Integritas primæ creationis non fuit indebita humanæ naturæ exaltatio, sed naturalis ejus conditio; quam sententiam repetit, & probat per plura Capitula.

27. Liberum arbitrium sine gratiæ DEI adjutorio, nonnisi ad peccandum valet.

28. Pelagianus est error, dicere, quod liberum arbitrium valet ad ullum peccatum vitandum.

29. Non solum fures ii sunt & latrones, qui Christum viam, ostium, veritatis & vitæ negant; sed etiam quicumque aliunde, quam per Christum in viam justitiæ, hoc est, ad aliquam justitiam conscendi posse dicunt.

30. Aut qui docent, tentationi ulli sine gratiæ ipsius adjutorio resistere homi-

nem posse, sic, ut in eam non inducatur, aut ab ea superetur.

31. Charitas perfecta & sincera, quæ est ex corde puro & conscientia bona, & fide non ficta, tam in Catechumenis, quam in poenitentibus potest esse sine remissione peccatorum.

32. Charitas illa, quæ est plenitudo legis, non est semper conjuncta cum remissione peccatorum.

33. Catechumenus juste, recte, & sancte vivit, & mandata DEI observat, ac legem implet per charitatem, ante obtentam remissionem peccatorum, quæ in Baptismi lavacro demum percipitur.

34. Distinctio illa duplicis amoris naturalis videlicet, quo DEUS amatur ut Auctor naturæ, & gratuiti, quo DEUS amatur ut Beatificator, vana est, commentitia, ad illudendum Sacris Litteris & plurimis Veterum testimoniis excogitata.

35. Omne, quod agit peccator vel servus peccati, peccatum est.

36. Amor naturalis, qui ex viribus naturæ exoritur, ex sola Philosophia per elationem præsumptionis humanæ cum injuria Crucis Christi defenditur a nonnullis Doctoribus.

37. Cum

37. Cum Pelagio sentit, qui bonum aliquod naturale, hoc est, quod ex naturæ solis viribus ortum ducit, agnoscit.

38. Omnis amor Creaturæ rationalis, aut vitiosa est cupiditas, qua mundus diligitur, quæ a Joanne prohibetur: aut laudabilis illa charitas, qua per Spiritum Sanctum in corde diffusa DEUS amatur.

39. Quod voluntarie fit, etiamsi necessitate fiat, libere tamen fit.

40. Suis actibus peccator servit dominanti cupiditati.

41. Is libertatis modus, qui est a necessitate, sub libertatis nomine non reperitur in Scripturis, sed solum nomen libertatis a peccato.

42. Justitia, qua justificatur per fidem impius, consistit formaliter in obedientia mandatorum, quæ est operum justitia, non autem in gratia aliqua animæ infusa; qua adoptatur homo in filium DEI, & secundum interiorem hominem renovatur, ac Divinæ naturæ consors efficitur. ut sic per Spiritum Sanctum renovatus deinceps bene vivere, & DEI mandatis obedire possit.

43. In hominibus pœnitentibus ante Sacramentum Absolutionis, & in Catechu-

chumenis ante Baptismum est vera justificatio, separata tamen a remissione peccatorum.

44. Operibus plerisque, quæ a fidelibus fiunt, ut mandatis DEI pareant, cujusmodi sunt, obedire parentibus, depositum reddere, ab homicidio, a furto, a fornicatione abstinere, justificantur quidem homines, quia sunt legis obedientia & vera legis justitia, non tamen ii obtinent incrementa virtutum.

45. Sacrificium Missæ non alia ratione est Sacrificium, quam generali illa, qua omne opus, quod fit, ut sancta societate DEO homo inhæreat.

46. Ad rationem & definitionem peccati non pertinet voluntarium, nec definitionis quæstio est, sed causæ & originis, utrum omne peccatum debeat esse voluntarium.

47. Unde peccatum originis vere habet rationem peccati sine ulla relatione ac respectu ad voluntatem, a qua originem habuit.

48. Peccatum originis est habituali parvuli voluntate voluntarium, & habitualiter dominatur parvulo, eoquod non gerit contrarium voluntatis arbitrium.

49. Et ex habituali voluntate dominante fit, ut parvulus decedens sine regenerationis Sacramento, quando usum rationis consecutus erat, actualiter DEUM odio habeat, DEUM blasphemet, & legi DEI repugnet.

50. Prava desideria, quibus ratio non consentit, & quæ homo invitus patitur, sunt prohibita præcepto: *Non concupisces.*

51. Concupiscentia, sive lex membrorum, & prava ejus desideria, quæ inviti sentiunt homines, sunt vera legis inobedientia.

52. Omne scelus ejus est conditionis, ut suum Auctorem, & omnes posteros eo modo inficere possit, quo infecit prima transgressio.

53. Quantum est ex vi transgressionis, tantum meritorum malorum a generante contrahunt, qui cum minoribus nascuntur vitiis, quam qui cum majoribus.

54. Definitiva hæc sententia, DEUM homini nihil impossibile præcepisse, falso tribuitur Augustino, cum Pelagii sit.

55. DEUS non potuisset ab initio talem creare hominem, qualis nunc nascitur.

56. In peccato duo sunt, actus, & reatus:

tus: transeunte autem actu, nihil manet, nisi reatus, sive obligatio ad pœnam.

57. Unde in Sacramento Baptismi aut Sacerdotis Absolutione proprie reatus peccati duntaxat tollitur, & ministerium Sacerdotum solum liberat a reatu.

58. Peccator pœnitens non vivificatur ministerio Sacerdotis absolventis, sed a solo DEO, qui pœnitentiam suggerens & inspirans, vivificat eum, & resuscitat, ministerio autem Sacerdotis solum reatus tollitur.

59. Quando per eleemosynas, aliaque opera DEO satisfacimus pro pœnis temporalibus, non dignum pretium DEO pro peccatis nostris offerimus, sicut quidam errantes autumant (nam alioquin essemus saltem aliqua ex parte redemptores) sed aliquid facimus, cujus intuitu Christi satisfactio nobis applicatur, & communicatur.

60. Per passiones Sanctorum in Indulgentiis communicatas non proprie redimuntur nostra delicta, sed per communionem charitatis nobis eorum passiones impertiuntur, ut digni simus, qui pretio Sanguinis Christi a pœnis pro peccatis debitis liberemur.

61. Celebris illa Doctorum distinctio, divinæ legis mandata bifariam impleri: altero modo, quantum ad præceptorum operum substantiam tantum: altero, quantum ad certum quemdam modum, videlicet secundum quem valeant operantem perducere ad Regnum æternum (hoc est, ad modum meritorum) commentitia est, & explodenda.

62. Illa quoque distinctio, qua opus dicitur bifariam bonum, vel quia ex objecto & omnibus circumstantiis rectum est & bonum (quod moraliter bonum appellari consuevit) vel quia est meritorium Regni æterni, eoquod fit a vivo Christi membro per Spiritum Charitatis, rejicienda est.

63. Similiter & illa distinctio duplicis Justitiæ: alterius, quæ fit per Spiritum Charitatis inhabitantem, alterius, quæ fit ex inspiratione quidem Spiritus Sancti, cor ad poenitentiam excitantis, sed nondum cor inhabitantis, & in eo charitatem diffundentis, qua divinæ legis justificatio impleatur, odiosissima & pertinacissima rejicitur.

64. Denique & illa distinctio duplicis vivificationis: alterius, qua vivificatur pec-

peccator, dum ei pœnitentia & vitæ novæ propositum, & inchoatio per DEI gratiam inspiratur; alterius, qua vivificatur, qui vere justificatur, & palmes vivus in Vite Christo efficitur, commenticia judicatur, & Scripturis minime congruens.

65. Nonnisi Pelagiano errore admitti potest usus aliquis liberi arbitrii bonus, sive non malus, & gratiæ Christi injuriam facit, qui ita sentit, & docet.

66. Sola violentia repugnat libertati hominis naturali.

67. Homo peccat etiam damnabiliter in eo, quod necessario facit.

68. Infidelitas pure negativa in his, quibus Christus non est prædicatus, peccatum est.

69. Justificatio impii fit formaliter per obedientiam legis, non autem per occultam communicationem & inspirationem gratiæ, quæ per eam justificados facit implere legem.

70. Homo existens in peccato mortali, sive in reatu æternæ damnationis, potest habere veram charitatem, & charitas etiam perfecta potest consistere cum reatu æternæ damnationis.

71. Per contritionem etiam cum charitate perfecta, & cum voto suscipiendi Sacramentum conjunctam, non remittitur crimen (extra casum necessitatis, aut martyrii) sine actuali susceptione Sacramenti.

72. Omnes omnino justorum afflictiones sunt ultiones peccatorum ipsorum: unde Job & Martyres, quæ passi sunt, propter sua peccata passi sunt.

73. Nemo præter Christum est absque peccato originali; hinc Beata Virgo mortua est propter peccatum ex Adam contractum, omnesque ejus afflictiones in hac vita, sicut aliorum justorum, fuerunt ultiones peccati actualis vel originalis.

74. Concupiscentia in renatis relapsis in peccatum mortale, in quibus jam dominatur, peccatum est, sicut & alii habitus pravi.

75. Motus pravi concupiscentiæ sunt, pro statu hominis vitiati, prohibiti præcepto: *Non concupisces*; unde homo eos sentiens transgreditur præceptum: *Non concupisces*; quamvis transgressio in peccatum non deputeretur.

h

76. Quam-

76. Quamdiu aliquid concupiscentiæ carnalis in diligente est, non facit præceptum: *Diliges Dominum DEUM tuum ex toto corde tuo.*

77. Satisfactiones laboriosæ Justificarum non valent expiare de condigno poenam temporalem, restantem post culpam condonatam.

78. Immortalitas primi hominis non erat gratiæ beneficium, sed naturalis conditio.

79. Falsa est Doctorum sententia, primum hominem potuisse a DEO creari, & institui sine iustitia naturali.

Quas quidem sententias stricto coram Nobis examine ponderatas, quamquam nonnullæ aliquo pacto sustineri possent, in rigore & proprio verborum sensu ab Assertoribus intento, hæreticas, erroneas, suspectas, temerarias, scandalosas, & in pias aures offensionem immituentes, respectivè ac quacumque super iis, verbo, scriptoque emissæ præsentium Auctoritate damnamus, circumscribimus & abolemus, deque eisdem & similibus posthac, quocumque pacto loquendi, scribendi, & disputandi facultatem quibuscumque interdiciamus. Qui secus fecerint, ipsos omnibus dignitatibus, gradibus, hono-

honoribus, beneficiis, & officiis perpetuo privamus, ac etiam inhabiles ad quacumque discernimus, vinculo quoque anathematis eo ipso innodamus, a quo nullus Romano Pontifice inferior valet ipsos, excepto mortis articulo, liberare. Caterum, ut jam commoti his de rebus tumultus, & contracta odia facilius comprimi possint, simulque animarum saluti plenius consulatur, Dilecto Filio Nostro Antonio tituli S. Bartholomaei in Insula Presbytero Cardinali Granvelano nuncupato, per Apostolica Scripta mandamus, ut ipse, quid ad perpetuam dictarum sententiarum & scripturarum abolitionem, quid ad arcenda hujusmodi prologia & disputationes, quid denique ad unionem & pacem cum communi omnium & Ecclesiae Catholicae satisfactione componendam facto opus sit, imprimis diligenter expendat; deinde in iis omnibus, quae pro communi salute, tranquillitate & honore optima judicaverit, salva semper Ecclesiae praedictae Unitate, etiam per alium, seu alios fide, doctrina & Religione praestantes ocys exequatur, faciatque, quidquid decreverit, inviolate ab omnibus observari; Contradictores quoslibet per censuras & poenas praedictas, ceteraque juris & facti remedia opportuna, appellatione postposita, compescenda: invocato etiam ad hoc, si opus fuerit, auxilio

Brachii secularis. Non obstantibus, quod forsitan ab Apostolica Sede sit indultum, quod interdici, suspendi, vel excommunicari non possint per Litteras Apostolicas, non facientes plenam & expressam ac de verbo ad verbum de indulto huiusmodi mentionem, & quibuslibet aliis privilegiis, exemptionibus, indulgentiis & Litteris Apostolicis specialibus vel generalibus, quorumcumque tenorum existant, per quae presentibus non expressa, vel totaliter non inserta effectus presentium impediri valeat quomodolibet, vel differri, & de quibus quorumcumque totis tenoribus de verbo ad verbum habenda sit in Nostris Litteris mentio specialis. Nulli ergo omnino hominum liceat hanc paginam Nostrae damnationis, circumscriptionis, abolitionis, interdicti, decreti, mandati, privationis, & innodationis infringere, vel ea ausu temerario contraire. Siquis autem hoc attentare presumpserit, indignationem Omnipotentis DEI, ac Beatorum Petri & Pauli Apostolorum ejus se noverit incursum. Datum Romae apud Sanctum Petrum Anno Incarnationis Dominicae millesimo quingentesimo sexagesimo septimo Calendis Octobris, Pontificatus Nostri Anno secundo.

DECRETUM
INNOCENTII X.
INNOCENTIUS EPISCOPUS
SERVUS SERVORUM DEI.

Universis Christi Fidelibus Salutem, & Apostolicam Benedictionem.

CUM occasione impressionis Libri, cui Titulus: *Augustinus Cornelii Jansenii Episcopi Iprensis*, inter alias ejus opiniones orta fuerit, præsertim in Galliis controversia super quinque ex illis, complures Galliarum Episcopi apud Nos institerunt, ut easdem propositiones Nobis oblatas expendere, ac de unaquaque earum certam ac perspicuam ferremus sententiam.

Tenor vero præfatarum propositionum est, prout sequitur.

PRIMA: Aliqua DEI præcepta hominibus justis volentibus, & conantibus secundum præsentem, quas habent, vires sunt impossibilia, deest quoque illis gratia, qua possibilia fiant.

Secunda: Interiori gratiæ in statu naturæ lapsæ nunquam resistitur.

Tertia: Ad merendum, & demerendum in statu naturæ lapsæ non requiritur in homine libertas a necessitate, sed sufficit libertas a coactione.

Quarta: Semi - Pelagiani admittebant prævenientis gratiæ interioris necessitatem ad singulos actus, etiam ad initium Fidei, & in hoc erant Hæretici, quod vellent eam gratiam talem esse, cui posset humana voluntas resistere, vel obtemperare.

Quinta: Semi - Pelagianum est dicere, Christum pro omnibus omnino hominibus mortuum esse, aut sanguinem fudisse.

Nos, quibus inter multiplices curas, quæ animum nostrum assidue pulsan, illa in primis cordi est, ut Ecclesia Dei Nobis ex alto commissæ, purgatis pravarum opinionum erroribus, tuto militare, & tanquam navis in tranquillo mari, sedatis omnium tempestatum fluctibus ac procellis, secure navigare, & ad optatum salutis portum pervenire possit, pro rei gravitate coram aliquibus S. R. E. Cardinalibus ad id specialiter sæpius congregatis a pluribus in Sacra Theologia Magistris, easdem quinque Propositiones, ut supra Nobis oblatas, fecimus singillatim diligenter examinari, eorumque suffragia, tum voce, tum scripto relata matura

re consideravimus, eisdemque Magistros, variis coram Nobis actis Congregationibus, prolixè super eisdem, ac super earum qualibet differentes audivimus.

Cum autem ab initio hujuscemodi discussionis ad Divinum implorandum auxilium multorum Christi fidelium preces, tum privatim, tum publice indixissemus, postmodum iteratis eisdem ferventius, ac per Nos solícite implorata Sancti Spiritus assistentia, tandem Divino Numine favente, ad infra scriptam devenimus declarationem & definitionem.

Primam prædictarum Propositionum: Aliqua Dei præcepta hominibus justis volentibus & conantibus, secundum præsentem, quas habent, vires sunt impossibilia, deest quoque illis gratia, qua possibilia fiant: Temerariam, Impiam, Blasphemam, Anathemate damnatam, & Hæreticam declaramus, & uti talem damnamus.

Secundam: Interiori gratiæ in statu naturæ lapsæ nunquam resistitur: Hæreticam declaramus, & uti talem damnamus.

Tertiam: Ad merendum & demerendum in statu naturæ lapsæ non requiritur in homine libertas a necessitate, sed sufficit liber-

tas a coactione: Hæreticam declaramus, & uti talem damnamus.

Quartam: Semi Pelagiani admittebant prævenientis gratiæ interioris necessitatem ad singulos actus, etiam ad initium Fidei, & in hoc erant Hæretici, quod vellent eam gratiam esse, cui posset humana voluntas resistere, vel obtemperare: Falsam & Hæreticam declaramus, & uti talem damnamus.

Quintam: Semi-Pelagianum est dicere, Christum pro omnibus omnino hominibus mortuum esse, aut sanguinem fudisse: falsam, temerariam, scandalosam, & intellectam eo sensu, ut Christus pro salute dumtaxat prædestinatorum mortuus sit: Impiam, Blasphemam, Contumeliosam, Divinæ pietati derogantem, & Hæreticam declaramus, & uti talem damnamus.

Mandamus igitur omnibus Christi fidelibus utriusque sexus, ne de dictis Propositionibus sentire, docere, prædicare alias præsumant, quam in hac præsentī nostra Declaratione & Definitione continetur sub censuris & pænis contra Hæreticos, & eorum fautores in jure expressis.

Præcipimus pariter omnibus Patriarchis, Archi-Episcopis, Episcopis, aliisque locorum Ordinariis, nec non hæreticæ pravitate Inquisitoribus, ut Contradictores, & Rebelles quoscunque per censuras & pœnas prædictas, cæteraque Juris & facti remedia opportuna, invocato etiam ad hoc (si opus fuerit) auxilio brachii sæcularis, omnino coerceant, & compescant.

Non intendentes tamen per hanc declarationem, & definitionem super prædictis quinque Propositionibus factam approbare ullatenus alias opiniones, quæ continentur in prædicto Libro Cornelii Jansenii. Datum Romæ apud S. Mariam Majorem Anno Incarnationis Dominicæ Millesimo, Sexcentesimo, quinquagesimo tertio, pridie Kal. Junii, pontificatus Nostri Anno nono.

HI. DATARIUS.


G. Gualterius.

F. Ciambinus.

Anno a Nativitate D. N. JESU Christi
1653. Indictione 6. Pontificatus Sanctissimi in Christo Patris, & D. N. I. In-
h 5 pen-

*nocentii, Divina Providentia Papa X. anno
ejus Nono, die vero nona Mensis Junii, su-
pradicta Constitutio affixa, & publicata fuit
in Ecclesia Lateranensi ac Basilica Principis
Apostolorum de Urbe, nec non Cancellarie
Apostolica valvis, ac in acie Campi Floræ,
per me Hieronymum Mascellam SS. D. N.
Papa Cursorem.*

*Pro Domino Mag. Cursorum P. Paulus
Desiderius Cursor.*



CONSTITUTIO CLEMENTIS XI.

Contra Paschasium Quesnellium.

CLEMENS EPISCOPUS
SERVUS SERVORUM DEI.

*Univerſis Chriſti Fidelibus Salutem
& Apoſtolicam Benedictionem.*

UNGENITUS DEI Filius pro noſtra &
tius mundi ſalute Filius hominis fa-
ctus,

ctus, dum Discipulos suos doctrina veritatis instrueret, universamque Ecclesiam suam in Apostolis erudiret, praesentia disponens, & futura prospiciens, praclaro ac saluberrimo documento nos admonuit, ut attenderemus a falsis prophetis, qui veniunt ad nos in vestimentis ovium, quorum nomine potissimum demonstrantur magistri illi mendaces, & in deceptione illusores, qui splendida pietatis specie prava dogmata latenter insinuantes introducunt Sectas perditionis sub imagine sanctitatis, utque facilius incautis obrepant, quasi deponentes lupinam pellem, & sese Divinae Legis sententiis, velut quibusdam ovium velleribus obvolventes sanctarum Scripturarum, adeoque etiam ipsius novi Testamenti verbis, quae multipliciter in suam, aliorumve perditionem depravant, nequiter abutuntur: antiqui scilicet, a quo progeniti sunt, mendacii parentis exemplo, ac magisterio edocti, nullam omnino esse ad fallendum expeditiorem viam, quam ut, ubi nefarii erroris subintroducitur fraudulentia, ibi Divinorum verborum praetendatur Auctoritas.

His

His nos vere Divinis monitis instructi, ubi primum, non sine intima cordis Nostrae amaritudine, accepimus, Librum quemdam, gallico idiomate olim impressum, & in plures Tomos distributum, sub titulo: *Le nouveau Testament en François, avec des Reflexions morales sur chaque verset &c. a Paris 1699.* Aliter vero, *Abbrege de la Morale de l' Evangile, des Actes des Apotres, des Epistres de saint Paul, des Epistres Canoniques, & de l' Apocalypse; ou pensees Chretiennes sur le Texte de ces Livres sacres &c. A Paris 1693. & 1694.* Tametsi alias a Nobis damnatum, ac revera Catholicis veritatibus pravarum doctrinarum mendacia multifariam permiscentem, adhuc tamen tanquam ab omni errore immunem a pluribus haberi, Christi fidelium manibus passim obtrudi, ac nonnullorum nova semper tentantium consilio, & opera studiose nimis quaquaversum disseminari, etiam latine redditum, ut perniciosae institutionis contagium, si fieri possit, pertranscat de gente in gentem, & de regno ad populum alterum: versutis hujusmodi seductionibus, atque fallaciis creditum Nobis Dominicum gregem in viam perditionis sensim abduci summopere dolumus: adeoque

que Pastoralis non minus curæ nostræ stimulis, quam frequentibus orthodoxæ Fidei zelatorum querelis, maxime vero complurium Venerabilium Fratrum, præsertim Galliæ Episcoporum, litteris ac precibus excitati, gliscenti morbo, qui etiam aliquando posset in deteriora quæque proruere, validiori aliquo remedio obviam ire decrevimus.

Et quidem ad ipsam ingruentis mali causam providæ nostræ considerationis intuitum convertentes, perspicue novimus, summam hujusmodi Libri perniciem ideo potissimum progredi, & invalescere, quod eadem intus lateat, & velut improba sanies, nonnisi secto ulcere foras erumpat; cum liber ipse primo aspectu legentes specie quadam pietatis illiciat, moliti enim sunt sermones ejus super oleum, sed ipsi sunt jacula, & quidem intento arcu ita ad nocendum parata, ut sagittent in obscuro rectos corde. Nihil propterea opportunius, aut salubrius præstari a Nobis posse arbitrati sumus, si fallacem Libri doctrinam generatim solummodo a Nobis hætenus indicatam, pluribus singillatim ex eo excerptis Propositionibus distinctius, & apertius explicaremus, atque

universis Christi Fidelibus noxia zizaniorum semina e medio tritici, quo tegebantur, educta, velut ob oculos exponeremus. Ita nimirum denudatis, & quasi in propatulo positis, non uno quidem, aut altero, sed plurimis, gravissimisque, tum pridem damnatis, tum etiam nove adinventis erroribus, plane confidimus, benedicente Domino, fore, ut omnes tandem apertæ jam, manifestæque veritati cedere compellantur.

Id ipsum maxime e re Catholica futurum, & sedandis præsertim in florentissimo Galliæ Regno exortis ingeniorum varie opinantium, jamque in acerbiores scissuras protendentium dissidiis apprime proficuum, conscientiarum denique tranquillitati perutile, & propemodum necessarium, non modo præfati Episcopi, sed & ipse inprimis Charissimus in Christo Filius noster Ludovicus Francorum Rex Christianissimus, cujus eximium in tuenda Catholicæ Fidei puritate, extirpandisque erroribus zelum satis laudare non possumus, sæpius Nobis est contestatus: repetitis propterea vere piis, & Christianissimo Rege dignis officiis, atque ardentibus votis a Nobis efflagitans,

ut

ut instanti animarum necessitati prolata
quantocyus Apostolici censura iudicii
consuleremus.

Hinc aspirante Domino, ejusque cœle-
sti ope confisi, salutare opus sedulo, dili-
genterque, ut rei magnitudo postulabat,
aggressi sumus, ac plurimas ex prædicto
Libro, juxta supra recensitas respective edi-
tiones, fideliter extractas, & tum Gallico,
tum Latino idiomate expressas Propositione-
nes a compluribus in sacra Theologia Ma-
gistris, primo quidem coram duobus ex
Venerabilibus Fratribus nostris Sanctæ Ro-
manæ Ecclesiæ Cardinalibus accurate dis-
cuti, deinde vero coram Nobis, adhibito
etiam aliorum plurium Cardinalium con-
silio, quam maxima diligentia, ac matu-
ritate, singularum insuper Propositionum
cum ipsomet Libri textu exactissime facta
collatione, pluries iteratis Congregatio-
nibus, expendi, & examinari mandavi-
mus. Hujusmodi autem Propositiones
sunt, quæ sequuntur, videlicet.

I. Quid aliud remanet animæ, quæ
Deum, atque ipsius gratiam amisit, nisi
peccatum & peccati consecutiones, su-
perba paupertas, & segnis indigentia, hoc
est,

est, generalis impotentia ad laborem, ad orationem, & ad omne opus bonum?

2. JESU Christi gratia, principium efficax boni cujuscunque generis, necessaria est ad omne opus bonum, absque illa non solum nihil fit, sed nec fieri potest.

3. In vanum Domine præcipis, si tu ipse non das, quod præcipis.

4. Ita Domine, omnia possibile sunt ei, cui omnia possibile facis eadem operando in illo.

5. Quando Deus non emollit cor per interiorem unctionem gratiæ suæ, exhortationes, & gratiæ exteriores non intervniunt, nisi ad illud magis obdurandum.

6. Discrimen inter foedus Judaicum, & Christianum est, quod in illo DEUS exigit fugam peccati, & implementum legis a peccatore, relinquendo illum in sua impotentia: in isto vero Deus peccatori dat, quod jubet, illum sua gratia purificando.

7. Quæ utilitas pro homine in veteri foedere, in quo Deus illum reliquit ejus propriæ infirmitati, imponendo ipsi suam legem? quæ vero felicitas non est, admitti ad foedus, in quo Deus nobis donat, quod petit a nobis?

8. Nos

8. Nos non pertinemus ad novum fœdus, nisi in quantum participes sumus ipsius novæ gratiæ, quæ operatur in nobis id, quod Deus nobis præcipit.

9. Gratia Christi est Gratia suprema, sine qua confiteri Christum nunquam possumus, & cum qua nunquam illum abnegamus.

10. Gratia est operatio manus omnipotentis Dei, quam nihil impedire potest, aut retardare.

11. Gratia non est aliud, quam voluntas omnipotentis Dei, jubentis & facientis, quod jubet.

12. Quando Deus vult salvare animam, quocunque tempore, quocunque loco, effectus indubitabilis sequitur voluntatem DEI.

13. Quando Deus vult animam salvam facere, & eam tangit interiori gratiæ suæ manu: nulla voluntas humana ei resistit.

14. Quantumcunque remotus a salute sit peccator obstinatus, quando JESUS se ei videndum exhibet lumine salutari suæ gratiæ, oportet, ut se dedat; accurrat, sese humiliet, & adoret Salvatorem suum.

i

15. Quan-

15. Quando Deus mandatum suum, & suam æternam locutionem comitatur unctione sui Spiritus, & interiori vi gratiæ suæ, operatur illa in corde obedientiam, quam petit.

16. Nullæ sunt illecebræ, quæ non cedant illecebris gratiæ, quia nihil resistit omnipotenti.

17. Gratia est vox illa Patris, quæ homines docet, ac eos venire facit ad Jesum Christum. Quicumque ad eum non venit, postquam audivit vocem exteriorem Filii, nullatenus est doctus a Patre.

18. Semen verbi, quod manus Dei irrigat, semper affert fructum suum.

19. Dei gratia nihil aliud est, quam ejus omnipotens voluntas, hæc est idea, quam Deus ipse nobis tradit in omnibus suis Scripturis.

20. Vera gratiæ idea est, quod Deus vult sibi a nobis obediri, & obeditur, imperat, & omnia fiunt, loquitur tanquam Dominus, & omnia sibi submissa sunt.

21. Gratia JESU Christi est gratia fortis, potens, suprema, invincibilis, utpote quæ est operatio voluntatis omnipotentis, sequela & imitatio operationis Dei incarnantis, & resuscitantis Filium suum.

22. Con-

22. Concordia omnipotentis operationis Dei in corde hominis cum libero ipsius voluntatis consensu demonstratur illico nobis in Incarnatione, veluti in fonte atque archetypo omnium aliarum operationum misericordiae & gratiae, quae omnes ita gratuitaе atque ita dependentes a Deo sunt, sicut ipsa originalis operatio.

23. Deus ipse nobis ideam tradidit omnipotentis operationis suae gratiae, eam significans per illam, qua creaturas e nihilo producit, & mortuis reddit vitam.

24. Iusta idea, quam Centurio habet de omnipotentia DEI, & JESU Christi, in sanandis corporibus solo motu suae voluntatis, est imago ideae, quae haberi debet de omnipotentia suae gratiae in sanandis animabus a cupiditate.

25. Deus illuminat animam, & eam sanat aequae ac corpus sola sua voluntate, jubet, & ipsi obtemperatur.

26. Nullae dantur gratiae, nisi per Fidem.

27. Fides est prima gratia, & fons omnium aliarum.

28. Prima gratia, quam Deus concedit peccatori, est peccatorum remissio.

29. Extra Ecclesiam nulla conceditur gratia.

30. Omnes, quos Deus vult salvare per Christum, salvantur infallibiliter.

31. Desideria Christi semper habent suum effectum, pacem intimo cordium infert, quando eis illam optat.

32. JESUS Christus se morti tradidit ad liberandum pro semper suo sanguine primogenitos, id est, electos de manu Angeli exterminatoris.

33. Proh! quantum oportet bonis terrenis, & sibi metipso renunciasse, ad hoc, ut quis fiduciam habeat, sibi, ut ita dicam, appropriandi Christum JESUM, ejus amorem, mortem & mysteria, ut facit sanctus Paulus dicens: *Qui dilexit me, & tradidit semetipsum pro me.*

34. Gratia Adami non producebat, nisi merita humana.

35. Gratia Adami est sequela creationis, & erat debita natura sanæ & integræ.

36. Differentia essentialis inter gratiam Adami & status innocentiae, ac gratiam christianam est, quod primam unusquisque in propria persona recepisset: ista vero non recipitur, nisi in persona JESU Christi resuscitati, cui nos uniti sumus.

37. Gra-

37. Gratia Adami, sanctificando illum in semetipso, erat illi proportionata; gratia Christiana nos sanctificando in JESU Christo est omnipotens, & digna Filio DEI.

38. Peccator non est liber, nisi ad malum, sine gratia Liberatoris.

39. Voluntas, quam gratia non praevenit, nihil habet luminis, nisi ad aberandum; ardoris, nisi ad se praecipitandum; virium, nisi ad se vulnerandum. Est capax omnis mali, & incapax ad omne bonum.

40. Sine gratia nihil amare possumus, nisi ad nostram condemnationem.

41. Omnis cognitio Dei, etiam naturalis etiam in Philosophis ethnicis, non potest venire nisi a Deo, & sine gratia non producit nisi praesumptionem, vanitatem, & oppositionem ad ipsum Deum, loco affectuum adorationis, gratitudinis, & amoris.

42. Sola gratia Christi reddit hominem aptum ad sacrificium fidei; sine hoc nihil nisi impuritas, nihil nisi indignitas.

43. Primus effectus gratiae baptismalis est facere, ut moriamur peccato, adeo ut spiritus, cor, sensus non habeant plus

vita pro peccato, quam homo mortuus habeat pro rebus mundi.

44. Non sunt nisi duo amores, unde volitiones & actiones omnes nostrae nascuntur; amor Dei, qui omnia agit propter Deum, quemque Deus remuneratur; & amor, quo nos ipsos, ac mundum diligimus, qui, quod ad Deum referendum est, non refert, & propter hoc ipsum fit malus.

45. Amore Dei in corde peccatorum, non amplius regnante, necesse est, ut in eo carnalis regnet cupiditas, omnesque actiones ejus corrumpat.

46. Cupiditas aut charitas usum sensuum bonum vel malum faciunt.

47. Obedientia legis profluere debet ex fonte, & hic fons est charitas. Quando Dei amor est illis principium interius, & Dei gloria ejus finis, tunc purum est, quod apparet exterius, alioquin non est nisi hypocrisis aut falsa justitia.

48. Quid aliud esse possumus nisi tenebrae, nisi aberratio & nisi peccatum sine fidei lumine, sine Christo, & sine Charitate.

49. Ut nullum peccatum est sine amo-

re nostri, ita nullum est opus bonum sine amore Dei.

§ 0. Frustra clamamus ad Deum, Pater mi: si spiritus charitatis non est ille, qui clamat.

§ 1. Fides justificat, quando operatur, sed ipsa non operatur, nisi per charitatem.

§ 2. Omnia alia salutis media continentur in fide, tanquam in suo germine, & semine, sed hæc fides non est absque amore, & fiducia.

§ 3. Sola charitas christiano modo facit (actiones christianas) per relationem ad DEUM, & JESUM Christum.

§ 4. Sola charitas est, quæ Deo loquitur, eam solam Deus audit.

§ 5. Deus non coronat nisi charitatem; qui currit ex alio impulsu, & ex alio motivo, in vanum currit.

§ 6. Deus non remunerat nisi charitatem, quoniam charitas sola Deum honorat.

§ 7. Totum deest peccatori, quando ei deest spes, & non est spes in Deo, ubi non est amor Dei.

§ 8. Nec Deus est, nec Religio, ubi non est charitas.

59. Oratio impiorum est novum peccatum, & quod Deus illis concedit, est novum in eos iudicium.

60. Si solus supplicii timor animat poenitentiam, quo hæc est magis violenta, eo magis ducit ad desperationem.

61. Timor nonnisi manum cohibet, cor autem tamdiu peccato addicitur, quamdiu ab amore justitiæ non ducitur.

62. Qui a malo non abstinet, nisi timore pœnæ, illud committit in corde suo, & jam est reus coram Deo.

63. Baptizatus adhuc est sub lege, sicut Judæus, si legem non adimpleat, aut adimpleat ex solo timore.

64. Sub maledicto legis nunquam fit bonum, quia peccatur sive faciendo malum, sive illud nonnisi ob timorem evitando.

65. Moyſes, Prophetæ, Sacerdotes, & Doctores legis mortui sunt, absque eo, quod ullum Deo dederint filium, cum non effecerint nisi mancipia per timorem.

66. Qui vult Deo appropinquare, nec debet ad ipsum venire cum brutalibus passionibus, neque adduci per instinctum naturalem, aut per timorem, sicut bestia,

stia, sed per fidem, & per amorem, sicuti filii.

67. Timor servilis non sibi repræsentat Deum, nisi ut Dominum durum, imperiosum, injustum, intractabilem.

68. Dei bonitas abbreviavit viam salutis claudendo totum in fide, & precibus.

69. Fides, usus, augmentum, & præmium Fidei, totum est donum puræ liberalitatis Dei.

70. Nunquam affligit Deus innocentes, & afflictiones semper serviunt vel ad puniendum peccatum, vel ad purificandum peccatorem.

71. Homo ob sui conservationem potest sese dispensare ab ea lege, quam Deus condidit propter ejus utilitatem.

72. Nota Ecclesiæ Christianæ est, quod sit Catholica, comprehendens & omnes Angelos Cœli, & omnes Electos, & Justos terræ, & omnium sæculorum.

73. Quid est Ecclesia, nisi cœtus filiorum Dei, manentium in ejus sinu, adoptatorum in Christo, subsistentium in ejus persona, redemptorum ejus sanguine, viventium ejus spiritu, agentium per ejus gratiam, & expectantium gratiam futuri sæculi.

73. Ecclesia, five integer Christus, Incarnatum Verbum habet ut Caput, omnes vero Sanctos ut Membra.

75. Ecclesia est unus solus homo, compositus ex pluribus membris, quorum Christus est Caput, Vita, Subsistentia, & persona, unus solus Christus, compositus ex pluribus Sanctis, quorum est Sanctificator.

76. Nihil spatiosius Ecclesia Dei, qua omnes Electi, & Iusti omnium sæculorum illam componunt.

77. Qui non ducit vitam dignam Filio Dei, & membro Christi, cessat interius habere Deum pro Patre, & Christum pro Capite.

78. Separatur quis a populo electo, cujus figura fuit populus Judaicus, & Caput est Iesus Christus, tam non vivendo secundum Evangelium, quam non credendo Evangelio.

79. Utile, & necessarium est omni tempore, omni loco, & omni personarum generi studere, & cognoscere spiritum, pietatem, & mysteria Sacrae Scripturae.

80. Lectio Sacrae Scripturae est pro omnibus,

81. Obscuritas sancti verbi Dei non est Laicis ratio dispensandi se ipsos ab ejus lectione.

82. Dies Dominicus a Christianis debet sanctificari lectionibus pietatis, & super omnia sanctarum Scripturarum. Damnosum est velle Christianum ab hac lectione retrahere.

83. Est illusio sibi persuadere, quod noticia mysteriorum Religionis non debeat communicari foeminis, lectione sacrorum librorum. Non ex foeminarum simplicitate, sed ex superba virorum scientia ortus est Scripturarum abusus, & natae sunt haereses.

84. Abripere e Christianorum manibus novum Testamentum, seu eis illud clausum tenere, auferendo eis modum illud intelligendi, est illis Christi os obturare.

85. Interdicere Christianis lectionem sacrae Scripturae, praesertim Evangelii, est interdicere usum luminis filiis lucis, & facere, ut patiantur speciem quandam excommunicationis.

86. Eripere simplici populo hoc solatium, jungendi vocem suam voci totius Ecclesiae, est usus contrarius praxi Apostolicæ, & intentioni Dei.

87. Mo-

87. Modus plenus sapientia, lumine & charitate, est dare animabus tempus portandi cum humilitate, & sentiendi statum peccati, petendi spiritum poenitentiae, & contritionis, & incipiendi, ad minus satisfacere iustitiae Dei, antequam reconcilientur.

88. Ignoramus, quid sit peccatum, & vera poenitentia, quando volumus statim restitui possessioni bonorum illorum, quibus nos peccatum spoliavit, & detrectamus separationis illius ferre confusionem.

89. Quartus decimus gradus conversionis peccatoris est, quod, cum sit jam reconciliatus, habet jus assistendi sacrificio Ecclesiae.

90. Ecclesia auctoritatem excommunicandi habet, ut eam exerceat per primos Pastores de consensu, saltem praesumpto, totius Corporis.

91. Excommunicationis injustae metus nunquam debet nos impedire ab implendo debito nostro: nunquam eximus ab Ecclesia, etiam quando hominum nequitia videmur ab ea expulsi, quando Deo, JESU Christo, atque ipsi Ecclesiae per charitatem affixi sumus.

92. Pati

92. Pati potius in pace excommunicationem, & anathema injustum, quam prodere veritatem est imitare Sanctum Paulum: tantum abest, ut sit erigere se contra auctoritatem, aut scindere unitatem.

93. JESUS quandoque sanat vulnera, quæ præceps primorum Pastorum festinatio infligit, sine ipsius mandato; JESUS restituit, quod ipsi inconsiderato zelo rescindunt.

94. Nihil pejorem de Ecclesia opinionem ingerit ejus inimicis, quam videre illic dominatum exerceri supra fidem fidelium: & foveri divisiones præter res, quæ nec fidem lædunt, nec mores.

95. Veritates eo devenerunt, ut sint lingua quasi peregrina plerisque Christianis, & modus eas prædicandi est veluti idioma incognitum: adeo remotus est a simplicitate Apostolorum, & supra communem captum fidelium, neque satis advertitur, quod hic defectus sit unum ex signis maxime sensibilibus, senectutis Ecclesiæ, & iræ Dei in filios suos.

96. Deus permittit, ut omnes potestates sint contrariæ Prædicatoribus veritatis, ut ejus victoria attribui non possit, nisi divinæ gratiæ.

97. Ni-

97. Nimis sæpe contingit membra illa, quæ magis stricte unita Ecclesiæ sunt, respici, atque tractari tanquam indigna, ut sint in Ecclesia, vel tanquam ab ea separata, sed iustus vivit ex fide, & non ex opinione hominum.

98. Status persecutionis, & poenarum, quas quis tolerat, tanquam hæreticus, flagitiosus, & impius, ultima plerumque probatio est, & maxime meritoria, utpote quæ facit hominem magis conformem JESU Christo.

99. Pervicacia, præventio, obstinatio id nolendo aut aliquid examinare, aut agnoscere, se fuisse deceptum, mutant quotidie quoad multos in odorem mortis id, quod Deus in sua Ecclesia posuit, ut in ea esset odor vitæ, v. g. bonos libros, instructiones, sancta exempla &c.

100. Tempus deplorabile, quo creditur honorari Deus, persequendo veritatem, ejusque discipulos. Tempus hoc advenit . . . haberi, & tractari a Religionis Ministris, tanquam impium & indignum omni commercio cum Deo, tanquam membrum putridum, capax corrumpendi omnia in societate Sanctorum, est hominibus piis morte corporis mors terribior

lior. Frustra quis sibi blanditur de suarum intentionum puritate, & zelo quodam Religionis, persequendo flamma ferroque Viros probos, si propria passione est excæcatus, aut abreptus aliena, propterea quod nihil vult examinare. Frequenter credimus sacrificare Deo impium, & sacrificamus diabolo Dei servum.

101. Nihil spiritui Dei, & doctrinæ Jesu Christi magis opponitur, quam communia facere juramenta in Ecclesia, quia hoc est multiplicare occasiones pejerandi, laqueos tendere infirmis, & idiotis, & efficere, ut nomen, & veritas Dei aliquando deserviant consilio impiorum.

Auditis itaque tum voce, tum scripto Nobis exhibitis prefatorum Cardinalium, aliorumque Theologorum suffragiis, divinique imprimis luminis, privatis ad eum finem, publicisque etiam indictis precibus, implorato presidio, omnes, & singulas Propositiones præinsertas, tanquam falsas, captiosas, male sonantes, piarum aurium offensivas, scandalosas, perniciosas, temerarias, Ecclesiam, & ejus praxi injurias, neque in Ecclesiam solum, sed etiam in Potestates sæculi contumeliosas, seditiosas, impias, blasphemias, suspectas de hæresi, ac hæresim

sim ipsam sapientes, nec non hereticis, & hæ-
sibus, ac etiam schismati faventes, & erro-
neas. hæresi proximas, pluries damnatas, ac
demum etiam hereticas, variasque hæses,
& potissimum illas, quæ in famosis Jansenii
Propositionibus, & quidem in eo sensu, in
quo hæ damnata fuerunt, acceptis continentur,
manifeste innovantes, respectu hac nostra
perpetuo valitura Constitutione declaramus,
damnamus, & reprobamus.

Mandantes omnibus utriusque sexus Christi
fidelibus, ne de dictis Propositionibus sentire,
docere, prædicare aliter præsumant, quam in
hac eadem Nostra Constitutione continetur, ita
ut quicumque illas, vel illarum aliquam con-
iunctim, vel divisim docuerit, defenderit, edi-
derit, aut de iis, etiam disputative, publice,
aut privatim tractaverit, nisi forsitan impu-
gnando, Ecclesiasticis censuris, aliisque contra
similia perpetrantes a Jure statutis pœnis ipso
facto, absque alia declaratione subiaceat.

Ceterum per expressam præfatarum Proposi-
tionum reprobationem alia in eodem Libro con-
tenta nullatenus approbare intendimus; cum
præsertim in decursu examinis complures alias
in eo deprehenderimus Propositiones illis, quæ,
ut supra, damnata fuerunt, consimiles, &
affines, iisdemque erroribus imbutas; nec sane
paucas

paucas sub imaginario quodam, veluti grassantes hodie persecutionis obtentu, inobedientiam, & pervicaciam nutriendes, easque falso Christiana patientia nomine praedicantes; quas propterea singillatim recensere, & nimis longum esse duximus & minime necessarium; ac demum, quod intolerabilius est, sacrum ipsum novi Testamenti Textum damnabiliter vitiatum comperimus, & alteri dudum reprobatae versioni Gallica Montensi in multis conformem: a vulgata vero editione, quae tot saeculorum usui in Ecclesia probata est, atque ab Orthodoxis omnibus pro authentica haberi debet, multipliciter discrepantem, & aberrantem, pluresque in alienos exoticos, ac saepe noxios sensus, non sine maxima perversitate deortum.

Eundem propterea Librum, utpote per dulces sermones, & benedictiones, ut Apostolus loquitur, hoc est, sub falsa pia institutionis imagine, seducendis Innocentium cordibus longe accommodatum, sive praemissis, sive alio quovis titulo inscriptum, ubicunque alio idiomate, seu quavis editione, aut versione hactenus impressum, aut impostum (quod absit) imprimendum, Auctoritate Apostolica tenore praesentium iterum prohibemus, ac similiter damnamus, quemadmodum etiam alios omnes, &

k

singul-

singulos in ejus defensionem tam scripto, quam typis editos, seu forsan (quod DEUS avertat) edendos libros, seu libellos, eorum lectionem, descriptionem, retentionem, & usum omnibus & singulis Christi fidelibus sub pœna excommunicationis per contrasacientes ipso facto incurrenda, prohibemus pariter, & interdiciamus.

Præcipimus insuper Venerabilibus Fratribus Patriarchis, Archiepiscopis, & Episcopis, aliisque locorum Ordinariis, nec non heretica pravitatis Inquisitoribus, ut contradictores, & rebelles quoscunque per censuras, & pœnas præfatas, aliaque juris & facti remedia, invocato etiam ad hoc, si opus fuerit, brachii secularis auxilio, omnino coerceant & compellant.

Volumus autem, ut earundem præsentium transumptis, etiam impressis, manu alicujus Notarii publici subscriptis, & sigillo persone in dignitate Ecclesiastica constituta munitis eadem fides prorsus adhibeatur, quæ ipsis originalibus litteris adhiberetur, si forent exhibitæ, vel ostensæ,

Nulli ergo hominum liceat hanc paginam Nostræ declarationis, damnationis, mandati, prohibitionis, & interdictionis infringere, vel ei ausu temerario contraire. Siquis autem hoc attentare præsumserit, indignationem Omnipotentis DEI, ac Beatorum Petri, & Pauli

Propositiones damnatæ.

147

Apostolorum ejus se noverit incursum. Datum Romæ apud Sanctam Mariam Majorem Anno Incarnationis Dominicæ millesimo septingentesimo decimo tertio, sexto Idus Septembris, Pontificatus Nostri Anno decimo tertio.

I. Card. Prodatarius.

F. Oliverius.

Visa de Curia L. Sergardus.

Loco † Plumbi.

Registrata in Secretaria Brevium.

L. Martinertus.

Anno a Nativitate Domini Nostri JESU Christi millesimo septingentesimo decimo tertio, Indictione sexta, die vero decima Septembris, Pontificatus Sanctissimi in Christo Patris & Domini Nostri Clementis Divina Providentia Papæ XI. Anno decimo tertio, supradictæ Litteræ Apostolicæ affixæ, & publicatæ fuerunt ad Valvas Ecclesiæ Lateranensis, & Basilicæ Principis Apostolorum, Cancellariæ Apostolicæ, Curia Generalis in Monte Citorio, in Acie Campi Floræ, ac in aliis locis solitis, & consuetis Urbis per me Petrum Romulatum Apostolicum Cursorem.

Antonius Placentius.

COROLLARIUM,

Compendiose declarans has Propositiones damnatas in 2. §. Contentas.

Experieris amice Lector, si has omnes Propositiones attente legas, atque ad invicem conferas, quod doctrina Paschasii Quesnellii multum in fundamentis Jansenii, Jansenius in Michaeli Bajo, demum Michael Bajus non parum fundetur in principiis Calvini, & ex parte Lutheri, dum voluntati creata proxime liberum auferunt arbitrium, gratiam sufficientem tollunt, omniaque bona gratiae efficaci irresistibili imputant, prout recte notat Francolinus in suo Tyrocinio Theologico part. 3. §. 1. num. 56. & 57. Ut magis & clarius id pateat, assumamus pro exemplo liberum arbitrium hominis in ordine ad opus meritorium, seu ad obtinendam justificationem ex una, & gratiam actualem ad hoc opus concurrentem ex altera parte. In hoc exemplo (ut advertit Dominicus Viva in Trutina Ihesum Quesnellianarum Proposit. X. num, 5.) tam Lutherus, quam Calvinus negant, gratiam divinam coherere posse cum arbitrii libertate proxima: has tamen cum distinctione, quod

quod Lutherus teneat, liberum arbitrium praesenti casu se habere mere passive, seu (ut sonant formalia juxta Propositionem XXXVI. inter damnatas a Leone X.) Liberum arbitrium post peccatum esse rem de solo titulo: econtra vero Calvinus equidem admittat concursum arbitrii cum gratia, taliter autem, ut ipsa voluntas nequeat abjicere gratiam, impediendo ejus operationem. Utriusque hujus Haresiarcha errorem damnat, & anathematizat Concilium Oecumenicum Trident. Sess. 12. de Justificatione sequentibus formalibus.

CANONE IV.

SI quis dixerit liberum hominis arbitrium a DEO motum & excitatum NB. nihil cooperari assentiendo DEO excitanti, atque vocanti; quo ad obtinendam justificationis gratiam se disponat, ac praearet, neque NB. posse dissentire, si velit, sed velut inanime quoddam nihil omnino agere, NB. mereque passive se habere, anathema sit.

CANONE V.

SI quis liberum hominis arbitrium post Ada peccatum amissum, & extinctum esse dixerit, aut rem esse de solo titulo &c. anathema sit.

Vides amice Lector, quod Concilium Tridentinum decernat *inprimis* ad opus meritorium, quo iustificetur homo, concurrere una cum gratia active ipsam voluntatem. Secundo præfatum voluntatis concursum ita esse liberum, ut, si vellet, dissentire posset. Jam vero post hoc Oecumenicum, Generale, seu Universale Concilium insurrexerunt aliqui, nempe Michael Bajus, Cornelius Jansenius, & Paschasius Quesnellius, jactantes, sese cum Adhærentibus veros Catholicos, qui de novo, ac de novo quoad opus meritorium sustulerunt exercitium, & usum proxime liberi arbitrii, omnia adscribentes gratiæ adeo efficaci, ut eandem nihil (consequenter nec ipsa voluntas) impedire possit, seu retardare. Quid ergo in ordine ad opus meritorium, his stantibus, in effectu remaneret libero arbitrio, nisi respective solus titulus; cum juxta ipsos voluntas a gratia ita præventa sit, ut agat necessario, & tamen adhuc mereatur? Audiamus jam ipsammet horum doctrinam, tantummodo paucas adducendo reprobata a Christi Vicario sententias.

Inter rejectas Propositiones septuaginta novem Michaelis Baji,

XXXVIII. sic habet.

Pelagianus error est, quod liberum arbitrium valeat ad ullum peccatum vitandum.

& LXV.

Non nisi Pelagiano errore admitti potest aliquis usus liberi arbitrii bonus, siue non malus, & gratiae Christi injuriam facit, qui ita sentit.

Inter Propositiones Jansenii quinque ab Innocentio X. damnatas, ,

sic sonat II.

Interiori gratiae in statu naturae lapsae nunquam resistitur.

& III.

Ad merendum, & demerendum in statu naturae lapsae non requiritur in homine libertas a necessitate, sed sufficit libertas a coactione.

Inter Propositiones Quesnellii
centum & unam a Clemente XI. repro-
batas,

fic tenet I.

*Quid aliud remanet anima, qua Deum, ac
ipsius gratiam amisit, nisi peccatum, &
peccati consecutiones, superba paupertas, &
segnis indigentia, hoc est NB. generalis
impotentia ad laborem, ad orationem, &
ad omne opus bonum.*

& X.

*Gratia est operatio manus Omnipotentis Dei,
quam nihil impedire potest, aut retardare.*

Conferantur jam ad invicem ab atten-
to, atque a passionibus & partialitatibus
necdum prævento lectore singulae alle-
gatae propositiones, & certo constabit,
quantum, & quomodo in suis principiis
memorati Auctores inter se conveniunt,
uti etiam fusius deduxi in alio libello
Succincta Declaratio &c. intitulato cap. 2.
& 3.

§. III.



§. III.

DECLARANS

Propositiones damnatas a potiori
spectantes ad materiam morum, seu
ad Theologiam Moralem.

DECRETUM I.

ALEXANDRI VII.

Feria V. die 24 Septemb. 1665.
emanatum.

In Congregatione Generali Sancta Romana,
& universalis Inquisitionis habita in Pala-
tio Apostolico Montis Quirinalis, coram San-
ctissimo D. N. D. Alexandro Divina Providen-
tia Papa VII. ac Eminentissimis & Reve-

k s

rendis-

rendissimis DD. S. R. E. Cardinalibus in tota Republica Christiana adversus hæreticam pravitatem Generalibus Inquisitoribus a Sancta Sede Apostolica specialiter deputatis.

SANCTISSIMUS D. N. audivit non sine magno animi sui mœrore, complures opiniones christianæ disciplinæ relaxativas, animarum perniciem inferentes, partim antiquatas iterum suscitari, partim noviter prodire, & summam illam luxuriantium ingeniorum licentiam in dies magis excescere: per quam in rebus ad conscientiam pertinentibus modus opinandi irrepsit alienus omnino ab Evangelica simplicitate, Sanctorumque Patrum doctrina, & quem si pro recta regula fideles in praxi sequerentur, ingens eruptura esset christianæ vitæ corruptela. Quare, ne ullo unquam tempore viam salutis, quam suprema Veritas DEUS, cujus verba in æternum permanent, ætarnam esse definivit, in animarum perniciem dilatarî, seu verius perverti contingeret, idem SS. D. N. ut oves sibi creditas ab hujusmodi spatiosa, laraque, per quam itur ad perditionem, via, pro Pastoralî sollicitudine in rectam semitam

EVOCA-

evocaret, earundem opinionum examen pluribus in Sacra Theologia Magistris, & dein Eminentissimis DD. Cardinalibus, contra hæreticam pravitatem Generalibus Inquisitoribus, serio commisit: qui tantum negotium strenue aggressi, eique sedulo incumbentes, & mature discussis usque ad hanc diem infra scriptis Propositionibus, super unaquaque ipsarum sua suffragia Sanctitati Suæ singillatim exposuerunt.

PROPOSITIONES.

1. Homo nullo unquam vitæ suæ tempore tenetur elicere actum Fidei, Spei, & Charitatis, ex vi præceptorum divinarum ad eas virtutes pertinentium.

Hæc propositio fusius declaratur Tract. 4. Dist. 2. num. 27. ac Dist. 5. n. 9. & Dist. 6. post n. 9. Addit.

2. Vir equestris ad duellum provocatus potest illud acceptare, ne timiditatis notam apud alios incurrat.

Videatur Tract. 9. Dist. 3. n. 45. & sequentibus Additionibus. Et mox infra V. Bullam Benedicti XIV.

3. Sen-

3. Sententia asserens, Bullam Coenæ solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, Anno 1629. 18. Julii in Consistorio Sacræ Congregationis Eminentissim. Cardinalium, visa, & tolerata est.

Respiciatur Tract. 4. Dist. 4. n. 29. & 30.

4. Prælati Regulares possunt in foro conscientiae absolvere quoscunque Sæculares ab hæresi occulta, & ab excommunicatione propter eam incurfa.

Recolligantur dicta Tract. 13. Dist. 2. post n. 75. præsertim Addit. VI. & Tract. 14. Dist. 9. num. 11.

5. Quamvis evidenter tibi constet, Petrum esse hæreticum, non teneris denunciare, si probare non possis.

Ratio, cur hæc propositio fuerit damnata, est, quia talis denunciator ab omni periculo pænæ talionis, aliave immunis est; quoniam coram Tribunali Sacræ Inquisitionis (apud quod, ubi viget, illa denunciatio fieri debet) hoc crimen non tenetur probare tanquam Actor, sed tantum deponere, quod audivit, veluti Testis, ac
sufficit

sufficit prefato Sacro Tribunali hac denuncia-
tio saltem ad diligentiam adhibendam pro ul-
teriori inquisitione, & ponendis cautelis. Ita
Felix Potestas Tom. 2. num. 596. & Viva hic,
ambo Itali.

An autem etiam in Germania, ubi non vi-
get Sacra Inquisitio, & ubi Hæretici cum Ca-
tholicis permixti vivunt, sit facienda denun-
ciatio Episcopis cum tanto rigore: & quando
crimen hæresis probari nequit, examinat la
Croix lib. 2. num. 215. atque inclinatur in ne-
gativam, quando exinde non imminet pericu-
lum grave seductionis aliorum &c. Dum autem
ipsi objicitur allegata propositio damnata, ait,
illam esse intelligendam tantummodo quoad lo-
ca, in quibus viget Officium Inquisitionis, seu
ubi Bullæ in tanto rigore usureceptæ sunt, non
autem quoad Germaniam, ubi juxta plures Vi-
ros eximie doctos non sunt cum tanto rigore
receptæ. Vide la Croix loc. cit. si similis
casus emergat.

6. Confessarius, qui in sacramentali
Confessione tribuit poenitenti chartam
postea legendam, in qua ad venerem in-
citat, non censetur sollicitasse in Confes-
sione, ac proinde non est denunciandus.

Videatur Tract. 14. Dist. 8. n. 61. ubi re-
perietur hæc propositio reprobata.

Modus

7. Modus evadendi obligationem denunciandæ sollicitationis est, si sollicitatus confiteatur cum sollicitante, hic potest ipsum absolvere absque onere denunciandi.

Ibid. num. 66.

8. Duplicatum stipendium potest Sacerdos pro eadem Missa licite accipere, applicando petenti partem etiam specialissimam fructus ipsimet celebranti correspondentem, idque post Decretum Urbani VIII.

Videatur Tract. 14. Dist. 5. n. 51. & seqq. præsertim n. 55.

9. Post Decretum Urbani potest Sacerdos, cui Missæ celebrandæ traduntur, per alium satisfacere, collato illi minore stipendio, alia parte stipendii sibi retenta.

Ibid. n. 95. & seqq.

10. Non est contra iusticiam pro pluribus Sacrificiis stipendium accipere, & Sacrificium unum offerre, neque etiam est contra fidelitatem; etiamsi promittam, promissione etiam juramento firmata, danti stipendium, quod pro nullo alio offeram.

Ibid. n. 51. & seqq. præsertim n. 13.

11. Pec-

11. Peccata in Confessione omissa, seu obliata, ob instans periculum vitæ, aut ob aliam causam non tenemur in sequenti confessione exprimere.

Vid. Tract. 14. Dist. 7. n. 45.

12. Mendicantes possunt absolvere a Casibus Episcopis reservatis, non obtenta ad id Episcoporum facultate.

Ibid. Dist. 9. num. 11. Videantur etiam desuper Viva in sua Trutina hic, uti pari modo Matthæus in cautela Confessariorum, quorum prior Urbanum VIII. alter vero Clement. X. adducit, eandem Propositionem reprobantes.

13. Satisfacit præcepto annuæ Confessionis, qui confitetur Regulari, Episcopo præsentato, sed ab eo iniuste reprobato.

Vid. Tract. 14. Dist. 8. n. 14.

14. Qui facit Confessionem voluntarie nullam, satisfacit præcepto Ecclesiæ.

Vid. Tract. 10. Dist. 3. n. 20.

15. Pœnitens propria auctoritate substituere sibi alium potest, qui loco ipsius pœnitentiam adimpleat.

Vid. Tract. 14. Dist. 10. n. 15.

16. Qui beneficium curatum habent, possunt sibi eligere in Confessarium simplicem Sacerdotem non approbatum ab Ordinario.

Vid.

Vid. Tract. 14. Dist. 8. n. 14. & n. 15.

17. Est licitum Religioso vel Clerico, calumniatorem gravia crimina de se, vel de sua Religione spargere minantem occidere, quando alius modus defendendi non suppetit: uti suppetere non videtur, si calumniator sit paratus, vel ipsi Religioso, vel ejus Religioni publice & coram gravissimis Viris prædicta impingere, nisi occidatur.

Vid. Tract. 9. Dist. 3. n. 23, & sequentibus numeris ac Additionibus.

18. Licet interficere falsum accusatorem, falsos testes, ac etiam Judicem, a quo iniqua certo imminet sententia, si alia via non potest innocens damnum vitare.

Ibid. n. 24.

19. Non peccat maritus, occidens propria auctoritate uxorem in adulterio deprehensam.

Ibid. præsertim n. 25.

20. Restitutio a Pio V. imposita Beneficiatis non recitantibus Horas, non debetur in conscientia ante sententiam declaratoriam Judicis, eoquod sit pœna.

Vid. Tract. 2. Dist. 2. Additione post num.

43. Item *Tract. 6. Dist. 1. num. 34. ac sequentibus Additionibus.*

21. Habens Capellaniam collativam aut quodvis aliud Beneficium Ecclesiasticum, si studio litterarum vacet, satisfacit suae obligationi, si officium per alium reciter.

Vid. Tract. 6. Dist. 1. n. 87.

22. Non est contra Justitiam Beneficia Ecclesiastica non conferre gratis, quia Collator conferens illa Beneficia Ecclesiastica pecunia interveniente, non exigit illam pro collatione Beneficii, sed veluti pro emolumento temporali, quod tibi conferre non tenebatur.

Vid. Tract. 5. Dist. 3. n. 45.

23. Frangens jejunium Ecclesiae, ad quod tenetur, non peccat mortaliter, nisi ex contemptu vel inobedientia hoc faciat; puta, quia non vult se subicere praecepto.

Vid. Tract. 10. Dist. 2. n. 30.

24. Mollicies, Sodornia, Bestialitas sunt peccata ejusdem speciei infimae; adeoque sufficit dicere in confessione se procurasse pollutionem.

Vid. Tract. 9. Dist. 4. n. 67. & seq. praesertim n. 68.

1

25. Qui

Anach. Reiffenst Theol. Tom. I.

25. Qui habet copulam cum soluta, satisfacit confessionis præcepto, dicens, commisi cum soluta grave peccatum contra Castitatem, non explicando copulam.

Vid. Tract. 1. Dist. 1. num. 24. & Dist. 2. num. 30.

26. Quando litigantes habent pro se opiniones æque probabiles, potest Judex pecuniam accipere pro ferenda sententia in favorem unius præ alio.

Vid. Tract. 1. Dist. 3. n. 62.

27. Si liber sit alicujus junioris & moderni, debet opinio centeri probabilis, dum non constet, rejectam esse a Sede Apostolica tanquam improbabilem.

Vid. Tract. 1. Dist. 3. n. 40. & seqq.

28. Populus non peccat, etiamsi absque ulla causa non recipiat legem a Principe promulgatam.

Vid. Tract. 2. Dist. 1. n. 36.

Quibus peractis, dum similium Propositionum examini cura & studium impenditur, interea idem Sanctissimus, re mature considerata, statuit & decrevit, prædictas Propositiones & unamquamque ipsarum, ut minimum tanquam scandalosas-

fas esse damnandas & prohibendas, sicuti eas damnat ac prohibet; ita ut quicumque illas aut conjunctim aut divisim docuerit, defenderit, ediderit, aut de eis etiam disputative publice aut privatim tractaverit, nisi forsan impugnando, ipso facto incidat in excommunicationem, a qua non possit (præterquam in articulo mortis) ab alio quacunque etiam dignitate fulgente, nisi a pro tempore existente Romano Pontifice, absolvi.

Insuper districtè in virtute sanctæ obedienciæ, & sub interminatione divini iudicii prohibet omnibus Christi fidelibus, cujuscunque conditionis, dignitatis, ac status etiam speciali & specialissima nota dignis, ne prædictas opiniones. aut aliquam ipsarum ad praxim deducant,

Loco † Sigilli.

JOANNES LUPUS, S. *Romanae*
& *Universalis Inquisitionis* Not.

Anno à Nativitate D. N. Jesu Christi mil-
lesimo, sexcentesimo, sexagesimo quinto, Indict.
3. die vero 2. Mensis Octob. Pontificatus autem

1 2

SS.

SS. in Christo Patris D. N. D. Alexandri Divina Providentia Papa VII. Anno undecimo, supradictum Decretum affixum, & publicatum fuit ad Valvas Basilicæ Principis Apostolorum, Cancellariæ Apostolicæ, ac in Acie Campi Floræ, ac in aliis locis solitis, & consuetis Urbis per me Carolum Melanum ejusdem SS. D. N. & Sanctissimæ Inquisitionis Cursorem.

Romæ Typis Rev. Camerae Apostolicæ
1665.

DECRETUM II. ALEXANDRI VII.

Feria 5. die 18. Martii 1666. emanatum, in quo continuatur
Damnationem.

In Congregatione Generali Sanctæ Romanæ, & Universalis Inquisitionis, habita in Palatio Apostolico Montis Quirinalis coram SS. D. N. D. Alexandro Divina Providentia Papa VII. ac Eminentissimis & Reverendissimis DD. S. R. E. Cardinalibus, in tota Republica Christiana, adversus hæreticam pravitatem Generalibus

libus Inquisitoribus, a S. Sede Apostolica specialiter deputatis.

SANCTISSIMUS D. N. post latum Decretum die XXIV. Septemb. proxime elapsi, quo viginti octo Propositiones damnatae fuerunt, examinatis sedulo, ac accurate usque ad hanc diem infra scriptis aliis, quadragesimum quintum numerum implentibus per plures in Sacra Theologia Magistros, ac per Eminentissimos & Reverendissimos DD. Cardinales adversus haereticam pravitatem Generales Inquisitores eorum suffragia singillatim super unaquaque ipsarum audivit.

PROPOSITIONES.

29. In die jejunii, qui saepius modicum quid comedit, etsi notabilem quantitatem in fine comedit, non frangit jejunium.

Vid. Tract. 10. Dist. 2. n. 7. & post n. 35. Addit. II.

30. Omnes Officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio.

Vid. Tract. 10. Dist. 2. n. 69.

31. Excusantur absolute a præcepto jejunii omnes illi, qui iter agunt equitando, utcumque iter agant, etiamsi iter necessarium non sit, & etiamsi iter unius diei conficiant.

Ibid. num. 70. ac 71. & Addit. seq.

32. Non est evidens, quod consuetudo non comedendi ova & lacticia in Quadragesima obliget.

Vid. Tract. 10. Dist. 2. num. 9. & num. 10.

33. Restitutio fructuum ob omissionem Horarum suppleri potest per quas-cunque eleemosynas, quas antea Beneficiarius de fructibus sui beneficii fecerit.

Ratio damnationis est: quia donatio præcedens omissionem Horarum fuit omnino liberalis, per quam res absolute donata transiit in dominium pauperis donatarii, adeoque per eandem non poterit satisfieri obligationi novæ primum post hanc donationem supervenienti.
Vid. Tract. 6. Dist. 1. n. 34. & sequentibus Additionibus.

34. In die Palmarum recitans officium Paschale satisfacit præcepto.

Ibid. num. 60.

35. Unico officio potest quis satisfacere duplici præcepto pro die præsentis & crastino.

Ibid. n. 74.

36. Regulares possunt in foro conscientiae uti privilegiis suis, quæ sunt expresse revocata per Concilium Trident.

Non defuerunt Auctores apud Dominicum Viva hic, qui putarunt, Regulares privilegiis explicite a Concilio Tridentino revocatis adhuc uti posse, non quidem in foro externo, cum id vetitum fuerit a Gregorio XIII. ad vitandas dissensiones inter Episcopos & Regulares, sed solum in foro conscientiae. Ast hæc doctrina quoad Privilegia cassata (secus dic quoad alia) merito est rejecta, cum Concilium Tridentinum, approbante Summo Pontifice, quædam Privilegia Regularium claris terminis revocet absolute & indistincte: adeoque pariter illa revocatio absolute ac indistincte intelligenda est, prout utique Successores sic revocare possunt, quod Antecessores absque ulla stricta obligatione concesserunt.

37. Indulgentiæ concessæ Regularibus & revocatæ a Paulo V. hodie sunt revalidatæ.

Vid. Tract. 12. Dist. 3. n. 37.

38. Mandatum Tridentini factum Sacerdoti sacrificanti ex necessitate cum peccato mortali, confitendi *quamprimum*, est consilium, non præceptum.

Vid. Tract. 14. Dist. 2. n. 32. & seqq.

39. Illa particula *quamprimum* intelligitur, cum Sacerdos suo tempore confitebitur.

Ibidem.

40. Est probabilis opinio, quæ dicit, esse tantum veniale, osculum habitum ob delectationem carnalem & sensibilem, quæ ex osculo oritur, secluso periculo consensus ulterioris, & pollutionis.

Vid. Tract. 9. Dist. 4. n. 71. ac seqq. & præsertim Additionibus post n. 78.

41. Non est obligandus concubinarium ad ejiciendam concubinam, si hæc nimis utilis esset ad oblectamentum concubinari, vulgo *regalo*, dum deficiente illa nimis ægre ageret vitam, & aliæ epulæ tædio magno concubinarium afficerent, & alia famula nimis difficile inveniretur.

Vid. Tract. 14. Dist. 8. num. 47. junctis Additionibus.

42. Lici-

42. Licitum est mutuanti aliquid ultra sortem exigere, si se obliget ad non repetendam sortem usque ad certum tempus.

Vid. Tract. 8. Dist. 4. num. 40. & 41.

43. Annuum legatum pro anima relictum non durat plus, quam per 10. annos.

Ratio damnationis dictæ Propositionis est, quia annuum illud Legatum pingue e. g. & proportionatum stipendio potuit esse factum absque restrictione ad certum tempus; ergo non debet annuum Legatum indefinite factum illico restringi ad decennium. Dices: Juxta Sotum & alios Doctores nulla anima ultra decennium detinetur in purgatorio: ergo nec presumendum est, quod fundator ultra decennium petierit persolvi contenta in litteris fundationis. Resp. in primis, Antecedens gratis asseri, atque esse falsum & contra communem persuasionem fidelium, ac contrarium apud Dominicum Viva hic patere ex Historiis Ecclesiasticis, vbi quarum plures animæ longe ultra decennium in hoc ergastulo sunt detentæ. Deinde dato etiam, quod ex revelationibus in uno alterove casu constaret, animam fundatoris certo jam frui beatitudine, adhuc Hæredes tenerentur satisfacere legato annuo perpetuo, & ex Ecclesiæ communi praxi censetur voluntas Fundatoris,

ut suffragium illud, si non sibi, saltem aliis de familia profuit.

44. Quoad forum conscientiae reo correcto, ejusque contumacia cessante cessant censurae.

Vid. Tract. 13. Dist. 1. num. 42.

45. Libri prohibiti, donec expurgentur, possunt retineri, usque dum adhibita diligentia corrigantur.

Notandum ex *Viva hic*, quod libri Hæreticorum hæresin continentes, vel de Religione tractantes in Bulla Cæne prohibeantur absolute sub excommunicatione reservata: alii vero passim prohiberi soleant sub clausula: donec corrigantur. De his itaque ultimis aliqui Theologi docuerunt retineri posse, donec opportune eorum correctio aut expunctio fuerit indulta, cui tamen doctrina repugnant Regulae Indicis præscriptæ in Concilio Tridentino, in quibus absolute prohibentur a Pontifice, ne quis apud se habeat, vel retineat libros quovis titulo interdictos, & consequenter parendum est Pontifici mandanti, ut dicti Libri deferantur Inquisitori Sancti Officii, ubi ita viget, ut recte observat Sabinus Bononiensis, dum scribit in dictas Propositiones
dam-

damnatas. Quid in Germania quoad libros prohibitos secunda classis sit sentiendum, eruitur ex Tract. 4. Dist. 4. num. 42.

Quibus mature pensatis: idem Sanctissimus statuit ac decrevit, prædictas Propositiones & unamquamque ipsarum ut minimum tanquam scandalosas esse damnandas & prohibendas, sicuti eas damnat ac prohibet, ita ut quicumque illas aut conjunctim aut divisim docuerit, defenderit, ediderit, aut de eis etiam disputative, publice, aut privatim tractaverit, nisi forsan impugnando, ipso facto incidat in excommunicationem, a qua non possit (præterquam in articulo mortis) ab alio quacunque etiam dignitate fulgente, nisi a pro tempore existente Romano Pontifice absolvi.

Insuper districte in virtute Sanctæ obedientiæ, & sub interminatione Divini iudicii prohibet omnibus Christi fidelibus, cujuscunque conditionis, dignitatis, & status etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

Loco † Sigilli.

JOANNES LUPUS, *Sacra Romana & Universalis Inquisitionis*
Notar. *Anno*

Anno a Nativitate D. N. JESU Christi millesimo sexcentesimo sexagesimo sexto, Indictione quarta, die vero 23. Mensis Martii, Pontificatus autem Sanctiss. in Christo Patris & D. N. D. Alexandri Divina Providentia Papæ VII. Anno undecimo supradictum Decretum affixum & publicatum fuit ad Valvas Principis Apostolorum Cancellariæ Apostolica, ac in Acie Campi Floræ, ac in alijs locis solitis & consuetis Urbis per me Carolum Melanam, ejusdem SS. D. N. Papæ & Sanctissimæ Inquisitionis Cursorem.

*Romæ Typis Rev. Camerae Apostolicæ
1666.*

D E C R E T U M I. INNOCENTII XI.

Feria 5. Die 2. Martii Anno 1679.

In Congregatione Generali Sanctæ Romanæ & Universalis Inquisitionis, habita in Palatio Apostolico Vaticano coram Sanctiss. D. N. D. Innocentio, Divina Providentia Papæ XI. ac Eminentissim. & Reverendissim. DD. S. R. E. Cardinalibus, & in tota Republica Christiana adversus hæreticam pravitatem Generalibus.

valibus Inquisitoribus, a Sancta Sede Apostolica specialiter deputatis.

SANCTISSIMUS D. N. INNOCENTIUS PAPA XI. prædictus ovium sibi a Deo creditarum salutis sedulo incumbens, & salubre opus in segregandis noxiis doctrinarum pascuis ab innoxiiis a fel. record. Alexand. VII. Prædecessore suo inchoatum prosequi volens, plurimas Propositiones, partim ex diversis, vel libris, vel thesibus, seu scriptis excerptas, & partim noviter adinventas Theologorum plurium examini, & deinde Eminentissim. & Reverendissimis DD. Cardinalibus contra hæreticam pravitatem Generalibus Inquisitoribus, subjecit. Quibus propositionibus sedulo accurate sæpius discussis, eorundem Eminentissimorum Cardinalium, & Theologorum votis per Sanctitatem suam auditis, idem Sanctissimus D. N. re postea mature considerata statuit, & decrevit pro nunc sequentes propositiones, & unamquamque ipsarum, sicut jacent, ut minimum tanquam scandalosas, & in praxi perniciosas, esse damnandas, & prohibendas, sicuti eas damnat, & prohibet. Non intendens tamen Sanctitas sua per hoc Decretum

tum alias propositiones in ipso non expressas, Sanctitati suæ quomodolibet, & ex quacunque parte exhibitas, vel exhibendas ullatenus approbare.

PROPOSITIONES.

1. Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conventio, aut periculum gravis damni incurrendi. Hinc sententia probabili tantum utendum non est in collatione Baptismi, Ordinis Sacerdotalis, aut Episcopalis. *Declaratur hæc propositio tr. 1. dist. 3. n. 58.*

2. Probabiliter existimo, Judicem posse judicare juxta opinionem etiam minus probabilem.

Videatur Tract. 1. Dist. 3. n. 61.

3. Generatim dum probabilitate, five intrinseca quantumvis tenui, modo a probabilitatis finibus non exeatur, confisi aliquid agimus, semper prudenter agimus.

Vid. Tract. 1. Dist. 3. n. 44. & seqq.

4. Ab infidelitate excusabitur infidelis non credens ductus opinione minus probabili.

Vid.

Vid. Tract. 4. Dist. 2. n. 30.

5. An peccet mortaliter, qui actum dilectionis Dei semel tantum in vita eliceret, condemnare non audemus.

Vid. Tract. 4. Dist. 4. num. 9. & Additione sequenti.

6. Probabile est, ne singulis quidem rigoroſe quinquenniis per ſe obligare præceptum Charitatis erga Deum.

Ibidem.

7. Tunc ſolum obligat, quando tene-
mur juſtificari, & non habemus aliam
viam, qua juſtificari poſſimus.

Ibidem.

8. Comedere & bibere uſque ac ſatie-
tatem ob ſolam voluptatem, non eſt pec-
catum, modo non obſit valetudini; quia
licite poteſt appetitus naturalis ſuis acti-
bus frui.

Vid. Tract. 1. Dist. 2. Additione poſt n. 39.

Item Tract. 3. Dist. 3. num. 51.

9. Opus conjugii ob ſolam voluptatem
exercitum omni penitus caret culpa, ac
defectu veniali.

Vid. Tract. 1. Dist. 2. Addit. poſt n. 39.

Non

10. Non tenemur proximum diligere actu interno & formali.

Vid. Tract. 4. Dist. 6. n. 12.

11. Præcepto proximum diligendi satisfacere possumus per solos actus externos.

Ibidem.

12. Vix in Sæcularibus invenies, etiam in Regibus superfluum statui. Et ita vix aliquis tenebitur ad eleemosynam, quando tenetur tantum ex superfluo statui.

Vid. Tract. 4. Dist. 6. num. 42. & Additione sequent.

13. Si cum debita moderatione facias, potes absque peccato mortali de vita aliqujus tristari, & de illius morte naturali gaudere, illam inefficaci affectu petere, & desiderare, non quidem ex displicentia personæ, sed ob aliquod temporale emolumentum.

Vid. Tract. 4. Dist. 7. n. 10. 11. & 12. cum suis Additionibus.

14. Licitum est, absoluto desiderio cupere mortem Patris, non quidem ut malum Patris, sed ut bonum cupientis; quia nimirum ei obventura est pinguis hæreditas.

Ibidem.

15. Licitum est filio gaudere de parricidio parentis a se in ebrietate perpetrato, propter ingentes divitias inde ex hæreditate consecutas.

Ibid.

16. Fides non censetur cadere sub præceptum speciale; & secundum se.

Vid. Tract. 4. Dist. 2. num. 13.

17. Satis est, actum Fidei semel in vita elicere.

Vid. Tract. 4. dist. 2. num. 28.

18. Si a potestate publica quis interrogetur, fidem ingenue confiteri, ut Deo, & fidei gloriosum consulo; tacere, ut peccaminosum per se non damno.

Vid. tract. 4. dist. 3. num. 45.

19. Voluntas non potest efficere, ut assensus fidei in se ipso sit magis firmus, quam mereatur pondus rationum ad assensum impellentium.

Vid. tract. 4. dist. 3. n. 58.

20. Hinc potest quis prudenter repudiare assensum, quem habebat supernaturalem.

Ibid. num. 59. & Addit.

m

21. Assen-

Anacl. Reiffenst. Theol. Tom. I.

21. Assensus fidei supernaturalis, & utilis ad salutem stat cum noticia solum probabili revelationis, imo cum formidine, qua quis formidet, ne non sit locutus Deus.

Ibid.

22. Non nisi fides unius Dei necessaria videtur necessitate medii, non autem explicita Remuneratoris.

Vid. tract. 4. dist. 2. num. 16. & seqq.

23. Fides late dicta testimonio creaturarum, similive motivo ad justificationem sufficit.

Ibid. num. 20. & seqq.

24. Vocare Deum in testem mendacii levis, non est tanta irreverentia, propter quam velit, aut possit damnare hominem.

Vid. tract. 6. dist. 2. num. 29. & Addit. post num. 40.

25. Cum causa licitum est jurare sine animo jurandi, sive res sit levis, sive gravis.

Ibid. num. 38. & Addit. post num. 40.

26. Si quis, vel solus, vel coram aliis, sive interrogatus, sive propria sponte, sive recreationis causa, sive quocunque alio

alio fine juret , se non fecisse aliquid, quod
revera fecit , intelligendo intra se aliquid
aliud , quod non fecit , vel aliam viam ab
ea , in qua fecit , vel quodvis aliud addi-
tum verum , revera non mentitur , nec
est perjurus.

Ibid.

27. Causa justa utendi his amphibolo-
giis est , quoties id necessarium , aut uti-
le est ad salutem corporis , honores , res
familiares tuendas , vel ad quemlibet ali-
um virtutis actum , ita , ut veritatis occul-
tatio sentiat tunc expediens , & studio-
sa.

Ibid.

28. Qui mediante commendatione ,
vel munere ad Magistratum , vel Officium
publicum promotus est , poterit cum re-
strictione mentali præstare juramentum ,
quod de mandato Regis a similibus solet
exigi , non habito respectu ad intentionem
exigentis ; quia non tenetur fateri crimen
occultum.

Ibid.

29. Urgens metus gravis est causa justa
Sacramentorum administrationem simu-
landi.

Ratio hujus damnationis est ; quia simulare Sacramentorum administrationem ponendo externe omnes partes Sacramenti , idem est , ac mentiri ; non enim refert , utrum quis mentiatur verbo , vel facto , prout notat D. Thomas 2. 2. qu. st. III. art. 1. atqui ob metum gravem mentiri non licet , ne quidem pro defendenda vita cap. Super eo. de Usur. ergo nec licebit simulare ex metu gravi Sacramentorum administrationem. Confirmatur : non licet ob metum gravem sacrilege administrare Sacramentum ; cum non liceat ob metum gravem peccare : ergo nec licebit ob metum gravem fecte , seu simulate administrare Sacramentum : quoniam majus est peccatum administrare Sacramentum , quam sacrilege juxta cap. 7. de Celebratione Missarum juncto Summario. Hinc non licet formulam absolutoriam , Ego te absolvo a peccatis tuis , proferre super aliquem scienter incapacem Sacramentalis absolutionis. Sed quando absolutus negando absolutionem foret periculum , ne Confessarius Sigillum Confessionis exinde frangat , deberet sub formatione Crucis alia Oratio e. g. Misereatur &c. tacite proferri , aut sub obscuro dici , Ego te neutiquam absolvo a tuis peccatis , ita , ut adverbium neutiquam non perciperetur ab adstantibus , ut advertit Kugler in cit. proposit. Videan-

*Videantur fusius Cardenas, & Dominicus Vi-
va, quando scribunt in dictam propositionem.*

30. Fas est viro honorato occidere in-
vasorem, qui nititur calumniam inferre,
si aliter hæc ignominia vitari nequit: idem
quoque dicendum, si quis impingat ala-
pam, vel fuste percutiat, & post im-
pactam alapam, vel ictum fustis fugiat.

*Vid. tract. 9. dist. 3. n. 26. & sequenti-
bus numeris, ac Additionibus.*

31. Regulariter occidere possum furem
pro conservatione unius aurei.

Ibid.

32. Non solum licitum est defendere
defensione occisiva, quæ actu possidemus,
sed etiam ad quæ jus inchoatum habemus,
& quæ nos possessuros speramus.

Ibid.

33. Licitum est tam hæredi, quam le-
gatario contra injuste impredientem, ne
vel hæreditas adeatur, vel legata solvan-
tur, se taliter defendere, sicuti & jus ha-
benti in cathedram, & præbendam contra
eorum possessionem injuste impredientem.

Ibid. num. 29.

34. Licet procurare abortum ante ani-

mationem foetus, ne puella deprehensa gravida occidatur, aut infametur.

Ibid. num. 37.

35. Videtur probabile, omnem foetum, quamdiu in utero est, carere anima rationali, & tunc primum incipere eandem habere, cum paritur, ac consequenter dicendum erit, in nullo abortu homicidium committi.

Ibid.

36. Permissum est furari, non solum in extrema necessitate, sed etiam in gravi.

Vid. Tract. 9. Dist. 5. n. 13. & n. 14. ac Additione post num. 104.

37. Famuli, & famulae domesticae possunt occulte heris suis furripere ad compensandam operam suam, quam majorem judicant salario, quod recipiunt.

Ibid. num. 39.

38. Non tenetur quis sub poena peccati mortalis restituere, quod ablatum est per pauca furta, quantumcunque sit magna summa totalis.

Ibid. n. 20.

39. Qui alium movet, aut inducit ad inferendum grave damnum tertio non tenetur ad restitutionem illius damni illaci.

Vid.

*Vid. Tract. 9. n. 61. vide etiam num. 44.
circa hanc doctrinam.*

40. Contractus Mohatra licitus est, etiam respectu ejusdem personæ, cum contractu retrovenditionis prævic inito cum intentione lucri.

Vid. Tract. 8. Dist. 4. n. 27.

41. Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra sortem a mutatario exigere, & eo titulo ab usura excusari.

Ibid. num. 40. & num. 41.

42. Usura non est, dum ultra sortem aliquid exigitur, tanquam ex benevolentia, & gratitudine debitum, sed solum, si exigatur tanquam ex justitia debitum.

Ibid. num. 25. & seqq.

43. Quidni non nisi veniale sit, detrahentis auctoritatem magnam sibi noxiam falso crimine elidere?

Vid. Tract. 9. Dist. 6. num. 11. & n. 12.

44. Probabile est, non peccare mortaliter, qui inponit falsum crimen alicui, ut suam justiciam, & honorem defendat. Et si hoc non sit probabile,

vix ulla erit opinio probabilis in Theologia.

Ibidem.

45. Dare temporale pro spirituali non est Simonia, quando temporale non datur tanquam pretium, sed duntaxat tanquam motivum conferendi, vel efficiendi spirituale, vel etiam quando temporale sit solum gratuita compensatio pro spirituali aut econtra.

Vid. Tract. 5. Dist. 3. num. 43.

46. Et id quoque locum haber, etiam si temporale sit principale motivum dandi spirituale: imo etiam si sit finis ipsius spiritualis, sic, ut illud pluris aestimetur, quam res spiritualis.

Ibid. num. 45. & num. 46.

47. Cum dixit Concilium Tridentinum, eos alienis peccatis communicantes, mortaliter peccare, qui, nisi quos digniores, & Ecclesiae magis utiles ipsi judicaverint, ad Ecclesias promovent, Concilium vel primo videtur per hoc *digniores* non aliud significare velle, nisi dignitatem eligendorum sumpto comparativo pro positivo, vel secundo locutione minus propria ponit digniores; ut excludat indignos

gnos, non vero dignos, vel tandem loquitur tertio, quando fit concursus.

Vid. Tract. 11. Dist. 1. num. 45. & 46. ac num. 47.

48. Tam clarum videtur, fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum videatur.

Vid. Tract. 9. Dist. 4. n. 12.

49. Mollities jure naturæ prohibita non est, unde, si Deuseam non interdixisset, sæpe esset bona, & aliquando obligatoria sub mortali.

Ibid. num. 45.

50. Copula cum conjugata consentiente marito non est adulterium, adeoque sufficit in confessione dicere, se esse fornicatum.

Ibid. n. 18.

51. Famulus, qui submissis humeris scienter adjuvat herum suum ascendere per fenestras ad stuprandam virginem, & multoties eidem subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta,

ne a Domino male tractetur, ne torvis oculis aspiciatur, ne domo expellatur.

Vid. Tract. 4. Dist. 7. num. 24. cum seqq. Additionibus.

§ 2. Præceptum servandi festa non obligat sub mortali, seposito scandalo, si absit contemptus.

Vid. Tract. 10. Dist. 2. n. 24.

§ 3. Satisfacit præcepto Ecclesiæ de audiendo sacro, qui duas ejus partes, imo quatuor simul a diversis celebrantibus audit.

Ibid. num. 40. & num. 41.

§ 4. Qui non potest recitare Matutinum, & Laudes, potest autem reliquas Horas, ad nihil tenetur, quia major pars trahit ad se minorem.

Vid. Tract. 6. Dist. 1. n. 83.

§ 5. Præcepto Communionis annuæ satisficit per sacrilegam Domini manducationem.

Vid. tract. 10. Dist. 3. n. 28.

§ 6. Frequens Confessio, & Communio etiam in his, qui gentiliter vivunt, est nota prædestinationis.

Vid. tract. 10. dist. 3. num. 56.

§ 7. Probabile est, sufficere attritionem naturalem, modo honestam.

Vid.

Vid. Tract. 14. dist. 6. num. 42.

58. Non tenemur Confessario interroganti fateri peccati alicujus consuetudinem.

Vid. tract. 14. dist. 7. num. 53.

59. Licet Sacramentaliter absolvere dimidiate tantum confessos ratione magni concursus poenitentium, qualis v. g. potest contingere in die magnæ alicujus festivitatis, aut indulgentiæ.

Ibid. num. 41.

60. Poenitenti habenti consuetudinem peccandi contra legem Dei, naturæ, aut Ecclesiæ, etsi emendationis nulla spes appareat, nec est neganda, nec differenda absolutio, dummodo ore proferat, se dolere, & proponere emendationem.

Vid. Tract. 14. dist. 8. num. 51. & seqq.

61. Potest aliquando absolvi, qui in proxima occasione peccandi versatur, quam potest, & non vult omittere, quinimo directe, & ex proposito quærit, aut ei se ingerit.

Ibid. num. 47. junctis Additionibus.

62. Proxima occasio peccandi non est fugienda, quando causa aliqua utilis, aut honesta non fugiendi occurrit.

Ibid.

63. Licitum est quærere directe occasionem

sionem proximam peccandi pro bono spiritali, vel temporali nostro, vel proximi.

Ibid.

64. Absolutionis capax est homo, quantumvis laboret ignorantia Mysteriorum Fidei, & etiamsi per negligentiam, etiam culpabilem nesciat Mysterium Sanctissimæ Trinitatis, & Incarnationis Domini nostri Jesu Christi.

Vid. tract. 4. dist. 2. num. 24. & Additionibus

65. Sufficit, illa Mysteria semel credidisse.

Ibid. num. 28.

Quicumque autem cujusvis conditionis, status, & dignitatis illas, vel illarum aliquam conjunctim, vel divisim defenderit, vel ediderit, vel de eis disputative publice, aut privatim tractaverit, vel prædicaverit, nisi forsan impugnando, ipso facto incidat in excommunicationem lætæ sententiæ, a qua non possit (præterquam in articulo mortis) ab alio quacunque dignitate fulgente, nisi pro tempore existente Romano Pontifice, absolvi.

Insuper districte in virtute Sanctæ obedientiæ, & sub interminatione Divini Judicii

dicium prohibet omnibus Christi Fidelibus, cujuscumque conditionis, dignitatis & status, etiam speciali, & specialissima nota dignis, ne praedictas opiniones, aut aliquam ipsarum ad praxin deducant.

NB.

Tandem, ut ab injuriosis contentionibus Doctores, Scholastici, aut alii quicumque imposterum se abstineant, & ut paci, & charitati consulatur, idem Sanctissimis in virtute sanctae obedientiae eis praecipit, ut tam in libris imprimendis ac manuscriptis, quam in thesibus, disputationibus, ac praedicationibus caveant ab omni censura, & nota, nec non a quibuscunque convitiis contra eas propositiones, quae adhuc inter Catholicos hinc inde controvertuntur, donec a S. Sede recognita super iisdem propositionibus judicium proferatur.

Loco † Sigilli.

FRANCISCUS RICHARD,

*S. Rom. & Universal. inquisi-
sit. Not.*

Anno

*Anno a Nativitate D. N. JESU Christi
1679. Indiēt. 2. die vero 4. Mensis Martii,
Pontificatus autem Sanct. & D. N. D. Inno-
centii Div. Prov. Papæ XI. anno tertio supra-
dictum Decretum affixum, & publicatum fuit
ad valvas Basilicæ Principis Apostolorum, Can-
cellariæ Apostolicæ, ac in acie campi Floræ, ac
in alii locis solitis, & consuetis Urbis per me
Franciscum Perinum ejusd. Sanctiss. D. N. &
Sanctiss. Inquisitionis Cursorem.*

Romæ Typis Rev. Camer. Apostol. 1679.

DECRETUM II.

INNOCENTII XI.

Circa communionem quotidianam.

CUM ad aures Sanctissimi D. N. fide di-
gnorum testimonio pervenerit, in
quibusdam Diœcesibus vigere usum quo-
tidianæ Communionis, etiam in Feria
sexta Parasceve, & simul affirmari eandem
quotidianam Communionem præceptam
esse a jure Divino, quin etiam in illius
administratione aliquos abusus inolevisse,
videli-

videlicet, quod aliqui, non in Ecclesia, sed in privatis Oratoriis, & domi, ino-
cubantes in lecto, & non laborantes ul-
la gravi infirmitatis nota sumant sacrosan-
ctam Eucharistiam, quam argentea the-
ca inclusam, in crumena, aut secreto il-
lis deferunt Sacerdotes Sæculares, aut Re-
gulares, aliique in Communionem accipien-
tes plures formas ac particulas, vel gran-
diores solito, ac tandem quis confitea-
tur peccata venialia simplici Sacerdoti,
non approbato ab Episcopo, aut Ordina-
rio. Cum autem hæc Sanctissimus confi-
deranda commiserit Sac. Congregat. Car-
dinalium, Concil. Trident. interpretum
eadem Sacra Congregatio prævia matura
discussione super prædictis unanimi sen-
tentia ita censuit: etsi frequens, quoti-
dianusve Sacrosanctæ Eucharistiæ usus a
SS. Patribus fuerit semper in Ecclesia pro-
batus, nunquam tamen, aut sæpius illam
percipiendi, aut ab ea abstinendi, certos
singulis mensibus, aut hebdomadis dies
statuerunt, quod nec Concil. Tridenti-
num præscripsit, sed quasi humanam in-
firmitatem secum reputaret, nihil præ-
cipiens, quid cuperet, tantum indicavit,
cum

cum inquit: optaret quidem Sacrosancta Synodus, ut singulis Missis fideles adstantes Sacramentali Eucharistiæ perceptione communicarent. Idque non immerito, multiplices enim sunt conscientiarum recessus, variae ob negotia spiritus alienationes, multae econtra gratiae, & Dei dona parvulis concessa: quæ cum humanis oculis scrutari non possimus, nihil certe de cuiusque dignitate atque integritate, & consequenter de frequentiori aut quotidiano vitalis panis esu potest constitui. Et propterea, quod ad negotiatores ipsos attinet, frequens ad sacram alimoniam percipiendam accessus Confessariorum secreta cordis explorantium iudicio est relinquendus, qui ex conscientiarum puritate & frequentiae fructu, & ad pietatem processu laicis negotiatoribus, & Conjugatis, quod prospicient eorum saluti profuturum, id illis præscribere debebunt. In Conjugatis autem hoc amplius animadvertent, cum B. Apostolus nolite eos invicem fraudari, nisi forte ex consensu ad tempus, ut vacent orationi, eos serio admoneant, tanto magis ob sacratissimæ Eucharistiæ reverentiam continentiae vacandum, puriorque

rique mente ad cœlestium Epularum Communionem esse conveniendum. In hoc igitur Pastorum diligentia potissimum invigilabit, non ut a frequenti, aut quotidiana Sacrae Communionis sumptione unica præcepti formula aliqui deterreantur, aut sumendi dies generaliter constituentur sed magis, quid singulis permittendum per se, aut Parochos, seu Confessarios sibi decernendum putet; illudque omnino provideat, ut nemo a Sacro Convivio, seu frequenter, seu quotidie accesserit, repellatur, & nihilominus det operam, ut unusquisque digne pro devotionis, & præparationis modo rarius aut crebrius Dominici corporis suavitatem degustet. Idem Moniales quotidie Sacram Communionem petentes admonendæ erunt, ut in diebus ex earum Ordinis instituto præstitutis communicent, sique vero puritate mentis eniteant, & fervore spiritus ita incaluerint, ut dignæ frequentiori, aut quotidiana SS. Sacramenti perceptione videri possint, id illis a Superioribus permittatur. Proderit etiam præter Parochorum & Confessariorum diligentiam opera quoque Concionatorum uti, & cum eis

n

consti-

constitutum haberi, ut, cum fideles ad SS. Sacramenti frequentiam (quod facere debent) accenderint, statim de magna ad illud sumendum præparatione ordinationem habeant, generatimque ostendant, eos, qui ad frequentiore, aut quotidianam salutiferi cibi sumptionem devoto studio excitantur, debere, sive Laici negotiatores sint, sive conjugati, sive quicunque alii, suam agnoscere infirmitatem, ut dignitate Sacramenti, ac Divini Judicii formidine discant cœlestem mensam, in qua Christus est, revereri, & si quando se minus paratos senserint, ab ea abstinere, seque ad majorem præparationem accingere. Episcopi autem, in quorum Diocœsibus viget hujusmodi devotio erga SS. Sacramentum, pro illa gratias Deo agant: eamque ipsi adhibito prudentiæ & judicii temperamento alere debebunt, & ab eorum officio postulari sibi maxime persuadebunt, nulli labori, aut diligentiae parcendum, ut omnis irreverentiæ, & scandali suspicio in veri & immaculati Agni perceptione collatur, virtutesque ac dona in sumentibus augeantur. Quod abunde continget, si ii, qui devoto hujusmodi studio, Divina præstante gratia, tenentur,

tenentur, seque Sacratissimo Pane frequentius refici cupiunt, suas vires expendere, seque probare cum timore, & charitate assueverint: quibus Christum Dominum, qui se fidelibus manducandum, & se pretium in morte tradidit, atque in cœlesti Regno se præmium est daturus, precatur sacra Congregatio, ut suam opem ad dignam Præparationem, & sumptionem largiatur. Porro Episcopi & Parochi, seu Confessarii redarguant asserentes, Communionem quotidianam esse de Jure Divino, doceant in Ecclesia, seu Oratoriis privatis ex dispensatione, seu Privilegio Pontificis de manu Sacerdotis sumendam SS. Eucharistiam, nec eam ullo modo deferendam in crumena, aut secreto ad existentes domi vel cubantes in lecto, quam ad infirmos, qui ad illam suscipiendam ad loca prædicta accedere non valeant, & ad eos, si ab Ecclesia deferatur, publice & cum pompa juxta formam Ritualis Romani: si vero ab Oratorio privilegiato, cum forma decenti. Curent etiam, ut circa Communionem in Feria 6. Parasceve, Missalis Rubricæ, ac Ecclesiæ Romanæ usus serventur. Insuper admoneant, nulli tradendas plures Eucharistiæ formas,

seu particulas , neque grandiores , sed consuetas. Non permittant , ut venialium Confessio fiat simplici Sacerdoti, non approbato ab Episcopo , aut Ordinario. Si Parochi , & Confessarii, etiam Regulares , aut quicunque alii Sacerdotes secus egerint, sciant, Deo Optimo Maximo rationem reddituros esse neque defuturam Episcoporum , & Ordinariorum justam ac rigorosam animadversionem in contrafacientes , etiam Regulares , etiam Societatis JESU , facultate ipsis Episcopis & Ordinariis per hoc Decretum per Sedem Apostolicam specialiter attributa.

Et facta de præmissis omnibus , ac de verbo ad verbum relatione , Sanctitas sua approbavit , ac præsens Decretum Typis dari, ac publicari voluit. In quorum &c. Datum Romæ 12. Febr. 1679.

F. Card. Columna Præf.

S. Archiep. Brancacius Episc. Viterbiens. Secret.

Die 15. Mensis Februarii 1679. supradictum Decretum affixum, & publicatum fuit per Urbem ad valvas Curia, & in acie campi Floræ, ut moris est, per me Ægidium Felicem SS. D. N. PP. Cursorem. Pro D. Magistro Cursorum Gregorius Scapius , Apost. Curs.

DECRE-

DECRETUM I.

ALEXANDRI D. P.
PAPÆ VIII.

Circa duas Propositiones de Peccato Morali. Feria V. die 24. Augusti 1690.

SANCTISSIMUS D. N. Alexander Papa VIII. non sine magno animi sui mœrore audivit duas Theses, seu Propositiones, unam denuo, & in majorem Fidelium perniciem suscitari, alteram de novo erumpere, & cum sui Pastoralis Officii munus sit, oves sibi creditas a noxiis pascuis avertere, & ad salutaria semper dirigere, dictarum Thesium, sive propositionum examen pluribus in Sacra Theologia Magistris, & deinde Eminentissimis, & Reverendissimis DD. Cardinalibus Inquisitoribus sedulo commisit, qui pluries re mature discussa ex infra scriptis Thesibus, seu Propositionibus super unaquaque ipsarum sua suffragia Sanctitati suæ singillatim exposuerunt.

I. Bonitas objectiva consistit in convenientia objecti cum natura rationali, formalis vero in conformitate actus cum regula morum: ad hoc sufficit, ut actus moralis tendat in finem ultimum interpretative: HUNC homo non tenetur amare, neque in principio, neque in decursu vitae suae moralis.

Thesis ista ab Alexandro VIII. rejecta, jam fuit explicata superius, agendo de prima Propositione damnata ab Alexandro VII. Ubi nota, istam Propositionem esse propter ultima ejus verba, id est, propterea reprobatam; quia tenuit, HUNC finem ultimum non debere necessario amari nec in principio, nec in decursu vitae, quae Propositio non solum ab Alexandro VII. sed etiam ab Innocentio XI. ordine 5. & 6. anathemate jam fuerat confixa antecederet, prout propterea Alexander VIII. lamentatur in praefatione, unam ex praefatis duabus propositionibus NB. resuscitari in majorem fidelium perniciem.

II. Peccatum Philosophicum, seu morale est actus humanus disconveniens naturae rationali, & rectae rationi: Theologicum vero, & mortale est transgressio libera

libera Divinae Legis. Philosophicum, quantumvis grave, in illo, qui Deum vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque aeterna poena dignum.

Declarationem hujus Propositionis vide Tr. 5. Dist. 1. post. n. 2. in Addizione; item apud Dominicum Viva part. 3. ad initium.

DECRETUM II.
ALEXANDRI VIII.

Maxime circa Sacramentum Pœnitentiæ.
Feria V. die 7. Decembris 1690.

In Congregatione Generali Sanctæ Romanæ, & Universalis Inquisitionis, habita in Palatio Apostolico Montis Quirinalis coram SS. D. N. D. Alexandro Divina Providentia Papa VIII. ac Eminentissimis & Reverendissimis DD. S. R. E. Cardinalibus, in tota Republica Christiana contra hæreticam pravitatem Generalibus Inquisitoribus, a Sanctæ Sede Apostolica specialiter deputatis.

SANCTISSIMUS D. N. Alexander Divina Providentia Papa VIII. prædictus, pro Pastoralis cura ovium a Christo Domino sibi commissarum de earum salute sollicitus, ut inoffenso gradu per rectas semitas possint incedere, & pascua nimium perniciofa in pravis doctrinis exhibita vitare, unius supra triginta propositionum examen pluribus in Sacra Theologia Magistris, & deinde Eminentissimis ac Reverendissimis DD. Cardinalibus contra hæreticam pravitatem Generalibus Inquisitoribus commisit, qui tantum negotium diligenter aggressi, eique sedulo, ac pluries incumbentes, super unaquaque ipsarum sua suffragia Sanctitati suæ singillatim detulerunt.

PROPOSITIONES.

I. In statu naturæ lapsæ ad peccatum mortale, & demeritum sufficit illa libertas, qua voluntarium, ac liberum fuit in causa sua peccato originali, & voluntate Adami peccantis.

Docuerunt Calvinus, & Lutherus libertatem indifferentiæ, qua positis omnibus requisitis

fitis potest quis agere, vel non agere &c. post
 Adā peccatum esse extinctam, & nihilominus
 actionem aliquam malam imputari ad peccatum;
 quia (inquebant asseclæ priorum Michael Ba-
 ius conformiter propositioni damnata, & Jan-
 senius juxta propositionem ex damnatis ordine
 tertiam) ad peccandum sufficit libertas a co-
 actione, ita ut quis aliunde per extraneos non
 cogatur, sed eligat malum per suam propriam
 potentiam volitivam; non autem requiritur li-
 bertas a necessitate, seu libertas indifferentia
 superius explicata, quæ excluderet necessitatem
 peccandi. Sententia ista tam a Concilio Tri-
 dent. Sess. 6. Can. 5. & 6. quam a summis
 Pontificibus Pio V. Gregorio VIII. Innocentio
 X. & Alexandro VII. fuit rejecta sub fulmine
 excommunicationis: rationes rejiciendi fusius
 inveniuntur apud Controversistas. Ut autem
 hoc fulmen excommunicationis saltem apparen-
 ter in foro externo evadant, subintroierunt
 alii concedentes quidem requiri ad merendum,
 vel demerendum aliquam libertatem indifferen-
 tia, non tamen formalem, sed virtuales in sua
 causa, quam causam taliter declarant, ut pro ea-
 dem assignent peccatum originale, & libertatem
 Adami. Sed plane hæc libertas indifferentia,
 prout ab his auctoribus explicatur, non excludit
 necessitatem ex parte operantis; cum juxta hanc

explicationem etiam motus indeliberati voluntatis provenientes ex concupiscentia, & actus cum ignorantia invincibili exerciti forent nihilominus peccaminosi, utpote procedentes ex potentia volitiva, cujus ignorantia, & concupiscentia non raro causa est ipsum peccatum originale, utpote per quod intellectus noster magis obscuratus fuit, & fomes peccati ortum traxit. Sicque hæc sententia tantum in verbis differt a doctrina Calvini, Baji, Jansenii, & hinc merito fuit pariter rejecta ab Alex. VIII.

II. Tamen si detur ignorantia invincibilis juris naturæ, hæc in statu naturæ lapsæ operantem ex ipsa non excusat a peccato formali.

Cum nihil libere sit volitum, quin præcognitum, non poterit operatio censeri libera libertate indifferentia, sicque imputabilis ad demeritum, quando invincibiliter, seu inculpabiliter ignoratur malitia actus; hincque merito doctrina illa, quæ voluit, posse peccatum personale stare cum ignorantia invincibili, fuit rejecta; ex quo ipso fundamento fuit damnata propositio ordine 68. Michaelis Baji taliter sonans: Infidelitas pure negativa in iis, quibus Christus non est prædicatus, peccatum est.

III. Non licet sequi opinionem , vel inter probabiles probabilissimam.

Vid. tr. I. dist. 3. num. 50. ubi explicatur.

IV. Dedit semetipsum pro nobis , oblationem DEO , non pro solis electis , sed pro omnibus , & solis fidelibus.

Non solum Calvinus , & Lutherus, verum etiam Jansenius negarunt, Christum esse mortuum pro reprobis , cum hac tamen distinctione, quod priores duo etiam negent quaecunque Beneficia, ac dona supernaturalia conferri reprobis ex meritis Christi. Econtra vero Jansenius ipsis multa beneficia supernaturalia ex meritis Christi concedit, sicque in hoc sensu Christum esse mortuum pro reprobis admittit, non tamen pro aeterna illorum salute. Omnes tres rejecti sunt a summis Pontificibus ; ut autem hanc damnationem eludant, subintroierunt alii admittentes quidem, Christum etiam mortuum pro reprobis, ast pro solis fidelibus, non tamen pro infidelibus reprobis, hincque subjunxerunt aliam sequentis tenoris.

V. Pagani, Judæi, Hæretici, alique hujus generis nullum omnino accipiunt a JESU Christo influxum, adeoque hinc recte inferes, in illis esse voluntatem nudam

dam, & inermem, sine omni gratia sufficienti.

Hac propositio merito, uti & prior, in qua fundatur, rejecta fuit: Deus enim illuminat omnem hominem venientem in hunc mundum. Jo. 1. qui & pro omnibus mortuus est, 2. ad Corinth. cap. 5 & dedit redemptionem semetipsum pro omnibus, 1. ad Timoth. cap. 2. vers. 6. Estque propitiatio pro peccatis nostris, non pro nostris autem tantum, sed etiam pro totius mundi, 1. Jo. c. 2.

VI. Gratia sufficiens statui nostro, non tam utilis, quam perniciosa est, sic ut proinde merito possimus petere: a gratia sufficienti libera nos Domine.

Janſenius ſtatim in prima ex ſuis quinque Propositionibus damnatis non ſolum gratiam ſufficientem in ſtatu natura lapſa negavit in ordine ad certa praecepta, ſed & in ſubſequentibus docuit, gratiam interiorem quamcunque per Chriſtum Salvatorem datam, eſſe unicam efficacem, cui nunquam reſiſtitur. Novatores alii equidem ſufficientem absolute non negant, dicunt tamen: illam eſſe pernicioſam, eo quod conjungatur ſemper cum omiſſione culpabili actus praecepti. Aſt merito exinde damnantur: abſit enim a Chriſtiano aſſerere, quod Chriſtus Dominus, qui illuminat omnem hominem venientem in hunc mundum, nobis per ſuam

uam Sanctissimam mortem, & sacratissima merita quidpiam perniciosum procuraverit. Quod autem homines huic gratia non cooperentur, nullatenus DEO, sed propriae malitiae adscribendum est. Certe etiam in ordine naturali est beneficium neutiquam perniciosum habere oculos: sibi autem quis imputet, qui claudendo palpebras noluerit iis uti ad videndum.

VII. Omnis humana actio deliberata est Dei dilectio, vel mundi; si Dei, charitas Patris est; si mundi, concupiscentia carnis, hoc est, mala est.

Per dictam Propositionem Joannis Sinichii, & Macarii Havermans, ac nonnullorum aliorum Lovaniensium non solum resuscitatur error Michaelis Bajæ a S. Pio V. & Gregorio XIII. reprobatus per damnationem Propositionis 38. verum etiam hac doctrina jam censetur rejecta ab ipso Concilio Trid. Sess. 6. Can. 7. ubi definit fidem, spem, & timorem, quæ præcedunt justificationem, non esse peccata, quamvis formaliter nec etiam sint actus charitatis, seu dilectio Dei.

VIII. Necessè est, infidelem in omni opere peccare.

Denuo hac doctrina videtur jam damnata antecederet, quando propositio Michaelis Bajæ ordine 25. proscripta fuit sequentis tenoris:

omnia

omnia opera infidelium sunt peccata, & virtutes Philosophorum sunt vitia. *Quinimo etiam prius rejecta fuit per Concil. Trid. anathematizans Sess. 6. can. 7. illum, qui dixerit, opera omnia, quae ante justificationem fiunt, quacunque ratione facta sint, vere esse peccata. Et quis dixerit, esse peccatum, si infidelis misericordia motus pauperi dederit eleemosynam, cum tamen ipsemet Nabuchodonosor fuerit Danielis c. 4. admonitus, ut peccata sua eleemosynis redimat.*

IX. Revera peccat, qui odio habet peccatum mere ob ejus turpitudinem, & disconvenientiam cum natura, sine ullo ad DEUM offensum respectu.

Mirum non est, quod Rigorista illi docuerint, odium peccati mere ob ejus turpitudinem peccatum esse, cum ex principiis Bajanis praecedenter voluerint, omne, quod non est dilectio DEI, fore peccaminosum. Caterum hunc errorem jam ante hos Novatores rejecit Concil. Trident. Sess. 14. cap. 4. dum enuntiat, talem timorem non solum non facere hominem non Hypocritam, & magis peccatorem, verum etiam donum DEI esse, & Spiritus Sancti impulsus: atqui peccatum utique non est donum DEI, & Spiritus Sancti impulsus: ergo. Videantur dicta tract. 14. distinct. 6. quest. 4.

X. Intentio, qua quis detestatur malum, & prosequitur bonum, mere ut cœlestem obtineat gloriam, non est recta nec DEO placens.

Sane obstupescendum, quod homines, qui volunt esse Catholici, similia docere audeant; cum tamen Concil. Trident, Sess. 6. can. 31. rejecerit tale assertum ut hereticum his verbis: si quis dixerit, justificatum peccare, dum intuitu æternæ mercedis operatur, anathema sit. Ac præterea Regius Psalter Psal. 118. expressè exclamat ad DEUM: inclinavi cor meum ad faciendas justificationes tuas in æternum NB propter retributionem.

XI. Omne, quod non est ex fide Christiana supernaturali, quæ per dilectionem operatur, peccatum est.

Ut bene notat Dominicus Viva hic, ex deliramento Michaelis Baji superius jam allegato, & refutato (quod scilicet inter Charitatem, & iniquitatem nihil mediet) denuo descendit hæc Thesis confixa, quod videlicet peccaminosa sint nostræ operationes, si non procedant ex fide supernaturali, quæ per dilectionem operatur. Vide dicta proposit. VII. & proposit. VIII.

XII. Quando in magnis peccatoribus deficit omnis amor, deficit etiam fides, & etiamsi videantur credere, non est fides divina, sed humana.

Affer.

Affertum errorem jam proscripserat Concil. Trident. Sess. 6. cap. 15. ubi docet, fidem infusam non amitti per quodvis mortale (sicut amittitur gratia) sed per peccatum infidelitatis : tum can. 28. in quo ponit sequentia : si quis dixerit, amissa per peccatum gratia simul & fidem semper amitti &c. aut eum, qui NB. fidem sine Charitate habet, non esse Christianum, Anathema sit. Accedit Auctoritas Divi Pauli in peccatore fidem sine Charitate subsistere posse agnoscentis, dum ait. 1. Corinth. cap. 13. Si habuero NB. omnem fidem, Charitatem autem non habuero, nihil sum : ubi utique agnoscit fidem sine Charitate posse dari.

XIII. Quisquis etiam æternæ mercedis intuitu DEO famulatur, charitate si caruerit, vicio non caret, quoties intuitu licet beatitudinis operatur.

De hoc jam actum fuit propositione decima.

XIV. Timor gehennæ non est supernaturalis.

Hunc errorem denuo jam damnavit Concil. Trident. Sess. 14. cap. 4. dum talem dolorem (idem est de timore) vocat donum DEI, & Spiritus Sancti impulsus. Vide de hoc Tract. 14. dist. 6. quest. 4.

XV. Attritio, quæ gehennæ, & pœnarum metu concipitur, sine dilectione benivolentiæ DEI, propter se non est bonus motus, ac supernaturalis.

Refutatur uti prius, & fundatur in falso illo principio Michaelis Baji, quod videlicet omne opus, quod non est ex Charitate, peccatum sit.

XVI. Ordinem præmittendi satisfactionem absolutioni induxit non politia, aut institutio Ecclesiæ, sed ipsa Christi lex, & præscriptio, natura rei idipsum quodammodo dictante.

XVII. Per illam praxim mox absolventi Ordo pœnitentiæ est inversus.

A nostro Sixto IV. antea Ordinis Generali, deinde Summo Pontifice error iste, qui erat Petri de Osma, damnatus fuit, uti testatur Cardinalis de Lugo disp. 12. de Pœnitentia n. 42. Accedit ratio, quod hoc Sacramentum sit institutum ad formam judicii proferentis sententiam; sed hoc solet proferri ante executionem pœnæ decretæ: ergo. Quando autem adducuntur Orosius Cardinalis, S. Cyprianus, & Abbo Archi. Episcopus Rhemensis testantes in antiqua Ecclesia satisfactionem ordinariæ præstitam ante absolutionem, præfatæ, & alii Auctores intelligendi sunt de absolutione Canonica,

Anacl. Reiffenstuel, Theol. Tom. I.

ca, qua olim delinquentes in foro Canonico absoluebantur a residuis pœnis Canonicis, & publicis, non autem de absolutione Sacramentali a peccatis.

XVIII. Consuetudo moderna quoad administrationem Sacramenti Pœnitentiæ, etiamsi eam plurimorum hominum sustentet auctoritas, & multi temporis diuturnitas confirmet, nihilominus ab Ecclesia non habetur pro usu, sed abusu.

Gratis & temerarie novatores Rigoristæ finxerunt, quod moderna praxis administrandi Sacramentum Pœnitentiæ habeatur pro abusu, cum nunquam ostendi queat, dictam praxim esse contra præceptum Divinum, vel Ecclesiasticum. Vide Dominicum Viva hic num. 5.

XIX. Homo debet agere tota vita pœnitentiam pro peccato originali.

Contenderunt teste Viva hic num. 2. Lutherus, & Calvinus, concupiscentiam, seu fontem peccati esse ipsum peccatum originale; ex quo haud dubie sequeretur, sicuti apud nos etiam post Baptismum remanet concupiscentia, ita & permanere ipsum peccatum originale; quod idem videntur occulte sentire rigidi hæc Novatores, atque exinde inferre, quod homo debeat tota vita sua agere pœnitentiam pro peccato originali, utpote quod in principiis Lutheri

theri ac Calvini adhuc remanet etiam post Baptismum, cum remaneat pro tunc fomes peccati, seu concupiscentia, in qua constituunt rationem peccati originalis. Ast falsum est, quod ipsa concupiscentia sit peccatum originale juxta clarum textum Concil. Trident. Sess. 5. can. 5. Præterea (uti bene advertit Matthæus in sua Cautela confessarii Lib. 3. cap. 3. num. 42.) ista propositio enervat efficaciam Baptismi, per quem, etsi remaneat concupiscentia, nihilominus plene, & integre remittitur peccatum originale, & actualia, ante Baptismum commissa, juxta Trident. Sess. 5. can. 5. in Decret. de Peccato originali; ac Sess. 14. c. 2. Item remittitur omnis pœna; can. Per Baptismum de Consecrat. dist. 4. Propterea Baptizatis nulla pro peccatis præteritis injungenda est satisfactio, sed morientes, si post susceptum Baptismum aliam culpam non committant, statim ad regnum cœlorum, & DEI visionem pervenient, uti loquitur expresse Concilium Florent. in Decreto Eugenii, ac Tridentinum Sess. 7. cap. 14. definit: in Baptismo totam pœnam semper remitti. Ad quid ergo opus est agere tota vita pœnitentiam pro peccato originali?

XX. Confessiones apud Religiosos factæ pleræque vel sacrilegæ sunt, vel invalidæ.

XXI. Parochianus potest suspicari de Mendicantibus, qui eleemosynis communibus vivunt, de imponenda nimis levi, & incongrua pœnitentia, seu satisfactione, ob quæstum, seu lucrum subsidii temporalis.

Sunt Rigoristæ in Sacramento Pœnitentiæ erga alios nimis severi, uti patet ex damnatis antecedentibus propositionibus; hic autem erga se ipsos nimium laxi, dum publice sine scrupulo, & anxietate conscientiæ talia absolute, & generaliter Regularibus mendicantibus de Religione Catholica, quam tanquam supremi Pastores, seu Summi Pontifices non raro laudabilissime ac utilissime rexerunt, & in ejus gremium plures milliones animarum, etiam in Indiis tanquam extremis orbis partibus adduxerunt, eximie meritis, falsissimo impingere præsumunt, quæ certe sine gravissima detractiōe asserti nequeunt, imo sine nota, temerarii judicii cogitari. Videatur Dominicus Viva hic.

XXII. Sacrilegi sunt judicandi, qui jus ad communionem percipiendam prætendunt, antequam condignam de delictis suis pœnitentiam egerint.

Etsi non negetur, aliquando consultum esse, ut pœnitentia persolvatur, antequam sacra
commu-

communio percipiatur: attamen, si id non fiat, sacrilegium committi, ex nullo textu sacrae Scripturae, aut Concilii Oecumenici probari potest. Scio quidem, quod Paulus Apostolus requirat, ut quis antequam ad has Epulas Divinas accedat, seipsum probeat, id tamen non ita intelligendum venit, quasi necessario praecedenter ante accessum ad S. Communionem praevia condigna satisfactio requireretur, sed potius de praevia confessione debet fieri interpretatio. Audiaturs desuper Concil. Trident. Sess. 13. cap. 7. taliter loquens: Ex Ecclesiastica consuetudine declaratur, illam NB. tantum probationem esse necessariam, ut nullus sibi conscius peccati mortalis, quamvis sibi contritus videatur, absque praemissa Sacramentali confessione ad Sacram Eucharistiam accedere debeat. Item quomodo consultum invenitur, ut v. g. Consuetudinarius, cui singulis diebus per aliquot hebdomades brevis oratio tanquam poenitentia medicinalis imponitur, ut (inquam) talis consuetudinarius a cibo hoc alias singulariter confortante absterneat, usque dum per hanc poenitentiam condigne pro suis peccatis satisfaciat?

XXIII. Similiter arcendi sunt a Sacra Communionem, quibus nondum inest amor DEI purissimus, & omnis mixtionis expers.

Datur etiam suo modo in absurdis aliqua coherentia, ita nimirum, ut ex uno absurdo sequantur plura. Sic quia Bajani juxta jam dicta conformiter propositioni 38. damnatae Michaelis Baji docuerunt, omnem actionem humanam deliberatam, quæ non est charitas Patris, esse dilectionem mundi, & concupiscentiam carnis, exinde occulti affecle Michaelis Baji, ac Novatores consequenter inferunt, preparationem illam, qua juxta Apostolum Paulum homo se ipsum probat, ut de pane illo edat &c. debere necessario procedere ex purissimo amore Divino, alias autem fore dilectionem mundi, peccaminosam, & consequenter tales a S. Communionem arcendos.

Ast reprobantur partim ex jam dictis antecedentibus, partim ex Concilio Tridentino quod Sess. 13. cap. 7. declarans illam preparationem ad Sacram Communionem ab Apostolo Paulo desideratam non facit ullam mentionem charitatis purissimæ quasi necessario prerequisite, sed potius Sacramentalis Confessionis, supposito, quod quis in peccato gravi extiterit.

XXIV. Oblatio in templo, quæ fiebat a Beata Virgine Maria in die Purificationis suæ per duos pullos columbarum, unum in holocaustum, & alterum pro peccatis, suffi-

sufficienter testatur, quod indiguerit purificatione, & quod Filius, qui offerebatur, etiam macula Matris maculatus esset secundum verba legis.

Equidem hæc Thesis confixa directe non spectat ad Theologiam moralem, uti consideranti patet, ut tamen nulla ex propositionibus ab Alexandro VIII. rejectis absque aliquali saltem declaratione relinquatur, succincte explicatur: prænotandum itaque ex Origine Homilia 14. in Lucam, a fœminis parturientibus post tempus purificationis (id est, triginta diebus post partum) duos pullos columbarum a pauperibus, a ditioribus autem unum agnum anniculum, & unum pullum columbæ in lege veteri fuisse in templo oblatos, & quidem pullus columbæ semper offerebatur pro peccato, id est, pro immunditia contracta a genitrice, & ab infante, tum ob conceptionem impuram ex concupiscentia carnis ortum trahentem, tum ex vi nativitatis sordide; nam, cum novem illis mensibus in utero matris aliqua excrementa, & copia Sanguinis congregentur, in enixu partus expelluntur, & quia tota hæc miseria NB. ex infectione peccati, ac concupiscentia tanquam fomite peccati oritur, idcirco Sacrificium illius pulli pro peccato offerri dicebatur,

batur, uti bene notat Dominicus Viva hic num. 3.

Jam autem ter Immaculata, ac Purissima DEI Genitrix Maria juxta Isaïam cap. 7. tanquam Virgo peperit filium, & quidem conceptum de Spiritu Sancto, prout Symbolum Apostolorum nos docet, consequenter his immun-ditiis ex concupiscentia carnis, & concubitu cum viro evenientibus subjecta neutiquam fuit. Nequaquam immunda judicatur, quæ Sancto Spiritu obumbrante totius munditiæ, & Sanctitatis Auctorem genuisse probatur: inquit apud Dominicum Viva hic num. 7. Sanctus Eligius, & S. Augustinus L. de Hæresibus cap. 5. contra Manichæos ait: Stulte, unde sordes ex Virgine Matre; ubi non est concubitus cum homine Patre? Nihil plane in hoc conceptu, nihil in partu impurum fuit &c. &c. Vere O Beata Virgo, vere non habes causam, nec tibi opus est purificatione. Concludit S. Bernardus Serm. 1. de Circumcisione. Neque ex eo, quod offerendo duos pullos columbarum antiquæ legi Purificationis sese subjecerit, sequitur, quod purificatione indiguerit; alias pariter ex circumcissione Christi deberet inferri in ipso macula originalis peccati, & ex dato tributo sub-jectio Christi ad Casarem colligeretur, uti re-
cte

*He notat Matthaeus in Cautel. Confess.
Lib. 3. cap. 3. n. 56.*

XXV. DEI Patris sedentis simulacrum
nefas est Christiano in templo collocare.

*Videtur hac propositio renovare errorem Ico-
noclastarum in VII. Synodo Generali ad an-
num 787. sub Adriano Papa damnatum, quæ
damnatio denuo renovata fuit a Concil. Trid.
Sess. 25. in Decret. de Invocat. Sanct. contra
Lutheranos, & Calvinistas statuente, Ima-
gines Christi, Deiparæ, & aliorum Sancto-
rum non solum in templis habendas, sed etiam
eis debitum honorem, & venerationem imper-
tiendam. Nec dicatur cum his Novatoribus,
in isto, aliisque Conciliis equidem fuisse defi-
nitam retentionem Imaginum Christi, Deipa-
ræ, & Sanctorum; nihil autem esse decisum
de Imaginibus representantibus ipsummet DE-
um. Nam contra est, quod eadem videatur
ratio, uti consideranti patet: si enim DEUS
Pater sub figura corporea apparuit Danieli,
prout ipsemet testatur cap. 7. Ibi aspiciebam,
donec throni positi sunt, & antiquus die-
rum sedet, & spiritus S. sub specie colum-
bæ Matthæi cap. 3. cur non poterit DEUS
etiam sub figura corporea representari, & in
templo collocari?*

Nec obest, quod DEus sit incorporeus: nam etiam Angeli sunt incorporei, & tamen constat ex DEI Imperio Exod. cap. 25. Angelos sculpta similitudine expressos fuisse, & in VII. Synodo definitum esse, imagines Angelorum posse depingi. Consule de hoc ulterius Theologiam Polemicam.

XXVI. Laus, quæ defertur Mariæ ut Mariæ, vana est.

Errorem hunc gravissimum Leo Isauricus inter hereticos post Gentiles, & Machumetanos omnium primus jam docuit, quem resuscitarunt Wiclephista teste Valdensi Tom. 3. cap. 118. nullam aliam salutationem honorificam B. V. concedentes, quam Civilem, qualis etiam Regibus, & Magnatibus exhibetur. Errori huic repugnat perpetuus Ecclesiæ usus, & traditio, ac novissime Concilium Trident. Sess 25. superius citatum præcipiens non solum laudem, sed etiam honorem, ac cultum B. Virgini, ac Sanctis exhiberi, qui equidem non sit cultus Latria, sed Hyperdulæ respectu B. Virginis, & Dulæ respectu aliorum Sanctorum. Videantur dicta Tract. 4. Dist. 1. quest. 3. & 4.

XXVII. Valuit aliquando Baptismus sub hac forma collatus: In nomine Patris &c. prætermittis illis: Ego te baptizo.

Cum

Cum ad valorem Baptismi requiratur, ut exprimat^r actio Ministri, sicuti ad valorem Sacramenti Pœnitentiæ, hinc, sicuti in Sacramento Pœnitentiæ, si omitteretur; Ego te absolvo, nunquam reputatum legitur validum Sacramentum Pœnitentiæ, ita pariter discurrendum, si in Baptismo intermissum fuit. Ego te baptizo. Et hinc Alexander Tertius, prout refertur cap. 1. de Baptismo, jam anno 1175. declaravit Baptismum tanquam invalidum, in quo sub expressione formæ non continentur hæc verba: Ego te baptizo. Vid. Tract. 14. Dist. 3. quest. 3.

XXVIII. Valet Baptismus collatus a Ministro, qui omnem ritum externum formamque baptizandi observat, intus vero in corde suo apud se resolvit, non intendo facere, quod facit Ecclesia.

Expresse Concil. Trident. Sess. 7. de Sacramentis in genere, Can. 11. hæc posuit formalia: Si quis dixerit in Ministris, dum Sacramenta conficiunt, & conferunt, non requiri intentionem saltem faciendi, quod facit Ecclesia, anathema sit. Quod idem jam antecedenter statuit Concil. Florent. in Decret. Unionis. Textum hunc torte explicarunt aliqui, ut suam adhuc opinionem aliquo modo manutenere valeant: dicendo nimirum, ut
allega-

allegati textus requiri quidem intentionem materialiter faciendi, quod facit Ecclesia, non autem formaliter, id est, præcipi quidem intentionem ponendi ritus externos, prout ponit Ecclesia, non autem requiri intentionem internam, neque implicitam conficiendi Sacramentum nomine Christi tanquam principalis, prout facit Ecclesia; quinimo (inquiunt) interne poterit haberi expresse intentio contraria, nimirum nullum conficiendi Sacramentum, dummodo hæc positiva contraria intentio non prodeat exterius. Ita illi. Videtur tamen torta hæc explicatio reprobata per confixionem allegata 28. Propositionis ex ea ratione; quia Minister Sacramenti operatur nomine Christi tanquam principaliter operantis, adeoque saltem implicite debet se conformare intentioni ipsius Christi, quæ erat non solum ritus externos, sed ipsum Sacramentum conficiendi. Solutionem objectionum invenies passim apud Theologos.

XXIX. Futilis, & toties confusa est assertio de Pontificis Romani supra Concilium Oecumenicum Auctoritate, atque in Fidei quæstionibus decernendis infallibilitate.

Auctoritas Romani Pontificis supra Concilium Oecumenicum, seu Generale, & ejusdem
in-

infallibilitas in decernendis quæstionibus Fidei desumitur ex illq Christi Domini ad Petrum Matthæi cap. 16. Tu es Petrus; & super hanc petram ædificabo Ecclesiam meam, & portæ inferi non prævalebunt adversus eam. Nam si Ecclesia fundatur supra Petrum, non autem Petrus supra Ecclesiam, ipsemet Petrus erit fundamentum nostræ Fidei, non autem Ecclesia, seu Concilium Oecumenicum, & consequenter Petro major auctoritas deferenda. Deinde si contra Petrum, & Successores prævalere nequeunt portæ inferi, consequenter Papa nequit falli in decernendis articulis Fidei; alias multum prævalerent contra ipsum portæ inferi. Taceo alias graves rationes, quas pro se habent hæc duo asserta de Pontificis in materia Fidei infallibilitate, & ejusdem supra Concilium auctoritate: hinc merito propositio 29. damnata fuit, quia hanc ipsam duplicem assertionem NB. futilem & toties convulsam pronuntiare ausa erat.

XXX. Ubi quis invenerit Doctrinam in Augustino clare fundatam, illam absolute potest tenere, & docere non respiciendo ad ullam Pontificis Bullam.

Magna quidem est auctoritas Divi Augustini, non tamen irrefragabilis, nisi relata ad

ea, quae a Conciliis, & Summis Pontificibus approbata sunt. Quare haud dubie pariter ad Bullas Pontificias respici debet; cum teste Sac. Scriptura quoad materiam Fidei Summus Pontifex loquens de Cathedra, non autem Divus Augustinus inveniatur habere promissam infallibilem assistentiam Spiritus Sancti. Quinimo Divus Augustinus ipsemet aliqua retractavit, prout fatetur Libr. de Dono perseverantiae, cap. 21. Interea confixa haec Jansenistarum propositio ortum trahit a Bajanis, qui, ut facilius se subtrahere possent a Bullis Pontificiis, suam Doctrinam reprobantibus, contenderunt (licet falsissime) multas Michaelis Baji propositiones indubitanter ab Augustino doceri, sicque easdem ob Auctoritatem D. Augustini tantis laudum Encomiis ab Ecclesia recommendati manuteneri posse, non respiciendo ad Bullas Pontificum, quibus eadem damnantur.

XXXI. Bulla Urbani VIII. In Eminentissimi, est subrepticia.

Sciendum est, quod Bulla isthac Urbani VIII. confirmaverit Constitutiones adversus 79. Propositiones Michaelis Baji a S. Pio V. & Gregorio XIII. proscriptas, ac praeterea prohibuerit aliquem librum Jansenii Augustinus Cornelii Jansenii intitulatum, utpote continentem nonnullas

nullas ex dictis 79. Propositionibus damnatis, & harum principiis insistentem. Quare occulti Bajanorum, & Jansenistarum fautores videntes se exinde confusos, ut omnem vim huic Bullae adimant, ausi sunt, eandem dicere subreptitiam, id est, dolo extortam per expositionem falsi. Sed contra est primo, quod Pontifex direxerit eam Bullam ad universalem Ecclesiam, damnando Doctrinam Bajanam, & Jansenisticam tanquam haeticam, scandalosam, ac periculosam, & consequenter locutus sit de Cathedra, ubi errare non potest, aut decipi in materia Fidei. Contra est secundo, quod ipsemet Pontifex in ea Bulla fateatur, NB. ex matura illius libri, cui titulus Augustinus &c. lectione compertum esse, multos ibi errores Baji contineri.

Quibus mature consideratis idem Sanctissimus statuit, & decrevit 31. supradictas propositiones tanquam temerarias, scandalosas, male sonantes, injurias, haeresi proximas, haeresin sapientes, erroneas, schismaticas, & haeticas respective esse damnandas, & prohibendas, sicut eas damnat, & prohibet, ita, ut quicumque illas aut conjunctim, aut divisim docuerit, defenderit, ediderit, aut de tracta-


iis etiam disputative, publice, aut privatim tractaverit, nisi forsan impugnando, ipso facto incidat in Excommunicationem, a qua non possit (præterquam in articulo mortis) ab alio quacunque etiam dignitate fulgente, nisi a pro tempore existente Romano Pontifice absolvi.

Insuper directe in virtute Sanctæ Obedientiæ, & sub interminatione Divini Iudicii prohibet omnibus Christi Fidelibus, cujuscunque conditionis, dignitatis, & status etiam speciali, & specialissima nota dignis, ne prædictas opiniones, aut aliquam ipsarum ad praxim deducant. Non intendit tamen Sanctitas sua per hoc Decretum alias propositiones in majori numero ultra supradictas 31. jam exhibitas, & in hoc Decreto non expressas approbare.

Alexander Sponus S. Romanae, & Universalis Inquisitionis Not.

Loco † Sigilli.

SAN-



SANCTISSIMI IN CHRISTO PATRIS
ET DOMINI NOSTRI.

DOMINI
BENEDICTI
DIVINA PROVIDENTIA
PAPÆ XIV.

CONSTITUTIO.

QUA

DAMNANTUR ET PROHIBENTUR
QUINQUE PROPOSITIONES DUELLO-
RUM ABUSUI FAVENTES:

AC VETERES LEGES
ADVERSUS DUELLANTES EDITÆ NO-
VIS POENALIBUS SANCTIONIBUS
CUMULANTUR.

BENEDICTUS
EPISCOPUS

SERVUS SERVORUM DEI.

Ad perpetuam rei memoriam.

DEstabilem, ac Divina naturalique
Lege damnatum Duellorum abu-
sum, a Barbaris gentibus atque su-
persti-

Anacl. Reiffenst. Theol. Tom. I.

persticiosis, non sine ingenti corporum, animarumque clade, in Christianam Rempublicam Auctore diabolo invecum, cum semper execrata sit, atque improbari Ecclesia, tum præcipuo in eam curam studio, vigilantia, ac zelo incubuerunt Romani Pontifices, ut a fidelium coetu longissime arceretur. Nam ut antiquiora mittamus Prædecessorum Nostrorum, Nicolai I. (a) Cœlestini III. Innocentii II. Eugenii III. Alexandri III. (b) Innocentii IV. (c) adversus singulares pugnas Decreta, extant recentiores Apostolicæ, Sedis Constitutiones, quibus Romani Pontifices Julius II. (d) Leo X. (e) Clemens VII. (f) ac demum Pius IV. (g) gravissimas poenas antea statutas confirmarunt, aliasque de novo addiderunt, contra duellantes ex quacunque causa, etiam per Sæculares Regionum aut locorum leges forsan

(a) Epist. L. ad Carolum Calvum. (b) In Concil. Lateranensi cap. 1. & 2. de torneamentis, ubi trium Prædecessorum Decreta citantur. (c) In Epist. ad Archiepiscopos, Episcopos, aliosque Ecclesiasticos Regni Franciæ, apud Raynald. ad ann. 1252. num. 31. (d) Constit. incip. *Regis Pacifici*. (e) Constit. *Quam DEO & hominibus*. (f) *Consuevit Romanus Pontifex*. Constit. (g) Constit. *Ea, quæ a Prædecessoribus*.

forſan permiſſa, adjecta infamia, bonorumque proſcriptione etiam adverſus complices ac participes, & qualemunque operam iisdem præbentes.

Tridentina vero Synodus (h) latam in eos excommunicationem extendit ad Imperatores, & Reges, Duces, ac Principes, cæterosque Dominos temporales, ſi Locum ad Monomachiam in terris ſuis conceſſerint; ac jurisdictione & dominio loci, in quo duellum fieri permiſerint, quem ab Eccleſia obtineant, eo ipſo privatos declaravit.

Committentes vero pugnam, eorumque Patrimonios, excommunicationis ac omnium bonorum proſcriptionis, nec non perpetuæ infamiæ poenam incurrere ſtatuit; &, ſi in ipſo conflictu deceſſerint, Eccleſiaſtica Sepultura perpetuo carituros decrevit.

Cum vero præfatis Saluberrimis legibus judicialia duntaxat, ac ſolemnia duella comprehenſa ac proſcripta viderentur, piæ memoriæ Prædeceſſor noſter

p 2

Gre-

(h) Seſſ. 25. cap. 19. de Reform.

Gregorius Papa XIII. (i) huiusmodi pœnas adversus eos omnes extendit, qui nedum publice, sed etiam privatim ex condicto, statuto tempore, & loco, Monomachiam commiserint, etiamsi nulli Patrini, Sociive ad id vocati fuerint, nec loci securitas habita nullave provocatoriæ litteræ, aut denuntiationis chartulæ præcesserint.

Denique felicitis recordationis Clemens Papa VIII. etiam Prædecessor noster, Apostolicas Romanorum ante se Pontificum leges omnes, & pœnas in eis statutas, sua Constitutione, quæ incipit *Illius vices*. Data XVI. Calend. Septembris Anno 1592. diserte complexus, easdem extendit ad omnes non solum duello certantes, sed etiam provocantes, suadentes, equos, arma, commeatus præbentes, comitantes; chartulas, libellos, manifesta mittentes, scribentes, vel divulgantes, aut quomodolibet circa ista cooperantes, Socios, Patrilinos, de industria spectatores, fautores, criminis demum participes, illudque permittentes, vel, quantum in ipsis est, non prohibentes, ac delinquentibus

tibus veniam & impunitatem concedentes, quique se prædictis, quoquomodo immiscuerint, etiamsi neque pugnae effectus, neque accessus ad locum sit subsecutus.

His tam Sapienter, tam aperte, atque perspicue ab Ecclesia, & ab Apostolica Sede constitutis, dubitari jam nullo modo posse videbatur, quin duella omnia, tam publica, quam privata, & naturali, & Divino, & Ecclesiastico jure, prorsus illicita, vetita, atque damnata, censerentur. Sed nonnulli earum legum interpretes, per benignitatis speciem humanis pravisque cupiditatibus plus æquo faventes, Apostolicas Sanctiones ad corrupta hominum judicia inflectentes ac temperantes, licere, docuerunt, (k) viro Equestris duellum acceptare, ne timiditatis notam apud alios incurrat: (l) Fas esse defensione occisiva, vel ipsis Clericis, ac Religiosis, tueri honorem, dum alia declinanda calumnie via non suppetat; (m) Propulsare damna, quæ ex iniqua Judicis Sententia cer-

P 3

to

(k) 2. Prop. damnata ab Alexandro VII. (l) 17. Prop. ex damnatis ab eodem, (m) 18. Prop. ab eodem damnata.

to imminent : (n) Defendere non solum qua possidemus , sed etiam ea , ad qua jus inchoatum habemus , dum alia via id assequi non valeamus : Quas quidem assertiones duellis faventes , Apostolica sedes censura notavit , rejecit , proscripsit.

Et nihilominus extiterunt quam proxime recentiores alii , qui etsi duella , vel odii , vel vindictæ , vel honoris tuendi causa , vel Levioris momenti res fortunasque servandi , fateantur illicita ; aliis tamen in circumstantiis , & casibus , vel amittendi officii , & sustentationis , vel denegatæ sibi a Magistratu justitiæ , defensionis innoxia titulo , ea licere pronunciant. Laxas , & periculi plenas opiniones hujusmodi , ex vulgatis eorum Libris ad nos delatas , ubi primum accepimus , earum examen nonnullis ex venerabilibus Fratribus nostris S. R. E. Cardinalibus , & quibusdam Dilectis Filiis Sacræ Theologiæ Magistris specialiter ad id per nos deputatis , commisimus ; qui re mature discussa , latis eoram nobis tum voce tum scripto suffragiis , infra scriptas propositiones

tiones censura, & proscriptione dignas existimarunt.

Prima Propositio.

Vir militaris, qui nisi offerat, vel acceptet duellum, tanquam formidolosus, timidus, abjectus, & ad officia militaria ineptus haberetur, indeque officio, quo se suosque sustentat, privaretur, vel promotionis, alias sibi debitæ, ac promeritæ, spe perpetuo carere deberet, culpa & poena vacaret, sive offerat, sive acceptet duellum.

II.

Excusari possunt etiam honoris tuendi, vel humanæ vilipensionis vitandæ gratia, duellum acceptantes, vel ad illud provocantes, quando certo sciunt, pugnam non esse secuturam, utpote ab aliis impediendam.

III.

Non incurrit Ecclesiasticas poenas ab Ecclesia contra duellantes latas, Dux, vel officialis militiæ, acceptans duellum, ex gravi metu amissionis famæ, & Officii.

IV.

Licetum est, in statu hominis naturali, acceptare, & offerre duellum, ad conservandas cum honore fortunas, quando alio remedio earum jactura propulsi nequit.

V.

Asserta licentia pro statu naturali, applicari etiam potest statui civitatis male ordinatae, in qua nimirum, vel negligentia, vel malicia magistratus, justitia aperte denegatur.

Auditis itaque, super unaquaque earum propositionum, dictorum Cardinalium & Consultorum judiciis, atque omnibus rite & mature consideratis, Nos ipsas, praesentium litterarum tenore, & Apostolica auctoritate, tanquam falsas, scandalosas, ac perniciosas rejicimus, damnamus, ac prohibemus, ita ut quicumque illas aut conjunctim, aut divisim docuerit, defenderit, ediderit, aut de iis, etiam disputandi gratia, publice, aut privatim tractaverit, nisi forsan impugnando, ipso facto incidat in excommunicationem, a qua non possit (praeterquam in mortis articulo) ab alio quacunque etiam dignitate

tate fulgente, nisi ab existente pro tempore Romano Pontifice absolvi.

Insuper districtè, in virtute sanctæ obedientiæ, & sub interminatione Divini Judicii, prohibemus omnibus Christi fidelibus cujuscunque conditionis, dignitatis, & status, etiam speciali & specialissima nota dignis, ne prædictas opiniones aut aliquam ipsarum ad praxim deducant.

Jam vero ut exitiosam duellorum licentiam, in Christiana, ac præsertim militari republica, non obstantibus providis legibus a plerisque etiam Sæcularibus Principibus & Potestatibus ad eandem extirpandam laudabiliter editis, adhuc gliscentem, validiore manu coerceamus, gravissimumque scelus Apostolicæ districtionis gladio magis magisque insequamur, omnes & singulas dictorum Romanorum Pontificum Prædecessorum Nostrorum constitutiones superius enunciatas, quarum tenores, ac si præsentibus de verbo ad verbum insertæ forent pro sufficienter expressis haberi volumus, Apostolica Auctoritate confirmantes, & innovantes, ad hoc, ut pœnarum gravitas &

severitas majorem perditis hominibus ingerat peccandi metum, nostro motu proprio, ac de Apostolicæ Auctoritatis plenitudine, earundem præsentium litterarum serie, statuimus, atque decernimus, ut si in duello, sive publice, sive privacim indicto, hominem occiderit, sive hic mortuus fuerit in loco conflictus, sive extra illum ex vulnere in duello accepto, hujusmodi homicida, tanquam interficiens proximum suum animo præmeditato ac deliberato, ad formam constitutionis felicitis recordationis Prædecessoris nostri Benedicti Papæ XIII. quæ incipit *Ex quo divina*. Data VI. Idus Junii Anno Domini 1725. ab Ecclesiasticæ Immunitatis Beneficio exclusus & repulsus omnino censeatur; ita, ut a cujuscunque Sacri aut religiosi loci asylo, ad quod confugerit, servatis tamen de Jure servandis, extrahi, & Judicis competentis curiæ pro merito puniendus, tradi possit, & debeat; super quo nos Episcopis, aliisque superioribus Antistibus, ad quos respective pertinet, & pertinebit imposterum, necessarias & oportunas facultates præsentium quoque tenore impertimur.

Quin etiam, vivente adhuc altero in singulari certamine graviter vulnerato, si percussor in locum immunem se receperit, ex quo eveniente illius morte, fugam arripere, & legum severitatem evadere posse prospiciatur; volumus, & respective permittimus, ut, quatenus Periti ad inspiciendum vulnus acciti *grave vitæ periculum* adesse retulerint, percussor ipse, prævio semper decreto Episcopi, & cum assistentia personæ Ecclesiasticæ ab eodem Episcopo deputatæ, ab huiusmodi loco immuni extractus sine mora carceribus mancipetur; ea tamen lege iudicibus indicta, ut illum Ecclesiæ restituere debeant, si vulneratus superstes vivat ultra tempus a legibus, quæ de homicidio sunt, constitutum; alioquin in easdem pœnas incendant, quæ in memoratis Benedicti XIII. litteris constitutæ sunt adversus illos, qui delinquentem in aliquo ex casibus ibidem expressis, ex indiciis ad id sufficientibus sibi traditum, restituere recusent, postquam is in suis defensionibus huiusmodi indicia diluerit.

Præterea, simili motu & auctoritate decernimus ac declaramus, sepulturæ sacræ
priva-

privationem a sacrosancta Tridentina Synodo inflictam morientibus in loco duelli & conflictus, incurrendam perpetuo fore, etiam ante sententiam Judicis, a decedente quoque extra locum conflictus ex vulnere ibidem accepto, sive duellum publice, sive privatim indictum fuerit, ac etiamsi vulneratus ante mortem non incerta poenitentiae signa dederit, atque a peccatis & censuris absolutionem obtinuerit; sublata Episcopis, & ordinariis locorum super hac poena interpretandi ac dispensandi facultate, quo ceteris documentum praebeatur fugiendi sceleris, ac debitam Ecclesiae legibus obedientiam praestandi.

In hujus demum sollicitudinis nostrae societatem vocantes charissimos in Christo Filios nostros, Imperatorem electum, cunctosque Catholicos Reges, nec non Principes, Magistratus, militiae Duces atque Praefectos, eos omnes & singulos, pro sua in Deum Religione, ac pietate, obnix obtestamur in Domino, ut conjunctis studiis, & animis, exitiosae duellorum licentiae, qua regnorum tranquillitas, populorum securitas, atque incolumitas, ne
que

quæ corporum solum, sed, quæ nullo pretio aestimari potest, æterna animarum vita certo periclitatur, omni nisu & constantia vehementer obsistant. Neque sibi, suæque in Deum fidei, munerisque rationi fecisse satis intelligant, quod optime constitutis legibus, indictisque gravissimis poenis, horrendum scelus proscriptum sit, nisi accuratam ipsarum legum, poenarumque executionem gnaviter urgeant, ac promoveant, seque inexorabiles Dei vindices in eos, qui talia agunt, diligenter exhibeant; nam si delinquentes aut oscitanter ferant, aut molliter puniant, alieno se se crimine polluent, omnisque illius sanguinis reos se constituent, quem ita crudeliter inulcum effundi permiserint. Vani enim falsique honoris idolo humanas licare victimas non impune feret Supremus omnium Judex Deus; rationem aliquando ab iis exacturus, quorum est Divina, & humana jura tueri, sibi que creditorum hominum vitam servare, pro quibus sanguinem ipse suum JESUS Christus effudit.

Volumus autem, ut præsentium litterarum transumptis etiam impressis, notarii publi-

publici manu subscriptis, & Sigillo personæ in Ecclesiastica dignitate constitutæ munitis, eadem ubique, etiam in iudicio, fides habeatur, quæ ipsis præsentibus haberetur, si originaliter forent exhibitæ, vel ostensæ: utque eadem præsentibus in consuetis locis publicis hujus almæ urbis per cursores nostros, ut moris est, publicatæ & affixæ, omnes & singulos, quos concernunt, seu concernent in futurum, perinde afficiant, ac si unicuique illorum personaliter intimatæ & notificatæ fuissent.

Nulli ergo omnino hominum liceat paginam hanc nostrarum prohibitionis, damnationis, præcepti, statuti, declarationis, facultatum impertitionis, obtestationis, decreti, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri & Pauli Apostolorum ejus se noverit incursum.

Datum Romæ apud sanctam Mariam
Majorem anno incarnationis Dominicæ
1752

1752. quarto Idus Novembris, Pontificatus nostri Anno Tertio - Decimo.

D. Card. Passioneus.

J. Datarius.

Visa de Curia J. C. Boschi

Loco † Plumbi

J. B. Eugenius.

Registrata in Secretaria Brevium.

Anno a Nativitate D. N. J. C. 1752. Indictione quinta decima, die vero 24. mensis Novembris, Pontificatus autem SSmi in Christo Patris, & Domini nostri, Domini Benedicti divina Providentia Papæ XIV. Anno tertio decimo, supra dicta constitutio affixa, & publicata fuit ad valvas Basilicæ lateranensis, & Principis Apostolorum, & Cancellariæ Apostolicæ, Curiaque Generalis in monte citatorio, & in Acie campi Floræ ac in aliis locis solitis, & consuetis urbis per me Josephum Renzoni Apost. Curs.

Joseph Oliverani Mag. Curs.

ADMONITIO

AD

CANDIDATOS THEOLOGIAE.

SI allegatas Propositiones damnatas, paragrapho tertio contentas, & ad Theologiam moralem potissime spectantes, una cum succincta earum explicatione post absolutam Theologiam de novo, & quidem attente, ac repetitis vicibus relegant, antequam examinati, & approbati Neo-Confessarii sacrum Pœnitentiæ Tribunal actualiter accedant, ingentem exinde, experientia teste, utilitatem percipient, nec non a pluribus erroribus sibi præcavebunt: ubi, ut eadem facilius memoriæ imprimantur, pro majori adiutorio specialem aliquem in dictas propositiones damnatas indicem formavi, illico annectendum, in quo Doctrinam cuilibet propositioni damnatæ immediatæ oppositam, sicque merito tenendam posui, & ut quælibet propositio damnata eo citius in fonte inveniri queat, præpriis numerum dictæ propositionis; deinde nomen Pontificis, qui eam damnavit, adjunxi.

INDEX



INDEX SPECIALIS.

Compendiose referens cujuslibet Propositionis Damnatae oppositam Doctrinam.

A.

A Bortus procuratio aliquoties est conjuncta cum Homicidio; quia aliquoties foetus adhuc in utero materno existens est animatus. Proposit. 35. Innocent. XI.

Abortum procurare non licet ad evitandam infamiam, vel aliud grave malum. Proposit. 34. Innocent. XI.

Absolvere nequeunt Sæculares ab Hæresi occulta Prælati regulares. Proposit. 3. & 4. Alexand. VII.

q

Absol.

Anacl. Reiffenst. Theol. Tom. I.

Absolvere pariter nequeunt citra licentiam Ordinarii Regulares mendicantes ipsos Sæculares a casibus specialiter Episcopo reservatis. Proposit. 12. Alexand. VII.

Absolvi nequeunt regulariter ignorantes culpabiliter Mysterium Trinitatis, & Dominicæ Incarnationis. Proposit. 64. Innocent. XI.

Absolvi nequeunt propter solum confluxum pœnitentium dimidiate tantum Confessi. Proposit. 59. Innocent. XI.

Absolutio quoad Consuetudinarios, & constitutos in occasione proxima. Vide *Consuetudinarii*. Item Vid. *Occasione proxima &c.*

Absolutionem non debet necessario præcedere executio Pœnitentiæ. Proposit. 16. Alexand. VIII.

Actus Fidei, Spei, & charitatis, quando, & quoties sint eliciendi? Proposit. 1. Alexand. VII. Item Proposit. 5. 6. 7. 16. 17. & 65. Innocent. XI.

Actus moraliter boni dari possunt apud peccatores, & infideles absque virtute Charitatis. Proposit. 7. & 8. Alexand. VIII.

Adulterium reputari debet copula cum con-

1. mo Tom. I. Reg. 1. jugu-

- jugata habita, quamvis maritus ipsemet in
eam consentiat. Proposit. 50. Innoc. XI.
- Amore deficiente apud graves peccatores,
potest adhuc remanere fides. Proposit.
12. Alexand. VIII.
- Assensus fidei supernaturalis nequit stare
cum formidine; nec prudenter repudia-
ri. Proposit. 20. & 21. Innocent. XI.
- Attritio naturalis non sufficit ad Sacra-
mentum poenitentiae. Proposit. 57. In-
nocent. XI.
- Attritio est supernaturalis, quamvis con-
cepta ex metu gehennae &c. Proposit. 14.
& 15. Alexand. VIII.
- Augustini auctoritas, etsi in Ecclesia magna,
non tamen tanta est, ut absolute non
respiciendo ullam Bullam pontificiam
teneri, & doceri possit. Proposit. 30.
Alexand. VIII.

B.

Baptismus non valet sine debita inten-
tione, quamvis ceteroquin om-
nem ritum externum baptizans adhi-
beat. Proposit. 28. Alexand. VIII.

Baptizans, & non in formula pronuntians

illa verba: *Ego te baptizo*, invalide baptizat. Proposit. 27. Alexand. VIII.

Beneficia collata cum Simonia quæ? Proposit. 22. Alexand. VII.

Beneficia sunt conferenda dignioribus. Proposit. 47. Innocent. XI.

Beneficiati omittentes horas Canonicas tenentur pro rata ad restitutionem, etiam ante sententiam declaratoriam Judicis. Proposit. 20. Alexand. VII. Nec satisfaciunt per Eleemosynam antecedenter gratis datam. Proposit. 33. Alexand. VII.

Beneficiati Curati nequeunt sibi eligere Confessarium simplicem Sacerdotem, non approbatum ab Ordinario. Proposit. 16. Alexand. VII.

Bestialitas est distinctum peccatum a molitie, & Sodomia. Proposit. 24. Alexand. VII.

C.

Censuræ illimitate latæ non illico cessant correcto Reo, nisi is quoque absolvatur. Proposit. 44. Alexand. VII.

Christus mortuus est etiam pro Paganis, Ju-

Judæis, & reprobis. Proposit. 4. & 5.
Alexand. VIII.

Comedere, & bibere usque ad satietatem
ob solam voluptatem non licet. Pro-
posit. 8. Innocent. XI.

Communione sacram possunt sumere
etiam illi, quibus necdum inest amor
purissimus. Proposit. 23. Alexand. VIII.

Communioni Sacræ non necessario præ-
mittenda est actualis de delictis suis exe-
cutio Pœnitentiæ. Proposit. 22. Ale-
xand. VIII.

Communione annuæ præcepto non satis-
fit per Communionem sacrilegam. Pro-
posit. 55. Innocent. XI.

Concubinariùs debet ejicere suam Concu-
binam, quamvis ea deficiente nimis
ægre ageret vitam, & aliæ Epulæ tædio
magno illum afficerent, aliaque famula
nimis difficile inveniretur. Proposit. 41.
Alexand. VII.

Confessarius sollicitans ad turpia quando-
nam sit denunciandus? Proposit. 6. & 7.
Alexand. VII.

Confessio & Communio frequens in his
qui

- qui alias gentiliter vivunt, non est nota prædestinationis. Prop. 56. Innoc. XI.
- Confessione sacrilega seu nulla non satisfacit præcepto annuæ Confessionis. Proposit. 14. Alexand. VII.
- Confessiones apud Religiosos factas esse plerasque invalidas, & sacrilegas, gravissima est impostura merito damnata. Proposit. 20. & 21. Alexand. VIII.
- Consuetudinarii tenentur suam consuetudinem peccandi fateri, si desuper a Confessario interrogentur &c. & quando nam dicti possint absolvi? Proposit. 58. & 60. Innocent. XI.
- Copulam actualem exercens cum soluta non satisfacit in Confessionali, si dicat: *commisi grave peccatum cum soluta*. Proposit. 25. Alexand. VII.
- Copulam conjugalem exercere ob solam voluptatem non caret omni culpa. Proposit. 9. Innocent. XI.
- Crimen falsum non licet alteri imponere ad diminuendam ejusdem auctoritatem, alias sibi futuram noxiam, vel ad defendendam justitiam, & suum honorem. Proposit. 43. & 44. Innocent. XI.

D.

Deum in testem vocare in re etiam leviter falsa est peccatum grave. Proposit. 24. Innocent. XI.

Dilectionis Dei actus sæpius in vita elici debent. Proposit. 5. & 6. Innocent. XI.

Diligere tenemur proximum non solum externe sed etiam interne. Proposit. 10. 11. 13. Innocent. XI.

Duellum acceptari nequit præcise ex ea ratione, ne provocatus apud alios timiditatis notam incurrat. Proposit. 2. Alexand. VII. Plura de Duello vide prohibita in Bulla Benedicti XIV. mox antecedenter posita.

E.

Eleemosyna sub præcepto pauperibus danda est a divitibus, & quomodo? proposit. 12. Innocent. XI.

Eleemosyna præcedenter data non supplet obligationem restituendi ob omittas Horas Canonicas. Prop. 33. Alexand. VII.

F.

Famuli, vel Famulæ nequeunt uti occulta compensatione ex eo præcise;

- quia ipsi judicant, operas suas esse majores Salario. Proposit. 37. Innocent. XI.
- Famuli nequeunt Herum suum citra grave peccatum adjuvare ad stuprandam Virginem, Eidem multoties subserviendo, scalam deferendo, aperiendo januam, aut quid simile cooperando. Prop. 51. Innocent. XI.
- Festa servandi obligatio. Vide *Præceptum servandi &c.*
- Fidem tenetur quis confiteri interrogatus de hac a potestate publica. Proposit. 18. Innocent. XI.
- Fides non solum in unum Deum, sed etiam in Remuneratorem est necessaria necessitate medii, Proposit. 22. Innocent. XI.
- Fides elicitæ præcise ob testimonium creaturarum, vel ex simili motivo non sufficit ad justificationem. Proposit. 23. Innocent. XI.
- Fides potest etiam in gravibus peccatoribus subsistere sine charitate. Prop. 11. & 12. Alexand. VIII.
- Fornicatio est in se intrinsece mala, non solum ideo, quia prohibita. Proposit. 48. Innocent. XI.
- Furari non licet in necessitate præcise gravi. Proposit. 36. Innocent. XI.

Furta etiam minuta obligant sub gravi ad restitutionem si per ea devenitur ad magnam summam. Proposit. 38. Innocent. XI.

G.

Gratia datur non solum efficax, sed etiam sufficiens. Proposit. 6. Alexand. VIII.

H.

Hæretici evidenter tales debent denunciari. Ubi, & quando? Proposit. 5. Alexand. VII.

Horas Canonicas minores recitare quis debet, si potest, quamvis ex aliis causis nequeat recitare matutinum cum laudibus. Proposit. 54. Innocent. XI.

I.

Iejunium frangens peccat mortaliter, et si id non fiat ex contemptu. Proposit. 23. Alexand. VII.

Iejunium frangitur etiam, si per frequentatam modicam comestionem tandem ad notabilem quantitatem pervenitur. Proposit. 29. Alexand. VII.

Iejunium servare tenentur Officiales reipublicæ etiam corporaliter labor antes

- uri etiam iter agentes equitando nisi
 aliunde excusentur. Proposit. 30. & 31.
 Alexand. VII.
- Jejunium Quadragesimale etiam obligat ad
 abstinendum ab ovis, & lacticiis, ubi
 est consuetudo. Prop. 32. Alexand. VII.
- Ignorantia invincibilis excusat a peccato.
 Proposit. 2. Decreto II. Alexand. VIII.
- Imagines Patrem cælestem repræsentantes
 licite in templis collocari possunt. Pro-
 posit. 25. Alexand. VIII.
- Indulgentiæ Regularium a Paulo V. revo-
 cata, non sunt hodie revalidata. Pro-
 posit. 37. Alexand. VII.
- Infidelis non peccat necessario in omni
 opere. Proposit. 8. Alexand. VIII.
- Judex nequit pro pecunia terre sententiam
 in favorem unius partis, quando opi-
 niones pro utraque parte sunt æque pro-
 babiles. Proposit. 26. Alexand. VII.
- Judex multo minus potest judicare juxta
 sententiam minus probabilem. Pro-
 posit. 2. Innocent. XI.
- Jurare non licet etiam cum causa sine ani-
 mo jurandi. Proposit. 25. Innocent. XI.
- Jurare falso etiam in re levi est peccatum
 grave. Proposit. 24. & 25. Innocent. XI.
- Jurare cum restrictione. Vide *Restrictio &c.*
 L.

L.

Legatum annuum pro animabus in Purgatorio plus durare potest quam per 10. annos. Proposit. 43. Alexand. VII.
Legis obligatio non dependet ab acceptance populi, Proposit. 28. Alex. VII.
Libertas ad peccandum qualis requiratur in statu naturæ lapsæ. Proposit. 1. Alexand. VIII. Decreto ejusdem II.
Libri prohibiti an, & quando retineri possint. Proposit. 45. Alexand. VII.

M.

Mariæ Beatissimæ Virgini laus collata qua talis non potest vana dici. Proposit. 26. Alexand. VIII.
Maritus. Vid. *Uxor*.
Missa qualiter die festo audienda. Prop. 52. & 53, Innocent. XI.
Mollicies, Sodomia, & Bestialitas sunt peccata distinctæ ab invicem speciei. Proposit. 24. Alexand. VII.
Mollicies est peccatum contra naturam; unde nunquam bona, multo minus aliquando obligatoria. Prop. 49. Innoc. XI.
Mortem parentis non licet optare ob pinguem hæreditatem exinde capiendam. Proposit. 14. Innocent. XI.

De

De morte Patris in ebrietate occisi non licet gaudere ob ingentes divitias exinde acquisitas. *Proposit. 15. Innoc. XI.*

Mutuanti non licet aliquid ultra sortem exigere præcise propter dilationem solutionis usque ad certum tempus. *Proposit. 42. Alexand. VIII.*

O.

Occasio proxima est deferenda. *Proposit. 61. 62. 63. Innocent. XI.*

In occasione proxima constituti quandoque nam absolvi nequeant. *proposit. 41. Alexand. VII.*

Occidi nequeunt privata auctoritate Calumniatores, aut falsi accusatores, vel testes, sive injuste impediētes ab Additione hereditatis &c. *Proposit. 17. 18. Alexand. VII. & Prop. 30. 32. 33. Innoc. XI.*

Occidi nequit fur regulariter propter conservationem unius Aurei. *Proposit. 31. Innocent. XI.*

Officium divinum nequit recitari per substitutum, quamvis Beneficiarius vacet studio litterarum. *Prop. 21. Alex. VII.*

Officii divini Obligationi non satisfit per unicam recitationem pro die præsentis, & Crastino. *Proposit. 35. Alexand. VII.*

Officii

Officii divini recitandi obligationi neque
satisfit, si in die palmarum persolvatur

Officium Paschale. Prop. 34. Alex. VII.

Opinionem extrinsece probabilem non fa-
cit illico unicus Auctor modernus. Pro-
posit. 27. Alexand. VII.

Opinionem probabilem relicta tutiori non
licet sequi in ijs, quæ concernunt valo-
rem Sacramenti. Prop. 1. Innoc. XI. Nec
in puncto fidei. Proposit. 4. Innoc. XI.

Opinionem tenuiter probabilem, generali-
ter loquendo; sequi non licet. Prop. 3.
Innocent. XI.

Opinionem minus probabilem non licet
sequi in puncto fidei. Prop. 4. Innoc. XI.

Opinionem inter probabiles probabilissi-
mam sequi licet. Prop. 3. Alexand. VIII.

Originale peccatum non habet annexam
pœnitentiam toto tempore vitæ suæ
agendam. Prop. 19. Alexand. VIII.

Osculum habitum ob delectationem car-
nalem est peccatum grave. Proposit. 40.
Alexand. VII.

P.

Papam esse supra Concilium, neutiquam
est opinio futilis &c. Proposit. 29.
Alexand. VIII.

Pœni-

Pœnitentia personaliter a peccatore persolvenda, nequit peragi per alium a se propria auctoritate substitutum. *Proposit. 15. Alexand. VII.*

Peccatum odisse ob meram ejus turpitudinem, aut disconvenientiam cum natura, peccatum non est. *prop. 9. Alex. VIII.*

Peccatum detestari, vel prosequi bonum mere ad obtinendam coelestem gloriam est intentio recta, & Deo Placens. *Proposit. 10. & 13. Alexand. VIII.*

Peccata in una Confessione ex inculpabili oblivione, vel alia legitima causa non proposita debent exprimi in sequenti Confessione. *Prop. 11. Alexand. VII.*

Peccatum Philosophicum quid? *Proposit. 1. & 2. Decret. I. Alexand. VIII.*

Præceptum servandi festa graviter obligat. *Proposit. 22. Innoc. XI.*

R.

Regulares nequeunt excipere confessiones Sæcularium, siquidem sunt præsentati ordinario, ab eo tamen reprobati; quamvis injuste. *Prop. 13. Alex. VII.*
Regulares non possunt amplius in foro Conscientiæ uti privilegiis a Concilio Tridentino

- Tridentino expresse revocatis. Proposit.
36. Alexand. VII.
Restituere, & illatum damnum resarcire
tenetur damnificato, qui alterum mo-
vit, & induxit ad illud damnum infe-
rendum. Proposit. 39. Innoc. XI.
Restrictione pure mentali uti non licet.
Proposit. 26. 27. 28. Innoc. XI.

S.

- S**acerdos ex morali necessitate celebrans
in peccato gravi obligatur confiteri
quamprimum. Prop. 38. Alexand. VII.
Sacramentum simulare non licet propter
metum gravis mali, alias imminentis.
Proposit. 29. Innocent. XI.
Sacramenta administrandi moderna praxis
male carpitur a Jansenistis. Proposit. 16.
17. 18. Alexand. VIII.
Satisfactio non debet necessario præmitti
absolutioni. Proposit. 16. 17. & 18. Ale-
xand. VIII.
Simonia committitur, quamvis temporale
non detur pro spirituali tanquam pre-
tium, sed solummodo tanquam princi-
pale motivum. Prop. 45. & 46. Innoc.
XI.

Stipendium Missæ nequit accipi duplicatum, applicando uni specialem, & alteri fructum specialissimum. Proposit. 8. Alexand. VII.

Stipendium Missæ pertinet ad eum, qui actualiter celebrat illam Missam, nec potest ab altero regulariter pars aliqua pro se retineri. Prop. 9. Alexand. VII.

Stipendia plura nequeunt accipi pro unico Missæ sacrificio. Prop. 10. Alexand. VII.

T.

Timor gehennæ est motus bonus, & supernaturalis. Proposit. 14. & 15. Alexand. VIII.

U.

URbani VIII. Bulla, *In Eminentî &c.* non est subrepticia. Prop. 31. Alexand. VIII.

Usura in quibusdam contractibus abscondita, seu Palliata. Prop. 42. Alex. VII. Item Prop. 40. 41. & 42. Innoc. XI.

Uxor deprehensa a Marito in adulterio nequit ab eo propria auctoritate occidi. Proposit. 19. Alexand. VII.

SYNO-

L. 1757
1850



THEOLOGIÆ
MORALIS
BREVI, SIMULQUE CLARA
METHODO
COMPREHENSÆ
TRACTATUS I.
DE
ACTIBUS HUMANIS,
ET
CONSCIENCIA.

QUONIAM a Deo, Auctore & Con-
ditore suo, Homo ad supernatu-
ralem Beatitudinem ordinatus esse dignoscitur,
cum primis necesse est media illa inve-
stigare, quibus ad preparatam sibi æternam
Beatitudinem pervenire, Deumque tanquam
ultimum finem suum apprehendere valeat.
Cum igitur juxta illud Davidicum, Psalm.
36. *Declina a malo, & fac bonum*, alia ratio-
Anacl. Reiffenstuel Theol. Tom. I. A ne

o *Tract. I. De Actibus Humanis, & Conscien. Dist. I.*
 ne id fieri nequeat, nisi per exercitationem actuum bonorum, fugamque malorum: hinc in præsentī utilissimo, omnibusque, præsertim Confessariis, scitu summe necessario Tractatu, quem *de actibus Humanis, & Conscientia* inscribunt, ea consideranda occurrunt, quibus homo in suis actionibus ita possit dirigi, imo & alios dirigere, ut tandem exercitatione bonorum actuum, fugaque malorum, præparatam sibi Gloriam æternam consequi mereatur.

De Voluntario, & Involuntario.

QUÆSTIO I.

Quid & quotuplex sit Voluntarium.

SUMMARIUM.

1. *Finis ultimus hominis.*
2. *Voluntarium accipitur tripliciter.*
3. *Voluntarium stricte, quid?*
4. *Voluntarium stricte, dividitur in perfectum & imperfectum.*
5. *Directum, & indirectum.*
6. *Et quomodo exerceatur?*
7. *Voluntarium secundum se, & in sua causa.*
8. *Voluntarium interpretativum.*

CON-

Quest. I. Quid & quotuplex sit Voluntarium. 3

2. **C**ONCL. I. Voluntarium generatim tribus modis accipitur. Et primo quidem *Voluntarium* illud dicitur, quod fit absque obligatione præcepti: sic Religiosi præter officium Divinum quandoque dicuntur recitare quasdam preces voluntarias, id est, absque obligatione dicendas. Verum de voluntario taliter accepto hic non loquimur. Secundo *Voluntarium* sumitur latissime, prout idem est, ac *Spontaneum*: quomodo omne illud dicitur Voluntarium, quod neque vi, neque ignorantia fit, procedit tamen ab aliquo principio intrinseco cum prævia cognitione. Vel clarius, Voluntarium, prout coincidit cum Spontaneo, dicitur illud, quod procedit a potentia appetitiva ex prævia cognitione objecti. Et hoc modo voluntarium convenit brutis, utpote quæ agunt sponte ex inclinatione appetitus sensitivi, prævia cognitione sensitiva. Sed & de Voluntario tam large accepto, ac prout etiam convenit brutis, hic sermo non est.

3. Tertio modo *Voluntarium* sumitur stricte, ac prout illud derivatur a voluntate, & competit soli naturæ rationali habenti voluntatem. Et hoc modo Voluntarium dicitur illud, quod procedit a voluntate ex prævia cognitione intellectiva. Dicitur *quod procedit a voluntate*; quia aliud est Voluntarium, aliud vero Volitum: nam pluvia, vel serenitas opportuna, est quidem ab agricola volita, non tamen ipsi voluntaria: utpote cum non procedat dicta pluvia, vel serenitas, ab ejus voluntate tanquam

4. *Tract. I. De Actibus Humanis, & Conscien. Dist. I.*
effectus ipsius ; quamvis sit objectum suæ voluntatis , seu volitum ab ipsa. Et de Voluntario taliter accepto loquimur in præsentî.

4- CONCL. II. Voluntarium hoc tertio modo sumptum varie dividitur ; & primo quidem in perfecte Voluntarium, & in Voluntarium imperfecte. *Voluntarium perfecte*, dicitur illud, quod procedit a voluntate ex prævia cognitione perfecta, seu deliberata objecti ; quo modo peccatum, præsertim mortale, debet esse voluntarium. *Voluntarium imperfectum*, econtra est explicandum, quomodo motus voluntatis primi censentur voluntarii, seu potius semivoluntarii, eo quod procedant a cognitione imperfecta, seu indeliberata.

5. deinde Voluntarium dividitur in directum, & indirectum. *Voluntarium directum*, seu directe voluntarium dicitur illud quod per se ac positive procedit a voluntate, in quantum agens est : quo modo actus voluntatis sive elicitî, sive imperatî, censentur esse voluntarii. *Indirecte* vero illud dicitur *Voluntarium*, quod procedit a voluntate, in quantum non agit, cum tamen agere posset, ac (loquendo de Voluntario culpabili) etiam deberet : sic submersio navis censetur gubernatori ejus indirecte voluntaria, quando desistit a gubernaculo mediante quo potuisset, ac debuisset impedire submersionem navis.

Quæst. I. Quid & quotuplex sit Voluntarium. 5

6. Ex quo patet, voluntarium directe exerceri per actum positivum voluntatis; Voluntarium vero indirecte per omissionem actus, quem quis non solum potuit, sed (si sit sermo de culpabili voluntario) debuit habere. Siquidem tunc solum effectus censetur indirecte, simulque culpabiliter voluntarius, quando quis non agit, cum tamen possit, & debeat agere: si enim gubernator navis non possit, navem dirigere, vel quis alius adsit, cui gubernatio navis non est commissâ, non imputabitur ei submersio ipsius. Verum tamen notanter additum fuit, *indirecte, simulque culpabiliter voluntarius*: simpliciter enim & absolute ad voluntarium sufficit, ut quis deliberate omittat opus, quod facere seu non omittere poterat: neque ad hoc requiritur præceptum seu obligatio faciendi id, quod omittitur; quamvis ejusmodi obligatio requiratur, ut omissio illa sit culpabilis, & peccaminosa. Guiliel. Herincx. *part. 2. Summæ Theologicæ, Tract. 2. disp. 1. num. 19.*

7. Ulterius Voluntarium dividitur in Voluntarium secundum se, & in voluntarium in sua causa; sive (ut alii loquuntur) in formaliter Voluntarium & in virtualiter Voluntarium. *Voluntarium secundum se* (quod & *Voluntarium formale* nuncupatur) dicitur illud, quod a voluntate ex proprio ac formali proposito fit, ac dependet: sic est voluntaria præsens lectio. *Voluntarium in sua causa* (quod & *virtuale* appellatur) illud censetur, quod non in se, sed solum in sua causa cuipiam est Voluntarium,

6 *Tract. I. De Actibus Humanis, & Consc. Dist. I.*
in quantum voluntas, etsi non intendat effectum, vult tamen causam illius effectus; unde & hic saltem virtualiter, seu in sua causa censetur esse voluntarius: sic illi, qui voluntarie se inebriat, censentur esse voluntariae, saltem virtualiter, rixae illae, vel blasphemiae, quas in tali ebrietate committit, si prius novit, in ebrietate se solere rixari, vel blasphemare.

8. Huc additur *Voluntarium interpretativum*, estque illud, quod adesse praesumitur, seu interpretatur ex aliquo signo extrinseco, positivo vel negativo: sic in Foro externo: *Qui tacet, consentire videtur*, juxta Reg. 43. Juris in 6. Similiter Religiosus suo Superiore absente, & urgente necessitate, rationabiliter ac honeste quandoque quidpiam agit ex consensu ejus interpretativo, five rationabiliter praesumpto, dum ex aliis actibus prudenter interpretatur, & praesumit, superiorem suum, si interrogaretur, in talibus circumstantiis haud futurum invitum. Et hoc posterius aliqui appellant *Voluntarium interpretativum conditionatum* Superioris. Nihilominus *Voluntarium interpretativum*, praesertim in malam partem acceptum, non raro confunditur cum *Voluntario indirecto*, & in causa: & sic juxta satis communem modum loquendi, si quis projiciat sagittam ad occidendam feram praevisto periculo occidendi hominem, si sequatur homicidium, censetur occisio isthac hominis eidem voluntaria in sua causa, indirecte, atque interpretative,

*Quest. II. Quando effectus, veluti indirecte Sc. 7
ve, quamvis non fuerit intenta & directe
volita.*

QUÆSTIO II.

*Quando effectus, veluti indirecte & in
causa voluntarius, imputetur ad
culpam?*

S U M M A I U M.

9. *Quæ requirantur, ut effectus, veluti incau-
sa voluntarius, imputetur ad culpam?*

10. *Corollaria.*

Loth, quomodo excusetur ab incestu.

11. *Alia Corollaria.*

12. *Quæ excusare soleant, ne effectus pravus,
veluti in causa voluntarius imputetur?*

13. *Corollaria.*

14. *Explicatur amplius conclusio.*

15. *Quando imputetur effectus, veluti indirecte
voluntarius?*

16. *Quando quis censeatur teneri ad tollendam
causam peccati?*

** *An sola dependentia actionis in se naturalis ab
actione libera precedente, causet impute-
bilitatem ad peccatum? Additio. ***

9. **C**ONCL. I. *Ad hoc, ut effectus virtuali-
ter atque in causa censeatur esse volun-*

8 *Traff. I. De Actibus Humanis, & Conscien. Dist. I.*
tarius, & cuiuspiam imputetur ad culpam, omnino requiritur, quod operans adverterit periculum secuturi effectus ad positionem illius causæ. Ita communis. Ratio est: quia si quis nullam de effectu secuturo habuit advertentiam, tunc talis effectus nullo modo foret prævisus, ac proinde nequiquam voluntarius, sed potius ex naturali inadvertentia proveniens: nam juxta illud tritum Philosophorum: *Nihil est volitum, quin præcognitum.*

10. Infertur proinde I. Quod, quamvis effectus illi pravi, qui frequenter accidunt in ebrietate voluntarie se inebriantibus imputentur ad culpam, eo quod potuerint prævideri, & etiam soleant actualiter prævideri saltem in confuso, ac proinde sint voluntarii saltem virtualiter & in sua causa: nihilominus illi eventus, qui raro contingunt, nec fuerunt prævisi, ad culpam non imputentur. Et hac de causa sanctus Augustinus l. 22. c. 44. *contra Faustum*, excusat ipsum Loth ab incestu, quem ebrius admisit, ut legitur *Gen. cap. 19.* eo quod non præviderit, incestum ex ejus ebrietate secuturum.

11. Infertur II. Circumstantias invincibiliter ignoratas, non imputari ad culpam; quia non fuerunt prævisæ in causa. Sic Jacob Patriarcha non peccavit ingrediendo ad Liam. *Gen. 29.* quia bona fide credebatur, sed ingredi ad Rachel conjugem suam. E contra vero sequitur, eum, qui scienter & voluntarie occidit mulierem
gra-

Quest. II. Quando effectus, veluti indirecte &c. ,
gravidam, censi etiam occidere infantem,
licet hoc expresse non intendat. Ratio est:
quia mortem infantis secuturam prævidere po-
terat, ac debebat, hoc ipso, quod sciebat,
fœminam illam esse gravidam, sicque conse-
quenter etiam habuerit saltem in confuso noti-
tiam de fœtu: & idem fit in aliis hujusmodi.

12. CONCL. II. Nihilominus sola adverten-
tia effectus pravi ex actione libera secuturi non
semper sufficit, ut is cuiusdam imputetur ad
culpam, & hoc tunc verificatur, quando ejus-
modi actio cæteroquin licita est, & necessaria,
vel utilis, simulque effectus ille pravus non in-
tenditur. neque in eo habetur complacentia.
Ita Doctores communiter, quos refert; & se-
quitur Sanchez *lib. 9. de Matrimon. disp. 45.*
n. 4. Ratio est: quia effectus per accidens, ac
præter intentionem subsequutus non imputatur
ei, qui jus suum prosequitur.

13 Infertur proinde cum Doctoribus com-
muniter, quod expertus se pollui equitatione,
tamen absque periculo consensus non tenea-
tur pedester incedere, & ab equitatione desi-
stere. Ratio est: quia equitatio est res utilis,
neque causa per se & suapte natura talis effe-
ctus pravi, seu fœditatis. Infertur ulterius,
quoties pollutio sequitur præter intentionem
ex causa aliqua necessaria, vel utili corpori, ut
est cibus, & potus moderatus, aut animæ,
ut orare, studere, vel utili aliis, prout est
audire Confessiones, &c. nullam esse culpam,

non desistere a causa ista, quamvis inde præter intentionem prævideatur pollutio secutura. Ratio, præter hætenus dicta, ulterior est: quia talis patitur pollutionem potius quam agit.

14. Dicitur notanter in Conclusionem, *quando talis actio ceteroquin est licita, & necessaria vel utilis.* Siquidem quando absque urgente necessitate exercetur actio ex sua natura turpis, & per se tendens ad procurandam ejusmodi fœditatem, ut sunt tactus impudici, id est, facti non ex aliqua necessitate, &c. sed ex animo libidinoso circa partes inhonestas, &c. tunc non vitare ejusmodi causas, est peccatum mortale, & censetur ipsamet pollutio esse voluntaria in sua causa: & servata proportionem idem dicendum de similibus. Additur etiam in Conclusionem, *simulque effectus ille pravus non intenditur, &c.* Nam si effectus talis pravus, ut puta pollutio, ab aliquo intenderetur, vel quis in ea subsequente deliberate delectaretur, sibi que complaceret in ea, certum est, committi peccatum ratione hujus prævæ intentionis, vel complacentiæ.

15. CONCL. III. Ad hoc, ut effectus ad liberam omissionem alicujus actus consequens, cuiuspiam imputetur ad culpam, veluti indirecte voluntarius, præter advertentiam illius effectus pravi ex sua omissionem secuturi, requiruntur insuper tres aliæ conditiones; videlicet, quod possit agere, agendoque illum effectum impedire, & non agat, & tamen teneatur

Quæst. II. Quando effectus, veluti indirecte &c. 11

neatur agere. Ita D. Thomas 1. 2. q. 6. art. 3. & communis. Ratio primæ conditionis est: quia nemo peccat in eo, quod vitare non potest, siquidem *nemo potest ad impossibile obligari*, juxta Reg. 6. Juris in 6. Ratio secundæ conditionis, quod nempe quis non agat, cum agere possit, patet ex eo: quia in ommissione talis actus consistit ratio voluntarii indirecti. Ratio tandem tertiæ conditionis, quod quis teneatur agere, patet ex eo: quia, nisi hoc requireretur, DEO (quod absit) imputarentur omnia peccata totius mundi, cum potuisset ea impedire non creando genus humanam, vel aliis modis, quamvis ut Auctor naturæ, atque universorum Dominus, id facere non teneatur. Similiter submersio v. g. navis imputaretur illi, cui navis gubernatio non fuit commissæ, ac proinde tempore naufragii non fuit præsens: quod utique est absurdum.

16. Quæres: quandonam quis censeatur teneri ad tollendam causam peccati, vel impediendum malum, ita ut hoc facere intermittenti censeatur subsequens effectus malus fuisse indirecte voluntarius, ac proinde ad peccatum imputetur? Resp. Id attendi debere ex variis præceptis obligantibus. Quandoque enim quis tenetur ad hoc ex præcepto Justitiæ, sicque est magis adstrictus, quam alius, quia videlicet ex officio ad ejusmodi malum impediendum est obligatus: quomodo gubernator, cui cura navis est commissæ, tenetur pro viribus impedire navis submersionem; & similiter Prælatus
sub-

subditorum peccata. Quandoque autem ejusmodi obligatio consurgit solum ex præcepto charitatis, quo quilibet tenetur proximo suo in certis casibus: quandoque vero ex præcepto alterius virtutis: prout in singulis Præceptorum materiis passim solent explicare Theologi.

ADDITIO.

EX his inferitur, limitandum esse sequens ex §. 3. P. I. Juris naturæ Wolffiani de promptum assertum: *Actiones, quæ in se spectatæ naturales quidem sunt, attamen ab actione quadam libera præcedente dependent, imputari possunt.* Siquidem, ut tales effectus ab actione libera, prævia dependentes imputari possint, non sufficit sola illa dependentia; sed requiritur insuper, ut effectus ipse, vel periculum ejus fuerit prævisum, & præterea sit obligatio omittendi illam actionem liberam, quæ est causa talis effectus. Alias enim motus veneri, vel Cogitationes impuræ exortæ ex actione quadam libera, honesta, & utili, ut ex studio necessario, vel utili Medicinæ, in Medico, ex Colloquio honesto cum altero sexu, sine ulteriore consensu, statim ad culpam imputari possent: quod utique falsum est. Ita quoque in legem sanæ doctrinæ delinquit illa Divisio Wolffiana §. 6. ejusdem 3tæ partis, qua actiones ad peccatum imputandas secatur, in *deliberatas & indeliberatas*: quod enim indeliberata-

Quæst. III. Quo temp peccat. tum commission. Sc. 13
beratum est, voluntarium & liberum non est,
atque adèò ad vituperium & peccatum impu-
tari non potest. **

QUÆSTIO III.

*Quo tempore peccatum tum commissio-
nis, tum omissionis, indirecte seu in
causa duntaxat voluntarium
contrahatur.*

SUMMARIUM.

17. *Peccatum commissionis, & omissionis, quid?*
18. *Sensus propositæ Quæstionis declaratur ex-
emplis.*
19. *Aliud exemplum de dante alteri venenum.*
20. *Et de dormiente, donec sequatur omisso Mis-
sa: ac de Clerico, projiciente Breviarium
in mare.*
21. *Resolutio Quæstionis.*
22. *Notabilis declaratio Conclusionis.*
23. *Solvitur Obiectio.*
24. *Alia obiectio, ejusque solutio.*
(a) *Tract. 1. Dist. 2. n. 30.*
25. *Pœne, vel inhabilitates ob peccatum in cau-
sa duntaxat voluntarium, quando incurran-
tur?*

17. **A**DVERTENDUM, per peccatum commissionis intelligi illud, quod fit contra aliquod præceptum negativum, seu quid iam fieri prohibens: ut est furtum, adulterium, homicidium, quæ pugnant contra illa præcepta Decalogi: *Non furtum facies: non machaberis: non occides*, &c. Peccatum omissionis econtra est illud, quod fit contra præceptum affirmativum, seu quidpiam fieri præcipiens: ut est ommissio Missæ die Festo audiendæ, & sic de aliis loquendo. Hoc prænotato.

18. Sensus hujus quæstionis est, quo tempore incurratur peccatum commissionis, vel omissionis, indirecte & in causa duntaxat voluntarium. Ut si quis ante ebrietatem bene prævideat, se in ebrietate commissurum homicidium vel adulterium, & nihilominus scienter se inebriet usque ad privationem usus rationis, sicque committat homicidium, vel adulterium? Quæstio remanet, an talis peccet peccato homicidii, vel adulterii eo tempore, quo scienter dedit causam per ebrietatem tali peccato, vel potius tunc, quando in ebrietate actualiter committit homicidium, vel adulterium? Et ratio dubitandi est: quia tempore actualis homicidii, ipse per ebrietatem privatus est usu rationis, uti supponitur; ergo non videtur pro eo tempore posse actualiter peccare.

19. Similiter, si quis scienter dedit alteri venenum, non nisi post aliquot hebdomadas mortem allaturum; rursus quæritur, an talis peccet

Quæst. III. Quo temp. peccat. tum commission. Sc. 15
cet peccato homicidii pro eo tempore, quo dedit venenum, vel potius pro tunc, quando actualiter sequitur homicidium, seu mors proximi? Et ratio dubitandi est: quia ille, qui dedit venenum, potest jam de peccato suo esse contritus tempore actualis mortis subsecutæ, ac velle mortem proximi impedire, nec tamen amplius posse: atqui nemo videtur posse actualiter peccare in eo, quod vitare non potest.

20. Insuper, si aliquis mane voluntarie se inebriet, bene prævidens secuturam omissionem Sacri audiendi die Festo; vel tamdiu dormiat, aut tergiversetur domi, prævidendo periculum non audiendi Sacrum die Festo, donec tandem actualiter sequatur omissio Sacri; aut si Sacerdos navigaturus voluntarie projiciat Breviarium in mare, optime prævidens, inde se reddi impotentem ad recitandum Breviarium per multos dies, & hujusmodi. Quæritur, inquam, quo tempore tales peccent? An videlicet solum pro tunc, quando scienter dederunt causam tali omissioni, vel an insuper peccent adveniente illo tempore, quo currit præceptum audiendi Missam, aut recitandi Breviarium, non obstante, quod tunc talis amplius Missam audire, vel Breviarium recitare non possit? Et hoc idem de innumeris aliis casibus quæri potest.

21. CONCL. I. In his, & similibus casibus, Peccatum commissionis, aut etiam omissionis, indirecte vel in causa duntaxat voluntarium, contrahitur mox in ipsa appositione causæ, vel
im-

16 *Tract. I. De Actibus Humanis, & Conscien. Dist. I.*
impedimenti, quæ fuit in libera hominis potestate; non autem amplius tempore subsequenti: quo sequitur v. g. mors alterius veneno causata, aut omissio Sacri, vel recitationis Breviarii, si tunc revera adfuit impotentia impediendi mortem alterius, vel Sacrum audiendi, &c. Ita Scotus 2. *dist. 42. Mastrius lib. 2. Sent. disp. 6. num. 132.* estque communis sententia Doctorum, paucis exceptis. Ratio hujus Conclusionis desumitur imprimis ex rationibus dubitandi proxime allatis. Accedit, quod tempore appositionis causæ mortis proximi per porrectum venenum, jam sit volitum homicidium saltem virtualiter, & in sua causa; & similiter tempore appositionis impediendi audiendi Missam die Festo, vel recitandi Breviarium, omissio hujus etiam indirecte, ac in sua causa jam est volita: ergo tunc contrahitur tale peccatum, sive commissionis, sive omissionis, non autem tempore subsequenti, si revera tunc adsit impotentia actum prohibitum, actualis v. g. homicidii subsequenti, impediendi, vel actum præceptum Missæ audiendæ ponendi.

22. Dicitur notanter, *si tunc revera adsit impotentia impediendi mortem alterius, &c.* Si quidem certum est apud omnes, atque indubitatum, si tunc sit in libertate ac potestate hominis, adhuc impedire actum prohibitum, v. g. homicidium veneno porrecto causatum, nec tamen impediat, etiam tempore actualis mortis proximi subsecutæ committi, vel potius continuari & consummari peccatum homicidii; cum
edfit

Quæst. III. Quo temp. peccatum Commission. &c. 17

ad sit libertas sufficiens, atque voluntarium, ad contrahendum peccatum etiam pro eotempore. Et, similiter, si tempore præcepti audiendi Missam adsit adhuc potestas & libertas ipsam audiendi, & tamen quis eam audire negligat etiam tunc committitur peccatum omissionis externæ: siquidem tunc prava voluntas omittendi actum præceptum, opere externo consummatur, ac perficitur. Cæterum data conclusio loquitur in casu veræ impotentiae, actum prohibitum ex posfacto impediendi, vel actum præceptum ponendi; & ait, tunc ejusmodi peccatum contrahi duntaxat in ipsa appositione causæ vel impedimenti, utpote quæ fuit in hominis potestate.

23. Nec obstat, quod, quando quis posuit impedimentum audiendi v. g. Missam, nondum currebat præceptum Missæ audiendæ; ac proinde non videatur posse pro tunc tale peccatum omissionis Missæ contrahi. Respond. enim, quod licet tunc præceptum non obligarit ad ponendum actum auditionis Missæ, obligabat tamen ad non ponendum impedimentum exercendi talem actum pro tempore debito: hoc enim præcepto non solum præcipitur ipsa auditio Missæ, sed etiam, ne voluntarie & absque legitima ratione ponatur causa impeditiva illius: sicuti similiter præceptum non occidendi hominē nedum prohibet actuale homicidium sed etiam, ne ponatur probabilis causa ipsius. Et per hoc patet ad rationes dubitandi, ab initio Quæstionis propositas.

B

24. Di-

24. Dices : Ut actus prohibitus, vel omissio actus præcepti, sit formaliter peccatum, sufficit voluntarium indirectum, aut in causa ergo illud etiam tempore subsequenti contrahitur. Consequentia probatur. Tum quia jam adest sufficiens voluntarium, videlicet indirectum, aut in causa. Tum quia tunc completur, sive consummatur peccatum actualis v.g. omissionis Missæ aut homicidii veneno causati. Tum tandem, quia alioquin non esset necesse, confiteri tales actus externos, aut omissiones ex priori data causa necessario subsecutas, & in se non liberas; quod videtur absurdum, & contra Decretum Alexandri VII. ejusque Propositionem 25. Resp. negando consequentiam. Ad ejus primam probationem dicitur, adesse quidem sufficiens voluntarium, ut peccatum formaliter contrahatur pro tempore appositionis causæ, sive impedimenti, utpote quæ fuit in libera hominis potestate: non autem pro tempore subsequenti, si tunc revera (uti supponit Conclusio) adfuit impotentia ponendi actum præceptum, vel impediendi actum prohibitum. Ad alteram probationem claritatis gratia distinguitur assumptum: completur, sive consummatur tunc peccatum actualis v. g. omissionis Missæ, vel homicidii veneno causati, duntaxat physice, sive in genere entis, conceditur; completur etiam moraliter, sive in genere moris, negatur; eo quod tunc omissio actus præcepti vel eventus actus prohibiti non amplius subsit libertati ac potestati hominis, sicque secundum se non sit capax malitiæ moralis. Ad ultimam

Quest. III. Quo temp. peccat. tum commission. &c. 19
probationem respondetur, in tali casu per se loquendo satis quidem esse, si in Confessione sufficienter explicetur ejusmodi libera positio causæ, siue impeditenti, utpote quæ sola supponitur fuisse in libertate, siue potestate hominis, per accidens tamen, siue quia alioquin non sufficienter explicaretur illa libera positio causæ, aut impeditenti, siue ob annexam Censuram, vel reservationem actus opere externo consummati, etiam quandoque requiri, ut explicetur ipsemet actus externus. Porro Decretum Alexandri VII. loquitur de peccato externo, quod tempore actualis commissionis suberat potestati ac libertati hominis, ut suo loco (a) dicitur.

25. CONCL. II. Nihilominus ad incurrendas pœnas, vel inhabilitates, quæ siue Jure Ecclesiastico, siue Civili, in perpetrantes certa crimina sunt statutæ, regulariter loquendo non sufficit sola appositio causæ talis criminis, sed requiritur, ut tale crimen opere externo consummetur. Ita Doctores communiter. Sic v. g. si quis alteri machinetur mortem veneno porrecto, quamvis mortaliter peccet, non tamen incurrit irregularitatem. si alterius mors actualis non subsequatur. Similiter qui conatur percutere Clericum, si ipsum, utpote fugientem, non percusserit actualiter, non incurrit excommunicationem latam in percussores Clericorum: & idem fit in aliis similibus. Ratio horum generalis est: quia leges pœnales sunt stricte interpretandæ; simulque earum

20 *Tract. I. De Actibus Humanis, & Conscien. Dist. I.*
verba debent intelligi cum effectu, argum.
cap. *Hec autem verba de pœnit. dist. i. juncta*
Glossa ibidem: nam sola voluntas, seu cona-
tus non solet per leges humanas puniri sine ef-
fectu, nisi secus in ipsamet Lege exprimatur;
prout exprimitur loquendo de crimine læsæ Ma-
jestatis. l. *Quisque C. Ad legem Juliam. Maje-*
statis; & notat communis Theologorum, &
Canonistarum.

QUÆSTIO ADDITA.

De actibus conjunctis cum omissione
culpabili.

SUMMARIUM.

*An omnes actus, quomodocunque conjuncti
cum omissione culpabili, & quando impu-
tentur ad peccatum?*

** **D**Ubiū est, an actus conjunctus cum
omissione culpabili semper sit pecca-
tum? potest autem actus dupliciter conjungi
cum omissione. 1. Taliter, ut is sit causa di-
recta vel indirecta omissionis, vel saltem me-
dium per se influens in eandem. Ut si quis
ideo omittat Sacrum die festo, ut possit inte-
rea studere. Ubi studium est causa per se, &
motivum omissionis Missæ. 2. Potest actus posi-
tivus tantum concomitanter, & quasi imperti-
nenter se habere ad omissionem, ita, ut nec
causa

Quest. addita de act. conjunctis cum omiff. Sc. 21

causa per se, nec medium sit illius. Ut si quis propter tempestatem pluviosam, vel nimium frigidam serio statuit omittere auditionem Missæ die Dominica, ne tamen interea domi otietur, vult studere, dare eleemosynam, orare. In hoc exemplo causa motiva omittendi Sacrum est tempus pluviosum: studium vero se habet tantum concomitanter, & per accidens ad omissionem, eo quod illud fuerit electum, & assumptum, postquam aliunde iste homo jam efficaciter fuit determinatus ad omittendam Missam. H. N.

Concl. 1. Actus positivus, qui ita est conjunctus cum omissione culpabili, ut sit ejus causa directa vel indirecta, semper est peccatum. Mastrius, Henricx, & alii. Prob. Actus ille, qui est causa per se peccati, est etiam ipse peccaminosus; atqui talis actus conjunctus cum omissione culpabili supponitur esse causa peccati: ergo & ipse est peccatum. M. est certa: quia ille actus necessario debet esse peccaminosus, qui per se in peccatum & malum morale influit.

Notandum tamen, quod isti actus aliunde ex objecto proprio non mali, qui taliter sunt causa culpabilis omissionis participant suam totam malitiam ab ipsa omissione culpabili, nec specialem ac distinctæ rationis malitiam contineant: ratio hujus est quia studium e. g. propter quod omittitur Sacrum, est ex se, & ex objecto suo honestum: ergo totam suam ma-

litiam tantum habet ex omissione, ad quam concurrat. Atque universaliter verum est, quod media & causæ actionum pravarum ab his actionibus inficiantur earumque malitiam participant, non autem distinctæ rationis malitiam sibi vendicent, nisi & ipsa illa media vel causæ &c. sint in se & ex objecto suo inhonestæ, ut fieret, si Sacrum die Dominica ideo aliquis omitteret, ut interea possit furari, vel libidini indulgere; tunc enim actus hic positivus furti præter culpam omissionis Sacri, etiam contineret distinctam, ac sibi propriam malitiam oppositam Justitiæ &c.

Ex his deduces, quod neque in confessione necessario dici debeat motivum vel causa, propter quam omisum est Sacrum, dummodo illud motivum secundum se & ex proprio objecto non sit moraliter malum. Quare, qui omittit Sacrum ob studium, satisfacit, si dicat: omisi die festo Sacrum. Nam qui omittit Sacrum ob studium, peccat unico peccato omissionis: ergo hoc confiteri sufficit.

Neque obstat, quod in tali casu ipsum studium sit malum, & participet malitiam omissionis; etenim actus illi, qui non ex proprio objecto sunt inhonesti, sed tantum ideo moraliter sunt mali, quia tanquam media, vel causæ in alios effectus pravorum influunt, non debent explicari, sed sufficit explicare complete externam violationem præcepti, ad quam prædicta media assumuntur. omnia enim sunt unum peccatum in genere moris, & media in actuali & efficaci executione finis jam subintel-

Quest. addita de act. conjunctis cum omiff. Sc. 29
liguntur. Sic etiam ille, qui ex efficaci intentione occidendi inimicum emit gladium, postea quæsitivum inimicum, & tandem omnino occidit, hic, inquam, satisfacit se accusando: occidi deliberate hominem vel inimicum. Ita egregie observat P. Herincx.

Concl. 2. Actus ille, qui tantum concomitanter se habet ad omissionem culpabilem, cui conjungitur, non est moraliter malus. Herincx, Mastrius, quorum ultimus plures pro se allegat. Prob. Si talis actus positivus esset malus, tunc ideo, quia esset vel causa, vel effectus omissionis peccaminosæ; sed nec est ejus causa, nec effectus: ergo. M. videtur certa; nam actus ponitur in se & ex objecto honestus, v. g. studium, Lectio, oratio &c. adeoque si esset talis actio mala, tunc ideo tantum, quia ille esset causa omissionis malæ, vel ejus effectus. Igitur m. prob. quoad 1. memb. Talis actus minime movet & influit in omissionem, cum hæc intelligatur jam aliunde causata scilicet per volitionem efficacem omittendi Missam ob pluviam vel frigus. Cujus ratio ulterior est: quia causa nulla influit in effectum jam antecederent productum: atqui omissio illa Sacri saltem in proposito & efficaci volitione hominis jam censetur producta ante electionem & volitionem studii: ergo studium, & electio ejusdem minime est causa talis omissionis.

Prob. etiam 2. pars min. principalis. Neque studium est aliquis effectus per se connexus cum omissionem: non enim connectitur

cum illa *Physice* cum omisso Sacri possit esse sine studio, Lectione &c. neque connectitur *moraliter* nam non potest ostendi, in quonam fundetur illa moralis connexio; certe non fundatur in præcepto prohibente studium si enim hoc prohiberetur in tali casu, tunc eatenus, quatenus foret causa vel medium omittendi Sacrum; atqui jam probatum est, quod non sit causa omittendi Sacrum; neque assumitur ut medium necessario omittendi Sacrum, ut iterum suppono: ergo.

Ex quo habes, quod omisso Sacri ad summum sit aliqua accidentalis occasio studii; nam quia homo tempore omisso Sacri non potest esse sine omni actione, ideo eo tempore debet aliquam eligere, qualiscunque demum sit, v. g. studium, Lectio, oratio &c. Neque actus ex eo, quod occasionem sumat ex malo, statim & ipse malus est, pœnitentia enim occasionem ex peccato commisso accipit, & tamen minime mala, imo optima est.

Confirm. Conclusio a Mastrio & Herinex. Supposita mala voluntate omittendi Sacrum, non tenetur homo esse otiosus, aut abstinere ab omnibus operibus honestis & moraliter bonis: imo tunc melius est actionem aliquam exercere, quam omnino esse otiosum: ergo tunc omittens Sacrum non peccaret per opera honesta tempore omisso Sacri peracta, & tantum concomitanter se habentia ad omissionem. Ex quo

Inferes cum P. Herinex, quod homini efficaciter resoluti ad omissionem Sacri possit sua-

Quest IV. An Violentia, Metus & Concupisc. &c. 25
 suaderi exercitium lectionis, orationis &c. aut
 aliarum similium honestarum occupationum
 interea peragendarum. Addit laudatus Sco-
 tista. quod ipse omittens possit hoc vovere, aut
 etiam Superior primario præcipiens v. g. audi-
 tionem Sacri, possit secundo præcipere, ut,
 si quis omittat Sacrum, tempus omissionis Le-
 ctioni impendat. Ita ille. **

QUÆSTIO IV.

**An Violentia, Metus, & Concupiscen-
 tia causent Involuntarium?**

S U M M A R I U M.

26. *Involuntarium aliud simpliciter, aliud secun-
 dum quid.*
27. *Violentia causat involuntarium simpliciter.*
28. *Metus non causat involuntarium simpliciter,
 sed tantum secundum quid.*
29. *Pro nullo metu debet quis peccare.*

(b) Tract. 2. dist. 2. q. 3.

30. *Pacta, contractus &c. metu initi, regulari-
 ter valent.*

(c) De hoc Tract. 8. d. r. n. 8. seqq.

31. *Metus gravis, seu cadens in constantem vi-
 rum. & levis, quid?*
32. *Concupiscentia antecedens minuit voluntarium.*
33. *Non item Concupiscentia consequens.*

26 *Tract. I. De Actibus Humanis, & Conscien. Dist. I.*

34. *Peccatum ex infirmitate, ignorantia, & malitia.*

Passio potest omnino tollere voluntarium.

26. **A**DVERTENDUM, quod Involuntarium dividatur in Involuntarium simpliciter, & in Involuntarium duntaxat secundum quid. *Involuntarium simpliciter* dicitur illud, quod voluntas simpliciter & absolute seu independenter ab omni conditione non vult, atque omnino respuit. *Involuntarium secundum quid*, dicitur illud, quod quidem aliquo modo est involuntarium, simul tamen ratione alicujus additæ conditionis est voluntarium: sic projectio mercium in mare tempore periculi naufragii, est involuntaria secundum quid; quia naufragus non libenter illas projicit, imo libentius servaret, si posset absque periculo vitæ, nihilominus tamen in tali necessitate constitutus vult eas projicere ad servandam vitam. Unde patet. Involuntarium secundum quid semper habere adjunctum aliquid de Voluntario. Hoc prænotato sit.

27. **CONCL. I.** Violentia causat Involuntarium simpliciter. Ita certa, & communis Doctorum. Ratio est, quia violentum dicitur illud, quod fit contra naturam atque intrinsicam inclinationem rei, cui tribuitur. Sic v. g. patitur homo violentiam, quando vi detinetur in loco, unde libenter exiret, aut quando membra ipsius externa contra suam voluntatem ab aliquo alio moventur. Hinc, si Tyrannus cujuspiam manus violenter moveret ad sacrifican-

Quæst. IV. An Violentia, Metus & Concupisc. &c. 27
candum Idolo thus, talis non peccaret: nam
ejusmodi actio foret ipsi simpliciter involun-
taria.

28. CONCL. II. Metus non causat invo-
luntarium simpliciter, sed tantum secundum
quid; ac proinde id, quod metu fit, est sim-
pliciter & absolute voluntarium, involunta-
rium autem tantum secundum quid. Ita D.
Thomas 1. 2. qu. 6. art. 6. & consentiunt non
solum omnes Theologi, sed etiam Juristæ. Sic
projectio mercium in mare est simpliciter volun-
taria tempore tempestatis, propter timorem
naufragii, cujus speratur esse impeditiva; non
obstante, quod ipsa secundum quid, id est pro-
ut consideratur secundum se, atque extra hunc
casum necessitatis, sit involuntaria. Hinc
etiam, qui metu mortis sacrificat Idolo, aut
aliud malum perpetrat, coram Deo reus est
peccati; quia adest sufficiens voluntarium, &
propter nullum malum evitandum licitum est
committere peccatum. Et hinc Juristæ dicere
solent: *Coacta voluntas, est voluntas*, arg. c. *Me-
rito* 15. qu. 1. & habet Glossa *ibidem*.

29. Cæterum licet pro nullo metu debeat quis
peccatum mortale incurrere, ut dicitur c. *Sa-
cris*. De iis, quæ vi metusve causa, &c. eo
quod peccatum sit omnium malorum gravissi-
mum propter offensam DEI, utpote infiniti bo-
ni, quam continet: nihilominus leges huma-
næ positivæ quandoque cessant obligare in ca-
su magni periculi seu damni, quod rationabi-
liter timetur secuturum; prout patet in præce-
pto Ecclesiastico Jejunii, quod non obligat
cum

28 *Tract. I. De Actibus Humanis, & Conscien. Dist. I.*
cum probabili periculo, seu metu secuturæ
infirmittatis, de quo alibi. (b)

30. Ex data Conclusionē ulterius sequitur,
quod Pacta, Contractus, Transactiones, Re-
nuntiationes, & consimiles actus, quamvis fiant
ex metu gravi, atque injuste incusso, regula-
riter sint validi, tam pro Foro externo, quam
conscientiæ, prout post Glossam *cap. super hoc.*
Vers. Resignationis de Renuntiat. tenet Henricus
Pirrhing, *tit. de iis, quæ vi metusve causa fiunt,*
n. 10. Sanchez *lib. 4. de Matrim. disp. 8. n. 4.*
& communior aliorum, paucis exceptis: quia
videlicet, quod ex metu fit, simpliciter est
voluntarium. Verum tamen est, quod ea,
quæ per metum gravem atque injuste incussum
fiunt, ita suadente æquitate, sint per senten-
tiam Judicis rescindenda: unde c. 2. *ead.* in-
quit Pontifex: *Quæ metu & vi fiunt, de jure de-*
bent in irritum revocari. Quinimo dantur ali-
qui Contractus, ut Matrimonium, Sponsalia,
Professio Religiosa &c. qui ob metum gravem,
& injuste incussum, (c) ipso jure irriti sunt;
ratione quorum notanter additum fuit, *regu-*
lariter loquendo.

31. Porro metus gravis (qui etiam dicitur
Metus cadens in constantem virum) ille est,
quem vir constans, & fortis, prudenter & ratio-
nabiliter concipit. Et ad ejusmodi metum,
secundum Doctorem Subtilem *in 4. dist. 29 q.*
un. & alios communiter, duæ requiruntur
conditiones. Prima est, quod malum, de quo
est metus, sit grave: hujus autem mali gravi-
tas attendi debet ex natura mali in se, ut est

v. g.

Quest. IV. An Violentia, Metus & Concupisc. &c. 29

v. g. mors, captivitas, carcer, mutilatio enormis, stuprum, & ejusmodi; non autem ex vana & non fundata æstimatione patientis, seu metuentis, qui posset alioquin levissimum malum tanquam grave apprehendere. Secunda conditio ad metum gravem requisita est, quod ejusmodi grave malum certo immineat; hoc est, ut non levi æstimatione, sed certitudinaliter, saltem certitudine sufficiente in actibus humanis, judicetur eventurum. Quod si alterutra harum conditionum deficiat, censebitur metus levis.

32. CONCL. III. Concupiscentia, prout est passio, seu motus appetitus sensitivi prosequentis bonum delectabile aut fugientis malum; cujusmodi sunt amor, desiderium, spes, gaudium, ira: Hujusmodi inquam Concupiscentia, seu passio, si sit antecedens, semper minuit voluntarium, seu volibilitatem actus, ad quem impellit; & consequenter minuit etiam virtutis meritum, aut culpæ reatum. Ita D. Thomas 1. 2. q. 77. art. 6. & 7. & communis Theologorum. Ratio primæ partis est: quia per Concupiscentiam, seu passionem antecedentem intelligitur ea, quæ in appetitu sensitivo naturaliter exurgens, omnem voluntatis deliberationem prævenit, eamque trahit, seu inclinat atque excitat, ad eliciendum actum amoris, iræ &c. Atqui talia minuunt voluntarium; cum illud voluntati magis sit voluntarium, ad quod ipsa semetipsam movet, quam id, ad quod voluntas ab aliquo alio movetur, & quasi impellitur.]

33. Di-

33. Dicitur notanter, *Concupiscentia*, seu *passio antecedens*. Nam secus est dicendum de *Concupiscentia*, seu passione consequenti, quam videlicet quis voluntate propria excitat in appetitu suo sensitivo, ut inde promptius in objectum feratur: puta, si quis in se excitet magnum desiderium vini, ut intemperantius ac delectabilius bibere possit; aut econtra, loquendo de operibus virtuosis, si quis in se excitet magnum misericordiæ erga pauperes affectum, quo magis impellatur ad subveniendum pauperibus, & huiusmodi. Nam loquendo de tali passione consequente nostram voluntatem, fatentur omnes, eam non solum non minuire, sed etiam augere voluntarium. Ratio est: quia ex magnitudine affectus voluntatis provenit, ut in appetitu sensitivo similis effectus excite-
tur.

34. Confirmantur hæc tenus dicta ex illa communi Theologorum doctrina, qua juxta triplicem radicem suam, peccatum distinguunt in peccatum ex infirmitate, ex malitia, & ex ignorantia. Et addunt Doctores, peccatum ex mera malitia gravius esse, quam peccatum ex infirmitate: atqui peccans ex infirmitate, peccat occasionaliter ex inclinatione *Concupiscentiæ* antecedentis, seu appetitus sensitivi, cui voluntas nata est condelectari; ergo

Notant etiam Doctores, posse accidere, quod quandoque passio omnino tollat voluntarium: quia potest dari passio aliqua vehementissima, quæ aufert iudicium rationis; prout nonnunquam

Quest. V. Quotuplex sit Ignorantia, &c. 31
 quam contingit ex melancholia, vel alia causa naturali, imo interdum aliqui propter iram, vel amorem inordinatum insaniunt: atqui sine usu ac iudicio rationis non consistit libertas, neque ratio voluntarii liberi: ergo. Verum regulariter hoc non contingit, sed habent locum dicta in Conclusionem.

QUÆSTIO V.

Quotuplex sit Ignorantia, & an causas Involuntarium?

SUMMARIUM.

35. Ignorantia, quid?
36. Quæ ignorant homines, sunt in duplici differentia.
37. Ignorantia varie dividitur.
Ignorantia simplicis privationis, & prave dispositionis.
38. Ignorantia juris, & facti.
39. Ignorantia antecedens, concomitans, & consequens.
40. Ignorantia invincibilis, & vincibilis quenam?
Quandouam ignorantia vincibilis sit actualiter imputabilis ad culpam?
41. Ignorantia crassa, & affectata. quæ?
42. Ignorantia antecedens causat involuntarium simpliciter.
43. Concomitans facit non voluntarium.
44. Con-

44. *Consequens causat voluntarium, jaltē indirecte & in sua causa.*

45. *Regula generalis prædictorum.*

35. **A**DVERTENDUM, quod Ignorantia proprie dicta differat a simplici negatione scientiæ; talis enim negatio scientiæ datur etiam in lapide; Ignorantia vero importat privationem illius scientiæ, quam quis posset habere: unde solum earum rerum proprie dicimur habere Ignorantiam, quas pro tali statu ac tempore scire possemus, & non scimus.

36. Porro ea, quæ ignorant homines, sunt in duplici differentia. Aliqua enim tenetur quis scire: prout omnes tenentur communiter scire principales Articulos Fidei, & universaliora Juris præcepta. singuli autem ea, quæ ad proprium cujusque statum, vel officium spectant. Quædam vero sunt, quæ licet quis scire possit, non tamen tenetur ea scire: uti sunt pleræque doctrinæ Philosophicæ, Geometricæ, Arithmeticæ &c. His prænotatis, sit

37. **CONCL. I.** Ignorantia proprie dicta, seu quæ importat privationem talium rerum, quarum notitiam quis habere potest, varie dividitur. Ita communis; idque patet inductione; siquidem omissis aliis divisionibus, scitu minus utilibus, Ignorantia dividitur inprimis in Ignorantiam simplicis privationis, & in Ignorantiam prævæ dispositionis. *Ignorantia simplicis privationis* est carentia scientiæ seu cognitionis alicujus, cujus quis fuisset capax pro tali tempore, & statu: ut si quis adultus, & rationis

Quest. V. Quotuplex sit Ignorantia, &c. 33

tionis compos, nesciat ea, quæ scire potuisset. *Ignorantia prave dispositionis* est positiva deceptio, & contrarius veritati error: & talis v.g. datur in Judæis, Hæreticis, & Paganis, qui non solum alicujus veritatis præsertim supernaturalis, cognitionem non habent, sed insuper erronee judicant rem aliter esse, ac revera est.

38. Ignorantiæ alia celebris divisio est in Ignorantiam Juris, & facti. *Ignorantia juris* est, cum quis ignorat legem, seu aliquid esse prohibitum aut præceptum: v.g. si quis nesciat, die Veneris esse prohibitam comestionem carnis; aut si quis nesciat, percussioni Clerici esse annexam excommunicationem, tunc talis dicitur habere Ignorantiam juris. *Ignorantia facti* est si quis ignoret factum ipsum esse prohibitum, quod tamen revera illicitum est ac prohibitum: ut si quis occidat hominem, putans esse feram; talis enim ignorat, hic & nunc a se fieri actum prohibitum, nempe homicidium, non obstante, quod alioquin sciat, homicidium esse prohibitum. Idem accidit, si quis nesciat carnem esse, quam comedit die Jejunii, vel si non recogitet, esse diem jejunii. Et hoc ultimum exemplum ideo hic apponitur, quia oblivio, & inconsideratio, etiam nomine Ignorantiæ comprehenditur.

39. Rursus Ignorantia dividitur in antecedentem, & concomitantem, & consequentem. *Ignorantia antecedens* est illa, quæ antecedit omnem voluntatem, non solum explicitam,

C

sed

sed etiam implicitam ; ac proinde nullo modo voluntaria est, nec directe, nec indirecte. *Ignorantia concomitans* est ea, quæ concomitanter se habet ad actum voluntatis nostræ, id est quando Ignorantia habetur de eo, quod agitur, tamen etiamsi sciretur, nihilominus ageretur : sic fieret, cum quis vellet quidem occidere hostem, sed ignorans eum occidit, putans se occidere feram. Tandem *Ignorantia consequens* dicitur illa, quæ consequitur aliquo modo voluntatem nostram, vel explicitam, vel saltem implicitam, directam vel indirectam : & hinc Ignorantia consequens censetur esse voluntaria, imo etiam culpabilis, si versetur circa rem scitu necessariam.

40. Ignorantia ulterius dividitur in vincibilem, & invincibilem. *Ignorantia invincibilis* dicitur ea, quæ diligentia humana impediri non potuit : seu (ut alii loquuntur) quæ morali diligentia superari ac tolli nequivit, eo quod nunquam in mentem venerit dubitare, aut cogitare de opposito ; vel etiamsi in mentem venerit, tamen adhibita diligenti inquisitione, ignorantia illa depelli, & veritatis cognitio acquiri non potuit : & huiusmodi ignorantia invincibilis re ipsa est ignorantia antecedens, de qua proxime dictum. *Ignorantia vincibilis* ea est, quæ morali diligentia superari ac tolli, & opposita scientia acquiri potuisset, ac debuisset : & huiusmodi ignorantia vincibilis in re coincidit cum ignorantia consequente.

Additio.

* Ut autem dicatur aliquis ignorantia vincibili, actualiter ad culpam imputabili laborare,

necesse est, ut id ipsum (nimirum quod debeat ignorantiam deponere) huic incidat; prout ex communissimo DD. recte notant La Croix *Tomul. 1. Theol. Moral. n. 748.* & Henno *Tract. de Conscient. dist. 1. quæst. 5.* Id est, debet eidem pro tunc ex timore prudenti aliquo modo saltem in confuso, si non circa certam speciem peccati, occurrere periculum graviter errandi, & exurgens exinde obligatio moralem diligentiam impendendi, ut hanc suam ignorantiam deponat. E. g. Ponamus quempiam rusticum, qui ut juvenis pro addiscenda Christiana Doctrina facile potuisset, & debuisset sæpius accedere Conciones, aut Catecheses, ex quarum neglectu multa perpetravit illicita, quæ tamen pro tunc ignoravit esse peccata, sicque nec in Confessionali clavibus Ecclesiæ subjecit; modo autem primum in provectiori ætate constitutus idem rescit ex Concionatoribus aut Confessariis. Quæritur modo, an ista peccata in juventute perpetrata censeatur rusticus ille commisisse ex ignorantia vincibili, quæ esset ad culpam imputabilis, ita ut de novo teneatur eadem tanquam sufficienter voluntaria confiteri, vel non? & respondetur conformiter dictis; nimirum si huic periculum exinde errandi graviter, saltem in confuso, & consequenter obligatio per Catecheses, aliasve pastorales instructiones, &c. Errores deponendi jam in juventute occurrerint, resolvitur affirmative: secus negative. Atque hæc Doctrina ex communiori Theologorum desumpta bene debet notari ad tollendos multos scrupulos, &

36. *Tract. I. De Actibus Humanis, & Conscien. Dist. I.*
anxietates, ac ad solvendo plurimos casus conscientiae: multa enim potuissent; & debuissent saepe sciri, & fieri de quibus tamen non occurrebat pro tunc obligatio faciendi, aut periculum errandi. *

41. Porro ignorantia vincibilis, seu consequens, juxta quod sequitur voluntatem nostram vel directe, dum scilicet quis data opera vult ignorare, vel indirecte, quatenus non curat scire ea, quae scire deberet, dividitur in affectatam, & in crassam seu supinam. *Ignorantia crassa seu supina* dicitur illa, qua quis non curat scire ea, quae communiter homines sui status & conditionis sciunt. *Ignorantia affectata* vocatur ea, cum quis data opera vult ignorare & non inquirere veritatem; sive obdiscedi tedium ac pigritiam, sive ut ratione talis ignorantiae circa legis obligationem habitae vel excusationem aliquam mereatur a transgressione legis, vel liberius ac sine remorsu conscientiae peccare possit. Juxta quod de talibus Job. cap. 21. legitur: *Qui dixerunt DEO, recede a nobis, & scientiam viarum tuarum nolumus.* Et Ps. 35. *Noluit intelligere, ut bene ageret.*

42. CONCL. II. Ignorantia antecedens, seu invincibilis causat involuntarium simpliciter. Ita communis Doctorum. Ratio est: quia hujusmodi ignorantia nec directe, nec indirecte est voluntaria, imo opus ex illa procedens non fieret, si ignorantia illa non adesset. Patet hoc in eo, qui occidit hominem, putans esse feram; nam is nullatenus hominem occideret, si talis ignorantia non adesset. Et hinc factum

ex

Quæst. V. Quotuplex sit Ignorantia, &c. 37

ex tali ignorantia, cum homini nullo modo sit voluntarium, non imputatur ad peccatum.

43. CONCL. III. Ignorantia concomitans non quidem causat positive involuntarium, facit tamen non voluntarium. Ita Doctores passim. Ratio est: quia positive involuntarium dicit aliquid voluntati displicens: atqui occisio sui inimici, quem quis occidit, putans esse feram, non displicet voluntati, imo occidisset nihilominus, si scivisset, eum esse suum inimicum; ergo nec est ipsi involuntarium. Quia vero nihil est volitum, quin præcognitum, hinc ignorantia concomitans reddit talem occisionem non voluntariam.

44. CONCL. IV. Ignorantia consequens seu vincibilis, siue affectata illa sit, siue crassa & supina, non causat involuntarium, sed voluntarium, saltem indirecte & in sua causa: ac proinde factum ex tali ignorantia vincibili, seu consequente procedens, est simpliciter voluntarium, saltem indirecte. Ita rursus communis Theologorum. Ratio est: quia ipsamet ignorantia vincibilis, seu consequens, est simpliciter voluntaria, vel directe, si est affectata, vel saltem indirecte, si est crassa, & supina, ut patet ex earum explicationibus supra allatis; ergo etiam factum ex tali ignorantia non est involuntarium, imo simpliciter voluntarium, saltem indirecte, siue in sua causa.

45. Cæterum pro complemento hætenus dictorum, Nota generaliter, dum dictum est, factum ex ignorantia esse involuntarium, siue simpliciter, siue secundum quid; illud intelli-

38 *Tract. I. De Actibus Humanis, & Conscien. Dist. II.*
 gendum esse de objecto secundum eam rationem tantum, secundum quam ipsum fuit ignotum, non autem in quantum ipsum fuit cognitum, ut advertunt omnes Doctores. Hinc si quis occidens alterum, sciat quidem ipsum esse hominem, nesciat tamen esse Patrem suum, vel Sacerdotem; factum ex tali ignorantia erit quidem involuntarium operanti, in quantum est parricidium, vel sacrilegium; non vero, in quantum est homicidium, & sic loquendo de similibus.

DISTINCTIO II.

*De natura Actus Humani, seu Moralis,
 & variis ipsum concernentibus.*

QUÆSTIO I.

Quid sit Actus Humanus, seu Moralis?

SUMMARIUM.

1. *Actus humanus, & Actus hominis, differunt.*
2. *Actus humanus hic sumitur; pro morali, licet alioqui differant.*
3. *Actus humanus seu moralis quid?*
4. *Quomodo debeat fieri ad regulam nostrorum actuum?*
5. *Regula morum alia remota, alia proxima.*

1. **A**DVERTENDUM I. Quod recepto Theologorum stylo non sit idem, *Actus humanus*; & *Actus hominis*; omnis enim actio ab homine quomodocunque elicit, etiamsi sit mere

re

Quest. I. Quid sit Actus Human. seu Moralis? 39

re naturalis, ut nutritio, augmentatio &c. aut facta absque advertentia seu deliberatione, ut dum quis pedem aut manum movet, vel barbam fricat aliis intentus, potest dici actio seu *Actus hominis*: *Actus* autem *humani* proprie dicuntur actiones illæ, quæ ex voluntate deliberata procedunt. Hinc Doctor Subtilis 2. *distinct.* 41. *quest. un.* optime eos appellavit *Actus non humanos*, qui procedunt ex sola imaginatione, & non ex libero arbitrio impellente.

2. Advertendum II. Quod in proposito Actus humanus communiter soleat a Doctoribus sumi pro Actu morali, & cum eo converti, non obstante, quod in rigore loquendo latius patere videatur Actus humanus, quam moralis: siquidem actus illi, quos non raro eliciunt pueri, libere quidem, sed ante cognitionem boni & mali morali, virtutis nimirum ac vitii (ut dum ex apprehensione, & cognitione solius commodi, vel incommodi naturalis, deliberate eligunt unum objectum præ alio v. g. faccharum præ sale) possunt quidem dici *Actus humani*, sed non in rigore loquendo *Actus morales*. Verum his non obstantibus, ac restringendo & fumendo Actum humanum, prout coincidit cum morali, fit.

3. CONCL. I. *Actus humanus*, seu moralis ut sic, bene definitur, quod sit Actus voluntatis liber, elicitus cum advertentia rationis ad aliquam regulam nostrorum actuum in ordine ad ultimum Finem nostrum. Hæc Conclusio in re est communis, & probatur declarando singulas ejus particulas. Dicitur, in primis,

Actus voluntatis liber: quia ad Actum humanum seu moralem omnino requiritur, quod sit liber, id est, quod libere procedat a voluntate ex delectu operante; libertas enim actus, est fundamentum totius generis moris, & per consequens boni vel mali moralis, etiam quoad malitiam venialem. Et additur, *elicited cum advertentia rationis*: quia Actus moralis non solum debet procedere a voluntate quomodo-cunque, sed operante cum advertentia rationis, ita videlicet, ut ratio seu intellectus advertat, quid agatur. Et defectu hujus conditionis actus illi, qui procedunt ex sola imaginatione, ut puta inadvertenter fricare barbam, &c. non sunt proprie loquendo morales, eo quod non eliciantur cum advertentia rationis.

4. Dicitur ulterius, *ad aliquam regulam nostrorum actuum*. Quod intelligendum de regula vel præcipiente, vel consulente, vel permittente, vel prohibente, ut sic sub actu morali generaliter sumpto comprehendamus non solum actus morales bonos, qui nobis sunt præcepti, vel saltem sub consilio propositi; sed etiam indifferentes nobis permittos (de quibus infra *Quæst. 5.*) atque insuper actus moraliter malos, seu peccaminosos, qui per Regulam nostrorum actuum nobis sunt prohibiti. Et defectu hujus conditionis, a ratione actus moralis excluduntur illi, qui eliciuntur a pueris ante usum rationis. Additur tandem, *in ordine ad ultimum Finem nostrum*, ad quem per actus nostros moraliter bonos accedimus, per malos vero ab eodem recedimus.

Quest. II. Quid sit Actus Human. seu Moralis ? 41

5. Quæres autem : quænam sit illa Regula morum, a qua per accessum, vel recessum, derivatur moralitas in Actus humanos. Resp. cum D. Thoma 1. 2. *quest. 19. art. 4.* & communi Theologorum, ejusmodi Regulam esse duplicem, remotam videlicet, & proximam. *Regula morum*, seu actionum nostrarum moralium *remota*, est Lex extrinseca nobis præscribens, quidnam secundum rectam rationem sit agendum vel fugiendum : de qua in Tractatu II. qui est *De Legibus*, dicitur. *Regula proxima* actionum nostrarum (quam Doctor Subtilis *Quodlib. 18.* appellat *Regulam intrinsecam*) est ipsummet dictamen rectæ rationis, seu conscientiæ nostræ, proxime nobis dictans, quidnam sit conforme vel difforme legi extrinsecæ, ac proinde bonum, vel malum, faciendum vel omitendum. Et de hac proxima Regula morum fusius agetur in sequenti Distinctione, quæ erit *De Conscientia*.

Q U Æ S T I O II.

Unde Actus humani desumant suam bonitatem, vel malitiam moralem ?

S U M M A R I U M.

6. *Actus voluntatis alii elicit, alii imperati.*
7. *Bonitas naturalis, & moralis in actibus nostris, quæ ?*
8. *Bonum triplex, delectabile, utile, & honestum.*
9. *Bonitas vel malitia Actus moralis ex triplici capite desumitur.*

42 *Tract. I. De Actibus Humanis, & Conscien. Dist. II.*

10. *Bonitas vel malitia ex objecto desumpta, est primaria & essentialis actui; alia est accidentalis & secundaria.*
11. *Circumstantie quandoque tribuunt actui primam speciem bonitatis, vel malitiae moralis.*
12. *Sola bonitas intentionis non sufficit ad tollendam malitiam medii pravi.*
13. *Oculus simplex quis?*
14. *Intentio judicat omnes, quomodo intelligendum?*
15. *Nunquam licitum est, facere malum culpae cum ordinatione ad finem bonum.*
16. *Culpa vacat eligere ex duobus id, quod minus malum de se foret, si unum necessario eligendum sit.*
17. *Nova instantia, & notabilis solutio ipsius.*
- ** *Refellitur contraria opinio Wolffii quoad actiones honestas, liberas, & naturales. addit.*

6. **A**DVERTENDUM I. Quod actus voluntatis alii sint elicit, alii imperati. *Actus voluntatis elicit* dicuntur illi, qui ab ipsa met voluntate eliciuntur, seu immediate producuntur: uti sunt actus volitionis, nolitionis, ac hujusmodi. *Actus imperati* voluntatis sunt illi, qui ex imperio ipsius voluntatis producuntur: uti si voluntas imperet potentiae loco motivae, ut pergat in Ecclesiam, talis ambulatio ex imperio voluntatis procedens dicitur *Actus voluntatis imperatus*; & idem dicendum de actibus ipsius intellectus, aut aliarum potentiarum,
ex

Quæst. II. Unde Actus humani desumant suam Ec. 43

ex imperio voluntatis procedentibus. Imo notant Doctores, voluntatem etiam sibi ipsi posse imperare actum v. g. detestationem de peccato commisso, ut proinde sint aliqui actus a voluntate elicti, & simul ab eadem Imperati. Unde autem tales actus voluntatis, sive elicti, sive imperati, suam desumant bonitatem, vel malitiam moralem, quæstio remanet.

7. Advertendum II. Quod in actibus nostris duplex Bonitas considerari possit, una naturalis, alia moralis. *Bonitas naturalis* consistit in integritate, seu aggregatione eorum omnium, quæ in entitate actus naturaliter requiruntur: sic v. g. cantus bene consonans, ac juxta regulas musices factus, dicitur naturaliter bonus, quamvis forsan sit lascivus, & moraliter malus. *Bonitas moralis* consistit in integritate, seu aggregatione eorum omnium, quæ actui humano secundum rectam rationem convenire debent. Econtra vero *malitia moralis* consistit in defectu omnium, vel saltem alicujus eorum, quæ actui humano secundum rectam rationem convenire debent: siquidem, ut post D. Dionysium *lib. de Divinis Nominibus cap. 4.* notant Doctores, *Bonum est ex integra causa, malum vero ex quolibet defectu.*

8. Advertendum III. Quod bonum communiter triplex assignetur, videlicet Bonum utile, bonum delectabile, ac bonum honestum. Ex his *Bonum delectabile* dicitur illud, quod operanti affert delectabilitatem; ut est cibus, vel potus. *Bonum utile* vero, quod affert utilitatem; ut sunt divitiæ hujus mundi. Et certum

tum est, in hujusmodi duplici Bono non consistere bonitatem moralem actus humani, cum sæpius id, quod nobis utile aut delectabile accidit, sit lege Divina prohibitum, ut patet in furto, quod furanti affert utilitatem; ac innumeris aliis. Tandem *Bonum honestum* idem est, ac moraliter bonum, estque illud, quod est secundum rectam rationem, id est, quod est conforme dictamini rectæ rationis, seu conscientie nostræ proponentis nobis, quidnam sit consentaneum legi extrinsecæ, sive Divinæ, sive humanæ, ac proinde moraliter bonum vel malum, prosequendum vel fugiendum, &c. Et prosequendo hujusmodi bonum honestum, dicitur quis bene seu virtuose operari, ac propterea esse dignus laude atque præmio: qui vero secus agit, dicitur male seu vitiose agere, atque esse dignus vituperio, & supplicio. His prænotatis, sit.

9, CONCL. I. Bonitas, vel malitia Actus moralis, ex triplici capite desumitur, videlicet ex objecto, ex fine extrinseco, qui dicitur *Finis operantis*, & denique ex aliis circumstantiis. Ita Doctor Subtilis in 2. dist. 40. estque in re communis Theologorum. Quæ quidem Conclusio sic intelligenda est, quod ad bonitatem Actus moralis, sive humani, debeat concurrere & bonitas objecti, & bonitas finis extrinseci, & bonitas omnium circumstantiarum; ita videlicet, ut in nullo horum sit aliqua turpitudine moralis; ad malitiam autem actus humani sufficiat malitia uniuscujusque prædictorum trium. Ratio est quia bonum est ex inte-

Quest. II. Unde Actus humani desumant suam &c. 45
gra causa, malum vero ex quolibet defectu,
ut jam supra dictum est n. 7.

10. CONCL II. Bonitas, vel malitia actus
moralis, ex objecto desumpta, est primaria,
atque in hoc sensu etiam dicitur essentialis actui
in genere moris spectato; desumpta vero ex
circumstantiis qua talibus (sub his etiam com-
prehendendo finem extrinsecum, seu intentio-
nem operantis) est accidentalis & secundaria.
Ita Scotus *Quest. 4. Prologi.* cum suis, & aliis
Theologis pluribus. Declaratur Conclusio ex-
emplis: Sic furtum in genere moris spectatum
sumit suam primariam malitiam ab objecto, seu
re aliena, eo quod repugnet dari furtum, si res
ablata non sit aliena; ac proinde talis malitia ex
objecto desumpta, dicitur furto in genere mo-
ris spectato esse essentialis in eo sensu: quate-
nus in ordine ad ea, quæ ad extra Bonitatem
aliquam vel malitiam in actum moralem refun-
dunt, primarium ac principale est ipsum obje-
ctum. Quod si vero quis furetur ea simul in-
tentione, ut possit fornicari, aut gulæ indul-
gere, tunc hæc malitia ex prava ista intentio-
ne, seu fine extrinseco desumpta, erit furto
accidentaliter, quia potest adesse vel abesse, sal-
va furti malitia essentiali; eritque simul secun-
daria, utpote cum jam aliam malitiam furto
essentialem supponat.

11. Dicitur notanter in posteriori parte Con-
clusionis, *desumpta vero ex circumstantiis qua ta-
libus.* Fatendum quippe est, circumstantiam
quandoque tribuere actui etiam primam, atque
essentialem bonitatis, vel malitiæ speciem: in

eo tamen casu ipsæ definunt esse circumstantiæ in genere moris, respectu talis actus (non obstante, quod maneant ejusdem circumstantiæ in esse naturæ) sed induunt rationem objecti, prout recte notat Doctor Subtilis *loc. cit.* Sic fit, dum quis actionem ex se indifferentem, puta studium, elicit ad honorem DEI, vel actionem bonam ob finem pravam, dando v.g. eleemosynam ob vanam gloriam : in his enim casibus ejusmodi finis extrinsecus, seu intentio bona aut mala, confert actui primam omnino speciem bonitatis vel malitiæ, utpote cum nullam aliam priorem, seu præexistentem supponat ; Studium quippe ex se est opus indifferens ; bonitas vero eleemosynæ ob illum pravam finem vanæ gloriæ corrumpitur, & cessat in tali actu.

12. CONCL III. Sola intentio bona, seu bonitas finis extrinseci, diminuit quidem malitiam medii pravi, ipsa tamen non sufficit ad malitiam medii pravi omnino tollendam, imo potius totum opus est simpliciter malum. Ita communis. Sic v. g. mendacium officiosum non definit esse mendacium, eo quod per illud necessitati proximi subveniatur : quinimo, ut inquit D. Augustinus *lib. Contra mendacium, cap. 31. Etiam ad sempiternam salutem nullus ducendus est opitulante mendacio.* Similiter, si quis furetur animo dandi ex re furtiva eleemosynam, non per hoc excusatur a malitia furti, non obstante, quod ejus malitia per hoc aliquantulum minuat : siquidem, ut habetur *Rom. cap. 3.* non sunt facienda mala, ut eveniant bo-

Quest. II. Unde Actus humani desumant suam Sc. 47
bona. Ratio horum generalis est: quia bonum
est ex integra causa, malum vero ex quolibet
defectu: ergo si medium est malum, integra
actio vitiabitur, atque evadet mala.

13. Objicitur nihilominus contra hanc secun-
dam Conclusionem. *Matth. c. 6.* dixit Chri-
stus Dominus: *Si oculus tuus fuerit simplex, to-
tum corpus tuum lucidum erit:* ubi per oculum
denotatur intentio, secundum SS. Patres &
Doctores passim; ergo si intentio, seu finis
bonus est, totum etiam opus erit bonum. Resp.
negando consequentiam: quia ut bene notat
D. Bernardus *lib. de praecepto & dispensatione*
(ubi hoc dubium ex professo tractat) non est
oculus simplex, nisi cum recta intentione etiam
opus sit rectum: etenim, ut intentio sit bo-
na, non solum finis bonus intendi debet, sed
etiam bene, id est, sine admixtione pravae
circumstantiae, aut medii mali.

14. Objicitur ulterius. Juxta illud tritissi-
mum axioma *Intentio judicat omnes*; ergo si quis
bona intentione proximo subveniendi faciat
mendacium officiosum, vel leve furtum, non
videtur peccare. Probatur consequentia ex
S. Augustino, in *Præfatione ad Psalm. 31.* sic di-
cente: *Non valde attendas, quid homo faciat,
sed quid, cum facit, aspiciat:* ergo. Resp. ne-
gando consequentiam: axioma illud intelligi
debet juxta proxime dicta ex S. Bernardo: ne-
que enim intentio est bona, nisi finis bonus in-
tendatur & simul bene, id est, sine admixtione
pravae circumstantiae, aut medii mali. Ad S.
Augustinum dicitur, eundem velle duntaxat,
quod

quod ad operis honestatem requiratur, ut agens aspiciat ad bonum virtutis, illud attendendo atque volendo, & non opus ex se bonum, atque ante oculos humanos excellens, faciat ob pravum finem vanæ gloriæ, aut huiusmodi, ne alioquin iustum quidem faciat, sed non iuste. Neutiquam autem vult S. Augustinus *loc. cit.* ex sola bonitate finis desumi bonitatem actus moralis, cum bonum debeat esse ex integra causa, malum vero fit ex quolibet defectu. Hinc, ut legitur *1. Reg. cap. 15.* Saul Rex plurimum reprehensus fuit, eo quod quædam spolia ex cæde Amalec contra Dei præceptum reservavit, licet id fecerit ob honestum finem, nempe ut ex iisdem spoliis Deo in signum gratitudinis sacrificaret, atque hostias offerret.

15. Objicitur tertio. Ex duobus malis minus est eligendum, *can. Duo mala, & can. Nervi. dist. 13.* ergo, si v. g. mendacium occurrat dicendum, ut vitentur graviora facinora, illud erit licitum. Resp. negando consequentiam: nam quamvis ex duobus malis minus sit eligendum, quando eorum alterum necessario est faciendum; uti patet quotidie in Civilibus, nec non & Phycis, ubi Chirurghi secant infirmo manum: ut vitam ejus servent: nunquam tamen est faciendum aliquod malum culpæ cum ordinatione ad aliquem finem bonum. Siquidem malum culpæ est gravius omni malo pænæ, ac proinde nunquam licite potest eligi pro quocunque malo pænæ vitando: unde ut inquit Apostolus *ad Rom. 3.* Eorum damnatio iusta est, qui dicunt, faciamus mala, ut eveniant bona.

16. Urgebis. Ergo saltem minus malum culpæ potest licite eligi ad fugiendum majus malum culpæ. Resp. negando sequelam, vel potius suppositum ejus: nam si tanta occurrat necessitas, ut ex duobus, quorum alioquin quodlibet esset peccatum, necessario unum mihi sit eligendum, debebit quidem eligi id, quod cæteroquin minus foret, illud tamen revera tunc non habebit rationem peccati, sed vacabit omni culpa, prout cum D. Augustino *lib. contra mendacium c. 18* notat communis Theologorum. Sic quando die Dominico debebo vel omittere auditionem Missæ; vel domi relinquere infirmum solitarium cum periculo vitæ ejus, eo quod non habeam alium, qui interea decumbenti inserviat; tunc teneor eligere omissionem Missæ (nam minus obligat præceptum Ecclesiasticum de Missa audienda, quam præceptum naturale de subveniendi proximo extreme indigenti) quamvis ipsa in tali casu mihi ad culpam nullatenus imputetur.

17. Instabis. Ergo pariter, si possum meo mendacio impedire graviora alterius peccata, potero licite mentiri, neque mentiendo peccabo; quia ex duobus malis minus eligerem. Resp. negando sequelam: aliud enim est, ex duobus malis, quorum unum necessario est eligendum, minus eligere, juxta dicta *num. præc.* aliud vero, facere malum culpæ (nam mentiri est intrinsece malum) cum ordinatione ad vitandum majus peccatum alterius, quod alter libere non vero necessario, commissurus putatur,

50 *Tract. I. De Actibus Humanis, & Conscien. Dist. II*
 tur, de quo *num. 15.* Et gravius longe mihi ma-
 lum est, proprio peccato me coinquinare,
 quam sine culpa mea alterius peccatum permit-
 tere, forte non futurum. Et certe (ut optime
 S. Augustinus *lib. contra mendaciam, cap. 9.* sol-
 vens hoc dubium, notavit) si hanc peccatis
 aperuerimus viam, ut committamus minora,
 ne alii committant majora, lato limite, imo
 nullo limite cuncta intrabunt, atque regnabunt,
 dum profecto & furtis nostris stupra cavebun-
 tur aliena &c. & non solum minora pro mayo-
 ribus, sed etiam (loquendo de maximis pecca-
 tis) pauciora peccata pro pluribus licita esse in-
 venientur, quod absit.

ADDITIO.

** **Q**Uæres : quid sentiendum de his assertis
 Wolffianis : *Actio* (subintellige *recta*
vel honesta) *requirit omnium facultatum animæ*
consensionem P. 3. J. N. §. 16. & §. 53. *In actio-*
ne recta nihil desiderari debet ex parte ullius fa-
cultatis : ex parte facultatis locomotivæ requiritur
organorum corporis actionibus internis consentiens
motus ?

R. Hæc placita impingunt contra veritatem:
 alias enim omnes motus appetitus sensitivi con-
 tra rationem & voluntatem resistentem exur-
 gentes essent peccata, & D. Paulus peccasset,
 dum condelectatus legi Dei secundum interio-
 rem hominem, vidit aliam legem in membris
 suis, repugnantem Legi mentis suæ. *ad Rom. 7.*
v. 22. 23. Certe ipse Christus peccati reus esset,
 si ejusmodi doctrina Wolffiana subsisteret; nam
 &

Quæst. III. Quomodo malitia, & præsertim &c. § 1
& in monte Oliveti dissentientem appetitum
sensitivum sensit. Quod affirmare blasphemum est.

Nec hilo melior est ista propositio Wolffiana
ibidem §. 12, *Actiones libere, quæ cum naturalibus non per easdem rationes finales determinantur, sed per diversas, mala sunt.* Ex hac etenim doctrina ita inferri posset: Concoctio ciborum in stomacho, elaboratio Chyli, & sanguinis, pulsus cordis sunt actiones naturales, quorum ratio finalis est conservatio vitæ, pugna militis juxta imperium ducis contra hostes est actio libera, & pro ratione finali habet ostensionem fidei, quam Principi suo debet: ergo hæc & illæ actiones non per easdem rationes finales determinantur: ergo hæc posterior mala est; ut Clarissimus, & ob scripta sua nominatissimus Vir contra Wolffium jam antea est argumentatus.**

QUÆSTIO III.

Quomodo malitia, & præsertim bonitas debeat esse volita, ut eam Actus Humanus desumat ex objecto & circumstantiis?

SUMMARIUM.

18. Ad malitiam actus contrahendam non est necesse, ut ea sit directe volita, &c.
19. Corollarium notabile.
20. Ad bonitatem moralem actus ex objecto desumendam requiritur, ut hæc sit directe volita.

52 Tract. I. De Actibus Humanis, & Conscien. Dist. II.

21. Licet necesse non sit, ut ea appetatur tanquam
objectum formale motivum.

22. Ut actus bonitatem moralem desumat ex fine
extrinseco, & circumstantiis, quid requira-
tur?

23. Quid observandum circa objecta indifferentia?

24. Sufficit cognosci & amari honestatem impli-
cite.

25. Bona intentio nostris actionibus praefigenda,
cur?

26. Commendatur bona intentio mane facta, &
an sufficiat?

27. Sufficit ad meritum intentio virtualis, & qua
ea fit?

18. **CONCL. I.** Ad hoc, ut actus moralis
desumat suam malitiam ex objecto aut
circumstantiis, non requiritur, ut malitia ipsius
sit directe volita & intenta, sed sufficit adver-
tere aliquo modo, actum esse malum. Unde
ad contrahendam malitiam sufficit quodcumque
voluntarium, sive directum, sive indirectum
ac virtuale, ita omnes Doctores; & ratio est:
quia bonum ex integra causa, malum vero
ex quolibet defectu, prout post D. Dionysium,
cit. lib. de Divinis Nomin. c. 4. sentit communis
Doctorum.

19. Infertur proinde, quamvis operans di-
recte malitiam nolit, ipsique turpitudine actus
displiceat, nihilominus hoc ipso, quod actum
illum faciat, cui adjunctam esse malitiam adver-
tit, eum peccare. Ratio est: quia licet displiceat
malitia, non tamen displicet efficaciter;

Quest III. Quomodo malitia, & præsertim Co. 58

ac proin ipsa malitia saltem indirecte, & in sua causa, seu (ut alii loquuntur) interpretative est ipsi voluntaria, quod sufficit ad malitiam actus. Et hoc quidem est certum: in eoque conveniunt Doctores passim: major autem difficultas est de bonitate actus, & quomodo ea debeat esse volita, ut ipsam actus desumat ex objecto & circumstantiis.

20. CONCL. II. Ut actus desumat bonitatem moralem ex objecto, non sufficit voluntarium indirectum seu interpretativum honestatis, sed requiritur, ut hæc sit præcognita, & directe volita: unde si quis faciat objective bonum, seu honestum, nulla habita ratione honestatis ipsius, is non facit actum moraliter bonum & honestum; puta si quis faciat actum justitiæ in contractibus humanis ex intentione solius lucri, vel reddat alteri, quod suum est, ex solo metu humano, neutiquam curando, quod hoc sit honestum, Deoque placitum, is non facit actum moraliter bonum & honestum: licet enim talis justum facere dici possit, non tamen juste. Ita Doctor subtilis, *Quodlib. 18.* estque communis aliorum, paucis exceptis.

21. CONCL. III. Nihilominus ad contrahendam bonitatem ex objecto non est necesse, ut honestas ejus appetatur tanquam objectum formale motivum, seu ut ratio formaliter appetendi, satis quippe est, eam cognosci simulque intendi, etiamsi talis honestas non ametur propter se, nec sit ratio motiva actus, sed aliqua alia bonitas, dummodo nulla apponatur mala intentio, aut alia prava circumstantia. Ita Bar-

54 *Tract. I. De Actibus Humanis, & Conscien. Dist. II.*
thol. Mastrius in 2. *Sentent. disp. 5. num. 193.* el
que communior Doctorum. Sic enim, qui da
(forte jussu Confessarii) eleemosynam in satis
factionem suorum peccatorum, non solum eli
cit actum Pœnitentiæ, sed etiam actum Miseri
cordiæ, non obstante, quod in tali casu moti
vum formale eliciendi actum illum eleemosynæ
sit honestas Pœnitentiæ. Et hoc procedit de
bonitate ex objecto desumpta, & cui nulla præ
va circumstantia admiscetur.

22. CONCL. IV. Loquendo tamen de fine
extrinseco, & nonnullis circumstantiis, debet
quandoque honestas amari propter se ipsam, seu
formaliter intendi, ut actus illam honestatem
contrahat. Ita Scotus, *Quodlib. 18. §. de primo.*
Mastrius *cit. disp. 5. n. 199.* & videtur commu
nis inter Doctores. Probatur simulque declara
tur Conclusio: nam in primis bonitas finis ope
rantis (qui dicitur *Finis extrinsecus*) est omnino
extrinseca, & accidentalis actui; ergo si ipsa non
sit ratio motiva agendi, actuque ex intentione
agentis data opera non conjungatur, nequa
quam poterit actus eam finis extrinseci honesta
tem participare. Sic v. g. quia jejunium ultra
honestatem Temperantiæ, quæ ipsi ex objecto
competit, potest ex intentione bona, seu fine
extrinseco operantis, aliam quoque accidenta
lem honestatem participare (nimirum Pœnitenti
æ, si fiat in satisfactionem peccatorum; Reli
gionis, si fiat ob cultum Dei) ut jejunium etiam
hujusmodi honestates participet, necesse est,
quod hæc per se intendantur ab operante; &
idem fit in similibus.

23. Dein-

23. Deinde etiam in objectis indifferentibus, ut actus honestatem cuiuspiam virtutis participet ex fine extrinseco, seu bona intentione operantis, necesse est, operantem moveri ab honestate illius finis extrinseci seu virtutis. Sic, ut actus comestionis, studii, dormitionis, &c. qui ex se indifferens est, acquirat bonitatem Obedientiæ erga Deum volentem, quod tempore congruo moderate comedamus, dormiamus, studeamus aut alia ejusmodi opera exerceamus, necesse est, ut hujusmodi honestas virtutis Obedientiæ erga Deum intendatur, & propter se appetatur; alioquin enim actus ille nullam bonitatem virtutis Obedientiæ contrahet, sed remanebit in sua indifferentia. Idem dicendum de aliis similibus.

24. CONCL. V. Verumtamen dicta in præmissis Conclusionibus, ubi habetur, quod honestas debeat cognosci, & amari, aut etiam per se intendi, non sic intelligenda sunt, quasi exigatur reflexio cognitionis, vel volitionis circa honestatem objecti, aut circumstantiarum: sufficit enim, modo aliquo implicito, aut æquivalenti cognosci, & appeti honestatem illam, apprehendendo v. g. objectum ut laudabile, ut dignum præmio, ut placitum Deo, ut commendatum a viris probis, vel in speciali, ut opus Justitiæ, Charitatis, Obedientiæ &c. sicque illud volendo. Hinc Christus Matth. cap. 10. inquit: *Quicumque potum dederit uni ex minimis istis, calicem aquæ frigidæ, tantum in Nomine Discipuli, amen dico vobis, non perdet mercedem suam.*

25. Quæres, quid sit sentiendum de bona intentione nostris operibus præfigenda? Resp. I. Cur Libri Ascetici adeo commendent bonam intentionem, ratio desumitur ex dictis, ne videlicet alioquin justum quidem operemur, sed non juste; simulque negligamus innumeras occasiones bene agendi; atque promerendi augmentum gratiæ & gloriæ cœlestis, quas continuo habere possumus constituti in statu gratiæ, dummodo ex bona intentione, puta Amoris Dei, aliarumque virtutum supernaturalium, eliciamus actiones nostras, sive ex objecto bonas sive indifferentes.

26. Ubi quidem in primis commendatur propositum initio diei conceptum, ob Dei Amorem omnia agendi ad ipsius perennem gloriam: sed quia hujusmodi intentio generalis non videtur posse virtualiter permanere, atque influere in omnes actiones totius diei: hinc eam interdiu renovandam, atque peculiaribus actionibus nostris præfigendam; monet Jeremias Drexelius *lib. 1. Amussis, cap. 5. §. 4.* citans D. Thomam aliosque. Et hæc etiam fuit expressa mens D. Bonaventuræ *lib. 2. dist. 41. art. 1. quest. 3. ad 6.* ubi ad hoc, ut actio aliqua sit meritoria, requirit talem relationem ad Deum, *non qua quis in generali refert ad Deum omnia opera diei, vel anni, sed qua quis refert aliquod opus ad Deum, ita quod opus sequens directam habeat ad opus primum ordinationem, & consequentiam: cujusmodi relationem in Deum, alii appellant, Intentionem virtualem.* Concordat

Quest. III. Quomodo malitia, & præsertim Sc. 57
Doctor subtilis 2. dist. 41. quest. un. ubi ait :
Non videtur minor relatio (in Deum) sufficere
ad meritum , quam relatio virtualis.

27. Resp. II. Nihilominus sufficere ad meritum intentionem , seu relationem virtualem in Deum , fatentur tum citati , tum alii Doctores. Dicitur autem intentio virtualis , quæ licet actu jam præterierit , manet tamen in virtute sua : & talis tunc censetur haberi , quando operans virtute actualis intentionis prius habitæ facit omnia , quæ facit , tanquam ex radice , ita quod illa intentio actualis fuerit principium ordinatum ad omnes illos actus sequentes. Exemplum hujus , proposito nostro accommodatissimum , ponit Scotus 4. dist. 6. quest. 6. ubi ait : *Hoc modo intendens ire ad sanctum Jacobum , ex intentione hujus finis ordinat multa alia necessaria ad illum finem : exequens autem illa ordinata , non semper cogitat de sancto Jacobo , nec de reverentia ejus. Dico tamen , quod semper meretur , quia vel habet intentionem eorum , quæ sunt ad finem illum , cujus est illa prima intentio , vel habet actus aliquos sequentes ex illis intentionibus : in quibus proinde virtualiter continuatur illa prima intentio eundi ad sanctum Jacobum , non obstante , quod interveniant aliqui actus distrahentes. Similia habet sanctus Bonaventura loc. cit. hinc inferens : de viris Religiosis , qui in principio ex charitate devoverunt portare Religionis onus : quidquid (inquit) faciunt , quod ad suæ religionis observantiam spectat , ex prima intentione est eis meritorium ad salutem , nisi forte (quod absit) con-*

58 *Traç. I. De Actibus Humanis, & Conscien. Dist. II.*
traria intentio superveniat: in aliis autem, quæ
ad Religionem non spectant, secus est, quia illa
intentio non se extendit ad alia. Hinc quoad
similia erit renovanda intentio, ne maneant
in sua indifferentia, & absque merito: quam-
vis admodum sit consultum, meritorium, Deo-
que gratum, eandem etiam quoad reliquos
actus iterare, tum ad debitum Deo servitium
eo exquisitius ferventiusque præstandum; tum
ad augendos internos virtutum actus, & parti-
cipandam multiplicem bonitatem extrinsecam.

QUÆSTIO IV.

De bonitate, vel malitia actus
 externi.

SUMMARIUM.

28. *Bonitas vel malitia moralis, per se primo in-*
est actui voluntatis interno.
29. *Actus externus, saltem occasionaliter, addit*
bonitatem &c. interno.
30. *Habet etiam distinctam bonitatem, vel mali-*
tiam moralem ab interno.
31. *Hoc amplius probatur.*
32. *Voluntas reputatur pro facto, quomodo?*
33. *Exemplum Viduæ, mittentis duo minuta in*
munera Dei, declaratur.
34. *Actus interior & exterior, an sint duo pec-*
cata?
35. *Id amplius declaratur.*
28. **C**ONCL. I. *Bonitas, aut malitia Actus*
moralis, per se primo inest actui vo-
lun.

Quest. IV. De bonitate, vel malitia actus externi. 59

luntatis interno atque elicitio; in aliis autem actibus exterioribus ac imperatis, ut sunt actus intellectus, atque actus potentiarum sensitivarum, & membrorum exteriorum, non nisi secundario & participative, id est, dependenter ab actu interiori voluntatis, reperitur bonitas vel malitia moralis. Ita Doctor noster 2. dist. 42. quest. 2. & alii. Ratio est: quia causa prima eliciendi actum liberum, sicque operandi bonum, aut peccandi, est voluntas: ergo etiam bonitas actus, vel malitia peccati, primario erit in actu voluntatis; in actibus autem aliarum potentiarum solum secundario, & dependenter ab actu voluntatis, ejusque libertate.

29. CONCL. II. Actus externus regulariter loquendo, addit aliquid bonitatis vel malitiae actui interiori; saltem causaliter, vel occasionaliter. Hæc Conclusio sic prolata est certa inter Theologos. Ratio est: quia dum ponitur Actus exterior, occasione ejus regulariter loquendo intenditur, aut diutius continuatur interior; ergo vera est Conclusio, quod nimirum occasione Actus exterioris & causaliter, regulariter addatur nova bonitas vel malitia actui interno, utpote qui occasione Actus externi solet intendi, vel diutius continuari. Et hoc ipsum docet experientia: Sic qui re ipsa Martyrium patitur, regulariter loquendo plus meretur, quam qui illud solummodo efficaciter exoptat; dum enim re ipsa patitur Martyrium, occasione exterioris passionis elicit plures novos intensiores actus internos voluntatis quibus Martyrium ob Dei amorem acceptat, & tolerat,

rat, ſimiliter, dum quis actu ipſo fornicatur, hic actus exterior reddit utique affectum internum fornicandi intenſiorem, quam antea fuerat, ut taceantur aliæ pravæ cupiditates, occasione talis actus externi pravi in homine ſubſequentes. Et hoc quidem eſt certum, & a Doctõribus communiter conſeſſum: an autem ipſemet actus exterior ſecundum ſe addat ſpecialem bonitatem, vel malitiam actui interno, inter Theologos plurimum celebris eſt quæſtio, ad quam breviter reſpondendo, ſit.

30. CONCL III. Actus exterior habet etiam bonitatem, vel malitiam moralem propriam, diſtinctam ab ea, quam habet actus interior voluntatis elicitus; ac proinde ſimpliciter loquendo, actus exterior ſuperaddit ſpecialem bonitatem, vel malitiam actui interiori. Ita Doctõr Subtilis: *Quodlib. 18.* cum omnibus ſuis, quamvis multi alii Theologi teneant opoſitum. Probatur Concluſio in primis auctoritate D. Auguſtini *l. 13. de Trinit. c. 5.* dicentis: *Mala voluntate vel ſola quilibet miſer efficitur, ſed miſerior poteſtate, qua deſiderium male voluntatis impletur.* Hinc Gloſſa ſuper illud *Exod. 20. Non mœchaberis*, inquit: *Qui opus adjicit voluntati, iniquitatem addit iniquitati.* Probatur eadem Concluſio ratione: Si actus externus non ſuperadderet ſpecialem malitiam actui interno malo, ſequeretur, actum externum non eſſe neceſſario conſitendum; ſufficeret enim ſolum actum internum efficacem occidendi v. g. vel adulterandi, conſiteri: conſe- quens eſt abſurdum, & contra Decretum Ale-

Quest. IV. De bonitate, vel malitia actus externi. 61
xandri VII. an. 1665. sequentem inter alias
propositionem, ordine 25. damnantis: *Qui ha-*
buit copulam cum soluta, satisfacit Confessionis præ-
cepto, dicens: Commisi cum soluta grave pecca-
tum contra castitatem, non explicando copulam.
Probatur sequela, quia juxta sententiam op-
positam actus externus v. g. fornicationis, non
habet specialem malitiam ab interiori; ergo
hoc solo explicato in Confessione, jam tota
malitia sui peccati explicaretur; & consequen-
ter, cum hoc dici nequeat, erit admittenda
Conclusio.

31. Confirmatur Conclusio. Tum quia Deus
ipsemet specialibus præceptis prohibere digna-
tus est actum internum, & externum peccati;
ut patet ex eo, quod sexto præcepto Decalo-
gi expresse prohibuerit adulterium, & nono
pravam concupiscentiam seu voluntatem adul-
terandi; ergo aliam agnovit malitiam in actu
externo, quam interno, alioquin frustra mul-
tiplicarentur ejusmodi præcepta. Tum quia
plures Leges, tam Canonicae, quam Civiles,
puniunt actus externos, non tamen internos
(non obstante, quod hi in Foro externo legi-
time probentur, puta per propriam Confessio-
nem) ut patet in excommunicatione annexa
hæresi formali externæ, non internæ; aut per-
cussioni actuali Clerici, non autem voluntati
hunc percutiendi, ac hujusmodi. Tum quia
actus externi sunt vere liberi, haud obstante,
quod libertatem participant a voluntate, ejus-
que imperio; ergo etiam sunt boni vel mali,
prout substant imperio voluntatis, & quidem
di-

diſtincta bonitate vel malitia, non minus, ac habent diverſam libertatem. Nam, ut ſubtiliter argumentatur Scotus *loc. cit* voluntas utriusque actui diſtinctam & propriam communicat libertatem, dum actui interno communicat libertatem, ut eliciens, qui proinde eſt immediate voluntarius; exteriori vero communicat libertatem ut imperans, qui proinde (ne quoad propositum dicatur ſe habere, ſicut instrumentum inanimatum manu artificis motum) eſt ſaltem participative liber, ac mediate voluntarius. Tali libertate imperata (non vero elicitâ) cenſetur etiam liber actus fidei, qui equidem eſt immediate elicitus a cauſa naturali, nimirum ab intellectu; imperatus autem a cauſa libera, nempe voluntate: ubi tamen id ſufficit, ut talis actus dicatur ſpecialiter bonus, & meritorius, tanquam actus proprius Fidei Virtutis Theologiæ, diſtinctus ab ipſa voluntatis pia affectione credendi.

32. Objicitur tamen contra hanc concluſionem, afferendo plures SS. Patrum Auctoritates, ac præſertim illam D. Bernardi, *Epist. 77.* dicentis: *Lēgimus, qui viderit mulierem ad concupiscendum, jam mœchatus eſt in corde ſuo. Quid planius, quod voluntas pro facto reputatur, ubi factum excludit neceſſitas.* Hæc ille. *Reſp.* Senſum talium locutionum eſſe quod voluntas pro facto reputetur quoad culpam, & reatum in malo, non vero quoad quantitatem culpæ: uterque enim peccat mortaliter, tam adulterans, quam concupiſcens adulterium; ſed ille gravius, utpote iniquitatem addens iniquitati.

33. Quod

Quest. IV. De bonitate, vel malitia actus interni. 63

33. Quod si quis instet, juxta illud commune adagium: *Voluntas pro facto reputatur, ubi facultas operis deest*: Unde etiam Christus Lucae cap. 21. Viduam pauperem, quæ misit duo minuta in gazophylacium Templi, prætulit aliis, qui multa miserunt; ergo. Resp. dictum illud, *voluntas pro facto reputatur*, &c. Verum esse, quantum ad sufficientiam ad salutem, præmiumque substantiale in cælis consequendum; non vero, quantum ad præmii excellentiam, majoremque actus bonitatem. Et ita etiam dictum adagium explicat Divus Bonaventura hic *Dist. 49. art. 2. quest. 1. in fine*. Nec urget exemplum Viduæ pauperis, cum in illo casu cætera non fuerint paria; nam Vidua illa pauper misit duo minuta ex majori fervore, & charitate, quam cæteri, qui plus mittebant: hi enim, ut Christus Dominus ibi attestatur, ex abundanti sibi miserunt in munera Dei, illa vero omnem victum suum, quem habuit, misit.

34. Quæres, an actus interior & exterior sint unum, vel duo peccata? Resp. Quantum attinet ad praxin, sufficit in Confessione explicare actum externum deliberate perpetratum, v. g. se furatum esse toties summam gravem: hoc ipso enim indicatur etiam interna voluntas furandi, a qua derivatur malitia peccati in actum externum. Non autem sufficit ei, qui actum internum, sive propositum peccandi opere externo complevit, solum actum internum explicare, sed tenetur etiam explicare actum externum, propter dicta num. 30. Et hæc est cer-

64 *Tract. I. De Actibus Humanis, & Conscien. Dist. II.*
certa, atque omnimodis tenenda : præsertim
post Decretum Alexandri VII. ibidem allatum.
Nec obstat, quod circumstantiæ peccatorum
aggravantes, juxta multos Doctores, non sint
necessario explicandæ in Confessione. Respon-
detur enim, peccatum externum etiam specie
moralis differre ab interno; cum prima & generi-
ca peccatorum divisio sit in peccata cordis, oris,
& operis, unde & aliud moraliter est, volun-
tas occidendi hominem, & aliud actualis oc-
cisio hominis.

35. Num autem actus exterior & interior sint
unum vel duo peccata, eo quod habeant du-
plicem malitiam distinctam, est Quæstio magis
Theologica, & speculativa. Potest tamen bre-
viter dici, quod licet actus exterior & interior
sint duo peccata partialia, quatenus uterque
actus in se ipso formaliter consideratus ha-
bet propriam suam malitiam; nihilominus ta-
men sint unum peccatum totale, quatenus sunt
ad invicem subordinati, & naturaliter conne-
xi: nam actus exterior naturaliter subordina-
tur interiori, a quo pendet in suo esse, & vi-
cissim actus interior pendet ab exteriori, tan-
quam ab objecto, & ultimo suo complemento.

QUÆSTIO V.

An detur Actus indifferens?

SUMMARIUM.

36. *Actus indifferens, quid?*
37. *Certum est, dari Actus indifferentes ob de-
fectum deliberationis,*

38. *Dan-*

Quest. V. An detur Actus indifferens. 65

38. *Dantur insuper actus humani indifferentes.*

39. *An homo teneatur omnem actum dirigere in finem honestum?*

** Vel in Deum summe diligibilem?*

** An liceat operari ex sola delectabilitate objecti?*

** De imperfectionibus.*

** Distinguitur inter peccatum, & imperfectionem moralem, quæ posterior vel est negativa, vel positiva.*

*** Actus indifferentes cum aliqua imperfectione positiva quandoque conjunguntur, sed non necessario omnes, ubi plura de imperfectionibus. Addit.*

36. **A**DVERTENDUM, quod per Actum indifferentem in proposito intelligatur ille, qui nec bonus est nec malus in genere moris; ac proinde neque speciali laude & præmio dignus, neque vituperio aut supplicio. Unde actus indifferens mediat inter actum moraliter bonum, & inter actum moraliter malum, seu peccaminosum.

37. **CONCL. I.** Certum est, plures dari actus etiam in individuo, qui nec boni sunt, nec mali propter inadvertentiam, & defectum actualis deliberationis, ac proinde hac ratione indifferentes; uti sunt, ex inadvertentia & imaginatione quadam movere manum, fricare barbam, levare festucam, &c. Et præsertim innumeri tales dantur in pueris. Et tales actus indifferentes dari, admittit pariter Doctor Angelicus 1. 2. qu. 18. art. 19. de iis autem non esse

E

quæ-

66 *Tract. I. De Actibus Humanis, & Conscien. Dist. II.*
quæstionem inter Theologos, notat Scotus in
2. dist. 41. ante solutionem argumentorum, cum defe-
ctu deliberationis non sint actus humani, sed ex-
tra genus moris. Igitur loquendo de actibus hu-
manis libere, & cū advertentia rationis elicitis, sit.
38. CONCL. II. Dantur insuper actus humani
indifferentes, qui nec boni, nec mali sunt in
genere moris, etiamsi libere & cum adverten-
tia rationis eliciantur. Ita Doctor Subtilis cit.
dist. 41. D. Bonaventura 2. dist. 41. art. 1. quæst. 3.
Alensis, & quamplures Theologi, quamvis
etiam non pauci oppositum teneant. Proba-
tur Conclusio in primis auctoritate S. Hierony-
mi, Epist. 89. ad S. Augustinum, sic scribentis: Bo-
num est continentia, malum luxuria: inter utrum-
que indifferens est ambulare, manibus capitis pur-
gamenta projicere, sputis rheumata jacere, hoc
nec bonum nec malum, est; sive enim feceris,
sive non feceris, nec justitiam habebis, nec in-
justitiam. Hæc ille. Confirmatur. Quia nulla
datur obligatio referendi quemcunque actum
in finem honestum; ergo potest dari Actus in-
differens. Probatur assumptum: tum quia nul-
libi legitur talis obligatio, simulque ea admo-
dum foret dura & difficilis naturæ humanæ,
ejusque fragilitati, propter innumera hujus vi-
tæ impedimenta, occupationes, atque distra-
ctiones. Tum quia alioquin actus ex objecto
indifferentes, & in bonum finem non relati,
utputa moderate comedere, ambulare, pur-
gamenta e naribus projicere, &c. non facta alia
bona intentione, forent hoc ipso mali, & pec-
cata saltem venialia, ac proinde essent materia
suf-

sufficiens Sacramenti pœnitentiæ, & Confessionis: hoc autem est contra praxin prudentum Confessariorum, & communem sensum Fidelium: ergo. Item, quis reum peccati arguet illum, qui intermittit talem actum, qui tantum est de consilio, non autem de præcepto? Etenim si talis intermissio foret peccaminosa, eo ipso esset ille actus, qui intermittitur obligatorius ac de præcepto, & non pure de consilio.

39. Objicitur tamen afferendo præceptum fundamentum adversæ sententiæ. Tenetur homo quemcunque actum ex deliberatione procedentem dirigere in finem honestum; ergo nequit dari actus indifferens, sed erit vel bonus, si dirigatur in finem honestum, vel malus, si non dirigatur. Probatur antecedens: quia tenemur diligere Deum ex toto corde, & in tota anima nostra Matth. 22. cum concordantiis: atqui hoc præceptum non observat is, qui scienter ac deliberate exercet actum indifferentem absque ulteriori relatione in DEUM; ergo. Resp. negando antecedens: id namque videtur esse contra communem sensum hominum, vix enim ullus est, qui quando lavat faciem, aut exspuit, aliaque similia opera ex se indifferentia exercet, cogitet se teneri ad apponendum semper bonum finem, non obstante, quod valde consultum, simulque meritorium: & laudabilissimum sit ipsum apponere. Ad probationem antecedentis dicitur, præcepto diligendi Deum super omnia, in hac vita satisfieri certis actibus positivis supernaturalibus, & abstinencia

68 *Tract. I. De Actibus Humanis, & Conscien. Dist. II.*
tia ab actibus dilectioni Dei oppositis, simul-
que observatione mandatorum Dei, juxta illud
Salvatoris Joan. 14. *Qui habet mandata mea, &*
servate ea, ille est, qui diligit me.

Additio I.

*Instabis: Si non adest obligatio positiva
quemcunque actum deliberatum referendi in
Deum summe diligibilem, tunc possumus ad-
mittere cum antiquis Philosophis opera quæ-
dam media inter bonum & malum; atqui jux-
ta D. Augustinum *Epist. 19. ad Hieronymum.*
Cavendum est, ne sicut Philosophi quædam facta
hominum media dicamus inter recte factum, &
peccatum, quæ neque in recte factis, neque in pec-
catis numerentur: ergo.

Respondeo D. Augustinum, si in fonte lega-
tur, ibidem plane non contra nostram stare sen-
tentiam, quin imo potius nobis favere: ete-
nim illa verba in minori allata non adducit ex
mente propria, sed agens de Petro & Paulo &c.
tantummodo ponit eadem verba per modum
objectionis, ad quam respondet, non esse
inconveniens cum Philosophis admittere ope-
ra media, qualia censuit circumcisionem, alia-
que caeremonialia Legis Veteris tempore Apo-
stolorum ante promulgationem & obligatio-
nem Evangelii, tanquam pro tunc nec am-
plius præcepta, nec etiam prohibita; bene ta-
men permissa; ut sic synagoga cum honore
sepeliretur. De quo vide infra *Tract. 2. dist. 2.*

*qu. I. **

Addi-

Additio II.

* Urgebis : Si dantur actus indifferentes in individuo , tunc liceret operari ex sola delectabilitate objecti e. g. audire concentum musicæ , quia recreat ; videre , vel odorare flores , quia delectant visum ac odoratum , aut studere Poesi , sive Mathematicæ ex animi oblectatione , &c. sed non licet citra peccatum veniale operari ex delectabilitate objecti : ergo. Min. prob. quia alias liceret comedere , & bibere ad satietatem ex delectabilitate , vel ex eodem motivo conjugibus exercere copulam ; quod tamen utrumque ab Innocentio XI. damnatum est : cum Propositio ordine 8. ab eodem Pontifice confixa sic sonet : *Comedere & bibere usque ad satietatem ob solam voluptatem non est peccatum , modo non obstitit valetudini , quia licite potest appetitus naturalis suis actibus frui.* Altera ordine 9. taliter : *Opus conjugii ob solam voluptatem exercitum omni penitus caret culpa ac defectu veniali.* Ad hanc satis difficilem instantiam respondent aliqui I. distinguendo Maj. liceret ex sola delectabilitate objecti operari , si objectum sit tale , cuius delectabilitas non nimium soleat ordinarie absorbere hominem in ipsa voluptate , concedunt ; si esset tale objectum , cuius delectabilitas solet ordinarie nimium absorbere hominem in ipsa voluptate , negant ; talia autem objecta nimium ordinarie absorbentia hominem in voluptate , seu trahentia ad voluptatem aliquam immoderatam forent ista duo : nimirum exercitium copulæ , & comestio ad satietatem , supposito , quod semel liceret hæc facere ex so-

la delectabilitate, in quibus plerumque vel voluptas immoderata actualiter interveniret, vel saltem grave periculum foret excedendi limites ipsius licentiæ seu permissionis: *nam nescit cupiditas, ubi finiatur necessitas*, inquit D. Augustinus, qui etiam *lib. 4. cont. Julian. Apost. cap. 4.* addit, quod sola voluptas in copula carnali ita hominem absorbeat, ut non facile ad Deum convertatur; ob quas rationes merito in similibus objectis prohibetur operari ex sola delectabilitate.

Resp. II. Adhuc aliter disting. Major. liceret operari ex sola delectabilitate objecti, quando ipsa delectatio est finis intentus a natura, conced. quando non est intentus a natura, & tamen assumitur, neg. Hoc autem contingit in memoratis Propositionibus damnatis; cum voluptas assumatur tanquam finis comestionis & operis conjugalis; uti patet ex illis verbis *ob solam voluptatem, &c.* etsi harum actionum finis a natura intentus non sit voluptas, sed comestionis competens hominis sustentatio, & copulæ conjugalis extinctio libidinis, ac procreatio proles.

Paucis natura istas duas actiones ordinavit ad conservationem speciei, & individui humani, atque delectationem illam in gula & in copula conjugali annexuit non ut finem hominis comedentis & generantis, sed ut medium aptum ad comedendum & generandum, quale medium, si invertendo ordinem naturæ, assumatur pro fine, sapius oberit potius, quam proderit conservationi speciei & individui humani ob

Quest. V. An detur Actus indifferens. 71

periculum excessus juxta jam dicta in I. Respon-
sione. Deinde finaliter loquendo, quamvis
etiam posset probari universaliter in nullis actio-
nibus esse licitum operari propter solam dele-
ctabilitatem, eo quod juxta S. Thomam 2. 2.
q. 41. art. 6. omnia delectabilia ordinentur ad
aliquam hujus vitæ necessitatem, tanquam
ad suum finem naturalem; adhuc tamen non
sequitur, quod non possit dari actus moralis
indifferens in individuo habens pro fine suo
ipsam necessitatem naturæ aliquam, etiam
in minus notabilibus sublevandam, e. g. abige-
re a facie muscam, occidere pulicem aliqua-
liter molestum, vel excutere e vestibus parum
pulveris &c.

Additio III.

* Quæres, an actus indifferens inter bonum,
& malum ita debeat esse indifferens, ut non
solum peccatum, verum etiam omnem imper-
fectionem necessario excludat? Ante respon-
sionem nota, quod imperfectio, prout distin-
guitur a peccato, nec est materia sufficiens
se sola pro absolutione, describatur: *Actio,*
vel omissio repugnans consilio in re ad mores spe-
ctante. H. N.

Resp. Actus indifferens non necessario ex-
cludit imperfectionem, quin eadem cum ipso
stare possit, dummodo talis actus cæteroquin
non sit bonus, nec etiam malus in genere mo-
ris. Probatur ab exemplis: Sic enim *intermit-*
tere Missam die non Festo, non sequi inspirationes
Divinas, ad opera de consilio tendentes, com-

72 *Tract. I. De Actibus Humanis, & Conscien. Dist. II.*
muniter censentur indifferentia, utpote omissiones rei nec præcepta, nec prohibita, & tamen similes ex communi aestimatione reputantur imperfectiones (quid enim alias esset imperfectio?) ergo actus indifferens non necessario excludit imperfectionem. *

Additio.

** Cum hic obiter solum auctor priorum additionum tetigerit, Reiffenstuel vero penitus omiserit materiam de imperfectione morali scitu utilissimam maxime iis, qui Perfectionis seu Religiosæ, seu Christianæ sunt magis studiosi, operæpretium fore existimavi exactiorem illius modo dare notitiam, eamque præsentī de actu indifferente Controversiæ accommodare. Igitur

Nota 1. licet admittatur, actum indifferentem semper dicere imperfectionem positivam in genere moris, tamen inde nihil admitti contra doctrinam præcedentem: hæc enim solam rationem peccati ab actu indifferente excludit: quippe defendit illa actum ita medium, qui nec bonus positive, nec positive peccaminosus sit.

Nota 2. aliud esse peccatum, & aliud esse imperfectionem moralem. Nam omne peccatum etiam veniale, inducit culpam, & culpæ respondentem pœnam in altero mundo: unde etiam omne peccatum veniale materia est confessionis: contra mera imperfectio in foro conscientiæ non inducit culpam etiam levem, neque est materia confessionis.

Nota

Nota 3. duplicem esse imperfectionem moralem. Una est *negativa*, quæ consistit in carentia vel omissione majoris perfectionis hic & nunc possibilis: e. g. quando quis amat Deum, vel proximum, sed non ita intense & perfecte, sicut posset, si vellet toto conatu cooperari gratiæ acceptæ; quamvis interea eliciat actum omni ex parte positive bonum. Vel si quis omisso statu vitæ melioris eligit minus bonum. Hæc imperfectio *negativa* neque reprehensionem meretur, neque displicentiam divinam inducit, nisi aliquando in ea major quædam inordinatio interveniat, & contra consilium Dei hic & nunc practice & moraliter observabile, & efficaciter inculcatum agatur, & taliter trans-eat in positivam imperfectionem, ut ex dicendis colligetur; ratio hujus est: quia Deus ob suam, quam erga nostram imbecillitatem habet, clementiam, non semper ita impense desiderat a nobis id, quod perfectius est, neque positive in omnibus circumstantiis improbat modum agendi minus perfectum. Quare & in æstimatione morali aliquis non statim censetur positive reprehensibilis, si non faciat semper, quod perfectius est.

Imperfectio positiva est omissio & actio libera facta contra consilium hic & nunc a Deo, vel superiore clare & efficaciter propositum, & practice observabile, seu tale, quod moraliter ob nimiam difficultatem non est impossibile. Ex quo habes, talem imperfectionem positivam incurri, quando a Deo, vel superiore proponitur alicui prædicto modo, absque omni

tamen præcepto majus Dei beneplacitum : cui tamen homo deliberate non obsequitur, non habens in præsentia aliam excusationem, quam illam vulgarem : *non obligor*. In exemplo : aliquis sentit inspirationem internam efficaciter incitantem, ut propter Deum abstineat ab aliquo actu indifferente e. g. ab auditione musicae. Si ergo talis homo non obstante hac efficaci inspiratione negligit istam mortificationem ex solo hoc capite, quia non obligatur ad eam, incurrit imperfectionem positivam agendo contra majus Dei beneplacitum hic & nunc satis energice propositum & practice ac moraliter observabile. Item tales imperfectiones committunt illi Religiosi, qui nulla causa urgente transgrediuntur statuta superiorum, ex hoc solo capite, quia non obligant in conscientia : esto enim non obligent ad culpam in foro conscientiae, nobis tamen insinuant clare per superiores legitimos Dei beneplacitum.

Ejusmodi actio vel omissio positive imperfecta merito displicet Deo, & reprehensionem meretur. 1. quia est aliqua valde vituperabilis inordinatio Dei beneplacitum rite cognitum, & practice observabile posthabere suae libertati, & suo commodo, & illud sine causa sufficiente negligere. 2. Etiam Principi, aut Patri merito displicet, si subditus aut filius non solum suum præceptum, sed etiam consilium bonum, aut beneplacitum energice, & clare manifestatum, ac practice observabile ex mera sua libertate negligit : ergo pariter displicebit Deo, si ipse consilium, & beneplacitum etiam sine præ-

præcepto obligante nobis tali ratione manifestatum negligimus. 3. Sancti fere omnes tales imperfectiones positivas reprehendunt; imo & eæ non raro sunt in causa, cur ampliores gratiæ subtrahantur homini sic illiberaliter agentibus cum Deo. H. N.

Resolvo, Actus indifferentes possunt conjungi & sæpe conjunguntur cum aliqua imperfectione positiva. Ita R. P. Massæus Kresslinger superius. Ratio hujus est: possunt fieri aliqui actus indifferentes illo tempore, & circumstantiis, in quibus Inspiratio Divina, vel consilium Dei, aut Statutum superiorum clare cognitum efficaciter suadet contrarium, ubi certe imperfectio positiva non evitatur. An vero omnis actus indifferens necessario sit conjunctus saltem per se loquendo, cum aliqua imperfectione, res multum est dubia. P. Ulloa, & Ipsum secutus Clarissimus P. Dichel in suis octo Problematis Problemate 4 fol. 208. tenent sententiam affirmativam. Ratio ipsorum est, quia clarum est consilium Dei in Sacra Scriptura expressum, vi cujus monemur, ut omnia, consequenter etiam opera ex objecto indifferentia, ad finem honestum referamus; sic 1. Corinth. 10. v. 31. *sive manducatis, sive bibitis, omnia in gloriam Dei facite.* Huic consilio igitur contrarium facit, qui vel unum actum indifferentem sine ordine ad finem honestum & Deum elicit.

Contra vero Clarissimus P. Antonius Mayr, cui & ego subscribo, videtur potius sententiam oppositam tenere. Et ratio sententiæ negati-

væ hujus esse posset : quia ex una parte sententia affirmativa imponit gravem obligationem sub imperfectione positiva, alias incurrenda, omnia referendi ad finem honestum; ex altera parte hæc obligatio non satis probatur : ergo talis obligatio non est admittenda.

Prima pars Entymematis prob. nam etiam imperfectio positiva est malum satis notabile, cuius perfectionis studioso multum timendum, post se trahens displicentiam divinam, reprehensionem in genere moris, subtractionem gratiarum : adeoque sat gravis foret obligatio, si quis sub imperfectione positiva, alias incurrenda, adstringeretur ad finem honestum præstigendum omnibus suis actionibus etiam ex objecto indifferentibus. Accedit, quod hæc imperfectio facile contraheretur, eo quod ad illam sufficeret advertentia etiam semiplena; sicut & ad peccatum veniale talis semideliberata advertentia sufficit. Proinde & adversa sententia nimium multiplicaret imperfectiones positivas. *2da. pars* vero primi Entymematis inde suadetur; quia sententia illa D. Pauli, quam Adversarii pro se adhibent, non potest in toto rigore verborum accipi; alias sequeretur, quod non solum ad finem honestum, sed etiam ad finem supernaturalem, nempe ad gloriam Dei omnes actiones nostras referre deberemus; quod tamen vix Adversarii admittunt. 2. Etiam Deus suadet nobis, ut Eum diligamus ex toto corde, ex totis viribus, & tamen nec juxta Clarissimum P. Dichelille, qui Deum non diligit ex omnibus viribus, seu se-

cun-

Quest. VI. Quid requiratur, ut Actus hum. &c. 77
cundum omnem possibilem intensionem & perfectionem, statim imperfectionem positivam contrahit: ergo a pari, quamvis moneamur omnia ad Dei gloriam referre, non tamen statim censemur imperfectionem positivam contrahere, si unam vel alteram actionem indifferentem brevissimo tempore durantem non sic referamus. 3. Consilium tam strictum, & tam universaliter obligans sub imperfectione positiva non est naturæ humanæ fragili multis distractionibus occupatæ conveniens; adeoque non est practice observabile. Quamvis igitur Deo per se magis placeat, si juxta monitum D. Pauli omnes omnino etiam minimæ actiones indifferentes ad Ejus gloriam referantur; id tamen ab homine non ita rigide desiderare videtur in omnibus circumstantiis, ut aliquam etiam levissimam & brevissimam actionem non sic ad finem altiorem relatam improbet tanquam imperfectionem positivam, saltem tunc, quando nec inspiratio interna efficaciter urget, neque monitum S. Pauli clarissime proponitur, vel si tantum semiplena advertentia habetur ad monitum Apostoli. **

QUÆSTIO VI.

*Quid requiratur, ut Actus humani boni
sint meritorii vitæ æternæ?*

S U M M A R I U M.

40. Meritum, quid?

41. Mer

78 *Tract. I. De Actibus Humanis, & Conscien. Dist. II.*

41. *Meritum de condigno, & Meritum de congruo, quid?*

42. *Ad meritum de condigno, ex parte operantis requiritur Status viae, & Status gratiae.*

43. *Status viae, & Status gratiae, quid?*

44. *Sancti in Coelis sibi nihil amplius merentur, nec damnati demerentur.*

45. *Requiri Statum gratiae ad meritum de condigno, probatur.*
Corollarium.

46. *Opera bona viva, mortificata, & mortua declarantur.*

47. *Opera bona mortua, seu in statu peccati mortalis facta, ad quid prosint?*

48. *Corollarium.*

* *An Actus meritorius eo ipso sit etiam satisfactorius? Additio I.*

* *Cur animae in purgatorio potius dicantur satisfati? Additio II.*

* *Quandonam ad actum satisfactorium non requiratur Status gratiae? Additio III.*

40. **A** DVERTENDUM I. Meritum ut sic bene definiri, dicendo: *Meritum est actus laudabilis, exigens aliquo modo collationem praemii.* Dicitur, *actus laudabilis*: quia per actus peccaminosos non meremur praemium, sed potius supplicium. Simulque per hoc indicatur, quod actus meritorius debeat esse liber, & moraliter bonus; nam per ea, quae naturaliter & necessario eveniunt, nec laudem meremur, nec vituperium.

41. *Advertendum II. Meritum ut sic communiter dividi a Theologis in Meritum de condigno,*

Quest. VI. Quid requiratur, ut actus hum. Ec. 79
digno, quod proprie & absolute meritum
dicitur; & in Meritum de congruo, quod di-
citur meritum secundum quid duntaxat, &
cum addito ly, *de congruo. Meritum de condigno*
generatim illud est, quod habet condignita-
tem & æqualitatem cum præmio: in quo
sensu, loquendo de Merito de condigno vitæ
æternæ, dicitur Sapient. 3. *Quoniam DEUS*
tentavit eos, & invenit illos dignos se. Et Apoc. 3.
Ambulabunt mecum in Albis, quia digni sunt, &
alibi. *Meritum de congruo* illud dicitur, cui li-
cet desit talis condignitas & æqualitas, adhuc
tamen congruum est, ut ex liberalitate remun-
nerantis conferatur ipsi aliquod præmium. Et
juxta hæc potest actus moraliter bonus dividi
in actum meritorium de condigno. & de con-
gruo: quod ut clarius intelligatur, fit

42. CONCL. I. Ad Meritum de condigno
vitæ æternæ, præter bonitatem moralem ipsius
actus, requiritur insuper ex parte operantis Stá-
tus viæ, & Status gratiæ sanctificantis; ac pro-
inde ad actum bonum de condigno meritorium
vitæ æternæ, hæc duo requiruntur necessario.
Ita certa, & communis Theologorum.

43. Ubi sciendum, quod per *Statum viæ* in-
telligatur decursus vitæ præsentis, juxta phra-
sin Sacræ Scripturæ, quæ præsentem vitam ap-
pellat peregrinationem 2. Cor. 5. ibi: *Quoniam*
dum sumus in corpore, peregrinamur a Domino,
& alibi. Per *Statum gratiæ* vero intelligitur
status gratiæ habitualis, seu sanctificantis; id
est, quod quis sit constitutus in gratia sancti-
ficante, per quam homo defacto fit amicus
DEI,

DEI, ejusque filius adoptivus, & dignus vita æterna. Et in tali Statu gratiæ defacto nullus est, quicumque habet peccatum mortale, sive originale, sive actuale nondum remissum; nam gratia habitualis, & peccatum defacto repugnant, sicut lux & tenebræ. Hoc prænotato probatur prima pars conclusionis, quod nempe Status viæ requiratur ad Meritum de condigno vitæ æternæ. Sic enim 2. Cor. 6. dicitur. *Ecce nunc tempus acceptabile, ecce nunc dies salutis.* Et Joan. 9. *Venit nox* (id est mors) *quando nemo potest operari*: intellige, meritorie.

44. Infertur proinde, quod Sancti in Cœlis defectu hujus conditionis (id est, quia non amplius sunt viatores) per intensissimos actus amoris DEI nihil amplius sibi mereantur; quamvis possint pro nobis intercedere, suæque intercessione quidpiam nobis impetrare a Domino Deo. Similiter animæ in Purgatorio nihil amplius merentur in ordine ad augmentum gratiæ, & gloriæ cœlestis, per tolerantiam suarum pœnarum, quamvis satisfacere, seu potius satisfaci possint pro suis peccatis. Et econtra Dammati in inferno, licet continuo blasphement Deum non promerentur novum supplicium (eo quod amplius non sint viatores) sed pro peccatis in hac vita commissis duntaxat æternaliter torquentur.

45. Altera pars Conclusionis, quod nempe ad Meritum de condigno requiratur Status gratiæ, est etiam certa inter Catholicos. Ratio est: quia propter impedimentum peccati mortalis nullus potest de condigno mereri vitam

ætera

Quest. VI. Quid requiratur, ut Actus hum. &c. 81

æternam: peccatori enim non debetur vita, sed mors, juxta illud Rom. 6. *Stipendia peccati mors.* Accedit, quod quis per peccatum mortale constituatur inimicus DEI; ac proinde hoc ipso sit indignus amicitia, donisque ipsius, præsertim supernaturalibus. Hinc sequitur, quod peccator, quamdiu persistit in statu peccati mortalis, per eleemosynas & alia opera bona tunc temporis peracta, nullum promereatur augmentum gloriæ cœlestis, neque aliud donum supernaturale de condigno; quamvis non idcirco ejusmodi bona opera sint prorsus inutilia, propter dicenda in secunda Conclusionē.

46. Et conformiter dictis Opera moraliter bona a Theologis communiter dividuntur in opera mortua, mortificata, & viva. *Opera bona viva* sunt opera moraliter bona in statu gratiæ facta, quæque per nullum peccatum mortale subsequens mortificantur. *Opera mortificata* sunt opera moraliter bona, quæ quidem fuerunt facta in statu gratiæ, adhuc tamen per peccatum mortale subsequens mortificantur; id est, impediuntur, ne habeant suum valorem promerendi vitam æternam stante ejusmodi peccato mortali. Caterum si homo per veram pœnitentiam denuo justificetur, tunc hujusmodi merita bonorum operum per peccatum mortale mortificatorum iterum in hominis justificationem reviviscunt, id est recuperant suum pristinum valorem promerendi vitam æternam in Coelis. *Opera bona mortua* dicuntur ea, quæ fiunt in statu peccati mortalis;

F

lis;

lis; peccatum enim mortale est mors animæ. Et talia nunquam reviviscunt in ordine ad meritum vitæ æternæ quondam in Cœlis consequendum, eo quod illud, quod nunquam antea vixit, nequeat imposterum reviviscere.

47. CONCL. II. His tamen non obstantibus, Opera bona in statu peccati mortalis facta non sunt penitus inutilia, nec idcirco ab homine intermittenda. Ita omnes Doctores Catholici. Ratio est: quia inprimis hujusmodi Opera bona sunt meritoria, saltem de congruo, quarundam gratiarum actualium, seu auxiliorum supernaturalium, quibus ejusmodi homo facilius perducitur, atque excitatur ad agendam veram pœnitentiam de peccatis, ut sic justificetur. Deinde solent ejusmodi homines per Dei misericordiam præservari a nonnullis periculis labendi in peccata graviora; aut clementer protegi, ne toties labantur, & sic in altera vita gravius puniri non mereantur. Tertio hujusmodi homines sensim assuescunt exercitio bonorum operum, ac deinde facilius de peccatis commissis agunt pœnitentiam; & postmodum in statum gratiæ restituti constantius persistunt in continuandis, agendisque aliis bonis operibus.

48. Et hujusmodi effectus bonorum operum licet in statu peccati mortalis peractorum, certe non sunt modici: quamvis omnibus viribus cuique sit allaborandum, ut Divina gratia adjuvante vel nunquam labatur in peccatum mortale, vel si per fragilitatem humanam ceciderit, citius per veram pœnitentiam resurgat,

Quest. VI. Quid requiratur, ut Actus hum. &c. 83
gat, sicque bona opera evadant meritoria de
condigno augmenti gratiæ sanctificantis, &
vitæ æternæ, cum sempiterno fructu in Cœlis
quondam recipiendo.

Additio. I.

* Quæres, an actus meritorius eo ipso sit
etiam satisfactorius? Ante Responsionem nota,
quod actus aliquis moraliter bonus quatenus
Meritorius collationem præmii, quatenus vero
Satisfactorius respiciat compensationem pro
pœna alioquin debita, & subeunda in vindictam
peccati.

Debet autem illud, quod Deo redditur in
compensationem pœnæ alias sustinendæ, sem-
per esse aliquo modo afflictivum, uti ex D.
Thoma & S. Bonaventura advertit cum aliis
Suarez *Tom. 4. in 3. part. disp. 37. sect. 6.* Nam
uti ad peccatum ipsum concurrit appetitus boni
delectabilis indebiti, ita æquitas postulat, ut
compensatio fiat per subtractionem boni dele-
ctabilis, quæ subtractio solet esse aliquo modo
afflictiva, utpote contra appetitum sensitivum
inclinantem in bonum delectabile. H. N.

Resp. Actus meritorius est etiam satisfacto-
rius. Ita communis, & probatur, Actus me-
ritorius est actus alicujus virtutis, prout con-
sideranti patet ex dictis præcedentibus; sed
Actus virtutis est etiam satisfactorius; nam
Actus virtutis semper est aliquo modo afflicti-
vus, utpote habens annexam aliquam difficul-
tatem in retrahenda voluntate a bono delecta-
bili, transferendo eandem ad bonum honestum,
quæ difficultas superata tanquam aliquid affli-

84 *Tract. I. De Actibus Humanis, & Conscien. Dist. II.*
Etivum dein ordinatur in compensationem pœ-
næ, alias subeundæ propter peccatum: ergo. *

Additio II.

*Cæteroquin uti ad actum meritorium de
condigno vitæ æternæ desideratur Status viæ,
& gratiæ sanctificantis; ita etiam defacto re-
quiritur ad satisfactorium de condigno ex ope-
re operantis pro pœna alias in Purgatorio tole-
randa.

Hincque Animæ in purgatorio non dicuntur
exhibere satisfactionem pro peccatis, sed po-
tius satisfactionem; quoniam non sunt in Sta-
tu viæ.

Item graves peccatores saltem de potentia Dei
ordinaria non censentur satisfacere per suas ca-
stigationes & afflictiones pro peccatis in ordine
ad delendas pœnas Purgatorii, quia etsi sint in viâ,
non tamen existunt in gratia sanctificante, per
quam unimur Christo, & in qua unione vis sa-
tisfaciendi per opera propria fundatur: in Chri-
sto enim *vivimus* (intellige, vita spiritali per
gratiam sanctificantem) *meremur* & *satisfacimus*:
inquit Concilium Trid. Sess. 14. de Pœnit. cap. 8.
ubi vides, quod pariformiter loquatur de me-
rito, ac satisfactione.

Nec opponas: Satisfactio Sacramentalis ha-
bet vim remittendi pœnam peccatis confessis
debitam, quamvis eadem persolvatur in statu
peccati mortalis, prout dicitur *Tract. 14. dist.*
10. quest. 1. ergo ad satisfactionem quatenus re-
missivam pœnæ non requiritur Status gratiæ
sanctificantis. Respondeo enim disting. ante-
ced.

Quest. VI. Quid requiratur, ut Actus hum. Sc. 85
ced. Satisfactio Sacramentalis habet vim remittendi pœnam ex opere operato, concedo; ex opere operantis, nego anteced. & similiter distinguo consequens: ad satisfactionem remissivam pœnæ alias in Purgatorio peccatis debitæ non requiritur Status gratiæ, si sit remissiva ex opere operato, & præcise respiciendo Merita Christi, concedo: si sit remissiva ex opere operantis, & adjungendo merita propria per Merita Christi dignificata, nego consequentiam.

Additio III.

* Dices adhuc: si famulus in statu peccati mortalis existens dat pauperi eleemosynam, sibi ad hunc finem a Domino communicatam, fructus etiam satisfactorius adhuc manet Domino, ergo ad bonum opus, quale utique est elargitio eleemosynæ, non requiritur status gratiæ ad obtinendum fructum satisfactorium.

Resp. disting. consequens, non requiritur status gratiæ in eo, qui est causa primaria hujus boni operis: prout moraliter loquendo respectu actus misericordiæ Dominus largiens revera est causa principalis, & primaria, neg. conseq. In eo, qui est causa tantum instrumentalis, secundaria, & quasi accidentalis, prout in præsententi censetur esse famulus, conc. conseq.

Econtra vero ponamus alium casum, quod aliquis Superior præcipiat suo subdito, ut pro certo Benefactore oret Rosarium: in tali casu, si subditus recitaret Rosarium existens in statu peccati mortalis, & absque contritione prævie elicitæ, fructus satisfactorius nec recitanti, nec

86 *Tract. I De Actibus Humanis, & Conscien. Dist. III.*
Benefactori applicaretur; quia respectu hujus
recitationis Rosarii ipse recitans est causa eli-
ciens principalis, in qua requiritur status gratiæ.
Videantur dicenda *Tract. 12. Dist. 3. quæst. 11.*
& Katzenberger in *Supplemento 2. cap. 3. sect. 4.*
in *Append. n. 252.*

DISTINCTIO III.

*De Conscientia ut Regula Actuum Huma-
norum.*

QUÆSTIO I.

*De natura, & divisione Conscientiæ ut sic;
ubi & de Conscientia recta, seu certa.*

SUMMARIUM.

1. *Conscientia, unde sic dicta?*

(a) *Dist. 2. n. 5.*

*Remorsus conscientiæ, & Testimonium ejus,
quid?*

2. *Conscientia, quid?*

3. *Dividitur in quinque membra.*

4. *Conscientia recta, quid?*

5. *Veritas duplex, speculativa & practica.*

6. *Conscientia recta duplex.*

7. *Quomodo differat a probabili?*

8. *Quanta sit obligatio Conscientiæ rectæ?*

1. **C**onscientia, quæ est regula proxima ac-
tionum humanarum, juxta dicta su-
perius (a) sumitur hic pro judicio practico in-
tel-

Quest. I. De natura, & divisione Conscien. Sc. 87

tellectus, proponente quidpiam homini ut bonum vel malum moraliter, ac proinde prosequendum vel fugiendum: ipse enim actus intellectus practici, quo judicat aliquid esse bonum, vel malum aut indifferens in genere moris, vocatur *Conscientia*, id est, quasi *Cordis scientia*, ut advertit D. Bernardus *lib. 1. de Conscientia cap. 8.* & partim se extendit ad opera nostra præterita, ea vel accusando tanquam male facta, & dicitur *Remorsus Conscientiæ*; vel commendando tanquam bene facta, & appellatur ab Apostolo 2. Cor. 1. *Testimonium Conscientiæ nostræ*; partim vero respicit opera instantia seu futura, dictando, quæ agenda sint tanquam bona seu honesta, quæque omittenda tanquam turpia seu inhonestia, & dicitur alio nomine *Dictamen rectæ rationis*.

2. CONCL. I. *Conscientia* est actus intellectus practici; judicantis aliquid hic & nunc agendum esse, vel fuisse tanquam bonum honestum, aut fugiendum esse, vel fuisse tanquam turpe & inhonestum. Ita Layman *lib. 1. tr. 1. cap. 2.* quæ definitio in re est communis: quamvis *Conscientia* quandoque etiam accipiat pro habitu intellectus, id est, pro habituali dictamine intellectus, quo cognoscitur hic & nunc operationem faciendam esse bonam, aut malam moraliter.

3. CONCL. II. *Conscientia* hætenus explicata communiter dividitur in quinque membra, scilicet in *Conscientiam* rectam, erroneam seu falsam, dubiam, probabilem seu opinativam, & scrupulosam. Ratio hujus divisionis est:

quia Conscientia nihil aliud est, nisi iudicium practicum intellectus, dictans, quid hic & nunc a nobis sit agendum, vel non agendum, juxta regulas morum extrinsecas: atqui intellectus sic judicando, quandoque est certus in suo iudicio, & dicitur *Conscientia recta*, seu certa: aliquando errat, & dicitur *Conscientia erronea*: quandoque probabiliter judicat, & vocatur *Conscientia probabilis*, seu opinativa: interdum vero dubitat, ac neutri parti determinatum præbet assensum, & est *Conscientia dubia*; & tandem quandoque scrupulis agitur, & dicitur *Conscientia scrupulosa*. Loquendo nunc de altera parte Quæstionis, fit

4. CONCL. III. *Conscientia recta* seu (ut alii loquuntur) certa & vera, recte definitur, quod sit dictamen verum intellectus, dictans absque ulla formidine de opposito, quod faciendum est, esse bonum vel malum. Ita in re communis. Et quidem, si hujusmodi dictamen practicum intellectus sit rectum, ac verum tam speculativa, quam practica veritate, tunc hujusmodi Conscientia dicitur omnimode recta seu vera. Si autem sit rectum, seu verum veritate duntaxat practica, non autem speculativa, tunc hujusmodi Conscientia dicitur solum practice vera: quæ divisio conscientie rectæ ut intelligatur.

5. Notandum, quod *Veritas speculativa* sit veritas simpliciter & absolute sumpta, prout objectum est in re: & hoc modo illud duntaxat iudicium intellectus est verum, quod est conforme objecto, ut se habet a parte rei; quod

Quæst. I. De natura, & divisione Conscien. Sc. 89
quod ita judicat de objecto, prout ipsum re-
vera se habet a parte rei. *Veritas practica* di-
citur illa, quæ fundatur in prudenti ac firma
existimatione rei, ex gravibus motivis orta.

6. Hinc infertur, quod *Conscientia tam pra-
ctice, quam speculative recta*, sit dictamen intel-
lectus, dictans absque ulla formidine de oppo-
sito, aliquid hic & nunc esse honestum, ac
proinde prosequendum, quod revera a parte
rei honestum est: prout fit in innumeris acti-
bus bonis atque honestis, qui ut tales propo-
nuntur ab intellectu voluntati, atque revera a
parte rei sunt honesti. *Conscientia solum practi-
ce recta*, id est dictamen verum veritate dun-
taxat practica: id est, desumptum ex pruden-
tibus motivis, dictans absque ulla formidine
de opposito, hoc esse honestum & faciendum,
quod tamen revera a parte rei non est tale.
Exemplum hujus habemus *Gen. c. 29.* cum Ja-
cob Patriarcha optima fide, & conscientia re-
cta ad Liam accessit, ita secum discurrens:
*Honestum est accedere ad propriam uxorem; hæc
est mea uxor* (uti prudenter arbitrari debebat
Jacob, cum non nisi temere de mala fide La-
bani, supponentis sibi pro Rachaele Liam, su-
spicari potuisset) *ergo honestum est, ad hanc ac-
cedere*: quod tamen a parte rei non erat, cum
Lia pro tunc non fuerit ejus legitima uxor, sed
Rachel.

7. Porro cum in definitione Conscientiæ re-
ctæ additur, *absque ulla formidine de opposito*,
per hanc particulam Conscientia recta seu cer-
ta differt a Conscientia probabili, utpote quæ

90 *Tract. I. De Actibus Humanis, & Conscien. Dist. III.*
non habetur sine ulla formidine de opposito ;
prout ex dicendis infra *Quest. 4.* patebit.

8. Quæres, quanta sit obligatio Conscientiæ rectæ seu certæ, quidpiam præcipientis, aut prohibentis? Resp. certum esse, Conscientiam rectam seu certam adeo obligare hominem, ut is delinquat, atque peccet, nisi illam in operando sequatur, quando præscribit aliquid ut faciendum vel fugiendum sub præcepto & non tantum sub consilio. Ita omnes Doctores. Ratio est: quia voluntas peccat, si in operatione non sequatur suam regulam proximam: atqui Conscientia, præsertim recta, est regula proxima voluntatis operantis, seu actionum ejus: ergo peccat voluntas, nisi Conscientiam recte præcipientem, aut prohibentem in operando sequatur. Dicitur autem in responsione, & *non tantum sub consilio*; quia si Conscientia recta quidpiam duntaxat proponat agendum per modum consilii, non autem præcepti, sicuti non obligamur sub peccato ad adimplenda omnia consilia (quamvis eadem sequi sit melius, & consultius) ita nec sub peccato tene-mur sequi Conscientiam rectam, quidpiam sub consilio duntaxat proponentem: ut certum est.

Q U Æ S T I O II.

De Conscientia erronea, ejusque obligatione.

S U M M A R I U M.

9. Conscientia erronea, quid?
10. Conscientia practice duntaxat recta an sit erronea?
11. Con-

11. Conscientia erronea invincibilis, & vincibilis, quid?

(b) Dist. I. q. 5. n. 40.

12. Conscientia erronea quæcunque obligat negative &c.

13. Corollaria ex dictis.

14. Actio debet esse libera, ut quis peccet agendo contra Conscientiam erroneam.

15. Ad hanc non sufficit solus scrupulus.

16. Conscientia invincibiliter errans obligat etiam positive.

17. Corollarium.

18. Conscientia vincibiliter errans obligat, ut eam deponamus, &c.

19. Alioquin peccabit operans, quamcunque partem elegerit.

20. Solvitur instantia.

21. Conscientia erronea, quomodo deponenda?

22. Notabilis objectio; & quomodo Lex Divina nullum reddat perplexum?

23. Quid agendum, quando utraque contradictionis pars putatur esse peccatum?

24. Quid, si quis nesciat discernere, ubi sit minus malum?

9. CONCL. I. Conscientia erronea est illa, quæ dictat aliquid esse faciendum, vel non faciendum, quod revera tale non est, absque fundamento probabili. Et dicitur, *absque fundamento probabili*, ad differentiam Conscientiæ probabilis, quæ quandoque etiam dictat aliquid esse honestum seu licitum, quod a parte rei est inhonestum ac illicitum; & tamen, quia

quia id colligit ex motivis probabilibus, non dicitur conſcientia erronea, ſed probabilis.

10. Si quærat, an Conſcientia practice duntaxat recta, poſſit dici erronea, nec ne? Reſp. cum Maſtrio *diſp. 1. Theol. moral. num. 14.* hanc eſſe quæſtionem de nomine; nam huiusmodi Conſcientia poteſt dici & recta, & erronea, ſub diverſo tamen reſpectu. Recta quidem reſpectu voluntatis, quia prudenter eam dirigit, quantum ſatis eſt, ut ipſa non peccet; & hæc dicitur *Reſtitudo practica*. At reſpectu objecti poteſt dici erronea, quia re ipſa errat circa objectum, putans eſſe honeſtum, quod tamen a parte rei tale non eſt.

11. CONCL. II. Conſcientia erronea dividitur in invincibilem, & vincibilem. Ita communis. *Conſcientia erronea invincibilis* eſt, cujus error adhibita diligentia morali, vinci ſeu vitari non potuit; ideoque nec voluntarius eſt, nec ad culpam imputatur: talis fuit in Jacob Patriarcha accedente ad Liam. *Conſcientia erronea vincibilis* eſt, cujus error, moraliter loquendo, vitari potuit, & debuit; ac proinde indirecte voluntarius, atque culpabilis exiſtit. Unde colligitur, hanc diſiſionem Conſcientiæ erroneæ in invincibilem ac vincibilem, multum coincidere cum diſiſione Ignorantiæ in invincibilem & vincibilem, de qua ſuperius (b) etenim prior procedit ex Ignorantia invincibili, poſterior autem ex vincibili.

12. CONCL. III. Conſcientia erronea quæcunque, ſive vincibilis ſit, ſive invincibilis, præcipiens aliquid ut agendum vel fugiendum,
ob-

obligat negative, ne videlicet contra eam operemur; ac proinde operari contra ejusmodi Conscientiam erroneam nondum depositam, semper est peccatum. Ita certa, & communis Theologorum. Nam juxta illud Rom. 14. *Omne, quod non est ex fide* (id est, ex dictamine conscientiae) *peccatum est.* Et, ut inquit Innocentius III. c. *Litteras de Restit. spoliat: Quidquid fit contra conscientiam, aedificat ad gehennam.* Accedit ratio: quia voluntas operans contra Conscientiam erroneam, vere consentit in malum, habetque sufficientem affectum ad peccatum, quod apprehendit. Nec obstat, quod Conscientia illa sit erronea. Nam hoc ipso, quod error ejus non cognoscatur, agere contra ipsam est peccatum: ita enim Conscientia illa proponit in apprehensione operantis, objectum esse faciendum aut fugiendum, ac si re ipsa sic se haberet.

13. Ex dictis inferitur, quod putans esse jejunium de præcepto, quando non est, peccet contra Temperantiam, si non jejunet, nisi Conscientiam suam erroneam, melius investigando veritatem, deponat. Similiter, si quis erronee putet, mentiri officiose in tali casu esse peccatum mortale, ac nihilominus mentiatur, peccat mortaliter, quamvis cæteroquin tale mendacium sit solum veniale. Insuper sequitur, quod operans contra Conscientiam erroneam; five vincibilem, five invincibilem, peccet in ea specie peccati, & contra illam virtutem, sicuti intellectus falso judicat: v. g. in prædictis duobus casibus prior peccat contra virtutem
Tem-

Temperantiæ, alter in specie mendacii mortalis. Item si quis erronee existimet, se peccaturum mortaliter, operando contra hanc conscientiam erroneam, peccabit mortaliter; si venialiter, venialiter: quod si Conscientia dicet peccatum in genere, non descendendo ad aliquam speciem ejus, erit peccatum in genere & ad nullam particularem peccati speciem pertinebit. Siquidem tota malitiæ hujus ratio consistit in hoc, quod quis operetur contra dictamen suæ conscientiæ; ergo talis & tanta erit malitia, qualem & quantam Conscientia dicat.

14. Notandum tamen cum Sanchez *lib. 1. in Decalogum cap. 11. num. 3.* & aliis, ad hoc, ut quis contra Conscientiam erroneam agendo peccet, necessarium esse, ut actio ipsius sit libera. Hinc si quis in carcere v. g. constitutus existimet, se peccare Missam non audiendo, non ideo peccat: similiter non delinquit scrupulosus, cum involuntarias suas passiones, aut in oratione distractiones, peccata esse arbitratur. Ratio est clara: quia ad omne peccatum requiritur libertas.

15. Adde etiam cum Navarro *in Manuali. Præludio 9. n. 9.* & Doctoribus communiter, quod ad hujusmodi Conscientiam erroneam inducendam non sufficiat solus scrupulus in genere, vel in particulari. Hinc si quis faciat opus licitum, quod credit ei licere, non peccat, licet angatur scrupulo aliquo in contrarium: quia scrupulosus, quamvis aliquo modo angatur, ac vereatur hic latere peccatum, non tamen determinate sic judicat, imo potius oppositum

situm credit esse verum. Quod si tandem conscientia erronea sit duntaxat consulens, vel permittens, sicut non est peccatum agere contra consilium, ita nec foret peccatum agere contra istam Conscientiam.

16. CONCL. IV. Conscientia invincibiliter errans; præcipiens aliquid ut agendum aut fugiendum, non solum obligat negative, ne scilicet contra eam operemur, juxta proxime dicta; sed obligat etiam positive, ut ipsam sequamur, ut proinde quis peccet, nisi dictamen illius in operando sequatur. Ita Scotus 2. in Reportatis, dist. 39. Mastrius disp. Theol. moral. num. 19. & communis Theologorum. Ratio est: quia ex quo Conscientia est invincibiliter errans, taliter, ut nulla morali diligentia vinci ac deponi possit, ita ipsa se habet in prudenti ac inculpabili æstimatione operantis, ac si esset simpliciter & absolute recta; ergo tenetur quis eam sequi, non minus, ac Conscientiam rectam seu certam.

17. Infertur proinde, quod si quis mentiatur ad liberandum proximum e periculo vitæ, ob Conscientiam invincibiliter errantem, putans, se ex misericordia ad id teneri, is actum bonum faciat, & si non mentiatur, peccet contra virtutem Misericordiæ. Dicitur notanter, ob Conscientiam invincibiliter errantem putans, &c. nam si Conscientia illa erronea fuisset vincibilis, aliud esset dicendum, juxta Conclusionem sequentem.

18. CONCL. V. Econtra Conscientia vincibiliter duntaxat errans, proponens aliquid
ut

ut præceptum, quod revera prohibitum est, aut e contra, non solum non obligat positive, ut eam sequamur, sed neque licite ipsam sequi possumus; obligat tamen, ut eam deponamus. Ita Doctores communiter. Ratio est: quia ex una parte agere contra Conscientiam erroneam, est peccatum, ut patet ex dictis *n. 12.* ex altera vero parte conscientia talis erronea, utpote vincibilis, non excusat a peccato; ergo qui eam sequitur, revera peccat, & qui contra eam necdum depositam operatur, etiam peccat.

19. Superest proinde, quod quis obligetur ad deponendum Conscientiam suam erroneam vincibilem. Et hæc quidem obligatio tanta est, ut in ejusmodi casu, stante tali conscientia erronea vincibili, quâmcunque tandem partem quis elegerit, sit peccaturus: nam si facit id, quod revera a lege præceptum est, operabitur contra Conscientiam suam oppositum dictantem; sin minus, sed sequatur dictamen Conscientiæ suæ, peccabit contra legem, a qua non absolvitur per errorem suæ Conscientiæ, utpote mere vincibilem & culpabilem.

20. Nec dicas, posse hominem in tali occasione constitui, ut non possit suam conscientiam vincibiliter errantem deponere; prout v. g. contingeret, si alius non adsit, a quo possit consilium petere, rei que veritatem ediscere, ipse vero semetipsum adjuvare non valeat. Resp. enim cum *Mastrio disp. 1. Theol. moral. n. 34.* & aliis, in hujusmodi casibus Conscientiam illam revera reddi invincibilem; siquidem qui
illam

illam habet, non potest hic & nunc eam superare atque deponere, ac proinde sequendo illam non peccabit, prout dictum est *num. 16.* loquendo de Conscientia invincibiliter errante.

21. Quod si quis quærat, quomodo conscientia erronea sit deponenda? Resp. Quando Conscientia erronea est vincibilis, eam facile deponi posse, dummodo quis debitam adhibeat diligentiam in investigando rei veritatem, illudque attentius consideret, in quo se falli suspicatur, discurrendo ex primis principiis practicis ad suum errorem agnoscendum. Idem, & quidem facilius fieri potest, adhibendo consilium prudentioris, juxta illud Prov. 13. *Qui agunt omnia cum consilio, reguntur sapientia. & Ecclesiastici 32. Fili, sine consilio nihil facias, & post factum non pœnitebis.* Cæterum Conscientia erronea invincibilis, hoc ipso quod sit invincibilis, moraliter deponi nequit: nam adhibitum, & sine ulla ratione, non nisi temere deponeretur.

22. Objicies contra IV. & V. Conclusionem simul. Lex Divina nullum reddit perplexum; atqui hoc fieret, si conscientia erronea sive vincibilis, sive invincibilis semper obligaret negative, ne scilicet voluntas contra ipsam agat; ergo Conscientia erronea non sic obligat. Major est certa, & ab omnibus concessa: quia Lex Divina nunquam facit, quod homo necessario peccet, ita ut peccatum evadere non possit; nam hoc ipso jam non committeretur peccatum defectu libertatis. Minor vero pro-

G

b2-

batur: potest enim quis ex Conscientia erronea existimare, utramque partem contradictionis esse peccatum; prout fieret, si quis die Festo assistens moribundo existimaret, esse peccatum mortale, tali die omittere auditionem Sacri, ac vicissim esse peccatum mortale in tali extrema necessitate deferere moribundum; ergo. Ad hanc objectionem satis notabilem, & quæ varie proponi, atque urgeri potest, Resp. concessa majori, negando minorem, ejusque probationis consequentiam: nam si ejusmodi Conscientia erronea sit vincibilis, tenetur homo eandem deponere juxta proxime dicta, & tunc alterutrum eligere, quod judicat hic & nunc esse faciendum; videlicet (loquendo de præmisso casu) audire Missam, si adsint alii, qui commode possunt moribundo assistere, atque inservire: vel, si hi non adsint, omittere Missam, & moribundo assistere, ob rationes mox dicendas.

23. Quod si vero Conscientia erronea sit invincibilis, & talis, quam deponere quis nequeat discurrendo per prima principia practica, vel petendo Consilium a doctioribus, tunc tenetur homo in ejusmodi casu constitutus eligere illud, quod sibi minus malum apparet, & hoc faciendo non peccabit. *arg. c. Duo mala, dist. 13. & can. Juravit David 22. q. 4.* At vero, si eligat illud, quod gravius peccatum esse judicaverit, peccati reus erit, ut communiter notant Doctores. Ratio est: quia omne peccatum non ex necessitate, sed ex libertate admittitur; ergo cum hic & nunc (juxta datam hypothefin) ne-

ces.

cessario sit unum eligendum ab homine, non libertate, sed necessitate eligit minus, sicque non peccat: peccaret autem eligendo majus, quia potest excessum malitiæ ejus vitare eligendo id, quod sibi minus peccatum apparet.

24. Si autem in tali casu constitutus discernere, atque judicare ex perplexitate aut alia causa non possit, quodnam illorum sit minus malum sive peccatum, sed in utroque actu parem apprehendat malitiam, homo ille non peccabit, quidquid egerit ex utroque; quia nemo peccat necessitate. Exemplum hujus proxime præmissum est. Aliud cum Laymano *hb. i. tr. i. c. 4. n. 4.* addi potest de Parocho: nam si Parochus ad Ecclesiam Festo die veniens, sacrificaturus pro populo, recordetur se jejunum non esse, nec alius Sacerdos tunc accersiri possit, qui celebret (in quo casu Parochus videtur perplexus: si enim celebrem, cogitat ipse, peccabo adversus reverentiam Sacramenti, propter legem Ecclesiæ: si autem non celebrem, peccabo contra legem Charitatis, propter scandalum populi) profecto in tali casu, si scandalum aliter evitari non potest, ut supponitur, Parochus celebrare deberet; cum lex Ecclesiastica cedat majori legi Charitatis naturalis: si tamen hanc ipsam veritatem præ inopinata perturbatione perspicere nequeat, nec alium habeat, a quo edoceatur, non peccabit Parochus, licet Sacrificio abstineat cum scandalo populi.

Q U Æ S T I O III.

De conscientia dubia, ejusque obligatione.

S U M M A R I U M.

25. *Conscientia dubia, quid?*
26. *Dividitur varie, juxta variam Dubii divisionem.*

Dubium speculative, &

Conscientia speculative dubia, quid?

27. *Dubium practicum, &*

Conscientia practice dubia, quid?

28. *Dubium practicum duplex; generale,*

Et particulare, seu practice practicum.

29. *Dubium positivum, & negativum, ac Conscientia positive ac negative dubia, quid?*

30. *Cum Conscientia practice dubia illicitum est operari.*

31. *Et operans cum ea peccat pro qualitate dubii.*

32. *Loquendo tamen de dubio proprie practico.*

33. *Cum Conscientia solum speculative dubia, seu practice deposita, non est illicitum operari.*

34. *Declaratur hoc exemplo.*

35. *in dubiis tutior pars est eligenda, quomodo?*

36. *Corollaria practica.*

25. **C**ONCL. I. *Per Conscientiam dubiam intelligitur ea, quæ neutri parti determinatum præstat assensum, sed anceps manet inter utramque, v. g. an hoc sit licitum, vel non licitum, peccatum, nec ne? Unde Dubium in præsentī accipitur proprie, nempe pro eo, quod contingit, quando intellectus inter duas partes oppositas hæret suspensus, adeo quod neutri determinatum præbeat assensum.*

26. **CONCL.**

26. CONCL. II. Conscientia dubia varie dividitur, juxta variam scilicet Dubii divisionem. Hinc, quia Dubium inprimis dividitur in practicum, & speculativum, etiam conscientia dubia communiter dividitur in Conscientiam practice dubiam, & speculative dubiam. *Dubium speculativum* dicitur illud, quando dubitatur de veritate, id est, quando dubitatur de aliquo, non quærendo directe de praxi, seu actione humana, num ea licita sit, nec ne, sed de quodam alio, an ita se habeat, nec ne: v. g. si dubito, utrum Baptismus collatus in nomine Christi tantum, sit validus; utrum tali die sit jejunium, nec ne; utrum fundus, quem possideo, vere sit meus; utrum votum castitatis emiserim; utrum matrimonium, quod contraxi, sit validum; utrum bellum, in quo milito, sit justum &c. Hæc enim omnia & alia his similia, spectant ad Dubium speculativum: quia in ipsis directe ac immediate non quæritur de praxi, seu actione humana, an ea sit licita, nec ne, sed de quodam alio, ut patet; non obstante, quod ex tali Dubio speculativo multa postmodum Dubia practica oriri possint. Et juxta hoc *Conscientia speculative dubia* est intelligenda, quod nempe sit ea, quæ dubitat de aliquo, non tamen quærendo directe ac immediate de praxi, seu actione humana, utrum ea licita sit, nec ne, sed de aliquo alio; ut sit in allatis exemplis.

27. *Dubium practicum* est, quando dubitatur de operatione; id est, practicum dubium dicitur illud, in quo directe quæritur de ipsa

praxi, seu actione humana, num ea in talibus circumstantiis sit licita: nec ne? v. g. an hodie teneam jejunare, an sim obligatus hac die audire Missam, vel confiteri? an teneam restituere fundum, quem habeo &c. Et huic Dubio practico correspondet *Conscientia practice dubia*; estque illa, quæ dubitat immediate de praxi, seu actione humana, utrum ea licita sit, nec ne? prout fit in allatis exemplis, & aliis hujusmodi.

28. Dubium practicum subdividitur a nonnullis Theologis in generale, & particulare: *Dubium practicum generale*, seu universale dicitur illud, quando dubitatur in genere, an hæc, vel illa actio sit licita; v. g. an per se loquendo liceat ad Beneficium Ecclesiasticum eligere minus dignum relicto digniore; an liceat die Festo bellare, piscari, pingere &c. *Dubium practicum particulare* (quod proprie practicum, seu practice practicum appellatur) censetur illud, quando in particulari dubitatur, utrum hic & nunc licita sit talis actio, nec ne? v. g. an hodie excuser a jejunio ob certas circumstantias, nempe ob aliqualem infirmitatem, iter, labores susceptos, &c. Et juxta hoc etiam *Conscientia practice dubia* subdividi potest.

29. Dubium ulterius a Theologis subdividitur in positivum & negativum. *Dubium positivum* tunc contingit, quando quis habet pro utraque parte judicium probabile, quod aliquid sit, & etiam quod non sit. Et juxta hoc tunc dicitur *Conscientia nostra positive dubia*; quando pro utraque parte occurrunt rationes æque probabiles, adeo ut intellectus in neutram

par-

partem iudicium suum inclinet, sed videns rei difficultatem, ac rationes utrinque pugnantes in suo iudicio maneat suspensus. *Dubium negativum* est, quando quis pro neutra parte habet rationes probabiles, & sic remanet suspensus neque affirmando, neque negando, quod talis actus sit licitus, aut illicitus. Et hoc modo etiam *Conscientia negative dubia* est explicanda.

30. CONCL. III. Cum Conscientia vere practice dubia semper est illicitum operari: id est, semper est peccatum, operari stante Conscientia vere ac proprie practice dubia, qua nempe quis dubitat, an in particulari illud sit peccatum, nec ne, quod operatur. Ita Scotus *Quæst. 2. Prologi, in fine. & in 4. dist. 30. quæst. 1. §. Dico ergo*; estque communis Doctorum. Ratio est: quia qui operatur cum Dubio proprie pratico seu (ut alii loquuntur) practice pratico, manifeste se exponit periculo peccandi; ergo etiam peccat, juxta illud Ecclesi. 3. *Qui amat periculum, in illo peribit.* Confirmatur Conclusio ex illo Rom. 14. *Omne, quod non est ex fide, peccatum est*: atqui illud, quod fit cum Conscientia practice dubia, non est ex fide, id est, ex dictamine Conscientiæ; ergo est peccatum.

31. CONCL. IV. Operans cum conscientia practice dubia, peccat pro qualitate dubii, & in ea specie peccati, de qua dubitat: ita ut, si dubitet, an peccet mortaliter, agendo mortaliter peccet; si venialiter, peccet venialiter; si dubitet, an in specie furti delinquat, operando malitiam furti contrahat,

104 *Tract. I. De Actibus Human. & Conscien. Dist. III.*
hat, & sic loquendo de aliis. Ita rursus Scotus *loc. cit.* & communiter Doctores, Ratio est: quia operans cum tali dubio practico, exponit se periculo transgrediendi præceptum tale vel tale, & peccandi in ea specie peccati, de qua dubitat; ergo etiam malitiam ejus contrahit. Probatur consequentia: quia juxta illud allegatum: *Qui amat periculum, in illo peribit*: atqui talis exponit se periculo peccandi in tali specie peccati; ergo operando cum tali periculo perit in ipso, id est, peccat in tali specie peccati. Et hoc Doctores passim extendunt ad casum, quo cuiuspiam in confuso proponitur aliquod opus peccaminosum a Conscientia, sub dubio tamen, an sit mortale vel veniale: nam exequens tale opus stante illo dubio practico, (sermo est de dubio proprie practico, & non de simplici anxietate, vel scrupulo) peccat mortaliter; quia operans cum tali dubio practico, exponit se periculo peccandi mortaliter. Concordant in simili dicta superius, n. 13. de Conscientia erronea.

32. Additur notanter, *sermo est de dubio proprie practico &c.* Nam dicta in hac utraque Conclusionem, intelligenda sunt de vero & proprie dicto dubio practico: id est, de tali, quo quis vere ac in particulari dubitat, an hoc vel illud sit peccatum mortale vel veniale, ita quod habeat verum iudicium suspensum, neque illud deponat. Nam si quis non vere dubitet, sed solum patiat quosdam timores, anxietates aut scrupulos, qui sæpe etiam hominem nolentem affligunt, non peccabit operando contra illos;

illos; præsertim si hoc faciat ex ratione aliqua probabili, vel sequendo consilium Confessarii, aut aliorum Doctorum, prout magis dicitur infra *Quest. 5.* agendo de Conscientia scrupulosa.

33. CONCL. V. Nihilominus operari cum conscientia solum speculative dubia, non semper est peccatum; etenim si tale dubium ex rationabili fundamento practice deponatur, peccatum non est facere aliquid, vel omittere cum dubio speculativo. Ita Doctor noster in 4. *Dist. 30. q. 1.* estque rursus communis Doctorum. Ratio est: quia regula nostrarum actionum non est notitia speculativa, quæ in sola objecti veritate cognoscenda consistit, sed practica, quæ omnium circumstantiarum qualitatem & conditionem perpendit; atqui objectum, quod secundum se & speculative consideratum apparet dubium, accedentibus certis circumstantiis potest reddi practice certum, quod liceat: ergo.

34. Declaratur Conclusio exemplis: inprimis, si quis dubitet speculative, an res, quam possidet, sit sua, nec ne, non obstante ejusmodi dubio speculativo, potest practice judicare, sibi defacto licitum esse rem illam retinere, eo quod in dubio melior sit conditio possidentis: sicque licite, & absque peccato rem illam retinebit. Similiter Sacerdos ægrotus, qui considerata qualitate morbi sui speculative dubitat, an sibi liceat a divini Officii recitatione abstinere, accedente Medici vel Confessarii consilio practice est certus, id sibi licere: unde deposito practice illo dubio suo, non peccabit omittendo Divinum Officium. Insuper miles, si spe-

culative dubitet de iustitia belli, potest hoc dubium practice deponere, atque ad mandatum sui Principis vel Ducis in eo militare, eo quod in dubiis standum sit iudicio Superiorum, simulque sibi a suo Principe hic & nunc pugna præcipiatur: & taliter deponens dubium suum speculative, non peccabit militando. Idem dicendum de innumeris aliis casibus.

35. Quæres, quomodo sit intelligendum illud commune dictum, *in dubiis tutior pars est eligenda*, prout desumitur ex Jure Canonic. c. *Juvenis de Sponsalibus*, & c. *ad audientiam de Homicidio*, & alibi. Resp. I. Per hoc axioma non intendi, quod in omni materia, omnique dubio, etiam mere speculativo, semper sit eligenda tutior pars; nam dubium speculative potest ex rationabili fundamento practice deponi, sicque cessat dubium: quia non est in dubio, qui probabilibus rationibus flectitur ad unam partem. Sylvester *vers. Opinio*, q. 1. Quinimo in certis materiis possumus etiam eligere partem minus tutam relicta tutiore, prout ex professo dicetur *Quæst. sequenti*. Resp. II. cum Ludov. Engel. *tit. de Voto num. 3.* & aliis, hanc regulam plerumque esse tantum de consilio, & non de præcepto, nisi quis in dubio pratico perseveret, neque ad ejus depositionem sese resolvere possit: tunc enim non licet agere cum tali Conscientia practice dubia, sed debet eligi pars tutior, juxta dicta *num. 30.* & 31. Alii respondent, dictum illud procedere in dubio negativo, ac proprie dicto, quando nimirum pro neutra parte adsunt ullæ rationes, vel

vel saltem non sufficientes, cur unam præ altera amplecti debeamus; secus autem esse in dubiis positivis, quando utrinque sunt rationes probabiles. Et hac ratione pro nunc potest responderi ad citatos textus Juris: nam exactior illorum Capitulorum explicatio spectat ad interpretes Juris.

36. Ex hætenus dictis, infertur, si quis dubitat, utrum aliqua actio sit peccatum, nec ne, videt autem, omittendo talem actionem nullatenus se peccaturum, quod is teneatur perseverante tali dubio, abstinere ab illa actione; alioquin enim peccaret. Quod si vero Conscientia dubia existat de utraque contradictionis parte, ita ut quis dubitet, an ipsa actio sit peccatum, aut potius ejus omissio, tunc tutior pars sic debet eligi, quod dubitans, adhibeat diligentiam, quam potest, ad dubium prudenter deponendum, petendo videlicet consilium a doctioribus, vel ex se discurrendo, Deumque rogando, ut se dignetur illuminare: hoc enim est tutius, utpote cum in depositione talis Conscientiæ dubiæ nullum subfit periculum peccandi, bene tamen in executione aut omissione actus durante tali dubio. Si autem adhibitis præfatis medijs pro neutra parte possit quis dubium deponere, eligat illam partem, in qua minus mali sibi apparet; quia hæc censebitur tutior in tali casu, juxta illud commune dictum (& habetur *can. Duo mala & can. Nervi dist. 13.*) *Ex duobus malis minus est eligendum, & tunc aliquis non peccabit eligendo minus malum.*

QUÆSTIO IV.

De Conscientia probabili, & an ipsam licite sequi possimus?

37. **P**RÆSENS Quæstio est una ex utilissimis, quæ occurrunt in Tractatu de Actibus Humanis: quia vero ipsa ob sui nobilitatem, simulque copiam materiarum, longiori indiget discussione, ne ejus prolixitas pariat confusione, expedit, ut eam in Paragraphos dividamus.

§. I.

Quid sit Conscientia, & Opinio probabilis?

S U M M A R I U M.

- 38. Conscientia probabilis, quid?
- 39. Est cum formidine de opposito.
- 40. Diversitas sententiarum in dijudicando, quæ Opinio sit probabilis.
- 41. Opinio probabilis, quæ?
- 42. Opinio probabilis probabilitate intrinseca, vel extrinseca, quid?
- 43. Est alia magis, alia minus probabilis, & tuta.
- 44. Per probabilitatem quantumvis tenuem, Quid intelligatur?
- 45. Sententia Raymundi Lumbier.
- 46. Sententia Joannis de Cardenas.

38. **C**ONCL. I. Conscientia probabilis, quæ etiam opinativa dicitur, est judicium practicum intellectus, quo quis ex gravi, licet non penitus

nitus certo fundamento, assentit, & adhæret uni parti determinate, sed cum formidine de opposito. Ita in re communis. Differt inprimis a Conscientia certa seu recta, quod hæc relinquat intellectum certum de una parte contradictionis; non autem Conscientia probabilis, utpote quæ habetur cum formidine de opposito. Differt etiam a Conscientia dubia, utpote quæ neutri parti determinatum præbet assensum, sed manet anceps ac suspensa intra utramque contradictionis partem; non sic Conscientia probabilis, utpote quæ determinate assentit uni parti ex fundamento probabili, licet cum formidine de opposito.

39. Dicitur notanter, *licet cum formidine de opposito*: nam cum illud fundamentum non sit omnino evidens, sed probabile tantum, potest ipsi subesse falsum. Cæterum per hanc formidinem de opposito tollitur quidem firmitas assensus, non autem ejus determinatio: adhuc enim intellectus determinate assentit uni parti, & quidem ex gravi fundamento, licet non adeo firmiter, prout fit in Conscientia recta. Quod si vero intellectus in re morali formet judicium circa honestatem, malitiam, aut indifferentiam actus, vel objecti duntaxat ex levi, vel etiam nullo fundamento, ea non erit Conscientia probabilis, sed improbabilis & temeraria.

40. Quantum attinet ad alteram partem quæstionis, necessario prorsus præmittendam, eo quod Conscientia probabilis sequatur ad opinionem probabilem, sicut assensus conclusionis ad assensum præmissarum; quænam in specie

opinio censerī debeat probabilis, prout fecer-
nitur ab improbabili, hoc opus, hic labor est:
quot enim capita, tot sententiæ, & qui alicujus
opinionis assertor est, illi veram probabilitatem
assignat. Quinimo jamjam cruda illa quorum-
dam assertio cœpit in auribus prurire, quod
unius aut alterius Auctoris dictum fundet opi-
nionem probabilem. Sed quoniam hæc doctri-
na periculosa sane fuit, non immerito eandem
Sedes Apostolica rejiciendam censuit, dum A-
lexander VII. inter alias Propositiones etiam
hanc, ordine 27. damnavit: *Si liber sit alicujus
junioris, & moderni, debet opinio censerī proba-
bilis, dum non constet, rejectam esse a Sede Apo-
stolica tanquam improbabilem.* Hac itaque Pro-
positione dimissa, sit

41. CONCL. II. *Opinio probabilis genera-
tim illa censetur, quæ gravi nititur fundamen-
to, licet non penitus certo, simulque nullam
contra se habet rationem convincentem.* Ita
communior modus loquendi Doctorum: ne-
que desentit Aristoteles 1. *Top. cap. 1.* ubi ait:
*Probabilia sunt, quæ videntur omnibus aut pluribus,
vel sapientibus omnibus aut plurimis.* Præsertim
autem ad hoc, ut opinio censerī possit proba-
bilis, requiritur, quod non sit contra Sacram
Scripturam, Definitionem Sanctæ Matris Eccle-
siæ, Traditiones Sanctorum Patrum, aut una-
nimem Doctorum consensum: nam opinio in
aliquo horum deficiens, non tam opinio censerī
debet, quam Hæresis, vel Error, aut Teme-
ritas.

42. Cæterum quia grave illud fundamentum,
cui

Quæst. IV. De Consc. prob. §. I. Quid sit Consc. &c. III

cui opinio probabilis innititur, duplex esse potest, intrinsecum videlicet, atque ex ipsa rei natura, effectibus & circumstantiis ipsius desumptum, & extrinsecum, nempe ex magna Doctorum eam tenentium auctoritate depromptum: hinc dupliciter poterit opinio quædam operanti esse probabilis, scilicet vel probabilitate intrinseca, vel probabilitate saltem extrinseca. *Opinio probabilis probabilitate intrinseca* dicitur illa, cujus probabilitas habetur ex ratione: id est, ex principiis intrinsecis talis propositionis, qualia sunt causæ, vel effectus ipsius, aut definitio, vel circumstantiæ, aut quid simile. *Opinio probabilis probabilitate extrinseca* censetur ea, quæ habetur ab auctoritate; id est, a gravitate atque prudentia Doctorum eam tenentium: qualis potissimum habet locum respectu idiotarum, & hominum minus peritorum, qui rationes intrinsecas examinare, atque de ipsis iudicium ferre non possunt: quibus proinde ad prudenter & rationaliter, sicque ad probabiliter operandum, sufficit, si a Viro docto, prudenti pioque intelligant, hoc sibi licere. Quinimo etiam apud Virum doctum quandoque auctoritatem alicujus Doctoris valde periti, & timoratae conscientia, majoris esse ponderis, quam esset ratio aliqua verisimilis ceteroquin ad probabilitatem sufficiens, inter alios notat Sanchez lib. 1. in Decal. cap. 9. num. 8. cum auctoritas tanti Doctoris, & qui rem mature examinasse, probeque intelligere censetur, non sit leve fundamentum.

43. Insuper quia fundamentum illud, cui innititur opinio probabilis, potest esse majus & minus, seu magis minusque grave; hinc sequitur, inter opiniones probabiles dari latitudinem: ex his enim alia est probabilior, quæ videlicet firmiori fulcitur fundamento, efficacioribusque firmatur rationibus; alia minus probabilis, quæ licet habeat fundamentum ad probabilitatem sufficiens, non tamen tam firmum, ut altera opinio. Tutior autem opinio dicitur ea, in qua minus periculum peccandi reperitur: & potest bene accidere, quod opinio aliqua sit tutior, non tamen probabilior, imo minus probabilis. Exemplum sit in ea quæstione, an furripiens rem proximi in extrema necessitate, teneatur ad restitutionem, si ad pinguïorem fortunam pervenerit: nam in hoc casu tutius erit restituere, quia restituendo nequit committi peccatum: nihilominus opposita sententia, negans obligationem restituendi, est probabilior, eo quod jure poli in extrema necessitate sint omnia communia.

44. Quæres, quid intelligatur per *Probabilitatem quantumvis tenuem*, de qua loquitur Propositio novissime damnata ab Innocentio XI. estque ordine 3. & sic sonat: *Generatim dum probabilitate, sive intrinseca, sive extrinseca, quantumvis tenui, modo a probabilitatis finibus non exeat, consilii aliquid agimus, semper prudenter agimus.* Resp. I. Hæc Propositio damnatur a Pontifice, sicut jacet, prout in principio sui Decreti monet idem Pontifex: unde cum primis rejecta est sententia, quæ indefinite, atque

atque in omni casu & materia licitam esse sequelam opinionis probabilis asserit.

45. Resp. II. Quænam sit opinio tenuiter probabilis, atque in citato Decreto damnata, variant Doctores. Et quidem Raymundus Lumbier *Tom. 3. Summa a n. 1737.* distinguit duplex genus opinionum probabilium, eo quod aliæ sint certe probabiles, & aliæ sunt probabiliter probabiles; & addit, per opiniones tenuiter probabiles in citato Decreto intelligi eas, quæ solum sunt probabiliter probabiles: id ipsum sentit Emmanuel de Filguera in *Lucerna Decretali, in exposit. 3. Proposit. Innocentii XI.* Et hi auctores per opinionem certo probabilem volunt intelligi eam, quæ est intrinseca ex fundamentis, quibus innititur: vel ex Doctoribus, si existat extrinseca, qui eam tuentur, imò & ex contrariis eam probabilem vocantibus: unde talis opinio certitudinem tribuit sive eam sequenti, sive consulenti, quod sit probabilis. Probabilitas probabiliter talis duntaxat desumitur communiter ex paucis Doctoribus eam opinioni tribuentibus, sed ab aliis plerumque probabilis non censetur: & addunt, quod ejusmodi opinioni probabiliter tali nefas sit adhærere, quia ex ea nequit aliquis prudenter certum dictamen concipere ad operandum, sed tantum dubium.

46. Econtra Joannes de Cardenas, in *Crisi Theologica, ad Propositionem III. Innocentii XI. cap. 5. n. 34.* ait, quod opinio tenuiter probabilis, quæque in dicto Decreto damnatur,

H

non

Anacl. Reiffenstuel. Theol. Tom. I.

non sit ea, quæ est probabiliter probabilis (qui enim format iudicium probabile de probabilitate opinionis, non habet dubium practicum de illa, sed potius iudicium reflexum certum) sed illa, quæ quamvis habeat probabilitatem apparentem, plures tamen Viri sapientes dubitant de ejus probabilitate. Sive ea (inquit) censetur opinio tenuiter probabilis, de cujus probabilitate merito dubitatur: unde opinio tenuis probabilitatis in idem recidit, ac opinio dubiæ probabilitatis; quando autem dubitatur de probabilitate, intervenit dubium practicum, in quo tutior pars est amplectenda. Plura de his citatus Cardenas: nobis in progressu non est sermo de opinionibus tenuiter duntaxat probabilibus.

§. II.

An sit licitum sequi Sententiam probabilem etiam in concursu probabilioris & tutioris?

SUMMARIUM.

47. *Questiones alie versantes circa honestatem actus, alie circa Materiam facti, quæ?*
48. *Notabile discrimen inter utrasque.*
49. *Quod amplius declaratur.*
50. *Licitum est, in rebus moralibus sese conformare Conscientiæ vere probabili.*
51. *Frustra post factum inquiritur sententia probabilis.*
52. *Ex propositionibus æque probabilibus, & circa honestatem Actus versantibus, potest eligi qualibet pro libitu.*

S. II. An sit licitum sequi Sententiam Eccl. 115

§3. Imo *Et opinio vere quidem, sed minus probabilis relicta probabiliori Et tutiori.*

§4. *Quamvis id non semper expediat.*

Neque locum habeat quoad Propositiones de Fide.

(c) Tract. 4. dist. 2. n. 30.

§5. *Confessarius debet se conformare opinioni penitentis vere probabili.*

§6. *Premissa doctrina non habet locum in questionibus circa Materiam facti versantibus.*

47. **A**DVERTENDUM, quod quantum ad propositum, aliæ Quæstiones versentur circa honestatem actus, quæ solet vocari *Materia Juris*, & aliæ circa naturam, conditionem seu validitatem actus, quæ dici solet *Materia facti*, ut notat Mastrius 2. *Sent. disp. 5. n. 142. & in Theol. mor. disp. 1. n. 73. Quæstiones circa honestatem actus versantes*, dicuntur illæ, in quibus quæritur, an hæc vel illa actio sit licita & honesta, ita ut absque peccato fieri possit: puta, an vir sexagenarius teneatur ad jejunium Ecclesiasticum? an Clericus voluntarie distractus sub recitatione Horarum Canoniarum satisfaciat? an in die Festo licitum sit pingere? ac hujusmodi. *Quæstiones versantes circa validitatem, naturam seu conditionem actus*, hoc est, circa Materiam facti, censentur illæ, in quibus de aliquo horum quæritur: puta, utrum Baptismus aqua rosacea collatus sit validus? utrum hæc vel illa medicina sit infirmo profutura? an hæc pars litigantium in Judicio habeat justam causam? in quarum prima quæ-

316 *Tract. I. De Actibus Hum. & Conſcien. Diſt. III.*
ritur de validitate actus ſive Baptiſmi, in ſe-
cunda de natura ſeu virtute medicinae, & in
tertia de conditione cauſae.

48. Eſt autem inter Quaſtiones prioris & po-
ſterioris generis notabile diſcrimen: ſiquidem
honeſtas actus proxime dependet totaliter a
prudenti iudicio operantis, cui ſi actus eſt con-
formis, hoc ipſo bonus eſt ac honeſtus; ſi diſ-
formis, malus. Ratio eſt: quia conſcientia eſt
proxima regula actionum humanarum, per
quam voluntati, quæ de ſe eſt potentia cæca,
dictatur, quid ſit agendum vel fugiendum: un-
de ſit, quod ſi actus eſt conformis Conſcientiæ
practice rectæ, licet forſan invincibiliter erran-
ti, adhuc talis actus non ſit formaliter peccat-
tum, neque imputetur ad culpam.

49. Secus eſt de Quaſtione poſterioris ge-
neris, ſeu quæ verſantur circa Materiam facti:
etenim actus non deſumit ſuam naturam, con-
ditionem, aut validitatem ex iudicio noſtri in-
tellectus, quantumvis prudenti; ſed vel ex
natura ſua intrinſeca, vel ex ordinatione aut
inſtitutione extrinſeca alterius. Sic enim me-
dicina, ſi a parte rei & ex intrinſeca natura ſua
non eſt proficua, ſed nociva, nil proderit in-
firmo, imo ipſum occidet, non obſtante iu-
dicio probabili Medici, exiſtimantis eam profu-
turam. Similiter cauſa litigantis in iudicio non
eſt juſta ex eo, quia eam Iudex probabiliter
cenſet juſtam, ſed quia ipſa a parte rei, & ſe-
cundum Legum ordinationem talis eſt. Sic
pariter Baptiſmus aqua roſacea collatus non va-
lebit ob probabile iudicium Miniſtri, arbitran-
tis

tis ipsum valiturum, si revera talis non est ex institutione Christi. Et hinc non mirandum, quod diverso modo de his, ac de prioribus in progressu simus locuturi: nam sequendo Sententiam probabilem circa honestatem actus, nullum incurritur periculum alicujus peccati, vel alterius damni; secus accidit in materia facti, ubi ex sequela opinionis minus probabilis relicta probabiliori ac tutiori incurritur magnum periculum nocuenti in bonis animæ, corporis aut fortunæ, proximo inferendi, si forsitan a parte rei opinio illa non subsisteret. His prænotatis sit

50. CONCL. I. Potest homo in rebus moralibus, & actionibus humanis, licite sese conformare conscientiæ seu opinioni vere probabilis. Hæc conclusio sic absolute prolata, ac præscindendo a quacunque probabilitate opinionis oppositæ, est ferme omnium Theologorum, imo & Jurisperitorum, prout fatetur Prosper Fagnanus in cap. Ne innitaris. num. 45. de Constit. quamvis ipse postmodum contrariam sententiam teneat. Ratio est: quia ut aliquis licite & honeste operetur, sufficit, quod quis regulam rectæ rationis sequatur: sed hoc fit sequendo Sententiam vere probabilem; hæc etenim non ex levi, sed gravi fundamento auctoritatis, vel rationis concipitur; ergo. Confirmatur: quia, cum in moralibus haberi semper non possit omnimoda certitudo per rei evidentiam, consequenter sufficit certitudo ex probabilibus desumpta, alioquin enim vix quidquam recte ageretur, propter incertitudinem rerum

118 *Traçt. I. De Actibus Hum. & Conscien. Dist. III.*
practicarum. Hinc Alexander Papa VIII. die
7. Decembris, 1690. inter alias Propositiones
etiam sequentem ordine 3. non immerito dam-
navit: *Non licet sequi opinionem, vel inter pro-*
babiles probabilissimam.

51. Objices tamen. Judicium probabile
propter formidinem, quam habet intrinsecus
infixam, non est certum; ergo non potest ha-
bere moralem certitudinem, & consequenter
neque esse regula rectastrarum actionum.
Resp. Antecedens esse verum speculative, non
autem practice; prout in simili dictum est su-
pra n. 33. & seqq. de dubio speculativo, & pra-
ctico: hinc taliter distincto antecedente, ne-
gatur consequentia. Solum hic vitandus quo-
rundam abusus, qui post actum jam perpetra-
tum ad medendum remorsibus Conscientiæ suæ
student calibus, ut inveniant fundamenta &
opiniones Doctorum probabiles, quæ suo de-
siderio faveant. Hoc enim (ut loquitur He-
rinex *disp. 4. de Conscientia quest. 3. n. 25.*) plane
est medicinam sperare post mortem: nam atten-
dendum est dictamen Conscientiæ antecedens,
quod direxit operationem, non aliud subse-
quens, utpote quod actum jam præteritum pra-
ctice nequaquam dirigit.

52. CONCL. II. Insuper, quando duæ oc-
currunt opiniones æque probabiles circa hone-
statem actus versantes, licitum erit eligere eam,
quam quis maluerit. Ita communior Docto-
rum, præsertim Theologorum, contra Fagna-
num *loc. cit. n. 121.* & seqq. Ratio desumitur
cum ex dictis. n. 50. Tum ex eo: quia quando
utra-

utraque opinio est æque probabilis (non enim repugnat, quod intellectus humanus ex diversis principiis, atque rationibus hinc inde applicatis, judicet utramque contradictionis partem æque probabilem) non est major ratio, cur quis unam potius sequi teneatur, quam alteram; ergo liberum erit eligere, quam maluerit. Nec obstat, quod alterutra contradictionis pars a parte rei sit falsa. Quia hoc ipso, quod ejus falsitas determinate non cognoscatur, neque moraliter cognosci possit, ea etiam per errorem electa, non violaretur formaliter præceptum ali- quod, etsi materialiter contra illud ageretur; quod stante ejusmodi Conscientia vere probabili, culpa vacat ob rationes dictas.

53. CONCL. III. Loquendo de actibus quantum ad eorum honestatem spectatis, etiam in concursu probabilioris & tutioris, licite potest eligi opinio vere quidem, sed minus probabilis, minusque tuta; quamvis hoc non semper expediat. Ita communior Theologorum, præsertim Recentiorum, etsi Canonistæ, atque non pauci alii teneant contrarium. Ratio est. Tum quia, qui juxta opinionem vere probabilem operatur, non temere, sed prudenter operatur; ergo non peccat, cum honestas actus proxime dependeat a prudenti judicio operantis. Tum quia, loquendo de actibus quantum ad eorum honestatem spectatis, qui se conformat dictamini Conscientiæ vere probabilis, non exponit se ulli periculo inferendi aliquod nocu- mentum, sive sibi, sive proximo, ex dictis

n. 48. & seqq. Tum quia Summi quoque Ponti-

120 *Traçt. I. De Actibus Hum. & Conscien. Dist. III.*
fices quandoque secuti sunt opinionem probabilem, relicta probabiliore, ac tutiori, prout inter alios refert Bernardus Sannig. *Tom. 1. Scholæ Theologicæ, traçt. 7. dist. 5. q. 3. n. 7. recte n. 4.* præmittens, hanc Sententiam non esse revocatam per novissimum Decretum Innocentii XI. 2. Martii 1679. emanatum. Et hoc ipsum patet ex verbis citati Decreti; partim quia circa initium ipsius Pontifex expresse declarat, se damnare Propositiones ibi contentas, sicut jacent: partim quia prima & tertia propositio, quæ ad propositum præ cæteris faciunt, loquuntur generatim, atque etiam in Sacramentis, vel de opinionibus, *quantumvis tenuis probabilitatis*, quales absit defendere, ut supra n. 40. & 44. & seqq. notatur.

54. Additur notanter in Conclusionem, *quavis id non semper expediat.* Tum quia non omnia, quæ licent, semper expediunt juxta illud D. Apostoli 1. Cor. 6. *omnia mihi licent, sed non omnia expediunt.* Tum quia, ut Doctor Subtilis in 3. dist. 25. q. 1. §. *Sed hic occurrunt*, recte monet: *In moralibus quando sunt altercationes de aliquo peccato, quando primo est mortale, ut si unus peritus in scientia dicat, quod non licet sic mercari, & alius dicat, quod licet, tutius est non procedere sic, nec sic, sed expectare, quousque veritas pateat.* Hæc ille, per ly *tutius est*, hanc partem optime consulens, sed eam sub obligationis vinculo non concludens. Adde etiam, quod præmissa Conclusio locum habere non possit quoad propositiones circa Mysteria, Fide Divina credenda formatas.

Ra-

Ratio hujus est : quia Conclusio solum loquitur de propositionibus vere probabilibus : atqui circa Myſteria , quæ Fide Divina credenda ſunt , propositio falſa in concurſu alterius , jam cognita ut probabilioris , nunquam poteſt habere rationem propositionis vere probabilis , prout infra ſuo loco (c) dicetur.

55. CONCL. IV. Confessarius tenetur conformare ſe quoad Judicium Sacramentale opinioni pœnitentis , ſi ejus opinio vere probabilis ſit , etiam contra propriam opinionem ; & conſequenter , ſi pœnitens bona fide ſequatur ſententiam , quæ a probatis Auctoribus tanquam tuta & probabilis defenditur , Confessarius vero eam ſpeculative improbabilem cenſeat , tenetur is , deſiſſe , ac relicto proprio judicio , beneficium abſolutionis eidem impendere. Ita Sanchez *lib. 1. in Decal. c. 9. n. 27. & ſeqq.* & communior Doctorum ; & favet Scotus 4. *dist. 15. q. 1. §. Ex hoc dico* , volens , hoc obſervandum a Confessario in imponenda pœnitentia. Ratio eſt : quia audita Sacramentali Confessione , non poteſt Confessarius negare abſolutionem pœnitenti rite diſpoſito , nullumque peccati obicem ponenti : atqui pœnitens ſequendo opinionem vere probabilem non peccat , ac proinde (niſi aliud obſtet , recte eſt diſpoſitus ; ergo non poteſt ipſi abſolutio denegari. Hinc Layman *lib. 1. Tract. 1. c. 4. n. 10.* ſic loquitur : *Reprehendenda eſt quorundam Confessariorum conſuetudo , qui veriti pœnitentem contra propriam Sententiam abſolvere , eundem ad alium Confessarium ablegant , qui oppoſitam opi-*

122 *Traët. I. De Actibus Hum. & Conscien. Dist. III.*
nionem probabilem tenet : si enim ille alter absol-
vere potest, cur non & tu possis? aut cur tua
speculativa persuasio penitenti obesse debeat?

56. CONCL. V. Etsi in Quæstionibus de honestate actus præmissa doctrina locum habeat, aliter tamen est discurrendum loquendo de Materia facti, & quantum attinet ad Quæstiones de natura, conditione, aut valore actus, prout inter alia suadet diversitas utriusque supra n. 48. & 49. insinuata. Dicendum proinde cum communissima, & receptissima Doctorum sententia (quidquid unus, vel alter frustra reclamet) in Materia facti non esse licitum, sequi Sententiam minus probabilem, minusque tutam in concursu probabilioris ac tutioris. Ratio est: quia nemo potest extra casum necessitatis tuto, ac licite sese exponere gravi periculo inferendi magnum damnum proximo: atqui in Materia facti sequens opinionem minus probabilem in concursu probabilioris ac tutioris, exponeret se gravi periculo inferendi magnum damnum proximo, & quidem extra casum necessitatis, utpote cum juxta hypothesin tali periculo facile possit occurrere eligendo opinionem probabilioris & tutioris; ergo id non licet. Major patet ex præcepto Charitatis de diligendo proximo, sicut se ipsum. Minor probatur inductione. Sic enim Sacerdos in administratione Sacramentorū adhibens materiam vel formam dubiam, minusque probabilem & tutam, cum possit adhibere certam aut tutiorem, exponeret sine ulla prorsus necessitate non solum periculo invaliditatis ipsum Sacramentum, sed etiam

§. III. *Inferuntur corollaria de Ministro &c.* 123

recipientem periculo non habendi fructum Sacramenti, cum dispendio æternæ salutis, si forte sua Sententia minus probabilis a parte rei falsa esset. Similiter Medicus adhibendo medicamina minus tuta, probabilioribus ac tutioribus, quæ posset adhibere, relictis, ponit infirmum in periculo perdendæ sanitatis, aut etiam vitæ, cum irreparabili damno. Item Judex, adjudicans causam parti, minus probabilem sententiam habenti in Jure, exponeret se periculo inferendi grave damnum in bonis fortunæ alteri parti litigantium, probabiliorem sententiam habenti. Siquidem ad evitanda ista damna proximo impendentia, nihil prorsus juvat probabile iudicium operantis.

§. III.

Inferuntur corollaria de Ministro Sacramentorum, Medico, Judice, Advocato.

SUMMARIUM.

57. *Tres aureæ Regule Scoti a Ministro Sacramentorum observandæ.*
58. *Non licet sequi opinionem probabilem de valore Sacramenti, relicta tutiore.*
59. *Ditæ Regule Scoti etiam observandæ a Medico, & Judice.*
60. *Quid observandum a Medico in curando infirmo?*
61. *Quid agendum Judici in judicando?*
62. *Præsertim quando litigantes habent pro se opiniones æque probabiles.*

*Et

* *Et quid in causis criminalibus?*

63. *Quid dicendum de Advocatis?*
 64. *Quædam obligationes Advocatorum.*
 65. *Solvuntur objectiones.*
 66. *In Medicina & Jure, quomodo dentur opiniones probabiles?*
 67. *Differentia inter Judicem & Advocatum, atque officium utriusque.*
 68. *Bellum inferre, & litem judicialiter movere, differunt.*

57. **Q**Uantum igitur attinet inprimis ad Ministrum Sacramentorum, sunt eidem observandæ, ac præ oculis jugiter habendæ, tres illæ aureæ Regulæ, quas Doctor Subtilis 4. dist. 3. q. 2. §. *Tertia de forma. vers. Circa istum*, adducit, & sequuntur alii communiter. Prima est: *Si possibilitas adest, via tutissima est eligenda*; Secunda: *Si non adest possibilitas, via tutissima proxima est tenenda*. Tertio est ista: *Cessante impossibilitate caute est supplendum, quod impossibilitas prohibebat*. Unde Baptismus v. g. in materia, vel forma dubia collatus, denuo sub conditione iterandus est, ut dicitur in Jure Canonico c. *De quibus. de Baptismo*.

58. Unde jure merito novissime ab Innocentio XI. damnata est, & tanquam scandalosa, & in praxi perniciose prohibita sequens Propositio ordine I. *Non est illicitum in Sacramentis conferendis sequi opinionem probabilem de valore Sacramenti relicta tutiore, nisi id vetet lex, conventio, aut periculum gravis damni incurrendi. Hinc sententia probabili tantum utendum non est in colla-*

collatione Baptismi, Ordinis Sacerdotalis aut Episcopalis. Fæc, inquam, Propositio est damnata: ac proinde hætenus dicta, præsertim circa materiam Sacramentorum, magis confirmantur. Major declaratio hujus confixæ thesisi dabitur in sequente *questione addita*.

59. Licet autem supra dictas tres Regulas Doctor noster ex professo tradiderit observandas circa Sacramentorum materiam & formam ab eorum Ministro, seu spiritali Medico animæ; oportet nihilominus easdem (servata tamen proportionem) etiam observari a vero Medico in curandis ægitudinibus hominis, atque etiam a Judice in ferendis sententiis.

60. Quantum igitur attinet ad Medicum, notant communiter Doctores, Medicum in curando infirmo debere sequi sententias certas, si adsint, relictis incertis ac dubiis. Hinc, ut notat Layman. *loc. cit. n. 15.* citans plures alios, etsi probabilis opinio sit, medicamentum infirmo profuturum esse, non ideo sequitur probabile esse, quod liceat Medico tale medicamentum dubium adhibere; quin potius, cum agatur de periculo corporis, securior via est eligenda. Quare Medici, & Chirurghi, debent sequi sententias certas & securas, si suppetant rejectis incertis ac dubiis, graviterque peccat Medicus, si experiendi tantum causa inexplorata medicamenta certis dimissis infirmo adhibeat, ejusque sanitatem & vitam hac ratione gravi periculo exponat. Quod si certa curatio non

occurrat, tenetur Medicus sectari ea, quæ probabiliora judicat, posthabitis opinionibus minus probabilibus. Si vero nulla medicamenta suppetant nisi dubia & periculosa, tunc prudenter examinandum erit, hinc quidem vis ac periculum morbi, illinc vero tam spes sanandi, quam timor & periculum nocendi, & quidem si Medicus intelligat, certo moriturum infirmum, nisi medicamentum adhibeatur, non carens quidem periculo accelerandæ mortis, junctum tamen cum probabili spe conferendæ sanitatis, adhibere poterit.

§1. Quantum tandem attinet ad Judicem, etiam communiter notant Doctores, quod Judex teneatur judicare secundum sententiam, quæ inspectis allegationibus & probationibus, partium probabilior est, Jurique conformior. *L. ob Carmen §. 3. ff. de Testibus.* nam Judicis officium est, partibus litigantibus sententiam dicere secundum merita causæ. Unde cavenda est doctrina nonnullorum Theologorum, olim volentium, si circa propositam controversiam contrariæ sint opiniones probabiles de jure, posse Judicem relicta probabiliore judicare secundum alteram minus probabilem. Quinimo hæc sententia modo est expresse rejecta ab Innocentio XI. qui damnavit sequentem, ordine 2. Propositionem: *Probabiliter existimo, Judicem posse judicare juxta opinionem etiam minus probabilem.*

62. Similiter cavenda est illa nonnullorum Theo.

§. III. Inferuntur Corollaria de Ministro &c. 127

Theologorum sententia, qui volebant, quando utraque opinio est æque probabilis, integrum esse Judici, quam maluerit, opinionem eligere, & secundum eam judicare, imo cessante scandalo nunc secundum unam, nunc secundum aliam. Cavendum, inquam, est ab hujusmodi sententia: quis enim non videat, ab æquitate alienum esse, si duo æquale jus habent, Judicem, quem oportet esse juris interpretem, Justitiæque Administrum, uni eorum totum adjudicare, alteri abjudicare? Unde non immerito Alexander VII. inter alias etiam sequentem, ordine 26. Propositionem damnavit. *Quando litigantes habent pro se opiniones æque probabiles, potest Judex pecuniam accipere pro ferenda sententia in favorem unius præ alio.* Igitur in tali casu, si post causæ accuratam discussionem neutra litigantium pars, inspectis allegatis, de facto, aut de jure superare videatur, debet Judex vel arbitros, partium consensu statuere, vel compositionem suadere, imo etiam impetrare, si casus nimium sit intricatus, causaque diutius jam protracta vel, denique cuilibet dimidium juris, aut rei, de qua lis est, adjudicare: nisi forsitan unus ex litigantibus foret in possessione rei litigiosæ; nam tunc potius huic Judex favere deberet; cum in pari causa potior sit conditio possidentis. Reg. 65. Juris in 6. & Reg. 128. ff. de Reg. Juris.

Additio.

* Dices: Si Rationes & Probationes sunt probabiliores, quod aliquis accusatus, vel inquisitus

fitus ob certum grave delictum e. g. Homicidii sit nocens : interim tamen adhuc adsunt etiam rationes in contrarium vere probabiles, quod sit innocens, Judex in tali casu pronuntiat, ac sententiam dicit pro reo, saltem non condemnando eundem ad mortem : ergo potest Judex sequi sententiam minus probabilem. Ante responsionem nota, aliud esse iudicium Civile, & aliud Criminale. Iudicium Civile principaliter respicit commodum privatum litigantium. Criminale vero bonum commune, & vindictam publicam. H. N.

Respond. concess. antec. distinguo consequens. Judex potest sequi sententiam minus probabilem in actionibus civilibus, neg. in criminalibus, subdist. potest sequi talem sententiam, quæ sit minus probabilis attendendo præcise ad principia directa & speculativa, conc. quæ esset minus probabilis respiciendo pariter ad principia reflexa, & practica, neg. conf. Nam attendendo ad principia reflexa, ipsa jura in criminalibus gravioribus præcipiunt, ut nullus ad gravissimam ordinariam pœnam condemnatur, nisi similes probationes sint omnino claræ; quoniam *satius est, impunitum relinqui facinus nocentis, quam innocentem damnare. L. absentem ff. de Pœnis.* Præsertim cum ex tali non condemnatione Rei publicæ nullum immineat periculum gravis mali, vel, si hoc adesset, reus posset accurate observari, aut omnino custodiri pro exigentia periculi. Econtra vero ex condemnatione ad mortem Reo, forsan a parte rei innocenti immineret damnum irreparabile. *

§. III. *Inferuntur Corollaria de Ministro &c.* 129

63. Quæres, an id, quod proxime de Judice dictum est, similiter de Advocato sit sentiendum? Resp. negative, prout tenet communior Doctorum, præter Fagnanum *loc. cit. num. 381. 387. ac seqq.* & quosdam alios. Ratio est: quia Advocati officium non est, definire, sive jus dicere inter partes contendentes, sed uni parti litigantium assistere, atque patrocinium afferre: cum igitur, quotiescunque causa dubia seu controversa est, permittatur parti litem cum adversario contestari, atque propositis juribus & rationibus suis sententiam Judicis dirimentis expectare; consequenter, si Advocatus causam clientuli non manifeste iniquam, sed probabilem judicet, licite ejus patrocinium suscipit, etsi causam adversarii probabiliorem, & facilius obtinendam arbitretur. Imo fieri potest, atque nonnunquam solet, ut pars illa, quæ a principio minus probabilis apparebat, in progressu litis probabilior evadat.

64. Notant tamen Doctores, quod Advocatus, causam dubiam suscipiens, ad aliqua sit obligatus. Et primo quidem, ut ante omnia diligenter inspiciat causæ sibi propositæ æquitatem, aut probabilitatem; & si injustam comperiat, nullo modo ejus patrocinium suscipiât. Ratio est: quia alioquin peccaret cooperando ad malum. Secundo, ut post diligentem totius causæ considerationem sincere aperiat clienti, quantam probabilitatem, vel spem obtinendæ victoriæ habeat; alioquin enim, si falsa opinione aut spe inani victoriæ clientem detineat,

I

ac

130 *Tract. I. De Actibus Hum. & Conscien. Dist. III.*
ac sumptibus frustra faciendis involvat, ad
compensationem damni ei obligatur. Tertio,
ut Advocatus, qui causæ dubiæ patrocinium
fufcipit, paratus sit quamprimum desistere,
& clienti suo significare, si in progressu litis
ejus iniquitatem manifeste deprehenderit: non
tamen, ut notat D. Thomas 2. 2. q. 71. art. 3.
debet eam prodere, ut scilicet aliam partem
juvet, vel secreta suæ causæ alteri parti reve-
let, sed debet causam deferere, vel eum, cu-
jus causam agit, inducere ad cedendum, vel
componendum sine adversarii damno. Plura
de hoc in jure Canonico *lib. 1. tit. 32. n. 69 &*
seqq.

65. Objicies I. Contra hætenus dicta. Ad
prudenter operandum sufficit certitudo mora-
lis, non enim tenemur semper habere summam
rei certitudinem, sed sufficit moralis; atqui
similiter Sacerdos, Medicus, & Judex habet
certitudinem moralem, quod non peccet, nul-
lumque damnum proximo inferat, eo ipso,
quod pro se habeant sententiam vere probabi-
lem: ergo. Resp. negando minorem, loquen-
do de casu, quo ejusmodi opinio probabilis
circa Materiam facti habetur in concursu pro-
babilioris, ac tutioris. Tunc enim Medicus
v. g. non est moraliter certus de procuranda
sanitate infirmi, si neglecto tutiori ac proba-
biliori pharmaco, quod hic & nunc adhibere
posset, adhibet aliud minus tutum, minusque
probabile: neque etiam habet pro se sententi-
am vere probabilem, quod id licite facere possit,
tum ob grave periculum nocimenti infirmo in-
fe-

§ III. *Inferuntur Corollaria de Ministro* Sc. 131
ferendi, tum ob communem sententiam Docto-
rum, id licite fieri negantium.

66. Dices : si hoc est verum, ergo in Me-
dicina, in Jure, in Sacramentorum administra-
tione nulla dabitur opinio probabilis : quia ne-
mini unquam licebit eis uti : atqui hoc est ab-
surdum ; ergo. Respond. ejusmodi opiniones
in Concurſu alterius opinionis probabilioris ac
tutioris, dici solum probabiles speculative, non
autem practice. Ratio est : quia non possumus
ex ipsis formare judicium practicum, quod di-
cet, hic & nunc esse licitum, absque ulla neces-
sitate omittere viam certam, vel saltem tutio-
rem, & eligere cum gravi periculo damni pro-
ximo inferendi aliam minus certam, minusque
tutam. Interim tamen speculative etiam in me-
dicina, Jure, & Sacramentorum administratione,
dantur opiniones probabiles, quas licebit & ex-
pediet sequi in casu necessitatis, & quando opi-
nio probabilior hic & nunc practicari nequit,
juxta tres illas aureas Regulas supra n. 57. ex
Doctore Subtili allatas.

67. Objicies II. Contra dicta num. 63. Judex
tenetur ex officio ferre sententiam pro parte
probabiliori : ergo & Advocatus poterit solum
defendere causam magis probabilem, alioquin
enim defendendo causam minus probabilem in-
duceret Judicem ad aliquid iniquum, nempe ad
ferendam sententiam, quam is licite ferre non
posset. Resp. negando consequentiam, & pa-
ritatem : quia Judicis officium est definire, ac
jus dicere inter partes litigantes ; sicque causa
rite prius discussa tenetur ex officio pro parte
pro-

132 *Tract. I. De Actibus Hum. & Consc. Dist. III.*
probabiliore stare, sententiamque ferre. Secus
dicendum de Advocato, cujus officium non
est definire, atque jus inter partes dicere, sed
tantum parti uni assistere, atque (sub positis
jam cautelis) patrocinium ferre, donec lis
per diffinitivam Judicis sententiam fuerit deci-
sa. Nec idcirco Advocatus censetur induce-
re Judicem ad aliquid iniquum: nam solum co-
natur ostendere, partem sui clientuli (prout
nonnunquam in progressu litis apparet) esse
veriore, sive probabiliorem; non autem vult,
ut stante minori probabilitate talis causæ, pro
ea feratur sententia definitiva.

68. Urgebis: cujus causa existit minus pro-
babilis, non potest alteri bellum inferre: er-
go neque litem judicalem ipsi movere, & conse-
quenter neque Advocatus tali causæ patrocina-
ri. Respond. negando consequentiam, & pari-
tatem. Siquidem per litem judicialiter motam
fit solum inquisitio veritatis, utri parti revera
plus juris competat: simulque hujus decisio
relinquitur Judici, cujus est, utriusque partis
fundamenta penitus expendere, ac postea li-
tem sententia definitiva decidere. Econtra il-
latio belli, est ipsamet sententiæ executio; un-
de supponit, sententiam esse latam, vel saltem
debere fieri in favorem ejus, qui bellum infert:
cujus autem jus est minus probabile, non de-
bet sententia pro illo, sed potius contra illum
ferri, ac proinde is alteri bellum licite inferre
non potest.

Quest. Add. An in Sacram Add. I. Notanda, &c. 133

QUÆSTIO ADDITA.

An in Sacramentis conferendis & suscipiendis liceat sequi sententiam probabilem minus tutam præ tutiore?

CUM varia dubia circa hanc materiam possint oriri, merito exactior ejus discussio peti potest, quæ pro modulo meo sequentibus dabitur. Unde fit

ADDITIO I.

Notanda, & aliquæ Conclusiones.

S U M M A R I U M.

*** Certa sententia distinguitur a probabili.*

Minister non sequitur licite per se loquendo probabilem, minusque tutam sententiam de valore Sacramenti &c.

Eam sequendo peccat regulariter contra Religionem, & Charitatem.

Imo, si non semper, certe aliquando contra Justitiam.

Neque suscipienti per se licet sequi sententiam probabilem, minusque tutam de valore Sacramenti.

Idque infertur ex propositione prima ab Innoc. XI. proscripta.

Quid sentiendum de opinione probabilissima?

Damnatio propositionum non est odiosa.

NOta 1. Sententiam certam distingui a probabili. Probabilis enim est fallibilis, certa vero importat aliquam infallibilitatem, ita, ut falsa esse nequeat, & si est certitudo *Metaphysica*, tunc per absolutam Dei potentiam, si est *physica*, tunc naturaliter, & secluso miraculo,

134 *Tract. I. De Actibus Hum. & Conscien. Dist. III.*
culo, si est certitudo *moralis*, tunc moraliter implicat, talem sententiam esse falsam. Hinc certitudo quoque *moralis* excludit omnem formidinem prudentem etiam radicalem de opposito; esto enim objectum posset naturaliter se aliter habere, quam judicatur per sententiam moraliter certam, id tamen non esset possibile, nisi rarissime & cum maxima difficultate. Desinunt etiam aliqui sententiam moraliter certam, quod sit ea, quæ talibus momentis & motivis firmatur, ut oppositum non videatur amplius solide probabile. Non requiritur quidem ad *moralem* certitudinem, ut pro opposita sententia nullus amplius stet Author, neque ulla ratio apparens, sed solum exigitur, ut opposita sententia non sit vere & solide probabilis; nam contra moraliter certam sententiam non stat vera probabilitas, bene autem aliquis scrupulus, vel apparens argumentum contra sententias etiam metaphysice certas v. g. contra articulos fidei formari potest.

Nota 2. In hac controversia præ oculis habendam esse propositionem ordine primam ab Innoc. XI. confixam, jam a P. Reiffenstuel adductam præc. q. 4. n. 58. quæ sic habet: *Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi vetet id Lex, conventio, aut periculum gravis damni incurrendi: hinc sententia probabilis tantum utendum non est in collatione Baptismi, ordinis Sacerdotalis, aut Episcopalis.* Per cujus tamen thesis damnationem minime prohibetur
usus

Additio I. Notanda, & aliquæ Conclusiones 135

usus sententiæ vere probabilis circa illa, quæ solum ad licite, non vero ad valide administrandũ Sacramentum exiguntur, ut notat Holzman, & patet ex illis particulis: *de valore Sacramenti* H.N.

Concl. 1. Non licet Ministro per se loquendo in Sacramentis conferendis sequi sententiam probabilem, minusque tutam quoad valorem Sacramenti, quando periculum invaliditatis non oritur ex conditione per Ecclesiæ ratificationem supplebili. Communis.

Prob. 1. ex confixione propositionis superius recitatæ. 2. Non licet Ministro per se, & extra casus inferius specificandos Sacramentum exponere periculo nullitatis; sed exponeret Sacramentum periculo nullitatis sequendo sententiam mere probabilem minusque tutam quoad valorem Sacramenti: ergo non licet per se & extra casus inferius specificandos sequi sententiam mere probabilem circa valorem Sacramenti. M. videtur patere, non enim licet Ministro absque gravi irreverentia nulliter & invalide administrare Sacramentum: ergo neque licet illud periculo nullitatis exponere: quando enim factum aliquod cuidam non licet, neque ei licet se periculo talis facti exponere, ut in moralibus certum est, & peccat tam hic, qui actu transgreditur legem, quam ille, qui se periculo transgrediendi talem legem committit. min. vero probatur. Sacramenti valor dependet minime ab opinione nostra, utut probabili, sed a positione omnium illorum, quæ a Christo instituyente ad valorem Sacramenti requiruntur, hæc si adsint, valebit, si unum eorum desit, non valebit Sacramentum,

etiamsi plurimi doctissimi ex gravibus motivis judicent illud valere: ergo Minister exponeret Sacramentum periculo nullitatis sequendo sententiam mere probabilem minus tutam, relicta tutiore: talis enim sententia mere probabilis juxta dicta est exposita periculo falsitatis etiam propinquo, & posset a parte rei res aliter se habere, quam per illam judicatur, & Sacramentum juxta eam collatum non valere: ergo.

Confirm. Graviter peccat, qui projicit sagittam in aliquid a longe se movens, etiamsi probabilius credat esse feram, & minus probabiliter tantum putet esse hominem: ergo etiam peccat graviter, administrans Sacramentum juxta opinionem etiam probabiliorem, & minus tutam, juxta quam credit illud valere. Prob. conf. ideo projiciens sagittam &c. in allegato casu peccat graviter, quia se committit periculo occidendi hominem, & opinio illa, utut probabilior, non potest facere, ut illud se movens sit fera, & non homo, si forte a parte rei homo sit: ergo etiam graviter peccat administrans Sacramentum juxta opinionem minus tutam, etiam probabiliorem de valore, quia Sacramentum exponit periculo nullitatis, & opinio illa probabilior non potest facere Sacramentum validum, si forte a parte rei non sit validum, vel aliquid desit ad ejus valorem.

Peccat ergo talis Minister secutus sententiam minus tutam mere probabilem imo contra virtutem Religionis, quod videtur colligi ex ipsa propositione confixa ab Innocentio XI. hæc siquidem dicit, non esse illicitum usum talis opinio-

nionis probabilis, nisi id *vetet lex*, aut *conventio*, aut *periculum gravis damni*, seu nisi id *vetet obedientia vi legis*, aut *Justitia vi conventionis*, aut *charitas vi damni inferendi suscipienti*. Ex quo sequitur, veram esse sententiam oppositam, quæ dicit, hujusmodi usum opinionis probabilis esse illicitum, etiamsi id non *vetet obedientia*, *Justitia*, aut *charitas*, sed sola *Religio* ob periculum frustrandi Sacramentum. Accedit ratio: quia gravem irreverentiam infert Christo, exponens Sacramentum ab eo institutum periculo frustrationis: nam Christus instituit Sacramenta eo fine, ut, dum ponuntur præcipuæ eorum partes, fiant complete valida, & causent gratiam: quo fine Christus & Sacramenta frustrantur, vel saltem periculo frustrationis exponuntur a Sacerdote, qui sequitur sententiam minus tutam mere probabilem: quod sine gravi irreverentia erga Sacramenta, & eorum Institutorem fieri nequit.

2do. Potest etiam talis Minister peccare graviter contra charitatem: quia sic administrans suscipientem exponit periculo carendi fructu Sacramenti.

3tio. Potest esse mortale contra Justitiam, si nempe Minister v. g. Parochus suis Parochianis tenetur ex officio administrare Sacramenta, aut si se ingerat pro illo, qui ex officio obligatur. Imo Joannes Sanchez & alii apud la Croix dicunt, quemlibet Ministrum peccare graviter contra Justitiam sequendo sententiam minus tutam & probabilem de valore. Rationem dant: quia quilibet Minister, hoc ipso, quod ministrare velit Sacramentum, taci-

138 *Tract. I. De Actibus Hum. & Conscien. Dist. III.*
te se obligat ad conferendum illud eo modo,
quo sibi vellet illud conferri suscipiens: atqui
suscipiens censetur velle sibi conferri Sacramen-
tum eo modo, quo certo est validum, & mi-
nime subjectum periculo nullitatis; & sane
vellet aliquis petere Sacramentum ab alio Sa-
cerdote, si sciret, hunc velle tantum agere
secundum probabilia & fallibilia cum pericu-
lo nullitatis. Vide la Croix L. 6. p. 1. n. 104.

Concl. 2. Neque per se loquendo suscipiens
Sacramentum licite potest sequi sententiam mi-
nus tutam mere probabilem quoad valorem
Sacramenti in iis, quæ ab Ecclesia non possunt
suppleri. Viva in cit. propositionem Innocen-
tii XI. n. 25. la Croix L. 6. p. 1. n. 105. Gor-
maz Tract. de Sacramentis in genere n. 308. Fe-
lix Potestas Exam. Confess. Tract. 1. P. 1. n.
75. Holzman. t. 1. de Consc. n. 158. Babensta-
ler, & alii modo communiter.

Prob. Etiam suscipiens Sacramentum, dum
sequitur sententiam minus tutam, & solum
probabilem circa valorem Sacramenti, expo-
nit illud periculo frustrationis & nullitatis; er-
go etiam suscipiens non potest licite sequi sen-
tentiam minus tutam, & mere probabilem cir-
ca valorem Sacramenti, ant. constat: siue enim
aliquid desit ex parte Ministri, siue ex parte
susipientis, quod requiritur ad valorem, non
conficitur Sacramentum: ergo etiam suscipi-
ens, dum sequitur probabilem & minus tutam
de valore Sacramenti, illud exponit periculo
nullitatis, æque ac Minister.

Confirm. Minister conficiendo Sacramen-
tum

tum non potest licite sequi minus tutam & solum probabilem circa valorem Sacramenti; quia sequendo in praxi talem sententiam, exponeret Sacramentum periculo nullitatis; ergo neque suscipiens potest licite sequi sententiam minus tutam & mere probabilem circa valorem Sacramenti; quia & iste exponeret Sacramentum periculo nullitatis. Ex quibus habes, quod *explicite & formaliter*, seu *in terminis*, tantum sit damnatum, quod in Sacramentis conficiendis & conferendis liceat sequi sententiam probabilem & minus tutam de valore. Per hoc tamen stat, quod saltem *implicite & æquivalenter* sit etiam alterum damnatum, quod liceat in suscipiendis Sacramentis sequi sententiam ejusmodi probabilem &c. illa enim propositio est damnata virtualiter, & implicite, quæ quidem non est formaliter, seu in terminis confixa, ejus tamen falsitas legitime deducitur ex formaliter damnata, ut observat Gormaz & laCroix; sed talis propositio est asserens, suscipientem posse sequi sententiam minus tutam, tantum probabilem de valore: hujus enim falsitas legitime deducitur ex propositione prima ab Innocentio XI. confixa, quæ loquitur de conferente, ut patet ex probatione hujus conclusionis.

Ex his sequitur ulterius, peccare eum graviter, qui in Sacramentis conficiendis, vel suscipiendis sequitur opinionem minus tutam, probabilio rem, aut etiam probabilissimam de valore, relicta tutiore. Henno tr. de Consc. D. 3. q. ult. con. 1. la Croix. L. 6. p. 1. n. 106. Ratio est:

est: quia opinio etiam probabilissima manet adhuc intra terminos probabilitatis, uti hic suppono: ergo est adhuc fallibilis, periculo falsitatis exposita, & fundare potest prudentem formidinem de opposito, neque elidit probabilitatem sententiæ oppositæ: ergo adhuc exponit Sacramentum periculo nullitatis: ergo etiam damnatum est, licere sequi talem opinionem probabiliorem, vel probabilissimam. Neque contrarius est Viva; hic enim sententiam probabilissimam confundit cum moraliter certa; taliter autem opinio probabilissima non amplius maneret intra limites probabilitatis, nec amplius foret moraliter fallibilis. Limitavi autem utramque conclusionem dupliciter, 1mo quidem per particulas: *per se loquendo*, 2do per particulas: *in iis, quæ ab Ecclesia non possunt suppleri*. Rationes harum limitationum palam fient in sequentibus conclusionibus ponendis Additione secunda, nunc autem

Objic. 1. Damnatio propositionum est odiosa: ergo cum propositio damnata loquatur de solo conficiente, ejus damnatio non debet extendi ad fuscipientem. *¶* n. a. Damnatio propositionum, cum declaret falsitatem, quæ perniciosa posset esse fidelibus, potius beneficium & favorem, quam odium continet: & hic favor non solum respicit communitatem, quo in sensu omnis lex, etiam pœnalis, est favorabilis, quia omnis instituitur in bonum communitatis, sed proscriptio propositionum etiam respicit favorem singulorum fidelium in particula.

Additio I. Notanda, & aliquæ Conclusiones. 141

culari: cuius enim in particulari expedit esse immunem a tali errore, qui ipsi in via salutis obesse posset; atque in hoc sensu lex pœnalis non est favorabilis. Iterum leges pœnales tantum remote respiciunt bonum commune, proxime vero tanquam medium bono communi promovendo aptum intendunt pœnam, & afflictionem hominis vel membri alicujus in communitate: at Damnatio propositionum ad normam aliarum legum favorabilium immediate intendit bonum cujusvis fidelis in particulari per liberationem a noxiis erroribus, & hanc liberationem ac favorem adhibet tanquam medium pro bono communi augendo Reipublicæ Christianæ.

Ob. 2. Conficiens Sacramentum agit nomine Christi: per consequens hic debet esse magis reverens in conficiendis Sacramentis, quam suscipiens, qui se tantum habet passive, nec agit nomine Christi: ergo ex damnatione circa conferentem non debet fieri extensio ad suscipientem. R. n. conf. Minister & suscipiens Sacramentum tenetur ex voluntate Christi curare, ne illud periculo nullitatis extra casus inferius specificandos exponatur, quod tamen neuter faceret extra hos casus sequens sententiam probabilem minus tutam circa valorem Sacramenti. Unde uterque peccaret mortaliter, licet Minister forte gravius.

Ob. 3. Suscipiens Sacramentum potest velle cedere jure, quod habet ad fructum Sacramenti, & velle carere tali fructu, quod non potest facere conferens; ergo bene potest suscipiens Sacramentum periculo nullitatis exponere.

re cum periculo carendi fructu Sacramenti, quamvis hoc non possit facere Minister conficiens Sacramentum. Ant. prob. Sacramentum est institutum in utilitatem suscipientis, non vero conficientis, qua utilitate potest sponte carere velle suscipiens, & ita periculo nullitatis Sacramentum exponere, non vero potest conferens pro libitu privare suscipientem fructu Sacramenti. R. n. a. volens suscipere Sacramentum non potest velle renunciare fructui Sacramenti; non enim potest fidelis licite velle suscipere alio modo, quam quò Christus instituit; atqui Christus ita instituit Sacramenta, ut voluerit per eorum confectionem in suscipientibus causari fructum, & gratiam: & hinc ille suscipiens peccat graviter, per cujus culpam fit, ut Sacramentum aliquod non habeat suum effectum.

Obji. 4. Pœnitens licite accedit ad Sacramentum pœnitentiæ cum sola attritione: sed sententia docens, solam attritionem sufficere ad Sacramentum pœnitentiæ, est mere probabilis: ergo saltem suscipiens potest sequi sententiam mere probabilem. R. n. m. Hæc sententia enim de sufficientia attritionis est moraliter certa.

ADDITIO II.

Continuatio Quæstionis additæ.

SUMMARIUM.

*** Licet in Sacramentis conferendis & suscipiendis sequi sententiam minus tutam, moraliter certam de valore Sacramenti:*

Quid

Quid in casu necessitatis,

Et extra hunc &c. in casu singularis difficultatis?

Concl. 3. Licet in Sacramentis conficiendis & suscipiendis sequi sententiam moraliter certam de valore relicta tutiore. Viva in propositionem iam ab Innoc. XI. confixam n. 27. la Croix L. 6. p. 1. n. 108. Henno tr. de Consc. d. 3. q. ult. con. 1. Prob. 1. quia Innocentius solum damnavit, quod liceat sequi sententiam probabilem, non vero etiam damnavit, quod liceat sequi sententiam moraliter certam de valore relicta tutiore. 2. Certitudo moralis excludit prudentem formidinem de opposito, ac de periculo nullitatis: ergo per praxin sententiæ moraliter certæ satis consulitur reverentiæ Sacramentorum. 3. Deus in negotio salutis æternæ non obligat homines ad adhibenda media metaphysice, sed solum moraliter certa; aliter via salutis non esset duntaxat arcta, sed etiam impervia, & jugum Christi foret importabile, atque adeo minime suave: ergo.

Concl. 4. In casu necessitatis, quando conferri, vel suscipi debet Sacramentum, nec praticari potest tutior opinio, non solum potest, sed debet quis procedere secundum sententiam probabilem, & Sacramentum saltem sub conditione administrare. Est certa: *necessitas enim*, ut ait D. Thomas, *non subjicitur legi*, & simul abstergit irreverentiam Sacramento alias inferendam, præsertim dum illud solum sub conditione administramus: ergo &c.

Con-

Confirm. Sacramenta ſunt inſtituta in favorem hominum: ergo in caſu neceſſitatis Chriſtus cenſetur potius velle Sacramentum exponi periculo nullitatis, quam animam hominis, in cujus favorem inſtitutum eſt, periculo perdendi ſalutem. Nec obſtat propoſitio damnata Innoc. XI. ex qua tantum ſequitur, non licere ſequi ſententiam probabilem &c. *reliſta tutiore*; atqui in tali caſu neceſſitatis tutior ſententia non relinquitur, ſed non habetur: tunc enim cenſetur aliquis tutiorem relinquere, quando illam habet, & poteſt applicare; ſed in caſu neceſſitatis non ſupponitur haberi v. g. tutior materia: ergo neque ſupponitur relinqui. Quamobrem ſi Judæus moribundus petit baptizari, & non habes niſi cereviſiam, aut aquam roſaceam, debes in hac baptizare ſub conditione: in hoc enim caſu neceſſitas hominis, in cujus favorem inſtitutum eſt Sacramentum, & conditio appoſita abſtergit irreverentiam.

Concl. 5. Quamvis de valore Sacramenti agatur, neque ſit caſus abſolutæ neceſſitatis, neque etiam Eccleſia poſſit ſupplere, aut diſpensare, tamen licitum eſt operari ſecundum ſententiam vere probabilem minus tutam, ſi alioquin adminiſtratio, aut ſuſceptio Sacramentorum fieret obnoxia nimiis ſcrupulis, aut difficultatibus & incommodis juxta explicationem in Probat. 2da dandam. Illſung tr. 1. diſt. 1. n. 77. la Croix l. 6. p. 1. n. 119. & teſte hoc multi moderni DD.

set homo absolvi extra articulum mortis, in quo habetur casus extremæ necessitatis, quia vix unquam possumus habere notitiam certam de dispositione pœnitentis: ergo in solo casu necessitatis ob dicta conclusionem præcedente deberet absolvi homo, si non liceret in tali casu sequi sententiam probabilem. Neque dissentit huic conclusioni Viva in propositionem ab Innoc. XI. rejectam n. 23. ubi requirit moralem certitudinem, saltem respectivam de dispositione pœnitentis: nam certitudinem respectivam in hoc casu confundit cum probabilitate explicata, quando contra eam non stat motivum grave in oppositum.

Obji. Innocentius universaliter damnavit, licere sequi sententiam probabilem minus tutam de valore. R. d. a. Innocentius universaliter damnavit, licere sequi sententiam probabilem & c. relicta tutiore, quando moraliter est possibile sequi sententiam tutiorem c. a. secus n. a. Innocentius tantum damnavit, licere sequi sententiam talem probabilem, quando defectus per dispensationem aut suppletionem Ecclesiæ non tollitur, & sic Sacramentum exponitur periculo nullitatis. 2. Quando moraliter, sine nimis scrupulis, & difficultatibus est possibile eligere & applicare sententiam tutiorem: secus est, quando suppletur defectus juxta jam dicta, & quando moraliter non potest eligi, vel applicari tutior, quia tunc tutior non relinquatur; nam illa sententia non relinquatur, cuius electio & applicatio moraliter implicat.

AD.

ADDITIO III.

Illationes Practicæ ex antecedentibus
duabus Additionibus.

SUMMARIUM.

*** Adducuntur varii casus de Sacramentis Baptismi, Pœnitentiæ, Matrimonii &c.*

EX dictis sequitur 1. Baptismum non posse extra casum necessitatis administrari in aqua rosacea, aut alio humore, qui tantum probabiliter, non vero certo creditur esse materia sufficiens, neque per formam, quæ tantum probabiliter est sufficiens. Idem est de reliquis Sacramentis. Sic Sacramentum confirmationis non potest confici in solo oleo olivarum, benedicto ab Episcopo, sed debet conferri per chrysmum confectum ex oleo & balsamo, & pro consecratione calicis non licet adhibere vinum congelatum, vel sola verba: *Hic est calix sanguinis mei*, omittis sequentibus. Ratio est: quia sententiæ, quæ dicunt, Sacramenta commemorata valere in allegatis materiis, vel formis, agunt de valore, & simul sunt mere probabiles: ergo eas non licet sequi juxta propositionem damnatam. Ex eadem ratione non sufficit in confessione peccatorum venialium mera non complacentia, & dolor virtualis inclusus in proposito confitendi, neque sufficit dolor, etiam non retractatus, qui longissimo tempore præcessit confessionem, quia istæ sententiæ, ab aliquibus traditæ, ad summum sunt probabiles, & agunt de valore.

Sequitur 2. Non requiri in Sacramento Pœnitentiæ contritionem intensissimam, aut attritionem, quæ sit exstimated contritio, aut singulas contritiones de singulis peccatis: nam hæc non requiri ad Sacramentum Pœnitentiæ est moraliter certum. Eodem modo certum est ex praxi Ecclesiæ, & doctrina Tridentini, quod aliqua attritio ex metu gehennæ, vel ex motivo turpitudinis peccati concepta absque alia dilectione Dei super omnia possit sufficere ad Sacramentum Pœnitentiæ. Herincx, Felix Potestas, Holzman &c. Addit Viva in propositionem r. damnatam ab Innocentio n. 26. certam quoque esse moraliter, & consequenter in praxi tantam sententiam, quod non requiratur ad hoc Sacramentum propositum non peccandi de cætero formale, sed sufficiat virtuale, item quod unus dolor, non retractatus, possit sufficere pro duplici absolutione & confessione, si una alteram statim sequatur; secus vero esse ait, si confessio altera priorem non statim sequatur. Nihilominus, quod me attinet, nullam ex his duabus sententiis de proposito virtuali & dolore uno sufficiente ad duplicem confessionem in praxi sequi auderem. Insuper licet Sacramentum extremæ Unctionis administrare oleo, cui frequentius modica quantitas olei non benedicti admixta est, ita ut quævis quantitas olei non benedicti admixta semper sit minor, quam quantitas benedicti, licet tandem non benedictum admixtum simul sumptum majorem quantitatem efficiat, quam benedictum
fue.

Additio III. Illationes practicae ex anteced. &c. 149

fuerit. Ratio hujus est: quia hæc est praxis Ecclesiæ, ut si necessitas requirat ob copiam infirmorum, sæpius paullatim adjungatur oleum non consecratum consecrato; etiamsi post plures additiones major fiat quantitas olei non consecrati quam consecrati: quam praxin etiam confirmavit 23. Sept. 1662. sacra Congregatio consultata a Diœcesi Hispalensi, ut cum aliis refert Viva laudatus.

Sequitur 3. licere sequi sententias probabiles & minus tutas, quæ concernunt materiam remotam Sacramenti Pœnitentiæ v.g. quod non debeant necessario explicari in confessione peccata negative dubia, circumstantiæ mere aggravantes &c. Viva cit. Cherub. Mayr Recollect. Moral. P. I. c. 1. quæst. 10. Holzman. t. I. de consc. n. 158. Ratio est: quia ad valorem Sacramenti non requiritur confessio materialiter, sed formaliter integra; atqui formaliter integram confessionem adhuc facit, qui omittit ea in confessione, ad quæ aperienda se non esse obligatum aliquis prudenter per probabilem sententiam potest judicare; prout probabiliter & prudenter quis judicare potest, se non adstringi ad confitenda peccata negative dubia, circumstantias mere aggravantes &c. ergo. Major est certa: quia sæpe habetur confessio valida, quæ tamen non est materialiter, sed solum formaliter integra, ut dum aliquod peccatum grave inculpabiliter ob ignorantiam omittitur &c. min. prob. quia confessio formaliter integra est illa, in qua aperiuntur ea solum peccata, quæ aliquis aperire potest, &

150 *Tract. I. De Actibus Hum. & Conscien. Dist. III.*
tenetur ; atqui aliquis non tenetur aperire ea
peccata, a quorum confessione se excusari pro-
babiliter, & prudenter judicat.

Sequitur 4. *in questionibus juris* licere sequi
sententiam minus tutam & mere probabilem
de valore matrimonii, saltem in iis, quæ pen-
dent ex jure humano Ecclesiastico. Carden. in
propositionem 1. Innoc. dissert. 2. n. 529. Vi-
va in eandem propositionem n. 29. la Croix 1.
6. p. 3. n. 527. & alii ab his allegati. Ratio
hujus est 1. quia defectus, si quis committere-
tur in tali casu sequendo sententiam probabi-
lem minus tutam, esset supplebilis per Eccle-
siam, de cujus benignitate etiam certo præsu-
mitur, quod velit illum supplere: ergo. 2.
accedit praxis & consuetudo Ecclesiæ, juxta
quam matrimonium approbatur ut validum,
quod cum hujusmodi opinione probabili, &
minus tuta de valore contrahitur. 3. Causa
matrimonii est favorabilis *c. finali de sententia &
re judicata* ; ergo taliter contractum censerī
debet esse validum. 4. Urbanus VIII. roga-
tus, ut in India dispensaret cum Neophitis, ut
possent aliquam uxorem ad arbitrium ducere
ex pluribus prioribus, quas habuerunt, re-
spondit, non esse opus sua speciali dispensatio-
ne, sed ubi DD. *sententiæ utrinque probabiles
intercederent, sequerentur opiniones pro conditio-
ne locorum ac hominum, barbaris favorabiliores* :
ergo SS. Pontifex censuit, quod liceat sequi
sententias probabiles, etiam minus tutas de
valore Sacramenti, & non adstrinxit determi-
nate ad sequendam tutiorem, quæ erat, ut isti
Bar-

Additio III. Illationes practicæ ex anteced. Sc. 151

Barbari illam, quam primo præ reliquis duxerunt, retinerent. Hanc responsionem Urbani VIII. refert Cardenas mox citatus n. 553.

Dixi vero in hac illatione 1. in *Questionibus juris*, seu quando quæritur, an jure Ecclesiastico sit statutum v. g. aliquod impedimentum, vel an jus Ecclesiasticum statuens impedimentum e. g. Criminis, aut aliud, se etiam extendat ad hunc casum; tunc enim hæc assertio habet locum. Idem dic, quando ille in impedimento dispensat, cui solum probabiliter, non vero certo competit jus dispensandi. Sic probabile solum, non vero certum est, Episcopum posse in casu necessitatis dispensare in impedimenti quibusdam dirimentibus: igitur, qui in tali necessitatis casu ab Episcopo obtinuit dispensationem, potest secure & licite contrahere matrimonium: quia hæc est quæstio juris, an Episcopo conveniat jus dispensandi in ejusmodi casu necessitatis, & simul est probabile Episcopo eam convenire.

Sed quid, si quæstio est facti e. g. si certum est quidem jus, uti certum est jus statuens impedimentum consanguinitatis, & affinitatis in certis gradibus, & dubitatur tantum de facto, an v. g. Personæ, quæ volunt contrahere, sint consanguineæ?

Respondet ad hoc dubium 1. Cardenas diff. 2. in propositionem 1. Innocentii, cum Viva in eandem propositionem n. 31. & aliis apud la Croix l. 6. p. 3. n. 533. contra Lessium & plurimos alios. Quando in quæstione facti ex conjecturis utrinque probabilibus resultat purè

dubium invincibile tamen, de impedimento dirimente, tunc licet cum tali probabilitate inire matrimonium. Ratio est: quia stante tali dubio invincibili libertas contrahentium est in possessione.

Respondet 2. Laudatus Cardenas n. 522. si habetur probabilitas facti de impedimento dirimente, nulla autem probabilitas de carentia impedimenti, tali casu non licet inire matrimonium. Rationem dat; quia talis homo exponit Sacramentum periculo nullitatis, neque habet aliunde pro se principium aliquod directum aut reflexum, ex quo posset reddi certus valor Sacramenti. Addit capit. *inquisitioni de sententia excom.* ubi resolvit Pontifex, eum, qui habet credulitatem probabilem & discretam de impedimento dirimente consanguinitatis, vel affinitatis, non posse petere, bene autem reddere debitum conjugale: ergo SS. Pontifex tale matrimonium non supponit absolute & certo validum, alias etiam permisisset petitionem debiti. Adjungit idem Carden. n. 524. qui habet meram probabilitatem facti de carentia impedimenti, nullam autem certitudinem, eum graviter delinquere contrahendo: rationem dat, quia non sequitur, quod tutius est, & Sacramentum exponit periculo frustrationis. Verum contra hoc posset objici, etiam eum, qui stante dubio facti invincibili, resultante ex probabilibus utrinque conjecturis de impedimento dirimente contrahit, non agere, quod tutius est: ergo neque talem invincibiliter dubitantem posse contrahere. Et revera præplacet

Additio III. Illationes practicae ex anteced. &c. 153

cet mihi sententia Lessii, Castropalao & aliorum, qui in dubio etiam invincibili, & probabilitate facti de impedimento dirimente universim negant, posse licite matrimonium contrahi. Ratio est: quia Ecclesia hujusmodi matrimonia non ratificat, & inde ea declarat esse nulla, si post contractum superveniat certa notitia talis impedimenti dirimentis, esto, dum fuit contractus celebratus, contrahentes habuerint pro se probabilitatem facti, vel dubium invincibile de carentia impedimenti; at non sic dissolvit Ecclesia, neque declarat nulla illa matrimonia, quæ cum probabilitate juris de absente impedimento dirimente fuerint contracta, quamvis postea innotescat, quod sententia asserens subfuisse impedimentum, etiam vere sit probabilis: ergo. Et horum Authorum sententia teste la Croix in praxi tenenda est, ac in talibus casibus saltem conditionate dispensatio petenda, si nempe sit necessaria.

Dixi in assertione 5. licere sequi opinionem probabilem minus tutam de valore matrimonii saltem in iis, quæ pendent a Jure Ecclesiastico. Nam in iis, quæ pendent a jure Divino & naturali, uti sunt impedimenta dirimentia Juris naturalis & Divini, est major difficultas. Ad quam tamen Cardenas, Viva, & alii respondent, etiam licere in his sequi sententiam vere probabilem: tum, quia Urbanus VIII. in responsione illa de matrimoniis Indorum concessit, Missionarios posse sequi sententias vere probabiles, & favorabiles Barbaris, quamvis tunc

154 *Tract. I. De Actibus Hum. & Conscien. Dist. III.*
 fuerit dubium de impedimento dirimente Juris
 Divini, nempe de impedimento Ligaminis :
tum quia Ecclesiæ in dubiis Juris naturalis &
 Divini de valore matrimonii convenit potestas
 decidendi & judicandi: ergo. Credo tamen
 hanc responsionem Adversariorum esse limitan-
 dam ad illos casus dubios Juris Divini & na-
 turalis, in quibus Ecclesia solet, & potest di-
 spensare, **

QUÆSTIO V.

De Conscientia scrupulosa, ejusque signis,
 & remediis contra scrupulos.

S U M M A R I U M.

69. Conscientia scrupulosa, & scrupulus quid?
70. Signa Conscientiæ scrupulose, quæ?
71. Quæ sit origo scrupulorum?
72. An sit licitum operari contra conscientiam scrupulosam.
73. Solvitur objectio scrupulosorum.
74. Alia scrupulosorum instantia diluitur.
75. Explicantur quædam auctoritates.
76. Discrimen inter Timoratos timore Dei, & inter Scrupulosos, quale?
77. Mala scrupulosorum.
78. Remedia contra scrupulos, qualia?
79. Consilium pro scrupulosis, qui suæ conscientiæ curam habent.
80. Quid de nimium scrupulosis circa peccata præterita, & parum sollicitis circa futura?

Con-

69. **C**onscientia scrupulosa dicitur talis a *Scrulpulis*. Porro *Scrupulus* est inanis apprehensio & hinc ortus timor, atque anxietas, alicubi esse peccatum, ubi revera non est. Unde *Conscientia scrupulosa* importat inanem apprehensionem ex frivolis ortam rationibus, qua quis suspicatur aliquid esse peccatum, quod non est.

70. Signa autem scrupulosæ Conscientiæ sunt potissimum sequentia. I. Pertinacia iudicii, qua scrupulosi homines Doctoris, aut sui Confessarii consiliis non acquiescunt: unde varios consulunt & fatigant, & tamen nullius iudicio stant nisi suo. II. Ex levi apparentia frequens iudiciorum mutatio: unde oritur in agendo inconstantia v. g. in Horis Canonicis aliquando decies mutant iudicium, num hunc vel illum Versiculum dixerint; imo nonnunquam contra proprium iudicium, quod tale quid agere non sit peccatum, adhuc sunt inquieti, timentque, ne forte peccent, vel peccaverint. III. Perturbate agere, & cæco quodam modo in externis actionibus procedere; & hoc quidem malum ex prioribus descendit. IV. Habere reflexiones extravagantes infinitarum circumstantiarum. V. Timere in omnibus peccatum, & contra sapientum, imo & contra proprium iudicium esse inquietum. His accedit ultimum Conscientiæ scrupulosæ signum, si nempe Confessarius iudicat, talem esse scrupulosum, juxta hæcenus dicta. In particulari autem signa Scrupuli, hic & nunc præsentis, sunt sequentia duo: in primis, si per illum experiaris, teni-

156 *Tract. I. De Actibus Hum. & Conscien. Dist. III.*
nimiumangi, & turbari. Deinde si alias expertus sis, te similia apprehendisse sine fundamento. Ita discurrit inter alios Hermannus Busenbaum, in *Medulla Theolog. moral. lib. I. tr. I. cap. 3.*

71. Quæritur I. Quæ sit origo Conscientiæ scrupulosæ, & scrupulorum? Resp. cum Doctõribus passim, origines & causas Scrupulorum esse potissimum sequentes. I. Est ignorantia; qui enim ignorantes sunt, quibusvis facile moventur, ac decipiuntur. II. Cerebri, & imaginationis debilitas. III. Complexio frigida, & melancholica, IV. Immoderatus, & indiscrctus fervor. V. Nimius timor servilis; hic enim animam tremulam & trepidantem facit. VI. Consuetudo, seu conversatio cum Scrupulosis. VII. Tentatio diabolica. Et tandem VIII. Causa scrupulorum, est permissio Dei, qui quandoque singulari sua providentia superbiam nostram a scrupulis depasci permittit, vel in fornace scrupulorum nos purgat, nostramque fidelitatem ad augendum in nobis meritum probat; ubi in casu ultimo sæpius tales homines tempore mortis suæ non sine admiratione Divinæ Providentiæ videmus maximis abundare consolationibus cessante omni anxietate.

72. Quæritur II. An sit licitum operari contra Conscientiam scrupulosam? Resp. cum communi Doctõrum, affirmative. Ratio est clara: quia Conscientia scrupulosa nititur solum levibus atque frivolis rationibus, ac proinde ejus judicium est imperfectum atque imprudens; ergo licite ac laudabiliter ipsi resistitur.

73. Nec

Quest. V. De Conscientia scrupulosa, &c. 157

73. Nec dicatur I. cum scrupulosis. Juxta illud commune dictum: *In dubiis tutior pars est eligenda*; ergo. Resp. enim, axioma illud loqui de Dubio proprie dicto, non autem de meo ac inani scrupulo, qui importat inanem suspicionem ex levibus causis ortam, qua quis putat esse peccatum, quod revera non est. Porro quomodo vulgatum hoc axioma sit intelligendum, habetur superius n. 35.

74. Nec dicatur II. Ad licite operandum necessario requiritur judicium intellectus saltem probabile de honestate operis: atqui stante scrupulo deest tale judicium intellectus: ergo eo stante non est licitum operari contra scrupulum. Respond. quippe negando minorem; nam scrupulus verus, quantumcunque urgeat minime tollit assensum partis contrariæ, seu judicium intellectus de ipso: quod si vere tollat determinatum assensum alterius partis, jam non erit amplius scrupulus, sed verum Dubium, ut recte notat Sanchez *lib. 1. in Decal. c. 10. n. 80.* ac proinde cum ipsa procedendum foret juxta dicta superius *Quest. 3.* Unde cum Conscientia scrupulosa facile transire possit in conscientiam vincibiliter erroneam, vel dubiam, colligere licet, quam miser & periculosus sit status hominis vere scrupulosi.

75. Nec dicatur III. Secundum illud D. Gregorii, ac refertur *can. 4. dist. 5. Bonarum mentium est ibi culpam timere, ubi culpa non est,* Et illud *Proverb. 28. Beatus homo, qui semper est pavidus, & alibi*; ergo bene fit, si quis est scrupulosus. Respond. enim negando consequen-

quentiam: hujusmodi siquidem auctoritates loquuntur de Conscientia timorata vera, & rationabili; non autem de Conscientia inaniter scrupulosa, & plurimum cor affligente. Sed occasione hujus

76. Quæritur ulterius, quale sit discrimen inter Timoratos timore DEI, & inter scrupulosos? Resp. cum Petro Marchantio *Tom. I. Tribunalis, tract. 5. titul. 6. quest. 2.* & aliis, plures passim assignari differentias; cæteris tamen clarior est ea, quæ desumitur ab effectibus. Effectus enim Timoris DEI in timoratis, sunt puritas & firmitas cordis, vigilantia, & sollicitudo sine anxietate, apprehensio mali sine turbatione, pœnitentia cum spe & amore conservandæ justitiæ & injustitiæ vindicandæ propter Deum omnis justitiæ Fontem. Hinc timorati timore Divino, ob amorem Dei atque observantiam mandatorum ipsius, etiam verbum otiosum refugiant, simulque imperturbati, stabiles & constantes incedunt viam mandatorum DEI, & cum cordis tranquillitate custodiæ suæ invigilant, atque absque turbatione ad Deum suspirant.

77. Econtra vero res se habet in scrupulosis. Primo timor scrupulorum plenus est impuritate atque inconstantia mentis. Deinde tantum abest, ut scrupulosi in sollicitudinem alacrem ac vigilantiam cordis exeant, ut potius in anxietatem, pusillanimitatem, tepiditatem, ac tædium omnis boni devolvantur, simulque apprehensio mali sit in ipsis cum turbatione totius hominis, ita ut nec se ipsos capiant, imo quodam
men-

mentis dilirio fatiscant. Omittuntur alia plura discrimina, & mala Conscientiæ scrupulosæ.

78. Quæritur ultimo. Quænam sint remedia contra scrupulos? Resp. Inprimis saluberrimum contra scrupulos remedium esse, scrupulos contemnere: cum enim hi ex friyolis concipiantur rationibus, hinc tali inanitate perpenſa, jure merito contemnuntur, & licite contra eos quis operatur. Quia tamen scrupulosus non semper ſemetipſum juvare poteſt, tunc alterum remedium eſt, ut scrupuloſus depoſito proprio judicio, & non obſtantibus ſuis rationibus, per omnia ſe ſubmittat judicio, ac verbo pii ac prudentis Viri, aut Confessarîi, cum manifestum ſit, Deum non plus exigere a tali perſona afflicta. Confessarîus autem ante omnia videat, quæ ſit cauſa ſcrupulorum, eamque cognitam laboreſt amovere. Præterea ſit iſ in ſuis Reſponſionibus reſolutus, atque, ne ſcrupulus ſcrupulo inducatur, abſtineat a multis diſcurſibus, & probationibus ſuorum dictorum, cum in illis frequenter non deeſſet ſcrupuloſis talibus materia novorum ſcrupulorum. Quare urgeat Confessarîus ſcrupuloſum, ut ſimpliciter ſuis dictis credat: alias certe vix juvari poterit. Et hæc ſunt duo remedia præcipua contra ſcrupulos, quamvis plura a Doctõribus afferantur.

79. Cæteris tamen dimiſſis, conſulit Vasquez 1. 2. diſp. 67. cap. 2. loquendo de illis ſcrupuloſis, qui ſimul conſcientiæ ſuæ curam habent, quod Confessarîus, ſi ſemel cognoscat talem ſcrupulis agitari, ei tale conſilium præbeat, ſuadeatque, ut nihil putet eſſe mortale, niſi

nisi quod manifeste & absque formidine videatur ipsi esse mortale. Imo vero interdum potest aliquis adeo esse scrupulosus, ut nisi jurare possit, illud esse mortale, credere non debeat mortale esse.

80. Difficilius remedium adhibetur illis scrupulosis, qui sunt nimium scrupulosi circa præterita peccata, de futuris autem parum sunt solliciti. Præcipuum autem remedium pro talibus esse solet, ut frequenter ad Sacramentum Confessionis accedant, sicque cautiores efficiantur in cavendis futuris peccatis; de cætero autem remediis supra dictis utantur. Porro si aliqui vere judicentur scrupulosi, etiamsi non sint adeo cauti in evitandis futuris peccatis, non est cum illis ita severe agendum, sicut cum illis, qui scrupulosi non sunt: quamvis simul attendere debeant scrupulosi, ne manifeste declinent ad alterum extremum, & prætextu scrupulorum evitandorum nimiam sibi licentiam usurpent, & interdum pro scrupulis vera, & manifeste recta conscientiae dictamina contemnant, magnas trabes festucas reputent, & quasi pulices camelos deglutiant. Unde in hisce scrupulis curandis Confessarius magna consideratione status

Pœnitentis, prudentia, atque discretione procedere debet.





TRACTATUS II. DE LEGIBUS.

1. **S**icuti Conscientia est actuum humano-
rum regula, proxima tamen seu in-
trinseca, ita & Lex est eorundem ex-
trinseca seu remota regula, cui, ut
actiones nostræ morales recte fiant, confor-
mandæ sunt. Quare Tractatus de Legibus
ad Theologiam Moralem ex professo pertine-
re dignoscitur: nam quamvis Juris consulti Le-
ges pertractent, id equidem faciunt diversa pla-
ne ratione, videlicet in ordine ad Forum ex-
ternum, pacemque Reipublicæ, ac Justitiam
politicam procurandam, & conservandam;
cum tamen Theologi de Legibus agant, qua-
tenus sunt regulæ extrinsecæ seu remotæ actio-
num humanarum, quidnam nobis sit agendum
aut fugiendum, præceptum vel prohibitum,
ostendentes, quatenus sic hominem sibi obse-
quentem ad Finem ultimum, quo tendit, æter-
namque salutem dirigant, atque perducant.

L

DISTIN.

Anacl. Reiffenstuel. Theol. Tom. I.

DISTINCTIO I.

De Natura Legum.

QUÆSTIO I.

Quid & quotuplex sit Lex?

SUMMARIUM.

1. Ratio ordinis.
2. Lex unde sic dicatur?
3. Varia Legis nomina.
Et an Lex differat a Jure?
4. Lex, quid?
5. Variæ Legis divisiones.
6. Lex naturalis,
7. Et positiva, quid, & quomodo differant?
8. Lex positiva Divina, duplex.
9. Lex positiva humana, quotuplex? Jus Gentium.
10. Jus Civile.
** Refutatur sententia A catholicorum præsertim
Wolffii de jure naturæ, & ostenditur, huic
non contrariari Revelationem Divinam, ac
Religionem Christianam. addit.
11. Leges Ecclesiasticæ, seu Canonicae.

2. **UT** a nominis etymologia ordiamur,
Lex dicitur a *legendo*, eo quod leges so-
lebant olim in publicis tabulis scribi, & populo
legendæ proponi, ut sentit Isidorus *lib. 2.*
Etymolog. cap. 10. Sive Lex dicitur a *ligando*, eo
quod homines legibus ligentur, seu obligentur
ad aliquid præstandum, vel omittendum, ut in-

Quæst. I. Quid & quotuplex sit Lex? 163

ter alios vult Doctor noster 4. dist. 15. qu. 2.
art. 1.

3. Solet autem Lex variis aliis nominibus appellari. Aliquando enim *Jus* vocatur, eo quod definiat, ac præscribat, quod justum est: sic dicimus *Jus naturale*, *Jus Divinum*, *Jus Civile*, ac *Ecclesiasticum*, quamvis strictius loquendo inter legem & jus detur nonnulla differentia: quia, ut dicitur c. *Jus generale*, dist. 1. *Jus generale nomen est*, *Lex autem juris est species*. Aliquando Lex dicitur *Statutum*; eo quod sit stabilis atque firma. Quandoque etiam dicitur *Constitutio*, quia illam præcedere solet plurimum consilium, & consensus quidpiam constituentium seu simul statuentium. Quamvis vero Legis nomen late sumptum quamcunque regulam, seu agendorum normam significet; quo sensu etiam regulæ Grammatices, & aliarum artium, solent vocari Leges, proprie tamen loquendo, & quantum ad Propositum, Lex aliud non est, quam regula quædam actionum humanarum, secundum quam vel ad bene agendum dirigimur, vel a male agendo retrahimur, ut sic in genere moris bene ac honeste agere inveniamur. Et taliter agendo de Legge, fit

4. CONCL. I. Lex est recta agendorum ratio, a publica potestate communitati denuntiata, cum voluntate, eam perpetuo obligandi, ad aliquid agendum, vel omittendum. Ita in re Doctores communiter, quamvis alij aliis ver-

bis legem describendo utantur ; prout Herinex *Disp. 1. de leg. q. 1.* ait ; Lex nihil est aliud , quam regula ab eo , qui potestatem habet , ordinata , obligans creaturam rationalem , ut illi se conformet ; nam hujusmodi definitiones in re conveniunt , earumque particulæ magis patebunt ex dicendis.

5. **CONCL. II.** Lex ut sic immediate dividitur in naturalem , & positivam : ex quibus Lex positiva subdividitur in Divinam , & humanam : & Divina iterum dividitur in Novam , & Veterem ; humana vero in Jus Gentium , Ecclesiasticum , & Civile.

6. *Lex naturalis* (quam alii *Jus naturale* appellant) dicitur ea , quæ non ex libera alicujus Legislatoris voluntate imposita est , sed congenita nobis cum ipsa natura , & ab hac profluens. Porro hujusmodi Legem naturalem dari in nobis , est de fide certum : sic enim lumen naturæ nobis dictat , non esse furandum , non occidendum , non falsum testimonium dicendum , & hujusmodi. Hinc D. Paulus *Rom. c. 2.* inquit : *Gentes , quæ legem non habent (scripturam videlicet) naturaliter ea , quæ legis sunt , faciunt.* Et infra : *Quia ostendunt opus Legis scriptum in cordibus suis , testimonium reddente illis conscientia ipsorum , & alibi.*

7. *Lex positiva* (sive *Jus positivum*) est , & dicitur illa , quæ ex libera Dei , vel hominis voluntate pendet. Et dicitur , *Lex positiva* ; quia
a Su-

Quest. I. Quid & quotuplex sit Lex? 165

a Superiore non ex quasi necessitate, ac intrinseca exigentia objecti, sed libere & contingenter ponitur. Differt autem a Lege naturali, quod hæc sit invariabilis, illa vero variabilis. Deinde, quod Lex positiva ex libera Legislatoris voluntate procedat, non item Lex naturalis, utpote quæ ex intrinseca exigentia objecti provenit. Insuper differunt in eo, quod illa, quæ jure naturæ sunt prohibita, ideo prohibita sint, quia in se mala; quæ autem Jure positivo prohibentur, ideo sunt mala, quia prohibita: sic enim comestio pomi vetiti in paradiso ideo fuit mala & peccaminosa, quia prohibita erat a Deo.

8. *Lex positiva Divina* est, quæ a Deo Opt. Max. in tempore lata, & condita est. Et hæc subdividitur in Legem veterem, quam pro tempore veteris Testamenti Deus ipse condidit, de multis disponendo, quæ ad Jus naturale non spectant; ut fuerunt lex Circumcisionis, Lex Agni Paschalis, & plurimæ aliæ leges circa Cæremonialia, & Judicialia veteris Testamenti: Et in Legem novam, seu Evangelicam, quam Christus Dominus, Deus simulque homo instituit, atque in novo Testamento observari mandavit; prout amplius patet ex Sacra Scriptura.

9. *Lex positiva humana* est, quæ immediate fertur ab homine. Unde & *Jus humanum* dicitur; & subdividitur in Jus Gentium, Jus Civile, & Jus Ecclesiasticum. *Jus Gentium* est

lex humana, quam omnes populi & variae gentes inter se servare debent : ut est consuetudo recipiendi Legatos sub lege immunitatis ac securitatis, libertas commerciorum inter gentes non inimicas, jus belli fundatum in potestate illa, quam una Respublica vel Monarchia suprema habet ad puniendam, vindicandam, atque reparandam injuriam sibi ab altera illatam : hæc enim & alia hujusmodi, cum sint plurimum consona Legi naturali, omnium populorum consensu sunt recepta & constituta ; ac proinde dicuntur esse de Jure Gentium.

10. *Jus Civile*, seu *Lex Civilis* dicitur ea, quæ ad civium politicam gubernationem, atque ad temporalia jura tuenda, ipsamque Rempublicam in pace & justitia conservandam ordinatur. Unde hujusmodi Leges Civiles circa ordinanda bona temporalia præcipue versantur ; & quia non omnium Nationum iidem sunt sensus & inclinationes (nam & *diversitatem corporum, diversitas sæpe sequitur animorum.. c. Quia diversitatem. De Concession. Præbend.*) hinc non est unum idemque Jus Civile apud omnes gentes, sed variatur pro varietate locorum, temporum, personarum, aliarumque circumstantiarum. Et tales Leges Civiles sunt, quæ in Jure Civili continentur : item eæ, quæ dicuntur *Leges municipales*, quas quælibet Civitas sibi constituit.

ADDITIO CRITICA.

De Jure Naturæ Acatholicorum.

** SUBsistere hic oportet ob clamores, quos moderni Acatholici de suo Jure Naturæ, maxime Wolffiano excitant ad admirationem non modicam etiam plurium Catholicorum, quibus nova quæque præ veteribus plus æquo sæpe non sine periculo arrident. Itaque moderni heterodoxi præcipue eo tendunt, ut officia hominis, ut talis ex natura ipsius *sola ratione*, exclusa auctoritate tam Divina, quam humana, præsertim Ecclesiæ nostræ dimetiatur. Quæ de re affirmant audacius, quam verius, Catholicos Doctores a Christo nato, usque ad hæc tempora errasse admodum, quod Religionem Christianam, & Revelationem Divinam Juri naturæ immiscuerint.

Verum quam falso hæc dicantur, quamque Reipublicæ humanæ perniciosæ sint, sequentia breviter indicabunt. Quæro enim ex ita sentientibus, pro quibus hominibus, vel pro quo statu hominum ipsi censeant scribendum, ac tradendum Jus Naturæ? pro statune illo, qui nunquam existit, id est, *naturæ puræ*? & tali ratione ludunt, otiosisque conceptibus, qui modernæ hominum conditioni non prosunt, se & alios fatigant. An scribunt pro moderno hominum statu, qui est naturæ elevatæ ad finem supernaturalem? ast si hoc faciunt, excludere non possunt Religionem Christianam, & Revelationem, ni in ipsam naturæ legem grandem

de piaculum committere velint. Nam & ipsa natura dicat, credendum esse Deo revelanti, atque ei præcipienti obediendum: cum ergo in præsentia naturæ elevatæ statu Deus plurima etiam ad mores pertinentia revelaverit, cumque præceperit, Christianam Religionem esse amplectendam, Ecclesiamque jusserit esse columnam & firmamentum veritatis, & audientem ei, qui non velit esse sicut Ethnicus & publicanus; consequitur, ipsa lege naturæ imperante in moderno naturæ elevatæ statu etiam in doctrina morum non esse excludendam Revelationem Divinam, aut doctrinam Religionis, & Ecclesiæ Christianæ, imo ab his repetendam esse infallibilem veritatem circa juris naturalis placita. Quod inde

Confirmatur: Rationis nostræ lumen multum est debile ob ipsam naturam nostram corruptam, cui majores tenebras affundunt mala principia interdum a teneris annis hausta, prava exempla aliorum, vitia, & passionēs, ac amor proprius, & alia ejusmodi: & ideo, qui a solo rationis lumine, seclusa auctoritate Scripturæ, Ecclesiæque, ac SS. PP. qui ab ipsis Apostolis doctrinam moralem hauserunt, vel haustam ab illis per alios quasi per manus traditam acceperunt, duci anhelat, cæcus a cæco ducatum desiderat.

Quod ostenditur ulterius ex erroribus plurimis, quibus se in materia morali obstrinxerunt etiam nominatissimi antiqui Philosophi, solum ob-

obscurum rationis lumen sine revelatione secuti? quam absurda de sola beatitudine, & sine hominis sunt commenti? In heterodoxis quoque modernis Doctoribus jus naturæ una ratione pensantibus, quot & quanti errores contra ipsam legem naturæ, ac doctrinam fidei, cui tamen nec ratio, nec jus naturæ contrarium esse potest, deteguntur, ut in Grotio, Hobbesio, Thomasio, Puffendorffio a Clarissimo P. Schvvarz, in Wolffio ab Eruditissimo P. Desing in ejus insignibus scriptis hac super re recenter in lucem datis?

Ex his breviter adductis facile concludes 1. optime facere Theologos Catholicos, dum in explanatione Juris Naturæ (quod tradiderunt omnes nostri Casistæ in suis scriptis jam ante A catholicos) etiam adhibent Sacram Scripturam, Auctoritatem Ecclesiæ, & SS. PP. nam & in his omnibus plurima reperiuntur, quæ mores informant, jus naturæ, hominisque officia erga Deum, seipsum, & proximum amplius declarant, & horum observantiam adjuvant, ac caligini nostri corrupti intellectus subsidium ferunt.

Inferes 2do, e converso heterodoxos, dum jus naturæ unica nostra valde curta ratione considerant, seclusa auctoritate, rem perniciosam moliri: nam talia principia suorum de jure Naturæ scriptorum Lectoribus, vel auditoribus instillant, quæ ipsos præcipue si juniores sint, sensim sine sensu abducunt in purum Naturalismū, vel Libertinismum, contentos sola honestate naturali, quam sibimet ipsis, secundum pro-

prium cerebrum confingunt, parum vel nihil solliciti de iis, quæ Deus, quæ Religio ab ipsis exigit. Mirandum sane, & dolendum, quod tales libri de Jure Naturæ ab A catholicis scripti, periculosi in fide, cujus in contemptum, & præjudiciũ maximum cedunt, & contra quam plures errores ordinarie continent, absque anxietate, & debita licentia legantur a Catholicis, cum tamen *Isti Libri sint a S. Matre Ecclesia prohibiti non sine ratione*, ut ait Clarissimus P. Desing in *Juris naturæ larva detracta cap. 4. Them. 9.* quo in capite plura alia damna, quæ ex similibus operibus de Jure Naturæ A catholicorum oriuntur, recensentur. Lege etiam Hypodigma Juris Naturæ R. P. Desing. Nolim omnia mala referre, quæ ex hoc Jure Naturæ certe larvato, & corrupto metuere licet.

Demum id unum assero, doctrinam Juris Naturæ a nostris Theologis Scholasticis, ac Moralibus, Canonistis &c. solidius, clarius, & omni ex parte perfectius tradi, quam a Protestantibus quibusvis. Ausim affirmare (& quidni ausim, cum aperta sit veritas?) omnia, quæ bona sunt in A catholicorum hac de re libris, ex nostris fere esse deprompta, cum in his jam fuerint optime discussa ante exortum Protestantium, ut vel ex solis Operibus SS. Thomæ, & Bonaventuræ liquidum est: quod Heterodoxi addiderunt, consistit in Tautologiis, obscuritatibus, ac erroribus non paucis, quibus, ut novum quid invenisse videantur, vetera bona, candide, sane, ac clare tradita dogmata involverunt. Una lectione & comparatio-
ne

ne utriusque generis scriptorum opus est faci-
enda a prudente, ac indifferente Lectore, &
res tota erit in aprico. Cum ergo nostris e
fontibus puram sanamque possimus bibere a-
quam, ad quid tam avide desideramus haurire
turbidam, ac noxiam ex alienis, alioquin pro-
hibitis? **

III. *Leges tandem Ecclesiasticæ* (quæ alio nomine
Leges Canonicae appellantur) sunt illæ quæ pro
recta gubernatione Ecclesiæ, atque ad spiritua-
lem animarum profectum, vel a Summo Pon-
tifice, vel ab aliis Prælatiis atque Magistrati-
bus Ecclesiasticis legitime conduntur. Et ta-
les sunt, quæ tum in Jure Canonico continen-
tur tum a Conciliis Generalibus, Provincia-
libus, Synodalibus, aut etiam ab Ordinariis
locorum legitima auctoritate feruntur.

Q U Æ S T I O II.

De Conditionibus Legis, ejusque diffe-
rentia a simplici Præcepto.

S U M M A R I U M.

12. *Legis encomia.*

Legis conditiones generatim, quæ?

13. *Lex debet esse recta agendorum ratio.*

14. *Ad eam requiritur auctoritas in Legislatore.*

15. *Ejusque legitima promulgatio.*

16. *Et ut feratur cum voluntate obligandi subditos.*

17. *Lex quomodo debeat esse perpetua?*

18. *Lex quomodo differat a simplici Præcepto?*

19. *Alia differentia utriusque.*

112. Cum

12. **C**um optima sit lex, si recte feratur, atque custodiatur, utpote quæ pravam concupiscentiam hominum, seu (ut loquitur Gregorius XI. in Proœmio Decretalium) effrenatam cupiditatem, sui prodigam, pacis æmulam, matrem litium, materiam jurgiorum reprimere satagit: hinc summe necessarium est, ejusdem condiciones rite cognoscere. Et quidem Isidorus relatus *can. 2. dist. 4.* easdem paucis complectitur dicendo: Erit autem lex honesta, justa, possibilis, secundum naturam, secundum patriæ consuetudinem, loco temporique conveniens, necessaria, utilis, manifesta quoque, ne aliquid per obscuritatem in captionem contineat, nullo privato commodo, sed pro communi civium utilitate conscripta. Hæc ille. Brevius tamen omnes necessariae legis condiciones continentur in ejus definitione *num. 4.* allata, ubi dicitur: Lex est recta agendorum ratio, a publica potestate communitati denuntiata, cum voluntate eam perpetuo obligandi &c.

13. I. Igitur ad Legem requiritur, ut sit recta agendorum ratio; sive, ut ait citatus Isidorus, quod sit honesta, justa, possibilis &c. Siquidem lex injusta non est absolute dicenda Lex, sed solum cum addito, Lex iniqua; & si constet, eam esse talem, non tenentur eidem subditi obedire. Unde de hujusmodi lege injusta hic non agitur, sed tantum de justa.

14. II. Ad rationem Legis requiritur legitima auctoritas legem ferendi in Legislatore, quæ conditio indicatur in supra posita definitione per

per ly a publica potestate. Porro hujusmodi potestatem condendi leges, & quidem universim, habet Deus ter Opt. Max. Deinde loquendo de legibus positivis humanis, easdem potest ferre Summus Pontifex in materia spirituali, & concernente animarum salutem, rectamque Ecclesiæ gubernationem pro toto Orbe Christiano: quia ipsi, tanquam suo in terris Vicario, commisit Christus Dominus in B. Petro Apostolo omnium suarum Ovium curam, ut habetur *Math. 16. & Joan. 21.* Quin etiam alii Prælati Ecclesiastici inferiores, ut Episcopi, possunt leges quasdam ferre, quæ tamen solum adstringunt proprii Territorii subditos. Similiter Imperator pro toto Imperio Romano, Rex pro suo regno, aliique Principes ac Magistratus sæculares pro suis subditis leges ferre possunt, juxta quod propria cujusque Potestas ac jurisdictio se extendit.

15. III. Ad rationem Legis requiritur legitima ejusdem promulgatio; quæ conditio in data definitione legis denotatur per ly *communitati denuntiata*, id est, promulgata. Siquidem, ut habet receptum inter Jurisconsultos dictum ex *can. 3. dist. 4. Leges instituuntur, cum promulgantur; firmanur, cum moribus utentium approbantur.* Unde etiam si aliquis v. g. ex Senatu, a quo Lex conditur, certo sciat, sequenti Mense, vel septimana eandem fore promulgandam, prout in Senatu jam decreverant, ante tamen actuale promulgationem non adstringitur huic Legi. Verum de hac Legum promulgatione agetur ex professo *Quæstione sequenti.*

16. IV. Requiritur, ut Lex a superiore feratur *cum voluntate obligandi*; id est, quod Legislator velit communitati quidpiam præcipere, eamque ad observantiam legis obligare: nam si Princeps tantum quidpiam consulat, aut a subditis fieri libenter se videre declaret, non autem clare jubeat, & præcipiat, lex non erit, sed consilium, aut beneplacitum Principis.

17. Tandem additur in allata definitione Legis *ly perpetuo obligandi*. Per quam particulam denotatur, quod lex debeat esse perpetua, id est, lata cum voluntate subditos perpetuo obligandi. Ubi tamen perpetuitas legis non accipitur pro æternitate non habente principium, nec finem (alioquin nulla daretur lex positiva) sed accipitur pro duratione indefinita, quatenus lex debet ferri non pro uno duntaxat die, vel anno, sed cum voluntate subditos perpetuo obligandi. Intellige, quantum est ex prima intentione Legislatoris, & nisi lex postmodum legitime revocetur.

18. Quæres, quomodo Lex differat a simplici Præcepto? Resp. differre in pluribus. Nam in primis Præceptum simplex proxime ac immediate fertur in personas singulares, earumque ossibus adhæret, quocunque terrarum disceserint: Lex vero censetur immediate afficere locum, seu territorium Legislatoris, atque hinc in subditos ibidem existentes transire. Et idcirco fit, quod leges territorii non obligent cives absentes; e contra tamen præcepta Superiorum, v. g. Prælatorum Regularium obligent.

Quæst. III. De Promulgatione ad Leg. reg. &c. 175
gent subditos, ubicunque existant: cum eis
competat jurisdictio in subditos, non ratione
loci, sed per se ac ratione personæ, propter
votum Obedientiæ.

19. Deinde Præceptum tendit ad personas
singulares, cum quibus plerumque extingui-
tur, nec transit ad successores; quale est, si
pater quidpiam præcipiat filio; Abbas Religio-
so; Princeps huic vel illi subdito: Lex vero
imponitur toti Communitati, & loquitur non
tantum ad præsentēs, sed etiam ad futuros;
nam *Lex est commune præceptum* L. 1. ff. de *Legi-
bus*. Insuper Præceptum expirat morte præ-
cipientis: & absque nova revocatione cessat
cessante vita, aut officio præcipientis; Lex au-
tem, & Statutum, durat etiam post mortem
Legislatoris, semperque vim suam habet, do-
nec revocetur, aut per contrariam consuetu-
dinem legitime abrogetur. Siquidem leges ex
natura sua sunt perpetuæ, non autem Præcepta
simplicia, seu quæ non fuerunt per modum
constitutionis generalis.

QUÆSTIO III.

De Promulgatione ad Legem requisita.

S U M M A R I U M.

20. Ut Lex obliget in conscientia, requiritur ejus
promulgatio.

21.) Leges, an interdum extendantur ad præteri-
ta?

Et Regula Cancellariæ nondum publicata obli-
gent?

Quid

Quid de Constitutione Sixtina irritante matrimonia Eunuchorum de facto contracta?

22. *Solutio premissorum.*

23. *Scriptura non est de substantia Legis.*

24. *Leges Imperatorum, qualem requirant promulgationem?*

25. *Quid de Statutis inferiorum Principum?*

26. *Lex Pontificia Romæ promulgata, an illico obliget pro toto Mundo?*

27. *Fundamenta sententiæ affirmativæ.*

28. *Corollarium pro hac sententiâ.*

29. *Fundamenta sententiæ negativæ, ab auctoritate.*

30. *Et ratione.*

31. *Confirmatur hæc sententiâ.*

32. *In praxi quid observandum?*

20. **C**ONCL. I. Ut Lex in conscientia, & quoad culpam vel pœnam obliget, certum est, requiri ejus publicationem, seu promulgationem. Ita communis, ac præsertim Doctor Subtilis 4. dist. 3. quæst. 4. art. 2. ubi ex hoc infert, præceptum de recipiendo Baptismo in Lege Evangelica incepisse Jerosolymis primum in die Pentecostes, quando ibidem per Apostolos post receptum Spiritum sanctum solemniter promulgatum fuit. Ratio est: quia Lex est communis vivendi regula, sive commune præceptum: ergo omnino publicari debet, ut ab omnibus observari, & quilibet secundum eam suas actiones instituere possit, prout lege jubente tenetur, & econtra transgressor legis juxta demeritum puniri valeat. Nam alioquin ignorantia merito excusaret subditum ab obser-

van.

Quest. III. De Promulgatione ad Legem &c. 177
vantia legis: *Cur enim* (inquit Imperator; *Auth.*
66. *Ut factæ novæ Constitutiones §. Sancimus.*
Collat. 5.) *culpabimus eos, qui positas nostras*
ignoraverint Constitutiones?

21. Nec obstat, quod quandoque leges ad præterita etiam negotia extendantur, prout innuitur in Jure Canonico, *cap. ult. de Constitut.* ibi: *Cum Leges & Constitutiones futuris certum sit dare formam negotiis, non ad præterita facta trahi, nisi nominatim in eis de præteritis caveatur:* in quo proin postremo casu videntur leges obligare pro tempore, quo necdum fuerunt publicatæ. Confirmari potest hæc instantia ex *Regulis Cancellariæ Apostolicæ*, quas singuli Summi Pontifices a principio sui Regiminis circa causas Beneficiales, & Judiciales facere, vel a suis Prædecessoribus factas renovare, augere, vel minuere solent; atque *etiam* (ita sonat earundem præfatio) *ex tunc licet nondum publicatas, & suo tempore duraturas, observari volunt.* Quinimo Sixtus V. in Constitutione, *Cum frequenter* (& habetur tom. 2. *Bullarii Romani, Constit. 59. dicti Pont.*) damnavit conjugia per Eunuchos & Spadones non solum contrahenda, sed etiam de facto jam contracta, eaque nulla & invalida declaravit; & consequenter Lex Pontificia videtur extendi posse etiam ad acta præterita, & obligare ante publicationem.

22. Resp. enim cum *Lud. Engel tit. de Præbendis n. 19.* & aliis, hasce & confimiles leges, in quibus nominatim sic cavetur, partim

M

ob-

obligare quoad nullitatem actus in contrarium gesti, non vero quoad culpam, aut pœnam; de qua posteriori obligatione duntaxat in proposito est sermo. Partim eas obligare in tantum, quod Judex circa talia negotia etiamnum pendentia (id est, nondum sententialiter decisa) teneatur ferre sententiam conformiter tali legi de novo conditæ; prout per quoscunque Judices fieri jubetur cit. Constitutione Sixti V. §. 3. atque circa prædictas Regulas in Cancellaria Apostolica observari debet.

23. Fatendum tamen, quod ad obligationem legis sufficiat quævis promulgatio, sive dein ea fiat per scripturam in publico loco affixam, sive voce præconis; siquidem scripturam ad substantiam legis non requiri, sed voce etiam, aliove signo eam communitati denuntiari posse, fatentur passim Doctores. Nec obstat textus *can. 3. dist. 1. ibi: Lex est Constitutio scripta*. Quia hoc dicitur partim ex eo, quia plerumque lex in scripturam redigi solet, ut perpetua ejus memoria habeatur, perpetuisque temporibus inviolata perseveret: partim ad differentiam Juris consuetudinarii, quod dicitur *Jus non scriptum*, prout habetur §. *Constat. Instit. de Jure Naturali, Gentium, & Civili*.

24. CONCL. II. Leges Civiles a supremo Principe Imperii (puta, ab Imperatore) pro pluribus Provinciis latæ, ut subditos obligent, requiritur earundem promulgatio in singulis respective Provinciis, & si sint latæ absque alia temporis determinatione, non obligant, nisi primum post duos menses a tempore promul-

gationis legis. Ita Theologi & Jurisconsulti communiter. Ratio est: quia ita expresse constitutum est in Jure Civili, atque approbatum praxi & consuetudine Sacri Romani Imperii: siquidem in *Auth. Ut factæ novæ Constitutiones* &c. Collat 5. Rubrica Tituli absolute sic loquitur: *Ut factæ novæ Constitutiones post insinuationem earum post duos menses valeant.*

25. Solum nota cum Doctores passim, hanc Imperatoriam Constitutionem non habere locum in Statutis inferiorum Principum, vel Civitatum; quippe quorum jurisdictio est angustior. Unde per se loquendo, & nisi aliud in ipsamet lege præscribatur, aut de longa consuetudine fuerit observatum, Statuta inferiorum Principum sufficienter promulgantur unica solemnī publicatione facta in Curia aut præcipua Civitate; & tunc, si certum tempus expressum non habeant, obligant scientes statim, ignorantibus autem post tempus arbitrium, quorationabiliter potest præsumi de ipsorum notitia, & quod post tale tempus non debuissent Constitutionem ignorare.

26. CONCL. III. Et si communior Doctorum sentiat, quod Lex Pontificia, simul ac Romæ in Curia, aliisque locis consuetis solemniter fuerit promulgata, quantum est ex se, sive in actu primo, ubique terrarum vim obligandi habeat: opposita tamen sententia, requirens ad obligationem earum saltē pro Foro interno seu conscientie promulgationem Constitutionum Pontificiarum in singulis Dioccesibus vel Provinciis, non est improbabilis. Hæc Con-

clusio ex proposito sic ponitur ob magnam sententiarum atque rationum varietatem, & plurimas inde deducendas consequentias, quæ melius relinquuntur iudicio Superiorum, utpote quibus in dubio subditi obedire tenentur.

27. Ratio prioris & communioris sententiæ quod nimirum sola promulgatio Constitutionum Pontificiarum Romæ facta sufficiat ad earum obligationem, desumitur in primis ex Jure Canonico, cap. 1. de *Postulat. Prælat.* ubi dicitur, quod *id solum sufficit, ut ad Constitutionis Pontificiæ observantiam teneatur, qui noverit eam solenniter editam, aut publice promulgatam*: atqui hoc jam fit, si Bulla Pontificia Romæ promulgatur, & de tali promulgatione cuipiam certo constet: ergo. Confirmatur hæc sententia ex praxi, & stylo Curiæ Romanæ: siquidem in Curia Romana totius Orbis lites deciduntur juxta Constitutiones Pontificias Romæ publicatas, etiam si alibi promulgatæ non sint: hoc autem non videretur justum esse, & æquitati consentaneum, si dictæ Constitutiones non obligarent ubique, haud obstante, quod in aliis Provinciis non sint publicatæ. Accedit, quod Urbanus VIII. in Bulla: *In eminenti*, (quæ habetur Tom. V. Bullarii Romani, *Constit.* 188. *dist. Pont.*) §. 12. expresse declaraverit, ad obligationem illius Bullæ sufficere solam publicationem Romæ factam, nec aliam in Regnis, Provinciis, vel Civitatibus requiri; ergo a pari idem dicendum de cæteris.

28. Ex hac sententia, quam sequitur communior Doctorum, ac præsertim Layman *lib.*
1. *Tract.*

Quest. III. De Promulgatione ad Legem Eccl. 181

1. *Tract. 4. c. 2. n. 4.* infert citatus Auctor, quod Lex Pontificia, simul ac Romæ publicata est, quantum est ex parte sui, ac in actu primo, omnem obligandi vim habeat pro toto Orbe Christiano: cur autem quoad actum secundum (id est, ut re ipsa aliquis constringatur) non statim omnes obliget, id, ait, non provenire ex defectu legis, aut promulgationis, sed ex defectu alicujus conditionis accidentalis, puta quia aliqui eam ignorant. Et ita communiter discurrunt Doctores hujus primæ sententiæ.

29. Altera vero pars Conclusionis, continens sententiam Doctorum, asserentium, non sufficere solam promulgationem Romæ factam, probatur inprimis ab auctoritate; siquidem ita sentiunt Navarrus *cap. 23. Manualis. num. 44.* Medina 1. 2. *quest. 90. art. 4* & insuper pro hac sententia Azorius *tom. 1. lib. 5. cap. 3. q. 3.* (sed postea secutus priorem sententiam) citat Abbatem, Antonium Butrium, Imolam, Lignanum, Zabarellam, Felinum, Scotum, & alios. Eandem sententiam novissime secutus est Petrus Marchantius *tom. 2. Tribunalis tract. 1. tit. 8. quest. 5.* ipsamque ex professo docet Bernardus Sannig *tom. 3. Theolog. tract. de Legibus dist. 3. quest. 6.* atque probabilem censet Pirrhing *tit. de Constit. n. 31.* & sequitur Ludov. Engel, *tit. de Constit. num. 67.* ubi etiam respondere conatur ad *cap. 1. de Postul. Prælat.* pro favore prioris sententiæ supra *n. 27.* allegatum.

30. Fundamentum hujus posterioris sententiæ est: quia Pontifices volunt Jus Civile servari, ubicunque Jure Canonico nihil est spe-

cialiter constitutum, juxta illud c. 1. de Novi operis nuntiatione. Sicut Leges non dedignantur sacros Canones imitari, ita & sacrorum statuta Canonum Principum Constitutionibus adjuvantur: atqui circa modum promulgandi Leges Ecclesiasticas, in Jure Canonico nihil habetur clare constitutum; ergo erit recurrendum ad Jus Civile, quod ad Legum obligationem requirit, ut promulgentur in singulis Provinciis, juxta dicta n. 24. Confirmatur: quia ipsimet summi Pontifices defacto in quibusdam legibus requirunt, & mandant publicationem fieri in singulis provinciis & Diœcesibus, ut patet ex cap. Cum infirmitas. de Pœnit. & Remiss. & Bulla Urbani VIII. quæ incipit, *Pastorali*. (& habetur tom. 4. Bullarii Romani, *Constit.* 62. *dicti Pont.*) & alibi: sed frustra hoc fieri videretur, si generaliter & absque ulla speciali declaratione (quod additur propter Bullam n. 27. citatam) Romanus Pontifex per legem Romæ promulgatam illico totum Mundum obligare intenderet, etiam pro Foro Conscientiæ; ergo.

31. Confirmatur secundo: quia, ut eleganter discurret Sannig *loc. cit.* ipsamet lex Christi Domini non fuit sufficienter Jerosolymis in ipso die Pentecostes pro toto Orbe promulgata, uti omnes concedunt; ergo neque lex Pontificia Romæ duntaxat promulgata. Consequentia tenet, nisi detur disparitas. Unde (infert citatus Auctor) ex hac sententia patet, quomodo multæ Bullæ Pontificiæ in variis Regnis, & provinciis non obligent defacto, eoquod ab Ordinariis locorum aut ex negligentia, aut aliis
de

de causis gravibus, v. g. ob laicam potestatem vel defectum finis legis, non fuerint debite promulgatæ in suis Diœcesibus, juxta Paparum voluntatem & mandatum: contra quas longa consuetudo populi contraria invaluit, & vim contrariæ legis tandem obtinuit. Hactenus ille.

32. Quantum ad praxin attinet, in hac sententiarum & rationum varietate, subditis standum inprimis erit judicio Superiorum suorum; nam his in dubio obedire tenentur. Deinde attendenda est praxis & consuetudo locorum, utpote quæ est tantæ efficacîæ, ut non tantum Jus dubium interpretari possit (nam *consuetudo est optima legum interpret.* c. Cum dilectus. de consuetud. § L. 26. ff. de Legibus) sed etiam legi cæteroquin manifestæ debito tempore derogare. cap. ult. de consuetud.

QUÆSTIO IV.

De Acceptatione Legum.

SUMMARIUM.

33. Legem acceptari, & usu recipi, quid?
34. Ad legem, an requiratur acceptatio populi?
35. Leges firmanur, cum moribus utentium comprobantur, quomodo?
36. Si lex justa est, tenetur eam populus acceptare.
37. Nisi habeat justam causam non acceptandi, & quid tunc agendum?
38. Quid de singularibus quoad praxin?

39. *Peccant non recipientes, neque observantes justam legem, donec usu contrario abrogata sit.*

40. *Cur multe Bullæ Pontificiæ in variis Regionibus non obligent?*

33. **A**DVERTENDUM, quod Lex post promulgationem debite factam tunc censetur acceptari, quando Communitas eam approbat verbo, scripto, aut alio signo, vel quando ipsam in casu occurrente observat. Deinde, dum Communitas legem observat, dicitur *lex etiam esse usu recepta*. Hoc prænotato, sit

34. **CONCL. I.** Ad naturam & intrinsecam constitutionem Legis humanæ non requiritur acceptatio populi, quamvis per acceptationem & usum Lex accidentaliter perficiatur, seu confirmetur. Ita communior Doctorum, hoc intelligentium tum de Lege Imperatoria, tum Pontificia. Ratio est; quia supremo Principi, utputa Summo Pontifici, aut Imperatori, neque voluntas, neque potestas deest subditos obligandi ad observantiam suæ legis. Non quidem voluntas, uti supponitur; eo quod velit condere novam legem. Neque deest potestas: quia summo Pontifici in rebus spirituales Ecclesiæ gubernationem concernentibus, tenentur obedire omnes Christiani, tanquam Pastori universali, Christique in terris Vicario. In Imperatorem vero populus lege aurea omnem potestatem contulit. *L. i. ff. de Constitut. Principum*. Quod si in aliqua Republica adhuc vigeret Regimen Democraticum, in quo potestas

itas ferendi Leges residet penes ipsam Communitatem, haud dubie requireretur acceptatio populi: Conclusio autem solum loquitur de Regimine Monarchico.

35. Nec obstat illud Gratiani *can. 3. dist. 4. Leges instituuntur, cum promulgantur; firman-
tur, cum moribus utentium comprobantur.* Resp. enim, imprimis textum hunc aperte stare pro Conclusionem, dum concedit, leges jam institui per legitimam promulgationem, ac proinde ante earum acceptationem. Resp. ulterius, illud, quod subjungitur, *firmantur, cum moribus utentium comprobantur*, non de firmitate intrinseca & substantiali intelligendum esse, utpote quam leges jam ante earum acceptationem habent; sed de quadam extrinseca duntaxat & accidentali firmitate, quatenus leges moribus utentium comprobatae, non facile amplius per contrariam legem, vel consuetudinem abrogantur. Sive (ut loquitur Fagnanus *in c. Treugas. n. 49. de Treuga.*) leges ex moribus utentium accipiunt firmitatem stabilitatis, non autem firmitatem auctoritatis.

36. CONCL. II. Si lex justa est, tenetur eam populus acceptare sub peccato; nisi habeat justam causam non acceptandi. Ita communis Doctorum, paucis exceptis, quorum tamen sententia novissime ab Alexandro VII. rejecta est, dum ab ipso inter alias propositiones etiam sequens, ordinæ 28. damnata fuit: *Populus non peccat, etiamsi absque ulla causa non recipiat legem a Principe promulgatam.*

37. Dicitur in Conclusionem, *nisi habeat justam*

stam causam non acceptandi. Nam quando subest rationabilis causa a Principe verisimiliter ignorata, secus erit dicendum. Idem dic, quando ex circumstantiis contraria Principis voluntas satis colligitur; prout v. g. præsumi posse videtur in lege valde difficili, nimiumque dura & gravi, quod Princeps non intendat ab initio absolute obligare: sed solum tentare populi sensum, & quomodo is tali legi sese accommodet, ut juxta eam valeat postmodum Princeps legem vel plene confirmare, vel relaxare, ac moderari. Interea tamen populus in tali casu non potest simpliciter rejicere legem, sed debet ad Principem recurrere per remedium supplicationis pro sublatione legis: qua stante supplicatione, licitum est populo, suspendere obligationem legis; prout in simili habetur c. *Si quando, de Rescriptis*, & notat Sannig. *Dist. 3. de Legib. q. 7. n. 4.* post Rodriguez, Bonacinam, & alios.

38. Addit Layman *lib. 1. Tract. 4. c. 3. n. 3.* quamvis Lex Pontificia spectata sua natura, quantum est de se, seu in actu primo, mox habeat vim obligandi subditos in toto mundo, tamen quod attinet ad praxin, peccati damnandos non esse, neque puniendos singulos e Communitate, si legem Pontificiam in sua Diœcesi neque promulgatam, neque usu receptam, ipsi quoque non observent; de quo plura citatus Auctor.

39. CONCL. III. Et si primi, qui legem Pontificiam, vel Diœcesanam rite latam, & sufficienter promulgatam non receperunt, neque ob-

observarunt, peccaverint, nisi justam causam habuerint non acceptandi, Successores tamen eorum illam non observando amplius non peccant. Ita Pirrhing *tit. de Constitut. n. 42.* & alii. Ratio est: quia, postquam talis lex longo tempore in Diœcesi non est unquam recepta, neque observata, existimare possunt Successores, illam per non usum, ac vi contrariæ consuetudinis jam præscriptæ abrogatam esse.

40. Et ex his patet (inquit Herincx *disp. 3. de Legibus n. 117.*) quomodo multæ Leges, ac Bullæ Pontificiæ, in variis Regionibus non obligent; videlicet, quia vel in iis neque publicatæ neque acceptatæ fuerunt; vel quia defectu publicationis & acceptationis, esto ab initio culpabili, tandem in perfectam desuetudinem desierunt. Illud autem plerumque oritur ex eo, quod Ordinarii frequenter advertant, aut existiment, ac sæpe non sine fundamento, Leges varias non congruere publicæ utilitati suarum Diœcesium ob inveteratas & rationabiles earundem consuetudines, genium plebis, defectum finis legis, v. g. quia lata fuit ob pericula & defectus, qui ibidem generatim non grassantur, imo vix noscuntur. Interdum etiam Ordinarii ob potestatem Laicam non possunt exequi pro libitu suo Mandata Apostolica, donec tandem tractu temporis eadem abeant in desuetudinem.

Q U Æ S T I O V.

Quænam opera, & an etiam actus interni
per Legem humanam possint præcipi,
vel prohiberi?

S U M M A R I U M.

41. *Lege humana quænam generatim præcipi possint?*
42. *Corollaria.*
43. *Consilia Evangelica, an possint præcipi?*
44. *Materia legis prohibitoria, quæ?*
45. *Potest idem actus pluribus legibus præcipi.*
46. *Actus interni nequeunt lege humana præcipi,*
47. *Per se & directe,*
48. *Bene tamen indirecte & concomitanter.*
49. *Ratio ulterior Conclusionis.*
50. *Solutio Objectionum.*
51. *Lege humana nunquam potest præcipi inhone-
stum, bene tamen permitti.*

41. **C**ONCL. I. Lege humana sive Ecclesia-
stica, sive Civili, possunt præcipi non
solum opera justitiæ, sed etiam aliarum virtu-
tum; dummodo non sint nimis ardua, atque
difficilia. Ita Doctores communiter. Ratio est:
quia Legislator potest ejusmodi actiones præ-
cipere, quæ sunt utiles bono communi; aut
prohibere, si earum omissio Communitati ex-
pedire videatur: atqui non sola opera justitiæ,
sed etiam actus aliarum virtutum, expediunt
quandoque bono communi; ergo.

42. Sic inprimis Lege Ecclesiastica præci-
piuntur opera virtutis Temperantiæ & Religio-
nis, indicendo certorum dierum jejunium, ac
præcipiendo devotam Missæ auditionem diebus
Festi-

Quest. V. Quenam opera, & an etiam actus &c. 189
Festivis & hujusmodi, ut sic populus Christianus ad veri Dei cultum excitetur, atque in bonis operibus exercendis amplius confirmetur. Deinde ob eandem rationem possunt lege humana præcipi, aut prohiberi actiones cateroquin ex natura sua indifferentes; prout prohibetur Christianis deferre arma ad Infideles, item labor servilis diebus festivis, & hujusmodi.

43. Dicitur notanter in Conclusionem: *dummodo non sint nimis ardua atque difficilia*; siquidem lex debet esse possibilis, & secundum naturam hominum, id est, humanæ conditioni accommodata. Et hinc Ecclesia non potest absolute præcipere actus consiliorum Evangelicorum, nimirum perpetuæ Castitatis, Paupertatis, atque Obedientiæ Religiosæ: hæc enim, licet ex postfacto recte præcipiantur illis, qui ad eorum observantiam sese prius per votum solemne Professionis Religiosæ voluntarie obligarunt, utpote qui virtute sui voti ad observantiam ipsorum jam obligantur juxta *Psal. 75. Vovete & reddite Domino Deo vestro*, & alibi: universaliter tamen, & ante spontaneam obligationem rationabiliter præcipi non possunt.

44. CONCL. II. Insuper legis prohibitoriae materia sunt omnia illa, quæ justitiæ, aliisque virtutibus, quarum observatio Reipublicæ utilis est, simulque facilis, contrariantur. Ratio est: quia leges feruntur in bonum Communitatis; ergo juste prohibentur ea, quæ bono communi contrariantur.

45. CON-

45. CONCL. III. Potest idem actus pluribus legibus, & pluribus titulis præcipi aut prohiberi; puta lege naturali, divina, ac humana simul. Ita communis Doctorum. Ratio est: quia nihil impedit, quo minus idem actus pro meliori Juris Divini aut naturalis observatione vel declaratione, Jure insuper humano prohibeatur. Sic enim furtum, aut homicidium voluntarium, non solum Jure naturali ac divino, sed etiam Lege humana tum Ecclesiastica, tum Civili, sub gravissimis pœnis prohibetur; e contra vero honor debitus parentibus, aliisque legitimis Superioribus, deferri mandatur.

46. CONCL. IV. Actus mere interni non possunt ulla lege humana, sive Civili, sive Ecclesiastica, per se ac directe præcipi. Ita communior & probabilior Doctorum. Ratio est: quia solus Deus est secretorum cognitor, & Judex, atque, ut dicitur *Psal. 7. Scrutans corda, & renes Deus*. Hinc etiam *1. Regum 16.* habetur: *Homo videt ea, quæ parent; Deus autem intuetur cor*. Confirmatur Conclusio: siquidem *Ecclesia non judicat de occultis*, ut dicitur *cap. Sicut tuis de Simonia*, & alibi: Et hac de causa Hæresis, aut Simonia, vel Usura mere mentalis, quamvis coram Deo sint ex genere suo gravia peccata, nihilominus pœnas juris non incurrunt, prout communiter docent tum Theologi, tum Canonistæ. Imo est vulgatum inter Jurisconsultos dictum, & habetur *can. Cogitationis, de Pœnitent. Dist. 1. Cogitationis pœnam nemo patitur*: intellige, ab homine, bene tamen a Deo, ut explicat Glossa ibidem.

47. Notanter autem dictum est in Conclusionē: *Actus mere interni per se & directe non possunt præcipi lege humana*: nam per accidens & concomitanter bene possunt sic præcipi, ut mox dicetur. Hinc sit

48. CONCL. V. Prædictis tamen non obstantibus, possunt actus aliqui interni lege humana præcipi, vel prohiberi per accidens, seu directe & concomitanter, quatenus requiruntur ad moralem substantiam actuum externorum. Ita communior & probabilior Doctorum. Sic quippe Ecclesia præcipit diebus festivis devotam auditionem Missæ, atque Confessionem Sacramentalem saltem semel in anno peragendam, ad quam utique illic requiritur interior attentio; hic autem dolor de peccatis. Similiter, cum legitimus Superior Sacerdoti præcipit, ut Missam celebret, eamque pro tali intentione applicet, vel Sacramentum Baptismi aut Pœnitentiæ administret, consequenter etiam per accidens, seu indirecte & concomitanter præcipit, ut habeat internam intentionem sacrificandi, Missamque applicandi, aut baptizandi, vel a peccatis pœnitentem absolvendi: utpote cum sine ea tales actus valide elici, atque moraliter subsistere non possint.

49. Ratio ulterior Conclusionis est: quia leges & præcepta homini imponuntur, ut ea humano modo impleat, non brutorum more; ergo sicuti opus præceptum violari non potest, nisi per actum vel omissionem humanam ac liberam, ita neque impleri: unde si quis ebrius vel dormiens die festo Missæ intersit, non factis.

tisfacit præcepto, quia ipsam non audit actu humano ac morali. Accedit, quod in prædictis casibus actus illi exteriores sine ullo actu interiori, attentione scilicet vel intentione, forent mera simulatio, DEO & hominibus execrabilis.

50. Et hac ratione, nimirum rite distinguendo, & concedendo, quod Ecclesia possit quidem præcipere actus internos indirecte, & concomitanter ut conjunctos externis, non vero per se & directe, solvuntur plures objectiones & instantiæ, quæ in præsentī materia fieri possunt.

51. CONCL. VI. Quamvis lege humana nunquam possit præcipi aliquid injustum, ac inhonestum, seu peccaminosum; nihilominus aliquando licite permittuntur quædam injusta atque inhonesta, ad evitacionem majoris mali, non quidem approbando minus malum tanquam licitum, sed dissimulando ejus pœnam. Ita communis Doctorum. Ratio primæ partis patet ex ipsa definitione Legis; alioquin enim ipsa foret iniqua, sicque non obligaret. Ratio vero secundæ partis est; quia quando utrumque malum omni diligentia possibili per legem evitari non potest, locum habet illud vulgatum: *Ex duobus malis minus est eligendum*; non quidem approbando minus malum, sed quatenus utrumque impediri amplius non potest, minus eligendo tanquam medium ad evitandum majus malum.

DISTINCTIO II.

De Obligatione Legum.

QUÆSTIO I.

**De Obligatione Legis Veteris ejusque
cessatione.**

SUMMARIUM.

1. *Præcepta Veteris Legis alia moralia.*

(a) *Ut dicetur num. 11.*

Alia ceremonialia.

Et alia judicialia.

2. *Unde dicta divisio desumatur?*

3. *Lex vetus obligabat solos Judeos per se loquendo.*

4. *An etiam obligarit Gentiles?*

5. *Ea cessavit introducta Lege Evangelica.*

6. *Circumcisio, & alia ceremonialia Legis veteris defacto sunt illicita.*

7. *Sed post Christi mortem per aliquod tempus fuerunt licita.*

8. *Et quamdiu?*

9. *Præcepta judicialia Legis veteris, quomodo sint evacuata?*

10. *Differentia inter ceremonialia, & judicialia Legis veteris.*

11. *Præcepta moralia ipsius obligant defacto, & quare?*

(b) *Ut dictum n. 5. & seqq.*

1. **A** DVERTENDUM cum communi Theologorum, quod præcepta veteris Legis, seu

seu Mosaicæ, fuerint in triplici differentia. Alia siquidem fuerunt *Præcepta moralia*, quæ ad morum disciplinam spectabant: qualia sunt, *non occides, non mœchaberis*, & hujusmodi, quæ etiamnum remanserunt, & obligant, non quatenus Leges veteris Testamenti, sed quatenus sunt Juris Naturalis. (a) Alia fuerunt *Præcepta cærimonialia*, quæ ad cultum Dei pertinebant; ac præscribebant, quomodo, & quibus cæimoniis in veteri Testamento Deus fuerit colendus, ut sic populus Judaicus, ad idololatriam propensus ab eadem retraheretur: ut Circumcisio, varii ritus Sacrificiorum, esus Agni Paschalis, & plura hujusmodi, quæ passim in veteri Testamento, ac præsertim in libris Moysis reperiuntur. Et tandem alia fuerunt *Præcepta judicialia*, quibus constituebatur rectus ordo populi tum inter se, tum quoad communitatem, atque in exercendis judiciis observandus: hujusmodi enim præcepta fuerunt veluti quædam justitiæ, inter homines illos observandæ, determinationes, ad quas Judices populi Israelitici in decisionibus occurrentium litium atque causarum attendere debuerunt.

2. Porro hæc triplex præceptorum veteris Legis divisio clare habetur *Deut. cap. 6.* ubi dicitur: *Hæc sunt præcepta, & cæmonia, atque judicia*; qualia alibi sæpius leguntur. Hinc D. Apostolus *Rom. 7.* loquens de Lege veteri, vocat illam *Mandatum sanctum*: & *justum*, & *bonum*. *Sanctum* quidem quoad præcepta cærimonialia, utpote quibus homo peculiariter ordinatur ad Deum, ejusque cultum exequendum

dum. *Iustum* propter præcepta judicialia, quibus homo maxime ordinatur ad proximum, ut præbeat unicuique, quod suum est. *Bonum* tandem propter præcepta moralia, quæ per se continent bonitatem atque honestatem, & ordinant hominem potissimum ad se ipsum. Hoc prænotato, sit

3. CONCL. I. Lex vetus per se loquendo obligabat solos Judæos. Ita Herincx *disp. 2. de Legibus qu. 2. n. 15.* estque communis Theologorum. Ratio est: quia ad Judæos solos Lex illa dirigebatur, illisque solis fuit promulgata, ut constat ex Sacra Scriptura passim; atqui Lex non obligat nisi eos, ad quos dirigitur, & quibus injungitur; ergo.

4. Dicitur, *per se loquendo.* Quia inprimis liberum fuit aliis Nationibus, Legem Mosaicam assumere, eamque profiteri per susceptam Circumcisionem; hæc enim erat janua Legis veteris, eo ferme modo, quo defacto Baptismus est janua Legis Evangelicæ, ejusque Sacramentorum. Deinde quamvis præcepta moralia non obligaverint Gentiles, in quantum erant per positivam DEI jussionem in lege Mosaica mediante Decalogo renovata; nihilominus etiam Gentiles tenebantur ejusmodi præcepta moralia observare, in quantum erant Juris naturæ.

5. CONCL. II. Lex vetus, ejusque obligatio cessavit introducta Lege Evangelica. Ista Conclusio est de fide; & habetur *Actor c. 15.* ubi a sanctis Apostolis in Concilio Jerosolymitano congregatis ex instinctu Spiritus Sancti

decretum fuit, atque promulgatum, non amplius obligare Circumcisionem, aliaque Legalia veteris seu Mosaicæ Legis. Idem patet ex tota Epistola D. Pauli ad Galatas, & alibi. Unde in jure Canonico cap. *Majores, de Baptismo* habetur: *Abfit, ut in illam damnatam hæresim incidamus, quæ perperam affirmabat, Legem cum Evangelio & Circumcisionem cum Baptismo servandam.*

6. CONCL. III. Circumcisio, & alia Præcepta cæremonialia veteris Legis, defacto in Lege Evangelica non solum penitus obligare cessarunt, sed insuper eorum observatio est prohibita, illicita, & mortifera, seu mortem animæ afferens. Ita omnes Catholici; & patet ex allatis auctoritatibus, de quibus *num. præc.* Accedit ratio: quia omnes cæremoniæ illæ fuerunt umbra & figura futurorum juxta illud 1. *Corinth.* 10. *Omnia in figura contingebant eis:* fuerunt enim Cæremonialia principaliter instituta ad præfiguranda Christi Mysteria ut futura, ejusque tanquam Messiae in Lege promissi adventum, ergo cum ejusmodi adventus, aliaque olim præfigurata Mysteria Christi jam fuerint completa, oportuit, ut & illæ cæremoniæ cessarent, ne alioquin significando aliquid ut futurum, quod tamen revera jam est factum, falsum significarent.

7. Fatendum tamen est cum D. Augustino *Epist.* 9. & 10. *ad S. Hieronymum*, & Theologos communiter, quod usus atque observatio Legalium, seu Cæremonialium veteris Legis, etiam post Christi mortem atque promulgationem

nem Evangelii, fuerit ad aliquod tempus licitus: modo in eis non collocaretur ulla spes salutis, neque ea observarentur ut signa præfigurativa futurorum. Ratio est: quia ipsimet Apostoli sæpius observarunt Legalia post Evangelium jam promulgatum; ergo eorum observatio fuit ad tempus licita, & non illico mortifera. Antecedens patet; sic enim *Actorum* c. 16. S. Paulus legitur circumcidisse Timotheum; & *Actorum* c. 21. idem S. Apostolus, de consilio Seniorum, purificatus ascendit in Templum. Congruentiam hujus optimam addit D. Augustinus *loc. cit.* ut videlicet Synagoga sepe liretur cum honore, simulque Judæorum scandalum omne evitaretur, sicque ipsi facilius possent ad Fidem Christi converti, dum advertebant suas cæremonias, utpote pro tempore veteris Legis bonas, sanctas, atque a Deo præceptas, non ita subito abrogari, atque contemni, sicuti ritus Gentilium.

8. Cæterum successu temporis, postquam veritas Evangelii magis, magisque mundo illuxit, umbra Legis tandem omnino evanuit, adeo ut jam *Actorum* c. 15. appellaretur *Hæresis Phariseorum, qui crediderunt, dicentes, quia oportet circumcidi, & præcipere quoque servare legem Moysi.* Unde patet, jam illo tempore non amplius obligasse legem Moysi. Quo autem tempore ea cæperit esse illicita, ejusque observatio mortifera, variant Theologi, cum illud ex Sacra Scriptura clare non constet, & post dictum Concilium Jerosolymitanum adhuc D. Paulus circumciderit Timotheum, atque

ipse purificatus ascenderit in Templum, ut proxime dictum. Sunt, qui Legalium usum volunt fuisse licitum usque ad viginti quinque annos circiter post Christi Passionem, nonnulli ultra; quamvis certum videatur, quod ante mortem S. Ignatii Martyris ac tertii post S. Petrum Ecclesiæ Antiochenæ Episcopi, res ista jam fuerit per Ecclesiam decisa, ut notat Bernardus Sannig *Dist. 1. de Legibus qu. 3. n. 9.*

9. CONCL. IV. Præcepta judicialia veteris Legis per adventum ac mortem Christi, atque prædicationem Evangelii, fuerunt quidem evacuata, ita ut desinerent vi illius Legis obligare; nihilominus ob naturalem æquitatem potest eorum aliquorum observatio etiam nunc per Prælatos Ecclesiæ præcipi. Ita D. Thomas 1. 2. qu. 104. art. 3, & alii communiter.

10. Unde est differentia inter Præcepta cæremonialia, & judicialia Legis veteris. Nam cæremonialia adeo sunt evacuata, ut non solum sint mortua, sive nullius amplius obligationis, aut utilitatis, sed etiam mortifera, ita ut illicitum sit ea observare tempore Legis Evangelicæ. Judicialia vero, etsi non obligent tempore Legis gratiæ vi veteris Legis, imo nec observari possint ex obligatione ipsius: tamen ob eorundem convenientiam, & æquitatem naturalem, possunt etiam defacto absque peccato observari, imo de novo præcipi per eos, quorum est condere leges; prout hoc in nonnullis eorum fieri, patet inductione. Sic inprimis defacto solvuntur Decimæ Parochis, aliisque Ecclesiæ Ministris, quia jure naturali, simul,

Quest. I De Obligatione Legis Veteris &c. 199

mulque Divino, debetur necessaria sustentatio Ecclesiæ Ministris, juxta illud Salvatoris, *Matthæi c. 10. Dignus est operarius cibo suo.* Et *1. Corinth. 9. Si nos vobis spiritualia seminavimus, magnum est. si nos carnalia vestra metamus?* & alibi. Similiter, quamvis mulier post partum statim possit ingredi Ecclesiam, nec teneatur abstinere per certos dies secundum Legem Mosaicam; si tamen puerperæ ex veneratione voluerint aliquamdiu abstinere, earum devotio admittitur in Jure Canonico *c. un. de Purificatione post partum.* Idem patet in pluribus similibus passim occurrentibus.

II. CONCL. V. Præcepta moralia etiamnum obligant, non quidem vi veteris Legis, sed quatenus sunt Juris naturalis, aut in Lege Evangelica per Christum denuo renovata. Ita communis Doctorum, Ratio primæ partis est; quia lex vetus per Christi adventum & mortem, fuit evacuata; (b) ergo vi ipsius præcepta moralia amplius non obligant. Ratio vero secundæ partis est: quia omnia Præcepta moralia veteris Legis reducuntur tum ad gemitum Præceptum Dilectionis DEI, & proximi, tum ad præcepta Decalogi: hæc autem obligant de Jure naturali, simulque sunt per Christum renovata, ut habetur *Matth. c. 19. Marc. 10. & Lucæ 18.* ergo.

QUÆSTIO II.

De obligatione Legis novæ, seu Evangelicæ, ejusque perfectione.

SUMMARIUM.

12. *Lex nova, quibus nominibus appelletur?*
13. *Lex Evangelica a Christo lata est pro toto Mundo, & obligat etiam Judæos ac Gentiles.*
14. *Obligavit tamen primum post sui promulgationem.*
15. *Lex nova excedit veterem multis modis.*
I. *Quia est facilior veteri.*
16. *Solvitur objectio.*
(c) *Juxta dicta quæst. præc.*
17. II. *Quia nunc conferuntur efficaciora auxilia gratiæ.*
(d) *De hoc infra Tract. 14. Dist. 1. num. 12. & seqq.*

18. III. *Quia Lex Evangelica per Filium DEI promulgata est &c.*

12. **A**DVERTENDUM, quod Lex nova variis nominibus appelletur. Et primo quidem dicitur *Lex Evangelica*, eo quod in quatuor Evangeliiis, vel potius in quatuor libris unius Evangelii contineatur registrata. Secundo dicitur *Lex nova*, vel in comparatione Legis veteris seu Mosaicæ, vel quia totum hominem per gratiam renovat. Tertio dicitur *Lex libertatis*, *Jacob. c. 2.* Item *Lex Fidei*, *Rom. c. 3.* Et tandem *Lex gratiæ*, eo quod non solum gratiam multo copiosorem conferat virtute Sacramentorum, ac in veteri Lege contigit; sed insuper contineat, & afferat omnis gratiæ Auctorem Christum Jesum. His prænotatis, sit

13. CONCL. I. Lex Evangelica, a Christo Domino condita est, lata pro toto Mundo; adeoque ad eam, atque ad suscipiendum Baptismum obligantur etiam Judæi, & Gentiles. Ita omnes Theologi. Prima pars, quod nempe Christus sit Auctor Legis Evangelicæ, desumitur ex illo *Isaia 33.* ubi de Messia venturo, seu Christo Domino prophetice prædicitur: *Dominus judex noster, Dominus Legifer noster.* Unde & in Evangelio passim, ac præsertim *Joan. c. 14.* Christus de suis legibus ait: *Mandata mea servate.* Altera pars, quod nempe Christus Legem Evangelicam tulerit non pro uno duntaxat populo, sed pro universo Mundo, ipsemet expressit *Matth. c. ult.* præcipiens Apostolis: *Euntes docete omnes Gentes baptizantes eos in nomine Patris, & Filii, & Spiritus Sancti: docentes eos servare omnia, quaecunque mandavi vobis.* Et *Marc. c. ult.* *Euntes in mundum universum, prædicate Evangelium omni creature.* Accedit ratio: quia Christus fuit Redemptor totius Mundi: ergo & Legislatur, condendo pro omnibus leges, per quas ad sanctificationem, vitamque æternam pervenirent.

14. CONCL. II. Nihilominus Lex Evangelica post factam sui institutionem non statim obligavit omnes, sed primum, quando solemniter fuit promulgata. Et hæc quidem promulgatio Jerosolymis contigit in die Pentecostes, qua Apostoli accepto prius Spiritu sancto cœperunt solemniter prædicare Baptismum, ejusque obligationem, dicentes: *Pœnitentiam agite, & baptizetur unusquisque vestrum, Actorum c. 2.*

In cæteris vero locis post mensem, vel annum, aut plures annos incepit dicta obligatio, prout nimirum variis populis Evangelium Christi serius, aut citius solemniter, & Deo per miracula doctrinam Evangelicam confirmante promulgabatur. Ita Doctor Subtilis 4. dist. 3. qu. 4. cum aliis. Ratio hujus patet ex dictis dist. præc. qu. 2. & 3. ubi generatim dictum est, ad cujusque Legis obligationem requiri, quod solemniter promulgetur.

15. CONCL. III. Lex nova ad veterem comparata, multis modis excedit in dignitate seu perfectione. Ita omnes Catholici; idque patet inductione, assignando speciales Legis Evangelicæ prærogativas præ veteri seu Mosaica. Nam I. Lex Mosaica fuit gravior multo lege Evangelica. Hinc D. Petrus Actor c. 15. dixit de lege veteri: *Quid tentatis imponere jugum super cervices discipulorum, quod neque patres nostri, neque nos portare potuimus?* Non quod Lex vetus absolute fuerit observatu impossibilis (Deus enim non præcipit impossibilia) sed quia observatu fuit admodum difficilis: quæ quidem difficultas oriebatur ex nimia præceptorum tum cæremonialium, tum judicialium numerositate, quorum aliqua satis erant difficilia. Econtra de Lege Evangelica ait Christus Matth. c. 11. *Jugum meum suave est. & onus meum leve.*

16. Nec obstat, quod Christus Matth. c. 5. multa superaddiderit Decalogo, dum v. g. ad illud præceptum, *non occides*, addidit, *non irasci*, & hujusmodi. Resp. enim cum D. Augustino lib. 19. contra Faustum, negando assumptum:

ptum : Christus enim nil superaddidit, sed tantum explicavit melius Decalogum reprobando expositionem antiquorum Phariseorum. Adde, quod in Lege Evangelica cessarit obligatio caeremonialium, & judicialium veteris Legis, etsi non moralium. (c.)

17. II. In Lege Evangelica conferuntur efficaciora, & copiosiora auxilia gratiæ ad ferendum onus Legis, justitiamque operandam, quam in Lege Mosaica. Ratio est : quia in Lege Evangelica omnia septem Sacramenta conferunt gratiam ex opere operato digne suscipientibus ; in Lege Mosaica vero sola Circumcisio conferebat gratiam (d) & quidem respectu gratiæ Baptismalis admodum parvam. Insuper in Lege Evangelica, eo quod merita Christi jam sint actu exhibita, Spiritus Sanctus abunde datur credentibus ; in Mosaica vero, quia merita Christi tunc solum erant prævisa, atque in futurum exhibenda, etiam mensura gratiæ dabatur modica.

18. III. Lex Evangelica est dignior veteri : quia quamvis utramque Legem Deus condiderit : nihilominus Mosaicam promulgavit per ministerium Angelorum, Evangelicam vero per Filium suum unigenitum. Excedit præterea, & differt in materia : nam Mysteria Sanctissimæ Trinitatis, & Redemptionis nostræ in Lege veteri fuerunt multum occultata, aut solum præfigurata ; quæ tamen in Lege Evangelica sunt revelata, & clarius manifestata, aut jam actu exhibita. Omittuntur plures aliæ
fi.

similes legis Evangelicæ prærogativæ, præ veteri, seu Mosaica.

QUÆSTIO III.

De Obligatione Legum humanarum, & an obligent cum periculo vitæ?

SUMMARIUM.

19. Potestas legislativa alia Ecclesiastica, alia Civilis; & quomodo differant?

(e) Dist. præc. n. 9. & 14.

20. Leges humanæ tum Ecclesiasticæ, tum Civiles, obligant in Conscientia, & sub peccato.

21. Solvitur objectio.

22. Id verum regulariter loquendo.

23. Lex humana obligat cum aperto vitæ periculo, quando ejus observantia est necessaria ad bonum publicum conservandum.

24. Vel quando ejus violatio cederet in contemptum Fidei, aut Ecclesiasticæ potestatis.

(f) Vid. tract. 7. dist. 1. n. 49. & 50.

25. Extra dictos duos casus non obligat cum periculo vitæ, vel gravis incommodi.

26. Corollarium generale.

27. Aliud de infirmo, itinerante &c.

28. Quid liceat excommunicato, vel irregulari occulto, ad vitandam infamiam?

* Qualiter cognoscatur obligatio gravis, vel levis?

19. **S**upponendum hic conformiter superius (e) dictis, quod Lex ac potestas legislati-

Quæst. III. De Oblig. Legum humanarum, &c. 205
lativa humana, alia sit Ecclesiastica, alia Civilis. Differunt autem inter se varie. I. Ratione originis: quia potestas legislativa Ecclesiastica proxime, ac immediate provenit a Deo prout patet ex verbis Christi *Matth. 16. Tibi dabo claves regni cælorum.* Et *Joan. 21. Pasce oves meas.* Item *Actorum 20. Posuit vos Spiritus Sanctus Episcopos, regere Ecclesiam DEI, quam acquisivit sanguine suo.* Econtra vero potestas legislativa civilis immediate provenit ab hominibus: utpote cum populus per Legem auream contulerit in Regem, atque Imperatorem totam suam potestatem, *L. 1. ff. de Constitut. Principum* quamvis & hæc saltem mediate sit a Deo, juxta illud *Rom. 13. Non est potestas, nisi a Deo.* II. Differunt ratione objecti, & finis: siquidem potestas legislativa Ecclesiastica per se, & directe, versatur circa res spirituales, ad salutem animarum: & consequendam vitam æternam ordinatas. Civilis vero potestas per se, ac directe, seu immediate, tantum respicit commoditatem, & tranquillam gubernationem Reipublicæ; quamvis mediate, ac per accidens, etiam salutem animarum respicere possit, in quantum vitia prohibet, ac punit. Unde sequitur, quod hæ duæ potestates, Civilis nempe & Ecclesiastica, propriis officiis, ac dignitatibus discretæ sint: quamvis Ecclesiastica ob excellentiam objecti, & finis sui, tanto præstet Civili, quanto quæ sunt spiritualia, præstant corporalibus. His prænotatis, sit

20. CONCL. I. Leges humanæ justæ, ac legitime promulgatæ, non solum Ecclesiasticæ,
sed

sed etiam Civiles, regulariter loquendo obligant in conscientia, ita ut earum transgressio in materia gravi sit peccatum mortale. Ita omnes Doctores. Ratio est: quia juxta quartum Præceptum Decalogi tenemur obedire non solum parentibus, sed etiam legitimis Superioribus nostris, juxta præcipientibus. Accedit illud Apostoli Rom. 13. *Omnia anima sublimioribus potestatibus subdita sit.* Et mox infra: *Subditi estote non solum propter iram, sed etiam propter conscientiam;* id est, non solum metu pœnarum, sed etiam, ne peccetis.

21. Quod si quis objiciat. Potestas Civilis non potest infligere pœnam mortis æternæ; ergo nequē sub ea, sive sub peccato mortali reatum pœnæ æternæ inducente, quidpiam præcipere. Probatur consequentia: quia ejusdem est, sub pœna quidpiam præcipere, & pœnam transgressoribus inferre posse: ne alioquin lex sit inutilis. Resp. Negando consequentiam, cum sua probatione: nam ad hoc, ut potestas Civilis quidpiam in Conscientia obligans præcipere valeat, sufficit potestas legislativa, quam habet a Deo, qui jussit legitimis Superioribus juxta præcipientibus esse obediendum. Nec idcirco lex illa erit inutilis: nam pœnam mortis æternæ, transgressoribus impœnitentibus statutam sufficit, quod Dominus Deus justus Judex infligat; utpote cujus mandatum simul violatur, & a quo etiam, saltem mediate, provenit potestas legislativa Civilis, juxta citatum illud Rom. 13. *Non est potestas, nisi a DEO: itaque qui resistit potestati, DEI ordinationi resistit.*

Quæst. III. De Oblig. Legum humanarum, &c. 207

22. Dicitur notanter in Conclusionē, *regulariter loquendo*. Siquidem non omnes Leges humanas obligare in Conscientia, patebit ex dicendis *Quæst. seq.* ubi ostendetur, dari leges aliquas mere pœnales, quæ ad culpam non obligant, sed ad solam pœnam fubeundam.

23. CONCL. II. Quando legis observatio est moraliter necessaria ad publicum bonum conservandum, tunc Lex humana potest obligare cum aperto vitæ periculo. Ita Herincx *disp. 3. de Legibus quæst. 12.* estque communis, Ratio est; quia conservatio boni communis, omnino est præferenda bono vitæ privati hominis; ergo in tali casu necessitatis potest Superior, cui ex officio iucumbit providere bono communi, obligare subditum ad observantiam legis cum periculo vitæ. Sic inprimis communiter admittitur, teneri militem tempore periculoso permanere in statione sua cum aperto mortis discrimine. Similiter tempore pestis tenetur Parochus, tum vi officii sui, tum præsertim accedente speciali præcepto Episcopi, permanere in suo loco ad excipiendas pestiferorum Confessiones, non obstante manifesto vitæ periculo. Idem accidere potest in aliis similibus casibus.

24. CONCL. III. Quando violatio Legis humanæ cederet in contemptum Fidei, aut Ecclesiasticæ legis vel potestatis, tunc est lex servanda etiam cum periculo vitæ. Ita cit. Herincx cum omnibus Catholicis Doctoribus. Sic si quis ab Hæreticis captus, urgeatur ad comedendum carnes tempore Quadragesimæ

mæ in contemptum Ecclesiasticæ legis, illique Hæretici minitentur mortem, nisi carnes comedat; potius ei moriendum foret, quam ut in talibus circumstantiis carnes comederet. Ratio est: quia violatio legis Ecclesiasticæ in talibus circumstantiis cederet in contemptum Fidei Catholicæ, potestatisque Ecclesiasticæ; & comedens carnes ad talem Hæreticorum instantiam, eorum sectam exterius profiteretur, ac metu mortis ipso opere contemneret potestatem Ecclesiæ: hoc autem nullo modo licet, sed est intrinsece malum. Unde tali potius esset subeunda mors, quam si quis ex præfata causa oppeteret, revera foret Martyr (f), cum moretetur ob confessionem Fidei Catholicæ, qua credimus, Ecclesiam a Christo accepisse potestatem certas leges Fidelibus imponendi.

25. CONCL. IV. Extra præfatos casus Lex humana, sive Civilis, sive Ecclesiastica, non obligat cum periculo mortis, aut alterius gravis damni. Ita Doctores communiter. Hinc c. 4 de reg. juris. dicitur: *Quod non est licitum in lege, necessitas facit licitum.* Accedit ratio: quia lex debet esse secundum naturam hominum; id est, conditioni humanæ accommodata: id autem non fieret, si leges humanæ semper obligarent cum periculo vitæ, etiam extra casus supra memoratos; ergo. Hinc

26. Inferitur I. Quia duo memorati casus sunt rari, communiter non obligare Leges humanas cum periculo vitæ, amissionis membrorum, famæ, notabilis boni temporalis, perturbationis pacis, aut alterius similis gravis mali, quod
con-

Quest. III. De Oblig. Legum humanarum, &c. 209
considerata qualitate legis prudenter judicatur
tale.

27. Infertur II. Eum non peccare, qui pressus gravi infirmitate corporis, de consilio Medicorum comedit carnes diebus jejunii; aut qui gravi labore corporali fatigatus, vel ex prolixo itinere fessus, utitur secunda refectioe: quia cum tanto incommodo corporali non obligat lex jejunii Ecclesiastici. Idem dicendum de iis, qui diebus Festivis remanent domi ad ejus custodiam, nec audiunt Missam in locis, ubi unica Missa celebratur. Innumera similia exempla passim occurrunt.

28. Infertur III. Excommunicatum occultum licite se gerere tanquam non excommunicatum, in quantum hoc est necessarium ad vitandam infamiae notam, aut similis mali periculum; adeoque si non habet, a quo absolvi possit, non teneri abstinere a Divinis, vel (prævia tamen contritione) Sacramentorum administratione, aut ab eligendo, & hujusmodi, si absque periculo infamiae, aut alterius gravis mali abstinere non possit. Similiter irregularis factus ob culpam occultam, potest celebrare, ordines fuscipere &c. si tam cito nequeat obtinere dispensationem, & absque gravi nota, vel damno, non possit diutius abstinere. Et ita de multis aliis est discurrendum, ac notat cit. Herincx cum communi.

Additio.

* Quæres, ex quibus signis cognoscatur, quod Legislator velit obligare non solum sub
O le-

Anacl. Reiffenstuel. Theol. Tom. I.

levi, sed etiam sub culpa gravi? Resp. ex sequentibus. I. Si ipsa materia, quæ præcipitur, vel prohibetur, sit gravis nec aliunde ex circumstantiis, vel ex consuetudine tanquam optima Legum interprete constet de voluntate alia Legislatoris, qui utique posset, si vellet, in materia etiam gravi tantum obligare sub levi culpa, vel etiam sub sola pœna; cum tota ratio obligationis dependeat ab ejusdem voluntate. II. Si ipsa verba Legis indicent mentem Legislatoris graviter obligare volentis, v. g. dum expresse poneret, quod graviter intendat obligare, vel quando adderet *præcipimus*, sive *prohibemus in virtute Sanctæ Obedientiæ &c.* formalis enim obedientia non solet facile in levibus injungi. III. Si adjiciatur pœna Excommunicationis majoris, suspensionis, vel interdicti; nam similes pœnæ notabiles spirituales ex praxi Ecclesiæ non annectuntur in Jure Canonico peccatis venialibus. IV. Si communis Doctorum, cui non posset opponi gravis ratio in contrarium, vel si usus, & consuetudo optima Legum interpretes, censeant per transgressionem talis Legis committi peccatum grave. Porro, quando similia signa non adestent insinuantia obligationem gravem, in dubio, num Legislator intenderit graviter vel leviter adstringere subditos, potius judicandum est de obligatione levi, quam gravi; nam *in dubiis benigniora præferenda sunt*, juxta Reg. 56. ff. *de Regulis Juris*. Et *in obscuris minimum est sequendum*. Reg. 30. *de Reg. Juris in 6.* Ob quam ipsam rationem in dubio, num verba Le-

Quæst. IV. De Legibus Pœnalibus, &c. 211

Legislatoris contineant veram legem, vel potius Consilium, magis in favorem subditorum judicandum erit posterius. Quod idem sentiendum, si consideratis omnibus considerandis adhuc dubitetur, num lex sit mixta, vel pure pœnalis.*

QUÆSTIO IV.

De Legibus Pœnalibus, earumque Obligatione.

S U M M A R I U M.

29. *Lex humana moralis, & pœnalis, quid?*
30. *Dantur leges aliqua mere pœnales.*
31. *Solvitur objectio.*
32. *Quod Lex aliqua sit mere pœnalis, pendet ex intentione Legislatoris.*
33. *Dicta intentio Legislatoris, unde desumenda?*
34. *Ad subeundam pœnam ferendæ sententiæ non tenetur Reus ante sententiam judicis condemnatoriam.*
35. *Pœna ipso jure inflicta, seu latæ sententiæ, & pœna ferendæ sententiæ, quæ?*
36. *Et quando pœna censeatur esse latæ, vel ferendæ sententiæ?*
37. *Alia hujus regula.*
38. *Verba illa, Sic excommunicatus, anathema &c. an contineant pœnam latæ sententiæ?*
39. *Pœna latæ sententiæ si non requirunt executionem externam, statim habent locum in Conscientia.*
40. *Secus, quando pœna illa requirit executionem externam &c.*

41. *Corollarium de Beneficiario.*42. *Disparitas utriusque casus.*43. *Instantia de inhabilitate ad Beneficia, & an hæc postulet sententiam judicis?** *Occurritur objectioni.*44. *Quid dicendum de pœnis corporis afflictivis?*45. *Corollaria notabilia.*

29. **A**DVERTENDUM, quod Lex humana, præter alias sui divisiones, communiter dividatur in moralem, seu absolute obligatoriam, & in legem pœnalem. *Lex moralis*, seu absolute obligatoria dicitur illa, quæ mores solum dirigit, obligando ad actum aliquem eliciendum, vel omittendum, nullam vero pœnam transgressoribus expresse imponit: unde tunc pœna Judicis arbitrio imponi debet. *Lex pœnalis* econtra dicitur illa, qua aliquid præcipitur, vel prohibetur, sub certa pœna transgressoribus constituta, cujusmodi pœna potest esse multiplex, nimirum vel spiritualis, ut excommunicatio, Suspendio &c. vel temporalis, ut confiscatio bonorum; vel etiam corporalis, ut incarceratio, mutilatio, fustigatio &c. Porro Lex pœnalis rursus dividitur in mere pœnalem, & mixtam. *Lex mixta* dicitur, quæ ad actum sub culpa præstandum, simulque ad certam pœnam transgressores obligat; & dicitur *Lex mixta*, quia est mixta ex morali, & pœnali. *Leges mere pœnales* appellantur eæ, quæ ad culpam non obligant, sed ad solam pœnam: & tales dari mox dicetur. Hinc fit

30. CONCL. I. Dantur Leges aliquæ pure pœnales, quæ ad culpam non obligant, sed ad solam pœnam transgressoribus impositam. Ita communis Doctorum, & novissime sequitur Christoph. Haunoldus tom. 1. de *Justitia & jure*, tract. 1. cap. 1. *controvers.* 5. quamvis Sanchez lib. 6. in *Decalogum* cap. 4. n. 12. velit, ejusmodi ordinationes ad solam pœnam obligantes, non esse proprie leges. Ratio Conclusionis est: quia lex non obligat ultra mentem Legislatoris. Unde in simili notant Doctores, quos citat & sequitur Layman. l. 1. tract. 4. c. 14. num. 2. quod Legislator circa materiam cæteroquin gravem possit obligare solum sub veniali; nam actus agentium non operantur ultra eorum intentionem, arg. cap. ult. de *Præbendis*. Hinc dantur quædam Religiosorum Ordinum Statuta, quæ ad culpam, seu sub peccato non obligant, sed tantum ad pœnam a Superioribus infligendam. Similiter ad culpam non obligant nonnullæ Constitutiones Politicæ, circa eos actus, qui nec Juri Divino, nec naturali adversantur, eorum tamen intermissio confert ad tranquillum Reipublicæ statum; v. g. ne quis noctu sine lumine ambulet, ne certum vestium ornatum portet, & hujusmodi.

31. Nec dicas. Ubi nulla intervenit culpa, ibi etiam juste non potest a Superiore infligi pœna; nam pœna est noxæ vindicta; ergo. Resp. enim negando consequentiam: quia licet in transgressione legis mere pœnalis nulla interveniat culpa Theologica, seu quæ sit peccatum coram Deo; nihilominus intervenit culpa Politi-

tica, importans defectum contra laudabilem Reipublicæ, aut Ordinis Religiosi constitutionem, bonamque politiam, quæ proinde culpa merito castigatur competenti pœna.

32. CONCL. II. Quod Lex aliqua sit mere pœnalis, non bene desumitur ex sola pœnæ adjectione; sed id dependet ex intentione legislatoris, quæ tum ex verbis Legis, tum ex subiecta materia, aliisque circumstantiis, prudenti judicio desumenda est. Ita D. Thomas 2. 2. *quest.* 108. *art.* 4. & alii communiter. Ratio est: quia inprimis adjectio pœnæ spiritualis v.g. Excommunicationis, Suspensionis, & hujusmodi, potius indicat, legislatorem voluisse obligare sub culpa: cum tales pœnæ non nisi ob culpam, seu peccatum, infligi soleant. Deinde loquendo etiam de pœna temporali, per ejus adjectionem magis augetur virtus obligatoria legis, quam minuitur: unde sequitur, quod, quænam leges sint mere pœnales, recte non desumatur ex adjectione pœnæ, sed hoc pendeat ex intentione Legislatoris, utpote a qua leges suam vim obligandi habent.

33. Cæterum ejusmodi intentio legislatoris, si non clare habetur ex verbis legis, prudenti judicio tum ex subiecta materia, tum ex aliis circumstantiis desumenda erit: neque enim circa hoc certa, & generalis regula dari potest. Huc etiam multum juvat consuetudo, utpote quæ est optima legum interpretes: siquidem per consuetudinem ex lege pœnali mixta posse fieri pure pœnalem, accessante reatu conscientiæ manere solam pœnam Fori externi, observat
Sua.

Suarez lib. 7. de Legibus, cap. 9. num. 11. & Layman lib. 1. tr. 4. c. 24. num. 12. & sequitur Ludov. Engel. tit. De Consuetud. n. 17. Qui addunt, id fortasse contingere in Legibus Civilibus imponentibus exactiones, aut prohibentibus venari, vel ligna scindere, sive aliquid ex Regno extrahere : licet enim in principio directivæ fuerint, nihilominus potuerunt usu fieri mere pœnales, & quasi naturam mutare, quia non aliter sunt receptæ.

34. CONCL. III. Quotiescunque Lex pœnalis imponit pœnam primum a Judice infligendam, seu pœnam ferendæ sententiæ, certum est, non obligari Reum ad subeundam, vel solvendam pœnam ante sententiam Judicis condemnatoriam. Ita communis. Neque enim Reus ad amplius tenetur, quam lex ipsa imponit; hæc autem solum imponit, ut Reus pœnæ adjudicetur; quod spectat potius ad Judicem, quam ipsummet Reum. Hinc infertur, quando Reus per legem excommunicandus, vel officio aut Beneficio privandus decernitur (quæ formula continet duntaxat pœnam ferendæ sententiæ) quod is ante latam a Judice sententiam possit valide, ac licite se gerere tanquam non excommunicatum, & non privatum; sicque exercere omnes actus sui officii, aut Beneficii : quia revera ante sententiam Judicis necdum incurrit ejusmodi pœnam, quamvis commiserit crimen, ob quod excommunicandus, vel officio aut Beneficio privandus est per Judicem. Sed illico pro hujus & sequentium Conclusio-
num intelligentia.

35. Quæres, quid sit pœna ipso jure inflictæ, siue latæ sententiæ, & unde dignoscatur, pœnam esse ferendæ sententiæ, vel potius ipso jure latam? Resp. I. Pœna ipso jure inflictæ, seu latæ sententiæ, dicitur illa, quæ posito delicto statim vilegis irrogatur; ut si in lege pœnali dicatur, *qui tale delictum commiserit, sit ipso facto excommunicatus*, officio aut beneficio privatus &c. pœna primum per Judicem juxta præscriptum legis infligenda vocatur illa, quam Legislator comminatur delinquenti, nondum autem imponit, sed primum per sententiam Judicis imponendam statuit: ut si dicatur, *qui tale delictum commiserit, privetur officio, excommunicetur* &c. Et hæc alio nomine dicitur *Pœna ferendæ sententiæ*: prior autem vocatur sub aliis terminis, *Pœna latæ sententiæ*.

36. Resp. II. Pœna censetur lata ipso jure, seu esse latæ sententiæ, quoties in lege pœnali adhibentur hujusmodi verba: *Ipsa facto, ipso jure, Mox, ex tunc* &c. *sit excommunicatus, suspensus vel privatus*. Insuper est pœna latæ sententiæ, si Legislator sibi, vel legi suæ adscribat sententiam, dicendo v. g. *Auctoritate nostra, Virtute hujus legis, ipso jure, subjaceat tali pœna*. Addit Herincx disp. 5. de Legibus n. 7. idem esse dicendum, si Lex utatur solo verbo indicativi modi, præsentis, aut præteriti temporis, v. g. *Excommunicamus, Suspendimus. Excommunicationem se noverit incurrisse, Sciat se esse excommunicatum*, & hujusmodi.

37. Resp. III. Si Lex utatur verbis imperativi modi, quæ non afficiunt immediate ipsam pœ-

pœnam, sed vel reatum pœnæ, dicendo, *qui hoc fecerit, reatum talis pœnæ incurrat, Fiat reus talis pœnæ*: vel ipsam actionem Judicis, dicendo: *Excommunicetur, suspendatur, Privetur suo officio, aut beneficio. Est excommunicandus, privandus &c.* Hujusmodi, inquam, formulæ solum continent sententiam ferendam; seu pœnam infligendam a Judice. Ratio est: quia de tali pœna ferendæ sententiæ possunt ejusmodi verba commode explicari; ergo etiam debent sic explicari: siquidem *in pœnis benignior est interpretatio facienda, juxta Regulam 49. Juris in 6. cum concordantiis.*

Resp. IV. Num illa verba, *sit excommunicatus, suspensus, privatus officio, sit anathema*, & hujusmodi, nullo alio addito contineant pœnam latæ sententiæ, nec ne? variant Doctores. Affirmant non pauci, eo quod ejusmodi verba imperativi modi afficiant immediate ipsammet pœnam. Oppositum nihilominus tenet Navarrus *cap. 27. Manualis n. 12.* ubi ait, quod hujusmodi verba, *sit excommunicatus*, non denotent sententiam latam, sed ferendam, nisi cum alia Jura id declarant. Probat hoc Navarrus varie; & imprimis auctoritate Glossæ *cap. 2. vers. Sequestratus, de Foro competent.* Deinde, quia verbum *sit* est futuri temporis, & potest commode explicari per *ly Fiat excommunicatus &c.* unde per illud non fertur sententia ipso jure, nisi aliquid aliud addatur, puta *ipso jure, ipso facto sit excommunicatus &c.* Tandem, quia stante dubio mitior pars in pœnis est eligenda; atqui præfata verba sunt dubia,

ut patet ex allatis rationibus, atque ipsa Doctorum varietate sentiendi; ergo.

39. CONCL. V. Loquendo nunc de pœnis latæ sententiæ si pœna ipso jure imposita aliam executionem externam non requirat, statim ut factum illud, cui talis pœna ipso jure annexa est, committitur, habet ipsa locum in Conscientia. Ita Ludov. Engel *tit. de Constit. n. 43.* estque communior Doctorum. Et tales sunt pœna Excommunicationis latæ sententiæ, & aliæ Censuræ Ecclesiasticæ, item irregularitates, impedimenta matrimonii, & hujusmodi; nam tales pœnas, si sint latæ sententiæ, ipso facto, & ante omnem sententiam judicis incurri, recepta praxis & usus declaravit.

40. CONCL. VI. Si vero pœnæ ipso jure illatæ, etiam externam executionem requirant (veluti est amissio domini, confiscatio bonorum, privatio Beneficii aut officii Ecclesiastici &c. ipso jure statuta) tunc ulterius ad obligationem in conscientia producendam requiritur sententia declaratoria Judicis super crimine admisso, nisi lex in specie addat clausulam, *alia etiam declaratione non secuta.* Ita Engel *loc. cit. num. 43.* Layman *lib. 1. Tract. 4. c. 15. n. 6.* citans alios, & tenent Doctores passim. Desumitur hoc ex *c. Cum secundum. de Hereticis in 6.* ubi bona Hæreticorum ipso jure confiscantur & tamen ipsi non illico in Conscientia obligantur bona sua tradere fisco; quin etiam dictæ confiscationis executio, seu bonorum occupatio, prohibetur fieri ante sententiam declaratoriam Judicis Ecclesiastici super crimine hære-

fis

sis admissio: ergo idem dicendum est de aliis similibus pœnis externam executionem requirentibus; cum de similibus idem iudicium sit habendum, c. *Inter corporalia. De Translat. Episcop.*

41. Ex hac Conclusionem inferitur cum Bonacina *disp. de Legibus qu. 1. punct. 7. §. 2. n. 11.* & aliis, quod Beneficiarius possit retinere Beneficium suum Ecclesiasticum, donec declaratur per sententiam Judicis, tale delictum ab ipso esse commissum, propter quod privatus sit ipso jure suo Beneficio: nisi forte in lege habeatur expressum, pœnam impositam statim in Foro conscientiae subeundam esse, seu illico deberi ante ullam Judicis declarationem super crimine admissio.

42. Quod si quæras disparitatem, cur pœnæ latæ sententiæ, sed executionem externam non requirentes, incurrantur ipso facto admissi criminis ante omnem sententiam Judicis, non vero aliæ requirentes externam executionem? Resp. Doctores hanc disparitatis rationem dare; quia priores sunt pœnæ privativæ, quæ non indigent actione, sed duntaxat cessatione; posteriores autem sunt pœnæ positivæ, atque indigentes reali actione, seu executione. Cum igitur naturæ humanæ foret admodum grave quin & contrarium, quod quis delinquens teneatur in semetipso exequi pœnam positivam, sicque esse sui ipsius & accusator, & iudex, & executor; ejusmodi leges non censentur obligare in conscientia ante sententiam judicis, nisi secus in eis exprimatur.

43. Fateor, quod Sanchez *lib. 9. de Matrim. disp.*

disp. 30. n. 1. § 2. hanc responsionem impugnet, eo quod inhabilitas ad Beneficia Ecclesiastica acquirenda, & ad ferendum suffragium sint pœnæ duntaxat privativæ, & tamen postulent sententiam Judicis, prout volunt Sotus, Navarrus, Molina, & Ledesma, quos citat. Verum hæc ipsa doctrina allegatorum Theologorum, sententiam Judicis in his casibus requirentium, non caret difficultate: nam inhabilitatem ad electionem activam & passivam incurri ante omnem sententiam Judicis, censent inter alios Suarez *lib. 5. de Legibus cap. 9.* Engel *loc. cit.* & Layman *lib. 1. tract. 4. cap. 15. n. 5.* ubi bene notandum, quod aliter debeat in præsentī discendi de jure aliquo, seu Beneficio, quod necdum possidetur, sub certa conditione acquirendo, & aliter de Jure quæsito, vel Beneficio jam legitime possessio iterum deperdendo: nam quoad posterius, ut illud jus, vel possessio per pœnam ipso jure illatam iterum amittatur, requiritur conformiter jam dictis *num. 40.* prævia aliqua sententia declaratoria, secus quoad prius, si nimirum agatur de Jure, seu Beneficio primum sub certa conditione quærendo.

Additio.

* Atque ex hac doctrina patet resolutio sequentis dubii: cur nimirum Beneficiatus non teneatur propter pœnam ipso jure illatam beneficium antea legitime obtentum atque possessum relinquere ante sententiam declaratoriam Judicis, & quare nihilominus propter similem pœnam obligetur in Conscientia ante aliam sententiam.

tentiam declaratoriam restituere pro rato fructus, si post primos sex Menses culpabiliter omiserit recitare horas Canonicas? prout contraria sententia ab Alexandro VII. anno 1665. expresse damnata est, quæ erat sequentis tenoris : *Restitutio a Pio V. imposita Beneficiatis non recitantibus horas, non debetur in Conscientia ante sententiam declaratoriam Judicis, eo quod sit pœna.* Resp. enim, Clericos illos Beneficiatos omittentes horas Canonicas ideo ante sententiam declaratoriam teneri pro rata ad restitutionem fructuum; quia in eosdem necdum (sicuti quoad ipsum Beneficium actu possessum) habent jus quæsitum, sed primum quærendum cum hac conditione annexa, ut recitent inter alia onera etiam horas Canonicas, quas si intermittunt, incurrunt pœnam præfatam, seu redduntur pro rata inhabiles ac incapaces ad ipsum jus alias primum quærendum, id est recipiendi dictos fructus; non autem per aliquam actionem ipsis adimitur quodpiam jus quæsitum, sed quod jam actu possiderent. Videatur de hoc fufius in Jure Canonico lib. 1. Decret. tit. 2. §. 10. a n. 226. usque ad n. 238.

44. CONCL. VII. Tandem loquendo de pœnis corporis afflictivis, tenetur quidem Reus per se ipsum exequi pœnam aliquam honestam, & non nimis acerbam, postquam per sententiam Judicis ad ipsam fuit condemnatus; puta, quod pergat in carcerem, fubeat abstinentiam aliquam, vel moderate se ipsum flagellet, prout moris est in quibusdam Religionibus: nihilominus nequit Reus obligari, ut graviores pœnas
cor.

corporis, utputa mortis, mutilationis &c. directe in semetipso exequatur, sed solum, ut ipsas per ministros Justitiæ illatas patienter sustineat. Ita communis.

45. Unde passim notant Doctores, quod damnatus ad bibendum venenum, parere non teneatur; quod damnatus ad mortem inedia perferendam, possit licite comedere cibos sibi clam allatos; quinimo quod damnatus ad mortem, vel mutilationem, possit etiam post sententiam Judicis fugere, si via effugiendi pateat. Herincx disp. 5. de Legibus quæst. 3. Engel ubi supra n. 44. Layman loc cit. num. 7. & seqq. qui tamen recte addunt, quod damnatus ad furcam, vel gladium, debeat collum præbere, aut scalam ascendere &c. nam hoc non est directe mortem inferre, sed inferendam sustinere, & per accidens solum ac indirecte ad eam cooperari.

QUÆSTIO ADDITA.

An Ignorantia excuset a pœna Legis Humanæ?

S U M M A R I U M.

** *Utrum ignorantia invincibilis excusans a culpa, eum excuset a pœna per legem statuta?*

** *An ignorantia solius pœnæ excuset ab illa incurrenda, si censura, & pœnæ extraordinariæ, ac impropportionatæ, excipiantur?*

* **C**ONCL. I. Ignorantia invincibilis, quæ excusat hominem a culpa, eum etiam ex-

Quest Addita. An Ignorantia excuset a pœna §c. 223
excusat a pœna per legem statuta, commu-
nis.

Prob. 1. c. 2. *de Constit.* dicitur *Rem, quæ culpa caret, in damnum* (id est pœnam) *vocari non convenit* : ergo. Prob. 2. *cessante causa cessat effectus* c. *cum cessante* 60. *de appellationibus* ; atqui culpa est causa pœnæ : ergo cessante culpa cessat pœna : consequenter ubi nulla est culpa contracta propter ignorantiam Legis, ibi pœna locum non habet. Consentit *Regula* 23. *de R. I. in 6.* asserens, sine culpa aliquem non esse puniendum.

Conclusio hæc cum proportionem etiam de lege pure pœnali intelligenda venit : nam neque ille, qui penitus nescivit legem ejusmodi mere pœnalem, & sic ob ignorantiam neque culpam politicam contraxit, ad pœnam videtur esse obligandus : uti recte monet Herincx *tract. de Legibus d. 5. q. 4. n. 26.* Ex his deduces, illum, qui ob ignorantiam excusatur a culpa gravi, non posse, nec debere puniri pœna gravi, etsi interea peccarit venialiter. Ratio est : quia in hoc cessat fundamentum, ob quod gravis pœna imponitur : cessat enim culpa gravis.

Concl. 2. Ignorantia solius pœnæ non excusat ab illa incurrenda, si censuræ & pœnæ extraordinariæ ac improporionatæ excipiantur. Reiffenstuel *L. 5. Decret. Tit. 3. n. 321.* Herincx *jam cit n. 29.* Covarruvias, ac plures alii apud Reiffenstuel laudati contra aliquos alios

Conclusio intelligenda venit de illo casu, quo quis scit Lege Divina, naturali, vel humana esse prohibitam aliquam actionem, ignorat tamen

men pœnam specialiter a lege humana incommittentes tale crimen statutam : v. g. fur aliquis bene scit, furtum esse graviter prohibitum a Jure naturali, Divino, & humano, ignorat autem pœnam suspendii in furantes esse statutam. Hoc notato

Prob. Conclusio 1. Ignorantia solius pœnæ non tollit causam pœnæ, seu culpam : ergo neque tollit effectum culpæ seu pœnam, tam ab hominibus, quam a Deo infligendam.

Prob. 2. Eo ipso, quod quis transgrediatur legem obligantem, se facit reum pœnæ proportionatæ huic transgressioni, & in eam implicitè consentit, præcipue, quia cuilibet malefactori aliunde est notum crimina & delicta contra legem commissa posse & debere proportionata pœna castigari : ergo.

Prob. 3. Ex ipsa praxi omnium tribunalium, quæ malefactores pœna per legem statuta afficiunt, eos condemnando ad patibulum, rotam &c. etsi has pœnas directe in sua delicta statutas esse ignoraverint : ergo. Dixi tamen 1. si censuræ excipiantur : hæ enim non incurruntur ab eo, qui ignoravit eas esse impositas a Jure ; ut aliunde constat. Dixi 2. si pœnæ extraordinariæ excipiantur : hæ enim probabiliter non incurruntur etiam in foro externo civili ab illo, qui eas invincibiliter ignoravit esse annexas suo delicto : Navarrus, Sa, Tamburinus, la Croix, & alii. Ratio est : quia ex una parte videtur injustum aliquem affigere pœna illa, cui se nullo modo subjecit, & in quam neque virtualiter & implicitè consen-

Quæst. Addita An Ignorantia excuset a pœna Sc. 225

fenlit; ex altera parte ignorans talem pœnam extraordinariam in eam non consentit formaliter, & actu, quia eam non scit, neque virtualiter & implicite, quia implicite reus & delinquens solum consentit in pœnam ordinariam & proportionatam: ergo &c.

Obji. 1. Pro contraria sententia, quam P. Stanislaus Karg in Manuali Theologico-Canonico Legali de irregularitate ex delicto, & consequenter de aliis pœnis Ecclesiasticis, non vero Civilibus sustinet, *Part. 1. §. 2. n. 17.* pro se allegans plures graves Theologos. *c. ut animarum de constit. in 6.* dicitur: *ut animarum periculis obvietur, sententiis per statuta quorumcunque Ordinariorum prolatis, ligari nolumus ignorantes, dum tamen eorum ignorantia crassa non fuerit, aut supina.* Ex quo sic argumentari licet: Hoc capitulum continet favorem animarum: ergo ample est interpretandum, ita quidem, ut sensum faciat, quod non solum sententiæ censurarum, sed & omnes sententiæ, inhabilitates, ac pœnæ spirituales non stringant ignorantes; ergo ignorantia cujusvis pœnæ excusat ab ea incurrenda. *Et cum Covarruvia*, citatum capitulum esse intelligendum de illa ignorantia, quæ facit actum involuntarium, & excusat etiam a peccato: hæc enim simul excusat a pœna, quæ primum sequitur culpam, ut dictum est *Concl. 1.* Non autem loquitur capitulum de illa ignorantia, qua sola pœna ignoratur, & quæ stat cum scientia prohibitionis ipsius actus.

Dices: Capitulum cit. loquitur de furto,
P quod

Anacl. Reiffenstuel. Theol. Tom. I

quod aliunde scitur esse prohibitum a jure naturali & Divino: ergo capitulum non loquitur de illa ignorantia, quæ penitus causat involuntarium, & excusat a peccato: per consequens loquitur de sola ignorantia Pœnæ annexæ furto per statuta Ordinariorum. ant. patet ex textu Capit. consequentia etiam liquet; nam si furtum scitur esse prohibitum jure Divino, & naturali, jam habetur sufficiens cognitio ad voluntarium & peccatum.

R. Cum Covarruvia n. a. nam quando capitulum adducit exemplum furti, non amplius loquitur de ignorantia, sed de puncto alio. Hinc notandum est ex Summario allegati capituli, quod in eo duo dubia sint decisa. Primum est, quod statuta Ordinariorum non ligent invincibiliter ignorantes: alterum est, quod statutum Episcopi subditum existentem extra suam Diœcesin non liget. Pro primo dubio expediendo nullum casum specialem adducit Pontifex scilicet Bonifacius VIII. Auctor istius Capituli. Pro 2do vero per parenthesin adducit causam furti. Id quod patet consideranti ipsum textum, qui post superius adducta verba ita habet: *Statuto Episcopi, quo (in omnes, qui furtum commiserint) excommunicationis sententia promulgatur, subditi ejus furtum extra diœcesim committentes, minime ligari noscuntur, cum extra territorium jus dicenti non pareatur impune.*

Ex quibus habes, quod casus furti in illo capitulo adductus, omnino sit impertinens ad primam ejus partem, & primum dubium de ignorantia.

Obj. 2. Censuræ Ecclesiæ, scilicet excommunicatio, suspensio, & interdictum non in-

Quæst. Addita An Ignorantia excuset a pœna *Sc. 227*

curruntur ab ignorante eas esse annexas suo delicto : ergo idem est de aliis pœnis Ecclesiasticis. R. n. conseq. censuræ enim imponuntur tanquam medicinæ præservativæ, & admonitiones, quæ nimirum timore sui debent abstertere a culpa ; atqui non possunt esse admonitiones, neque abstertere a culpa, nisi præcognoscantur, proinde etiam non incurruntur, nisi præcognoscantur. Item per censuras punitur contumacia, qua reus resistit potestati Ecclesiæ, quatenus hæc aliquid sub censura prohibet : neutrum fit in aliis pœnis, quæ non in medicinam, neque ob contumaciam specialem, sed in debitam & proportionatam vindictam culpæ commissæ imponuntur : si ergo culpa est commissæ, jam habetur causa sufficiens talium pœnarum.

Obj. 3. ad hoc, ut aliquis mereatur pœnam, debet in eam aliququaliter consentire ; sed ignorans pœnam esse annexam, in eam non consentit : ergo. R. D. maj. debet vel explicite vel implicite in eam consentire con. maj. explicite semper n. maj. satis implicite consentit in pœnam proportionatam delicto, dum voluntarie committit facinus, quod aliunde scit posse proportionata pœna vindicari a Superiore.

Ex dictis fit 1. Ignorantiam, quæ non excusat a culpa gravi, ob quam imponitur, non excusare quoque a pœna. Ratio est: quia hæc ignorantia non tollit causam pœnæ, scilicet peccatum grave : ergo neque tollit ipsam pœnam. Ex quo

Fit 2. Neque regulariter ignorantiam cras-

sam, ac vincibilem excusare a pœna per legem dictata. Ratio est: quia hæc non excusat a culpa gravi: ergo. Dixi tamen: *regulariter*: excipiendus enim est casus, quo lex ad incurrendam pœnam requirit scientiam ad dolum v. g. dicendo: *qui temere hoc fecerit, præsumperit, scienter hoc attentaverit*, incurrat pœnam privationis beneficii: nam in tali casu ad pœnam incurrendam non sufficit culpa qualiscunque, sed quæ supponit scientiam, adeo, ut si quis ejusmodi legem transgrediatur ex ignorantia vincibili aut crassa, etsi sufficiente ad peccatum mortale, non incurrat similes pœnas. Ita Herincx cit. n. 27. aliud est, quando quis similes leges violat ex ignorantia affectata; hæc enim in jure æquivalet temeritati ac scientiæ, adeoque neque in simili casu a pœna excusat, ut docet Suarez, ac plures alii apud Herincx, qui & eorum sententiam valde probabilem censet contra Bonacinam.

Fit 3. Conclusionem nostram specialiter etiam locum habere in casu, quo transgressor scit quidem actionem suam esse prohibitam lege divina, vel naturali, ignorat autem eam esse prohibitam lege humana, neque scit pœnam a lege humana taxatam. Ita Scotus 4. d. 6. q. 8. n. 1. Suarez, Herincx &c. Ratio est: quia tunc adest culpa, quæ est causa pœnæ. Accedit, quod lex humana non solum intendat punire formalem sui transgressionem, sed etiam violationem Legis Divinæ, aut naturalis, præsertim si cadat in materiam etiam a se præceptam: ut bene observat P. Herincx.

Fit

Appendix I. De Lege irritante, seu invalid. &c. 229

Fit 4. Irregularitatem ex delicto, item impedimenta matrimonii, quæ ob certa crimina sunt statuta, ut affinitas ex copula illicita, impedimentum uxoricidii etiam a fortiori incurri ab eo, qui ignorat ea esse annexa suo delicto, vel crimini. La Croix, & alii apud hunc, contra aliquos alios. Ratio hujus est: quia irregularitas, & hæc impedimenta non sunt propria pænæ, sed potius sunt quædam inhabilitates a Jure statutz, & si forent pænæ, non tamen essent medicinales, quæ contumaciam, & scientiam pænæ prærequirerent: ergo etiam ab ignorantibus &c. incurruntur. **

APPENDIX I.

De Lege irritante, seu invalidante Contractus, aliosve Actus.

S U M M A R I U M.

Utrum omnis Actus prohibitus subjaceat irritationi?

Additio I.

Quid intersit, an Actus aliquis per Judicem primum, vel per ipsum Jus pronuntietur irritus? Additio II.

An omnis Actus ipso Jure pronuntiatus tanquam irritus reputetur plenissime irritatus? Additio III.

An Actus aliquis ipso quidem Jure pronuntiatus irritus, sed nondum plenissime irritatus subsistat saltem in Foro interno, seu conscientie ante aliquam sententiam Judicis, vel exceptionem partis? Additio IV.

Corollaria ex hac doctrina. *Additio V.**Solvitur notabilis objectio. Additio VI.**Additio I.*

* **N**on omnes contractus, aliive actus, qui per legem prohibentur, jubentur eo ipso necessario irritari, nam *multa fieri prohibentur, quæ, si facta fuerint, obtinent roboris firmitatem*, inquit Pontifex *cap. Ad Apostolicam de Regulariis*. Sic Matrimonium cum voto simplici castitatis, vel alio impedimento præcise impediende initum est quidem Prohibitum, non tamen irritum, seu invalidum. Quare ut actus aliquis a Lege prohibitus censeatur simul nullitati subiectus, debet id Legislatores vel directe ac explicite exprimere, vel saltem indirecte, & implicite insinuare. Explicite fit: si dicat e. g. talis actus irritetur, vel etiam talis actus sit ipso facto irritus &c. Implicite autem, dum absque simili expressa mentione vel ad talem actum certas personas inhabilitat, vel præscribit certam formam substantialem in contractu, seu tali actu observandam, nam si personæ inhabilitatæ postea hunc actum seu contractum instituunt, vel alias habiles præscriptam formam non observant, eo ipso talis actus seu contractus subiacet nullitati, quamvis nulla clausula irritatoria sit expresse adjuncta. *

Additio II.

* Porro sicuti Lex pœnalis alia est latæ sententiæ, alia primum ferendæ, ita pariformiter Lex irritans alia annullat actum seu contractum ipso

Appendix I De Lege irritante, seu invalid. §c. 231

ipso jure, alia vero invalidat eum primum per sententiam decisivam Judicis, e. g. si Lex dicat, *irritetur* §c. signum est, quod actus contra talem Legem factus tamdiu valeat, quamdiu per auctoritatem Judicis non rescinditur: talis actus est contractus venditionis, in quo intervenit læsio ultra dimidium justii pretii. *L. 2. C. de rescindenda venditione.* Econtra vero si Lex absolute pronuntiet aliquem actum seu contractum nullius roboris, sive aliis utatur terminis explicite, vel saltem implicite, invaliditatem ipso Jure talem indicantibus, similis actus censetur invalidus, etiam antequam Judex eundem ut talem decida, idque vel pro utroque foro, ita, ut nullam obligationem talis contractus pariat, ne quidem naturalem, ac pro foro interno, vel præcise pro foro externo taliter nimirum, ut ante declarationem Judicis equidem adhuc duret obligatio naturalis, etsi non civilis, prout nimirum memoratus actus seu contractus fuerit plenissime, vel non plenissime per ipsam Legem irritatus, pro quo *

Additio III.

*Notandum ulterius, quod tunc aliquis contractus, aliusve actus, qui spectando solum Jus naturale foret adhuc validus, censeatur per Jus positivum plenissime irritari, quando vel in irritatione adduntur similes clausulæ: *Etiam in foro animæ non suffragetur: sive quod obtentum est, non valeat ullatenus retineri: aut taliter: viribus careat absque omni alia declaratione* §c. vel si etiam absque similibus clausulis

irritetur aliquis actus alias irrefcindibilis, nimirum talis, qui, si semel valet, semper valet, & si semel non valet, semper non valet, quales actus sunt Matrimonium, & Professio Religiosa; unde si Matrimonium propter certa impedimenta dirimentia pronuntiatur ab Ecclesia tanquam invalidum, vel Professio ante annum decimum sextum, aut absque præmissis Novitiatus irrita, tales actus contra dictas Leges celebrati censeantur semper irriti in Foro quoque conscientiae, & ante omnem sententiam Judicis etiam præcise declaratoriam. Quod si vero actus, per Jus positivum etiam ipso facto pronuntiati irriti, ex natura sua extiterint rescindibiles, nec in irritatione eorum fuerit apposita aliqua ex supra allegatis clausulis, similes actus dicuntur a Lege non plenissime irritari. Et de his ultimis finaliter quaeritur, utrum, dum ipso Jure, seu (quod idem est) ipso facto explicite vel implicite pronuntiantur irriti per Legem, debeant ita reputari irriti, ut quoque sint tales ante ullam Judicis sententiam etiam præcise declaratoriam, & quamvis nemo sese excipiendo opponat, ejusque rescissionem petat? Ad quod *

Additio IV.

* Respondeo, in his circumstantiis similes actus, etsi ipso Jure per Legem pronuntiati irriti, in foro interno seu conscientiae probabilissime ante exceptionem, seu Judicis declarationem adhuc subsistunt. Ratio est: quia similes actus Jure naturali ante Legem positivam irritantem substitissent ex una parte, uti supponi-

Appendix I. De Lege irritante, seu invalid. Sc. 233

ponitur, & ex altera non constat sufficienter, quod Lex positiva eosdem ita annullaverit, ut neque valeant in foro conscientiae ante exceptionem, seu Judicis declarationem; ergo Jus naturale manet adhuc in sua possessione, debemusque pro valore alicujus actus stare, quamdiu possumus. Accedit, quod Lex positiva, si intendat similes actus plenissime irritare, addat certas clausulas superius adductas; ergo dum has non adjungit, signum est, quod neque intendat irritare plenissime, & in foro conscientiae ante sententiam Judicis declaratoriam. *

Additio V.

* Ex hac doctrina practice varios poteris resolvere casus de alienatione rei Ecclesiasticae facta, non servata forma in Jure requisita, de Testamento sine debita solemnitate condito, de electione, in qua certae conditiones per jus positivum ad valorem praescriptae non interveniunt, de contractu cum pupillo absque auctoritate Judicis celebrato, de donatione ultra quingentos solidos &c. nam etsi omnes isti actus, seu contractus per Legem positivam Canonica, vel Civilem pronuntientur directe vel indirecte ipso jure nulli, possunt tamen exinde acquisita, si nullum aliud peccatum in servando interveniat, in foro conscientiae licite retineri, & electus in possessione suae praebendae persistere, usque dum similes actus per oppositionem partis adversae, seu declarationem Judicis declarentur nulli.

Additio VI.

*Dices, exinde sequi, quod in effectu non sit discrimin, sive aliquid primum irritetur per sententiam decisivam, sive pronuntietur ipso jure irritum per sententiam declaratoriam; cum utrobique in effectu non detur obligatio restituendi; aut actum recognoscendi tanquam invalidum ante aliquam sententiam. Respondeo, esse adhuc notabilem diversitatem inter utramque irritationem ex eo, quod actus per sententiam solummodo decisivam irritandus primum incipiat computari tanquam nullus a tempore irritationis per Judicem factæ, non a tempore contractus instituti. Econtra vero actus ipso jure nullus post sententiam nullitatis declaratoriam semel pronuntiatam fictione Juris retrahitur quoad suos effectus ad tempus instituti contractus, ita, ut talis nulliter contrahens post sententiam declaratoriam debeat restituere omnes fructus exinde non solum a tempore declarationis, verum etiam a die instituti contractus perceptos. E.g. ponamus: Petrus in aliquo testamento absque debita solemnitate facto percepit equas, & vaccas, ex quibus successu temporis acquisivit hinnulos, & vitulos: in hoc casu si testamentum impugnatur, ac a Judice declaratur ipso jure nullum, debet Petrus restituere non solum equas & vaccas, verum etiam hinnulos, & vitulos. Item ponamus, quod Petrus vi alicujus testamenti absque debita solemnitate facti acquirerit hortum, ex quo intra certum tempus varios obtinuerit fructus: in hoc casu, si illud testamentum op-

pugna-

Appendix II. De Legibus ac Princip. Edictis §c. 235
 pugnatur, ac a Judice ipso jure nullum declaratur, debeat Petrus restituere non solum hortum, verum etiam omnes fructus exstantes, quos a tempore, quo hortum obtinuit, exinde acquisivit. Videatur Reiffenstuel in Jure Canonico lib. 1. Decret. tit. 2. §. 11. & Tractatu de Regulis Juris Regula sexagesima quarta.

APPENDIX II.

**De Legibus ac Principum Edictis imponen-
 tibus Vectigalia, vel Tributa &c.**

S U M M A R I U M.

- * Potestas imponendi Vectigalia vel Tributa fundatur in Jurisdictione: Jurisdictio quotuplex? Addit. I.
- * Explicatur quælibet in specie. Addit. II.
- * Regalia quidnam importent? Addit. III.
- * Vectigalia quotuplicia? Addit. IV.
- * Tributa declarantur. Addit. V.
- * Vocantur etiam Steuræ, Collectæ, Exactiones, Gabellæ, Accisa, vel Indebita. Addit. VI.
- * Specialiter de Capitatione. Addit. VII.
- * Vectigalia imponere, an, & quando liceat? Addit. VIII. & Addit. IX.
- * Quot conditiones requirantur, ut juste imponantur Tributa? Addit. X. & XI.
- * Quidnam sit Principibus observandum in cudendis variis monetis? Addit. XII.

Additio I.

- * CUM potestas ferendi Leges, constituendi nova Vectigalia, & imponendi Tributa
 ac

ac Collectas requirat aliquam ex parte ferentis, seu imponentis Jurisdictionem, & quidem maxime in Romano Imperio, non communem, sed supremam; hinc pro claritate majori Notand. I. Quod Jurisdictio sit quadruplex, nimirum *Suprema*, *Superior*, *Inferior*, seu *Bassa*, & *Simplex*, pro quibus omnibus *

Additio II.

* Notandum II. Quod *Jurisdictio simplex*, seu respective *infima* sit potestas cognoscendi aliquas præcise causas civiles, & quidem absque coërcitione, seu jure exequendi sententiam. Dicta Jurisdictio absque potestate exequendi vix amplius est in usu in nostra Patria.

Jurisdictio inferior, seu *Bassa* (ab aliis appellatur *Imperium mixtum*) est potestas adjudicandi, & exequendi seu coercendi quoad causas Civiles, vel etiam Criminales extra Jus Gladii. Hæc in nostra Patria teste Chligensperger *cap. 4. Jurisprudentiæ feudalis q. 14.* fuit ab Ottone Baviaræ Duce, & Rege Hungariæ concessa Nobilitati Baviaræ ob præstita merita in acquirendo pro tunc Regno Hungarico.

Jurisdictio superior est potestas judicandi in causis non solum Civilibus, sed etiam criminalibus gravioribus usque ad pœnam capitis inclusive. Vocari quoque solet *Imperium merum*, atque in Bavaria, ubi hæc scribo, tribuitur Regiminibus, ac Præfecturis Electoralibus & quibusdam civitatibus, ac talibus nonnullis Illustribus Familiis, quæ *Imperium merum* habent

bent annexum suis Castris, qualia exinde vocantur Dynastiae vulgo *Herrschaften*, ad distinctionem Hoffmarchiarum habentium solummodo Jurisdictionem Bassam.

Jurisdictionis *suprema* est summa potestas ferendi Leges proprie tales, gubernandi Rempublicam, & dicendi Jus in Territorio cum prerogativis Regalibus, eaque Jurisdictionis in Romano Imperio vel est *immediata* vel *subalterna*. Prior adscribitur Imperatori in Romano Imperio; posterior autem Electoribus, S. R. I. Principibus, aliisque Imperii Statibus immediatis. *

Additio III.

* Notandum III. Regalia majora supremæ Jurisdictionis præprimis *immediate* Imperatoriæ, deinde etiam saltem magna ex parte *subalterna* annexa nihil aliud esse quam Jura Majestatis (uti vocantur) seu varias potestates, quibus veluti partibus Majestas tanquam totum quoddam potestativum componitur. Talia Regalia censentur Jus aggratiandi, seu reis condemnatis promeritam & in Jure taxatam remittendi poenam, Jus nobilitandi, Academias instituendi, monetas cudendi, Vectigalia, vel tributa imponendi, aliasve Leges pro suo Territorio salutare condendi: de quibus, ac quarum ex his non solum Imperatori, verum etiam immediatis Imperii Statibus convenient, Publicistæ fusius tractant. †

Additio IV.

* Notandum IV. Vectigalia in sensu communi dici omnes illos redditus, qui pro mercibus in Territorium invehendis vel avehendis, seu etiam pro transitura solvuntur. In sensu aliquo strictiori præstationes datæ pro mercibus vectis *per aquam*, vocantur *Portoria*, quod si *per terram*, proprie appellantur *Vectigalia*, quæ vero pro sola transitura, nominantur *Pedagia*; & ea solvuntur ab his, qui per tale Territorium vel pedestres incedunt, vel etiam sella, lectica, aut equo iter instituunt; nam etiam isti in Jure reputantur quasi pedestres, *L. Qui sella ff. de Servit. Præd. rust.* Si aliqui per pontes euntes debent solvere præstationes nominantur eæ *Pontenagia*. Quod si per naves pensiles seu rotatiles super aquas de una ripa in aliam transferuntur, solutiones præstandæ dicuntur *Pontivegia*. *

Additio V.

* Notandum V. Tributum in sensu latissimo sumptum (prout nimirum derivatur a verbo *Tribuo*) esse omne illud, quod Principi vel Republicæ tribuitur ex gravi causa, sive fiat præcise ob in- vel avectionem mercium, sive intuitu reparationis Pontium, aut securitatis itinerum, sive ex aliis motivis in diversis rebus ad promovendum, vel conservandum bonum publicum. Et in hoc sensu non solum Collectas ac Gabellas, verum etiam Vectigalia, Portoria, atque Pedagia comprehendit. Ast in sensu ad propositum nostrum magis accommodo Tributa (germanice *Steur*) vocantur illæ
con-

Appendix II. De Legibus ac Princip. Editis &c. 239
contributiones, quæ extra avectionem, vel
invectionem mercium, vel extra transiturem,
habentibus supremam Jurisdictionem solvun-
tur ex bonis immobilibus, vel etiam mobilibus,
ad conservandum statum ac competentem di-
gnitatem Principis, aut ad congrue prospicien-
dum aliis necessitatibus, & utilitatibus Reipu-
blicæ, seu boni communis. *

Additio VI.

* Notandum VI. Quod ultimo descripta
Tributa (vulgo *Steura*) alia sint ordinaria, alia
extraordinaria. *Priora* singulis plerumque an-
nis in certa quantitate solvuntur: *Posteriora*
vero ingruente solum aliqua extraordinaria ne-
cessitate, aliave gravi causa. Vocantur au-
tem *Steura* præsertim extraordinariæ de novo
impositæ personis pro rebus, alio nomine *Col-
lectæ*, *Exactiones*, *Tallia* &c. Item si certæ
pensiones pecuniariæ Principi, vel Reipublicæ
solvendæ imponuntur esculentis vel poculentis
(puta vino, cerevisiæ, carni &c.) nominan-
tur subinde ab Auctoribus *Gabella*, vel *Accise*,
ab aliis *Accisa*, vulgo *Ausschlag*. Quando au-
tem ex his ipsis poculentis dantur Principi ali-
qua in natura (uti in Bavaria ex qualibet urna
vini sex mensuræ) appellantur in nostra Patria
Indebita, germanice *Umgeld*. Extranei, præ-
sertim Itali, uti Belletus, Sperellus, & Barto-
lus ajunt, *Collectas* imponi Subditis *Titulo Ju-
risdictionis*, Tributa autem præsertim antiqua
ipsis rebus *Titulo Dominii*. Sed quidquid de hoc
sit, in præsentem nos accommodamus priori ex-
plicationi. *

Ad-

Additio VII.

* Notandum VII. Quod inter Tributa inveniatur quoddam, quod vocari solet *Capitatio*, germanice *Kopf-steur*, eratque memoratum Tributum jam agnitum ab Ethnicis, utpote datum a subditis tanquam professio subjectionis, & agnitio publica Majestatis in suo Principe, sine qua agnitione Rempublicam diu pacificam stare non posse optime sciebant, sicque hæc Steura redundabat in conservationem Boni publici, seu Reipublicæ. Ut autem eadem apud Christianos tolerari queat, debet esse modica (uti recte notat Auctor hujus operis in *Jure Canonico Lib. 3. Decret. tit. 39. n. 38.*) quando a singulis, etiam minimæ fortunæ hominibus, æque, ac a maximis præstatur æqualiter ob subjectionem utrobique repertam; ubi tamen alias taxatio fieri debet potius juxta proportionem geometricam, reflectendo nimirum simul ad majora, vel minora Bona subditorum, & taxam instituendo proportionaliter juxta eorum æstimationem. His notatis ponitur. *

Additio VIII.

*CONCL. I Si Leges, aliæve ordinationes *Vedigalia*, non lucri, & quæstus causa, sed tantummodo *Titulo Impensarum*, nempe pro refarcitione pecuniarum in confectionem seu reparationem quarundam viarum, aut pontium expensarum, vel expendendarum, in modica, seu minuta quantitate statuunt, eadem licite a transeuntibus exiguntur, dummodo hæc viæ, seu
pon-

Appendix II. De Legibus ac Princip. Edictis &c. 241

pontes singulorum pertranseuntium utilitatem, seu majorem commoditatem vere concernant, nec limites excedant, neque post refarcitionem expensarum protrahantur, neque potius paliatum quodpiam aliud commodum privatum in occulto respiciant. Ita sub his terminis communis, ipsumque Jus naturale dicat, ut, qui sentit commodum, sentiat & onus, conformiter Reg. 55. *Juris in 6.* Sic ex communi consuetudine in Patria nostra teste Illustrissimo Cancellario intimo Schmid in *Semi Centuria II. Controvers.* 20. n. 5. & 8. Communitates quædam civitatum, seu oppidorum solent privatos quosdam ponticulos, vel vias pro majori transeuntium commoditate, seu utilitate facere, quibus dein a Principe Territoriali conceditur, ut ab illuc euntibus pauculos numos, aut crucigeros exigere possint, usque dum exinde refarciantur expensæ propterea factæ, vel faciendæ pro conservatione. *

Additio IX.

* Quodsi quæras, quomodo similia in Romano nostro Imperio a Principe territoriali suis subditis concedi valeant, cum Recessus Imperii de anno 1576. §. *Ulterius*, Germanice *Weiters seynd* &c. & seq. ac Capitul. Leopoldi. §. 21. apud Chlingensperg *loc. cit.* q. 22. & apud Cancellarium intimum de Schmid pariter *loc. cit.* n. 6. omnino prohibeant, ne Principes ipsimet, aut status imperii nova vectigalia erigant, aut vetera adaugeant, simulque ad nova instituenda,

da, vel constituta reformanda, aut transformanda præter Imperatoris, etiam Electorum consensum requirant? Ad hoc dubium respondet Illustriss. D. de Schmid *loc. cit.* Dictam prohibitionem esse intelligendam de iis vectigalibus, quæ pro majori splendore Domus, seu Familiæ Principis &c. non respiciendo præcise resarcitionem expensarum &c. cum gravamine commerciorum imponuntur in magna quantitate, non autem de talibus minutis, quæ transeuntibus respectu nullum gravamen, sed potius sublevamen causant propter commoditatem viarum.*

Additio X.

* Concl. 2. Si *Tributa* quatuor conditiones statim adducendas observant, Leges eadem imponentes justæ sunt, atque similes collectas teste Chlingensperger *loc. cit.* non tantum Imperator cum consensu Statuum juxta *Instrumentum Pacis art. 8.* verum etiam Principes Imperii, supremæ Superioritatis Jure gaudentes, adhibito consensu, vel consilio Statuum Provincialium iuxta diversa pacta, ac territoriorum consuetudines licite decernunt. Sunt autem conditiones quatuor sequentes. I. Ut causa motiva imponendi sit causa ardua, atque redundans in Bonum Reipublicæ saltem mediate, uti sic influit honorifica, & respectu status adhuc competens sustentatio sui Principis, dummodo non adsint bona sufficientia Cameralia ad hunc finem destinata. II. Ut causa ista motiva necessitatis, vel intentæ utilitatis sit Tributo proportionata, quatenus Tributum non sit majus quam

Appendix II. De Legibus ac Princip. Edictis &c. 243

quam causa motiva imponendi exigit : in quo enim excedit, iniquum & restitutioni est obnoxium. III. Ut dictum Tributum non insuamatur in usus alienos, ad quos populus neutiquam concurrere tenetur, puta ad luxum, ad mera voluptuaria, excessiva ædificia, prodigas largitiones &c. IV. Ne tale Tributum diutius duret, quam causa motiva postulat, nisi forsitan nova superveniat, quasi æque gravis &c. ita sub his limitationibus tenet communissima Theologorum æque ac Jurisperitorum, etiam (quantum ex nonnullorum perlustratione mihi constat) A catholicorum contra Machiavellistas, & nonnullos (utinam non plures) pseudopoliticos sectatores, tenentes in favorem suorum Principum, permissum esse collectare subditos, quomodo, & quando sui Domini velint; cum tamen populus non sit propter Principem, sed Principes propter populum, nec ei absolutum dominium proprietatis competat in Bona subditorum. *

Additio XI.

* *Et in hoc habent, quod multum attendant Consilarii, & Confessarii Principum* (inquit Auctor noster Pater Reiffenstuel l. 3. Decret. Tit. 39. n. 42.) *ne alias vel muti canes, vel adulantes Politici, vel displicere timentes, & se & Principes in æternum perdant.* Terribilem ad hoc propositum narrat historiam piissimus æque ac doctissimus Episcopus Tortonensis Paulus Aresius Tom. I. de vitiis &c. de quodam Pro-Rege Siciliae, qui similia Accisa rei frumentariae imposuit;

fuit ; ast morti proximus conscientiæ stimulis agitatus instar bovis mugit, ad ultimum usque vitæ halitum exclamans : *Væ mihi jam ad tartara delapsuro propter grave scelus exorbitantis Iributorum impositionis a me commissum.* *

Additio XII.

* Corollarii loco, & incidentaliter adhuc annectere liceat, quod Consilarii Principum illiquorum interest, si periculum æternæ damnationis evadere velint, bene attendere habeant, non solum, ne per varia Decreta, & Leges bonum publicum nimium oneretur Tributis, verum etiam, ne gravetur monetis talibus, quæ in valore intrinseco a consuetis nimium recedunt, sicque cum magno Boni publici damno exponuntur periculo devaluationis, prout jam suo tempore Illustrissimus Cancellarius intimus D. de Schmid Tit. I. art. I. n. 131. lamentabatur: Deus ignoscat (sunt ejusdem verba formalia) supremorum principum Ministris Cameralibus, & eorum substitutis Hebræis, qui Imperium Romanum pro exiguo (ut vocant) appaldo multis millionibus ejusmodi depravatæ monete impleverunt, quo onere plebs relevari non potest, si suo tempore reductio monete fiat, nisi cum damnificatione &c. Si igitur S. Aug. regula firma est, quod non dimittatur peccatum, nisi restituatur ablatum, Domine Deus! quid retribues his flagellatoribus moneta, quando sumes tempus ad vindictam? Ita ille. *

DISTINCTIO III.

De subjecto obligationis Legum.

QUÆSTIO I.

Quinam obligentur Legibus Pontificiis,
aliisque Ecclesiasticis.

SUMMARIUM.

1. Omnes Fideles obligantur legibus Pontificiis pro toto orbe latis.
2. Iisdem obligantur etiam heretici.
3. Solvitur instantia.
4. Corollarium.
5. Judæi tamen, & Pagani, non obligantur legibus Ecclesiasticis.
6. Corollaria.
7. Limitatio.
8. Alia limitatio.
9. Leges inferiorum Prælatorum obligant solum subditos proprii territorii.
10. Religiosi exempti, an teneantur legibus per Ordinarios locorum editis?
11. Id ipsum amplius declaratur.
* An legibus Ecclesiæ adstringantur pueri?

I. **CONCL.** I. Legibus Summi Pontificis in materia spirituali, & salutem animarum, rectamque Ecclesiæ gubernationem concernente, pro toto Orbe Christiano legitime latis, obligantur omnes Christi Fideles. Ita Catholici

unanimiter. Ratio est: quia Christus Dominus Divo Petro, ejusque legitimis Successoribus Romanis Pontificibus, omnium suarum Ovium curam demandavit *Joan. 21.* trina vice eidem præcipiens: *Pasce oves meas.* Accedit illa generalis promissio eidem facta *Matth. cap. 16.* *Tibi dabo claves Regni Cælorum, & quodcunque ligaveris super terram, erit ligatum & in Cælis:* nam sub ista generali promissione continetur etiam potestas condendi justas leges, ut sic Oves Christi securius pascantur.

2- CONCL. II. Etiam Hæretici obligantur Legibus Pontificiis pro toto Orbe Christiano latis. Ita communis Theologorum, adeo ut Lugo *disp. de Pœnitentia sect. 7. n. 147.* absurdissimum esse dicat, si quis negaret, Hæreticos obligari Legibus Ecclesiasticis jejunii, abstinentiæ a carnibus, Censuris contra eos latis, & hujusmodi. Ratio est: quia Hæretici per Baptismum jam sunt ingressi Ecclesiam, ejusque membra effecti; ergo obligantur legibus ejusdem. Et certe, si ipsi non obligarentur Legibus Ecclesiasticis, frustra tot leges pœnales in Jure Canonico, aliisque Constitutionibus Ecclesiasticis, contra Hæreticos fuissent latæ.

3. Nec obstat, quod Hæretici restistant Ecclesiæ, Summoque Pontifici, ac legibus ipsius. Resp. enim, hoc neutiquam eos excusare; cum ex suo delicto, atque perfidia, nemo debeat reportare commodum, puta exemptionem a legibus. Quinimo Hæretici pertinaciter non obtemperantes legibus (quibus tamen de jure tenentur obedire) eo amplius peccant; cum
tan-

Quest. I. Quinam obligentur Legibus Pont. &c. 247

tanto sint graviora peccata, quanto diutius infelicem animam detinent alligatam : ut dicitur in cap. ult. de Consuetud. Hinc in forma Resp. distinguendo antecedens: Hæretici defacto resistunt legibus Ecclesiæ, conceditur, de jure ipsis resistunt, ita ut bene in hoc agant, negatur antecedens & consequentia.

4. Ex hac Conclusionem infertur cum Gobath tract. 9. *Theologia Experiment. n. 49. & seqq.* & communi aliorum, quandoquidem Hæretici sub sint Legibus Ecclesiasticis, quod eorum matrimonia contracta cum impedimento dirimente vi Juris Ecclesiastici, v. g. in tertio aut quarto gradu consanguinitatis, vel affinitatis, sint nulla & invalida: unde sequitur, quod si ad veram Fidem Catholicam convertantur, impetrata prius legitima dispensatione, horum matrimonia sint renovanda.

5. CONCL. III. Judæi, Saraceni, atque Pagani, item Catechumeni necdum baptizati, non obligantur Legibus Ecclesiasticis. Ita communior, contra Innocentium, Hostiensensem, & Fagnanum c. *Canonum statuta n. 64. de Constitut.* Ratio Conclusionis est: quia tales per Baptismi januam necdum sunt ingressi Ecclesiam, cui proinde subiecti non sunt. Hinc in Jure Canon. c. *Gaudemus de Divortiis.* expresse dicitur, quod infideles & Pagani *Constitutionibus Canonicis non arctentur*; quid enim ad nos secundum Apostolum (1. Corinth. 5.) de his, qui foris sunt, judicare?

6. Infertur proinde, tales valide contrahere matrimonium cum impedimento dirimente Ju-

re duntaxat Ecclesiastico : ut si contrahant in secundo, tertio, vel quarto gradu consanguinitatis, aut affinitatis, & hujusmodi. Inferitur ulterius, Infideles non baptizatos, atque Catechumenos, non obligari lege Ecclesiastica de jejunando, aut habenda abstinencia carnum certis diebus ab Ecclesia præscripta, & aliis hujusmodi : siquidem tales necdum per Baptismum ingressi sunt Ecclesiam, proinde ejus legibus non subjiciuntur.

7. Limita tamen hoc primo, nisi hujusmodi Leges Ecclesiasticæ contineant Jus naturale, vel Divinum : ut puta de non blasphemando, non furando, & hujusmodi : nam ad talium legum observantiam obligantur etiam Judæi, aliique Infideles, non quidem vi Legis Ecclesiasticæ, sed vi Juris naturalis, aut Divini.

8. Limita secundo, nisi Judæi, aliive Infideles subsint Ecclesiæ in temporalibus ; prout fit Romæ, & in nonnullis locis : tunc enim ii tenentur obedire Papæ, aut alii Prælato Ecclesiastico quoad ea, quæ eorum statum concernunt, non minus, ac tenerentur obedire legibus alterius Principis temporalis, si in ejus territorio morarentur.

9. CONCL. IV. Leges inferiorum Prælatorum Ecclesiasticorum solum adstringunt subditos proprii sui Territorii : & sic Leges, seu Constitutiones in Concilio Provinciali editæ, obligant duntaxat subditos intra talem Provinciam existentes ; Statuta vero Episcoporum obligant tantum subditos propriæ Diœcesis, dum intra ipsam existunt ; & sic loquendo de aliis.

Quæst. I. Quinam obligentur Legibus Pont. Sc. 249

Ita communis Doctorum. Ratio est: quia ad obligationem legis necessaria est Jurisdictio: atqui hæc deficit, si alter non sit subditus legislatoris, aut extra ipsius Territorium existat: ergo. Hinc *cap. ult. de Constitut. in 6.* decernitur, quod si Episcopus per speciale Statutum sub pena excommunicationis quidpiam prohibuerit, v. g. furtum, ejusmodi Statutum non obliget suos Diocesanos extra ipsius Diœcesin actu existentes; ac proinde hi, si extra illam Diœcesin delinquant, v. g. furtum committant, non incurrant excommunicationem. Siquidem *Extra Territorium jus dicenti impune non paretur*, prout ibidem subjungitur.

10. Quæres I. An Religiosi auctoritate Apostolica ab Ordinariis locorum exempti, teneantur eorum legibus, seu Statutis? Resp. I. Teneri in omnibus casibus, qui in Jure sunt expressi. Sic in Concilio Trident. *Sess. 25. cap. 12. de Regularibus*, habetur statutum, ut Censuræ, & interdicta ab Ordinariis promulgata, mandante Episcopo, a Regularibus in eorum Ecclesiis publicentur, atque observentur. Item, ut Dies Festi, quos in Diœcesi sua servandos idem Episcopus præceperit, ab exemptis omnibus, etiam Regularibus serventur. Tacentur alii similes casus, utpote quorum notitia specialiter Religiosis incumbit.

11. Resp. II. Quamvis in aliis casibus Religiosi exempti de jure non teneantur ad observantiam Statutorum Episcopaliū, utpote a quorum jurisdictione specialiter sunt exempti; nihilominus ratione scandali evitandi quando-

que tenentur Regulares exempti etiam ad observandas alias Constitutiones Synodales, & Statuta Episcopalia, dummodo Statui Religioso non repugnent, simulque spectent ad communem observantiam, ac devotionem totius populi; prout recte observat Sanchez *lib. 4. in Decalog. c. 15. n. 21*. Vasquez & alii. Hinc quando Lege Diocesana præcipiuntur jejunia, populus valde scandalizabitur, si viderit talia jejunia non observari a Religiosis illis, quos, utpote vitæ austerioris professores, judicat ad hoc magis obligatos: unde revera ratione talis scandalum evitandi, tunc Jure naturæ tenebuntur Regulares exempti ad talia jejunia observanda.

Additio.

* Quæres II. An, & quando pueri adstringantur Legibus Ecclesiasticis? R. Pueri ante perfectum usum rationis (qui primum post completum septennium adesse præsumitur) non tenentur Legibus Ecclesiasticis, uti nec perpetuo amentes, Infantibus in hoc æquiparati. Ita præter alios Sanchez, Sayrus & Suarez cum Bonacina *Tract. de Legibus disp. 1. quest. 1. punct. 6. ac la Croix. lib. 1. num. 676*. Ratio est; quia ut hæ leges etiam in actu primo obligent, fundamentum harum obligationum est usus rationis; & sic antequam is adsit, possunt dicti licite, & absque peccato diebus Dominicis, atque Festivis non interesse Missæ, ac tempore Jejunii comedere carnes; neque etiam peccant, qui ad hanc comestionem cooperantur, apponendo tales cibos, sicut si apponerent Catechumenis ob-

ean-

Quæst. I. Quinam obligentur Legibus Pont. &c. 251

eandem rationem ; quia nimirum necdum sub Lege comprehenduntur, ne quidem in actu primo : quamvis loquendo de allegatis Parvulis, saltem dum magis annis discretionis appropinquant, consultius sit, ut etiam isti sensim assuescant præceptis Ecclesiasticis, licet necdum actu sint capaces rationis perfectæ.

Porro discurrendo de aliis Præceptis Ecclesiasticis, quæ majorem exigere videntur prudentiam, e.g. circa annuam Communionem Paschalem, ut magis agnoscentes gravitatem Mysterii Eucharistici cum majori reverentia accedere addiscant, requirunt AA. cum Patre Henno *Tract. de Leg. disp. 3. quæst. 7. art. 2. Conclus. 3.* ultra septennium aliquo modo plures annos ad obligationem contrahendam, uti patebit ex *Tract. 10. dist. 3. quæst. 4.* Item, ut Pueri non solum culpam, sed etiam pœnam ordinariam incurrant, Vasquez, Soto & Emanuel Sa cum Busenbaum *lib. 1. Tract. 2. cap. 2. dub. 1.* & Sabino Bononiensi in sua Luce Morali *part 1. Tract. 5. quæst. 18.* desiderant regulariter loquendo, & nisi lex expresse aliter disponat, pubertatem, quæ apud Masculos anno 14. apud Puellas vero 12. absolute contingit juxta dicenda *Tract. VIII. Dist. I. Quæst. III.* prout etiam in Jure Civili Impuberes regulariter solent mitiori, quam ordinaria pœna castigari, eo, quia præsumitur, non in tantum malitiam actus penetrasse, sicuti puberes.

Q U Æ S T I O II.

An Clerici obligentur Legibus Civilibus, ac
Legislator teneatur propriis?

S U M M A R I U M.

12. *In Legibus vis obligandi directiva, & coactiva, quid?*

13. *Leges & statuta Laicorum non extenduntur ad Ecclesias, & Clericos, nisi approbentur ab Ecclesia.*

14. *Eisdem tamen quandoque obligantur Clerici quoad vim directivam.*

15. *Corollarium.*

Non vero quoad vim coactivam.

16. *Legibus a Republica latis, tenentur singuli ex illa.*

17. *Princeps supremus tenetur propriis legibus vi directiva, non coactiva.*

18. *Corollarium de Papa, an obligetur praeceptis totius Ecclesiae?*

19. *Declaratur Conclusio.*

12. **A**DVERTENDUM, quod in Legibus duplex vis obligandi distingui soleat, una directiva, & alia coactiva. Ille dicitur a lege obligari vi directiva ad quidpiam agendum, vel omittendum, qui in conscientia, & sub peccato tenetur servare talem legem: unde huiusmodi obligatio est sub culpa, sive dein dicta obligatio proveniat ex vi ipsiusmet legis, prout leges solent obligare subditos; sive aliunde, puta ex naturali æquitate, & dictamine rectæ rationis. Ille vero dicitur a lege obligari vi coactiva, qui tenetur ad observantiam ejus ex vi ipsius legis, aut potestatis legislativæ, ita
ut

Quæst. II. An Clerici obligentur Leg. Civ. Sc. 253
ut sit legi subiectus, & si eam non observaverit, subiaceat pœnis per legem taxatis, aut per Legislatorem infligendis: unde hæc obligatio respicit pœnam transgressoribus incumbentem. His prænotatis, sit

13. CONCL. I. Leges civiles seu Statuta Laicorum directe, & ex sua vi propria non extenduntur ad Ecclesias vel personas Ecclesiasticas, earumque bona, nisi ab Ecclesia approbentur: uti approbantur per privilegia concessa a Sede Apostolica aliquibus Principibus, de quibus Cler. Erot. Eccl. c. 27. citans plures alios DD. Hæc Conclusio habetur expresse in Jure Canonico variis in locis, ac præsertim *cap. 7. § 10. t. de Constitut.* Accedit ratio: quia Ecclesia, & personæ Ecclesiasticæ (uti sunt Clerici, atque Regulares) earumque bona, sunt exempta a jurisdictione Principum sæcularium: atqui lex non obligat eos, in quos Legilator non habet jurisdictionem: ergo.

14. CONCL. II. His tamen non obstantibus, si leges civiles expresse non disponant de Ecclesiis, Clericis, eorumque bonis, sed ob publicam utilitatem communiter quidpiam statuunt, neque aliunde repugnent Statui Clericali, aut immunitati Ecclesiasticæ, eisdem etiam obligantur Clerici quoad vim directivam, licet non quoad vim coactivam. Ita Doctores passim. Ratio est: quia quamvis talis obligatio erga Clericos directe non possit provenire ex legibus Civilibus, ob defectum jurisdictionis in Clericos: ea tamen partim provenit ex naturali æquitate (nam *turpis omnis pars est suo universo*

non

non congruens, c. Quæ contra dist. 8.) simulque ad vitandum scandalum aliorum, atque ad conservandam unitatem & pacem Reipublicæ, partim vero dicta obligatio provenit ex auctoritate Ecclesiæ. Nam ut dicitur cap. 1. de novi operis nuntiat. Sicut leges non dedignantur sacros Canones imitari, ita & sacrorum statuta Canonum Principum constitutionibus adjuvantur: illis videlicet, quæ communem concernunt Reipublicæ utilitatem, neque sacris Canonibus, aut Immunitati Ecclesiasticæ repugnant.

15. Infertur proinde, quod Leges Civiles pretia rerum taxantes, vel mercium evectionem extra Provinciam prohibentes, aut certum modum ædificandi præscribentes, & hujusmodi, etiam obligent Personas Ecclesiasticas, saltem quoad vim directivam (alioquin enim magna in Republica oriretur difformitas, & confusio) quamvis non quoad vim coactivam, ita scilicet, ut Clerici subiaceant pœnis per leges Civiles statutis, ac per Judices sæculares puniri valeant; cum sint exempti ab eorum jurisdictione. Unde Clerici, si fuerint transgressores talium legum, oblata querela deferendi sunt ad iudices seu Prælatos suos Ecclesiasticos, ab eisque perpenſa gravitate materiæ, & scandali suborti, pœna condigna affici debent, si ve statuta per legem Civilem, si ve alia mitiore; prout notat Rodericus tom. 1. qq. Regul. quest. 66 art. 2. Reg. 9. Layman. l. 1. tract. 4. c. 13. n. 4. & alii.

* Videatur de his fusius, & utiliter in Jure Canonico Auctoris lib. 1. Decret. Tit. 2. §. 13. & 14. Ad-

Additio.

* Quod si scire cupias, an, & quando Clerici obligentur illis Legibus seu Statutis Laicorum, quæ imponunt certa onera, puta Tributa, Vectigalia &c. Respondeo de hac obligatione fieri mentionem, & suo modo fusiorem deductionem *Tract. 12. Dist. 1. quæst. 3.* quorsum Lector remittitur. Ut autem magis resciaur, quid sint tributa, & Vectigalia, ac quotuplicia, & quo titulo similia onera imponantur? Videatur desuper superius *Dist. 2. Appendice II. post Questionem 4.* *

16. CONCL. III. Quantum nunc attinet ad alteram partem Quæstionis, & loquendo inprimis de talibus Legibus, quæ ab aliqua Republica, vel tota Communitate conduntur, nullum dubium est, quin iisdem singuli ex tali communitate obligentur: sic quippe legibus a Magistratu latis tenentur singuli Consiliarii, & statutis per Canonicos capitulariter constitutis, obligantur singuli Canonici in particulari. Ratio est clara: quia singuli Canonici, vel Consiliarii sunt subditi respectu totius Capituli, vel Magistratus; ergo & obligantur Legibus ipsius.

17. CONCL. IV. Loquendo vero de Legibus ab aliquo supremo Principe latis, & quidem de talibus, quæ Principem æque ac subditos decent, Princeps seu Legislato, cessante rationabili causa excusante, tenetur etiam propriis legibus vi directiva, non tamen vi coactiva. Ita communior Doctorum. Ratio primæ partis, loquentis de vi directiva, est: quia
alio-

alioquin subditi ex libera transgressione propriæ Legis per Legislatorem facta facile scandalizarentur, simulque jure de talibus dici posset illud Salvatoris *Matth. 23. Alligant onera gravia, & importabilia, & imponunt in humeros hominum, digito autem suo nolunt ea movere.* Hinc illud Catonis dictum: *Patere legem, quam tu ipse tuleris. c. Cum omnes de Constitut.* Altera pars, quod Legislator non teneatur suis Legibus vi coactiva, probatur ex eo: quia, ut quis teneatur legibus vi coactiva, debet posse cogi per Superiorem ad earum observantiam, & si ipsas non observaverit, puniri: atqui Princeps supremus, seu Legislator non recognoscit Superiorem in terris, a quo possit cogi, vel puniri, a se ipso autem nemo proprie cogitur; ergo.

18. Infertur proinde, quod Papa non obligetur vi coactiva præcepto audiendi Missam, vel jejunandi diebus statutis: quia non habet superiorem in terris, a quo cogi possit ad talium legum Ecclesiasticarum observantiam, & ob earum transgressionem puniri; a semetipso autem nemo proprie cogitur. Nihilominus tenetur Papa propriis legibus statum suum æque ac alios decentibus, vi directiva, adeo ut peccaret, cessante, rationabili causa excusante, non observando ejusmodi leges Ecclesiasticas, a se vel suis Antecessoribus latas. Et idem dicendum de Imperatore respectu Legum Imperialium æque personam Imperatoris decentium, & aliis hujusmodi.

Quæst. III. An Peregrini obligentur Legibus, &c. 257

19. Dicitur notanter in Conclusionem, loquendo de talibus legibus, quæ Principem æque ac subditos decent. Siquidem certum est, Principem atque legislatorem iis legibus nullatenus obligari, quæ ad subditos directe feruntur, & in Principem proprie non cadunt: quales leges sunt, ne quis in civitate arma ferat, ne vestibus auro intextis utatur, ut quilibet tributa aliasque exactiones diligenter solvat, & alia plura hujusmodi: nam patet, tales leges Principi non convenire, neque ipsum adstringere.

QUÆSTIO III.

An Peregrini obligentur Legibus, & consuetudinibus locorum, per quæ transeunt?

SUMMARIUM.

20. *Peregrini tenentur legibus totius Ecclesiæ ubique locorum.*
21. *Tenentur etiam legibus particularibus locorum, quamprimum ibi domicilium figunt.*
22. *Si mora in aliquo loco sit longior, tenetur peregrinus ad ejus leges.*
23. *Advenæ & peregrini quoad contractus tenentur legibus locorum.*
24. *Corollaria.*
25. *An Advenæ & peregrini teneantur aliis particularium locorum, variant Doctores.*
Sententia tamen affirmativa est communior.
26. *Hujus multiplex probatio.*

(a) Dist. I. n. 18.

R

27. Quid?

Anacl. Reiffenschuel, Theol. Tom. I.

27. *Quid dicendum de legibus universalis Ecclesiæ, quando ipse alibi, sed non in propria patria obligant?*
28. *Corollarium de incolis regni Castellæ.*
Aliud de Germanis existentibus in Italia.
29. *Contraria nonnullorum sententia refertur.*
30. *Quid econtra dicendum de legibus, quæ vigent in patria, sed non in loco, ubi quis hospitatur?*
- * *Item, si in proprio quidem Territorio, sed in loco exempto, existente intra limites ejusdem?*

20. **C**ÉLEBRIS, & plurimum practica Quæstio est præsens, unde exactius declaranda propter quotidianorum casuum emergentias. Et quidem ut certa ab incertis separantur, certum inprimis est, legibus communibus totius Ecclesiæ ubique locorum teneri Peregrinos, & Advenas Christianos; cum semper subsint jurisdictioni Ecclesiæ, ubicunque existant. Sic quilibet peregrinus tenetur ad jejunia Quadragesimæ & Vigiliarum, atque ad audiendam Missam diebus Dominicis, Festivisque; quia hæc sunt de præcepto totius Ecclesiæ.

21. Certum insuper est, illum, qui migrat aliorum fixurus ibidem domicilium, mox teneri legibus illius loci, cum primum incipit ibidem degere: nam ex tunc incipit esse incola illius loci. Sic constituens domicilium in Civitate Frisingensi, mox tenetur ad servanda omnia Festa particularia hujus loci, quæ sunt de præ-

Quæst. III. An Peregrini obligentur Legibus, &c. 259

præcepto, quamvis primum heri vel nudius tertius advenerit.

22. Præterea si mora in aliquo loco sit longior, ut puta per hebdomadam, vel saltem per mensem, ratione cujusdam negotii expediendi, usus communis docet, tales Peregrinos teneri sese accommodare legibus & consuetudinibus loci, observando scilicet Festa vel jejunia de præcepto illius loci. Ratio est: tum quia hoc exigit quies Reipublicæ, quæ alias ex diversis hominum moribus perturbaretur. Tum quia habitatores ad tempus longius in aliquo loco acquirunt ibidem quasi domicilium; nam quasi domicilium dicitur locus, ubi quis per longius tempus moram trahit, absque tamen animo ibidem perpetuo consistendi. Quæstio igitur remanet solum de Advenis & Peregrinis, qui vel per talem locum transeunt, vel ibidem pro brevi duntaxat tempore morantur absque animo figendi domicilium, vel quasi domicilium: & de his loquendo sit.

23. CONCL. I. Advenæ & Peregrini quoad contractus obligantur legibus locorum, per quæ transeunt, atque ibidem contrahunt. Hæc Conclusio est certa, & communis Doctorum; ac patet tum ex consuetudine & communi sensu populorum, tum ex *cap. ult. de Foro competente*. Ubi dicitur. quod *ratione contractus forum quis sortitur*, atqui forum sortiri, & legibus loci astringi, a pari procedunt. Similia habentur in Jure Civili: unde loquendo de legibus contractuum præsens Quæstio non habet difficultatem.

24. Sic inprimis tenentur Peregrini servare formam contractuum in tali loco præscriptam. Similiter obligantur ad pretium ibidem taxatū, in emptione rerum persolvendum. Insuper ab iisdem Advenis, seu Peregrinis, debet solvi vectigal alicui contractui juste appositum; quia est onus contractus ibidem celebrati; & idem dicendum de similibus.

25. CONCL. II. Quamvis multi Doctores probabiliter teneant, Peregrinos & Advenas non astringi peculiaribus legibus atque consuetudinibus particularium locorum, per quæ transeunt, vel in quibus brevi duntaxat tempore per modum hospitii reperiuntur, cessante tamen scandalo, & quando eæ non obligant in proprio suo domicilio; prout sub datis limitationibus docet Sanchez *lib. 3. de Matrim. disp. 18.* & rursus *lib. 1. in Decalog. c. 12. n. 38.* citans Silvestrum, Toletum, Rosellam, Azorium, pluresque alios, quibus postea accesserunt Sannig. *dist. 4. de Leg. quest. 8. num. 9.* Tannerus, Bonacina, Diana, & Layman. *lib. 1. Tract. 4. cap. 12. n. 4.* inde inferens, quod peregrinus veniens Augustam die S. Udalrici, qui eo loco Festus est, non teneatur (per se loquendo, & secluso scandalo) Missam audire, & a servilibus operibus abstinere, licet totum diem ibi mansurus sit. Nihilominus opposita sententia, quæ ejusmodi obligationem admittit, est communior, eamque tenet Abbas in *c. Consilium n. 6. de Observ. jejunior.* id probans extextu illius Capituli. Hostiensis, Suarez, Vasquez, Navarrus, Ledesma, Covarruvias, Hen-

Quæst. III. An Peregrini obligentur Legibus, &c. 261

Henriquez, Palaus, Lezana, Herincx, & Ma-
strius disp. 2. Theolog. Moral. n. 119. pro hac
sententia citans quamplures alios.

26. Ratio hujus posterioris sententiæ desu-
mitur inprimis ex Jure Canonico, *can. illa. dist.*
12. ubi ex S. Augustino Epist. 118. refertur sen-
tentia D. Ambrosii, dicentis: Cum Romam ve-
nio, jejuno Sabbato; cum Mediolani sum, non
jejuno: sic etiam tu, ad quam forte Ecclesiam ve-
neris, ejus morem serva, si cuiquam non vis esse
scandalo, nec quemquam tibi. Ubi Glossa v.
Societate ait: quod quilibet tenetur vivere secun-
dum consuetudinem illorum, inter quos versatur.
c. que contra. dist. 8. & c. quisquis dist. 41. Unde
versus.

Si fueris Romæ, Romano vivito more;
Et si sis alibi, vivito sicut ibi.

Accedit ratio: quia leges immediate cen-
sentur afficere locum, seu territorium legistato-
ris, atque hinc in subditos ibidem existentes
transire, ut dictum superius (a) & notat Lay-
man. loc. cit. cap. 11. n. 1. §. 2. post Suarez, &
alios; ergo hoc ipso, quod Peregrinus repe-
riatur in tali loco, tenetur legibus particula-
ribus illius, ac censetur subditus domini illius
territorii. Unde secundum omnes Advena,
non servans leges peculiares alicujus loci, po-
test a legislatore, ac Judice illius loci pro-
pter talium legum transgressionem puniri; &
consequenter ad eas obligatur.

27. CONCL. III. Loquendo nunc de Legi-
bus universalis Ecclesiæ, Advenæ & Peregrini,
licet in loco diu moraturi non sint, sed tantum

transeant, obligantur communibus legibus & consuetudinibus totius Ecclesiæ ibidem vigentibus, quamvis hæ in ipsorum patria ex speciali privilegio, aut consuetudine non observentur, neque obligent. Hæc Conclusio a fortiori procedit propter dicta *n. præced.* estque communis inter Doctores, paucis exceptis. Ratio ulterior est: quia Jus commune universos ex natura sua obligat; & si alicubi ratione specialis privilegii, vel consuetudinis contrariæ non obliget, id videtur esse privilegium locale, seu loco cohærens, non autem personale, seu sequens personam, quocunque ierit. Accedit, quod tales consuetudines a Jure communi exorbitent: sed quæ a Jure communi exorbitant, sunt restringenda juxta Reg. 28. *Jur. in 6. cum concordantiis.*

28. Infertur proinde cum Doctoribus passim, quod Castellanus (id est, incola regni Castellæ in Hispaniis, ubi de antiqua consuetudine licitum est, diebus Sabbatinis comedere extremitates, & intestina animalium) dum per alienas regiones peregrinatur, peccet vescendo extremitatibus ac intestinis illorum animalium diebus Sabbati. Similiter Germani, dum tempore Quadragesimæ, vel aliis diebus jejunalibus morantur in Italia, tenentur abstinere a lacticiiniis, juxta consuetudinem universalis Ecclesiæ ibidem etiamnum vigentem, non obstante, quod in Germania licitus sit usus lacticio-rum (id est, lactis, butyri, casei, & ovorum) diebus jejunalibus. Et idem dicendum de aliis similibus.

Quæst. III. An Peregrini obligentur Legibus, Sc. 283

29. Cæterum quamvis hæc sententia sit valde communis, simulque tutior & probabilior, ac proinde ordinarie in praxi tenenda, maxime ut evitetur occasio omnis scandali, nihilominus non defunt Doctores aliqui oppositum tenentes cum Sanchez *lib. 3. de Matrimonio disp. 18. num. 7.* quorum sententiam non omnino improbabilem censet Layman. *cit. cap. 12. n. 3.* dummodo absit omne periculum scandali. Unde propter auctoritatem talium virorum doctorum (inquit. Ludov. Engel. *tit. de Constit. n. 30.*) non auderem semper alicujus gravis peccati damnare eum, qui contrarium teneret seu praticaret, præsertim accedente aliqua rationabili causa, v. g. conservandæ valetudinis, & remoto scandalo: ut si Germanus tempore Quadragesimæ in Italia privatim comederet ova, caseum, & alia lacticia. Hæc ille.

30. CONCL. IV. Econtra vero Advenæ, & Peregrini non tenentur præceptis Juris communis, etiam in sua patria vigentibus, si hæc non sint in usu in loco, ubi per modum hospitii reperiuntur, aut morantur. Ita Doctores communiter. Ratio est: quia quilibet potest se accommodare rationabilibus consuetudinibus locorum, in quibus existit. Hinc infertur, quod Germanus, si per regnum Castellæ in Hispaniis existens transeat, possit ibidem diebus Sabbatinis licite vesci extremitatibus & intestinis animalium, quibus ibidem vesci licitum est. Similiter Itali, dum hospitantur, aut morantur in Germania, licite diebus jejunalibus comedunt lacticia, non obstante, quod hæc in Italia

sint gravissime prohibita: & sic loquendo de aliis. Ratio hujus ulterior est; quia nemo tenetur ad patriæ consuetudines, dum ab ea abest: imo in hujusmodi casibus valet privilegium locale, quo frui possunt omnes, qui morantur in tali loco.

Additio

* Ob quod ipsum ultimum fundamentum ratione Privilegii localis non tenetur quis Legibus proprii Territorii, si existat in loco exempto, quamvis dictus locus exemptus sit intra limites proprii Territorii. Exemplificant Bonacina & Layman apud Busenbaum *Tract. 2. cap. 2. Dub. 2.* si Episcopus sub pœna Excommunicationis vetaret lusum alearum, non obligarentur Clerici, ludentes in loco exempto a Jurisdictione Episcopali sito intra Territorium.

QUÆSTIO IV.

Resolvuntur varia quæsitæ quoad Peregrinos.

SUMMARIUM.

31. *Occasio movendi sequentes quæstiones.*
32. *Discrepantia inter Calendarium novum, & antiquum.*
33. *An extra Parochiam, ubi est Festum, Parochiani possint alibi laborare?*
34. *An etiam exire ad alibi laborandum?*
35. *An talis mane exiens teneatur prius Missam audire?*

35. Ne-

36. *Negativa est valde probabilis.*
 37. *Quando teneamur praevenire audiendo Missam?*
 38. *An discedens loco, ubi non est jejunium, perventurus tamen ad locum, ubi est jejunium, possit comedere carnes?*
 39. *Utrum teneatur absolvere jejunium Quadragesimale, qui pervenit ad locum, ubi illud jam est absolutum?*
 40. *Cessante fraude, negative respondetur.*
 41. *Quid, si in fraudem jejunii inde discedat?*
 ** Occurritur objectioni.*
 42. *An contra, qui jejunium jam peregit teneatur rursus jejunare?*

31. **A**DVERTENDUM, multa esse Festa particularia locorum, quae in una Diœcesi vel Parochia obligant sub præcepto, in alia vero non obligant. Sic Festum S. Wolfgangi in Diœcesi Ratisbonensi, die 31. Octobris, est de præcepto, non vero in vicina Diœcesi Frisingensi: unde in ipsa civitate Landshutana licitum est, hac die opera servilia exercere, cum pertineat ad Diœcesin Frisingensem, non vero in suburbiis ultra Isaram, quia spectant ad Diœcesin Ratisbonensem. Et alia quam plura exempla passim habentur in confinibus duarum Diœcesium in ordine ad Festa particularia dictarum Diœcesium.

32. Hoc idem contingit quoad Festa & jejunia totius Ecclesiæ in illis locis, in quorum uno Calendarium Romanum novum, in altera vero vetus observatur: nam quamvis hæc duo Ca-

lendaria convenient quoad dies Dominicos, nihilominus quoad Festa immobilia, una cum jejuniiis præviis discrepant decem diebus, quoad Quadragesimam vero, ac Festa mobilia Pascatis & Pentecostes, &c. quandoque concordant, quandoque pluribus hebdomatibus discrepant. Unde plures casus formari possunt de iis, qui ab uno loco ad alium transeunt, an & quomodo teneantur ad hujusmodi Festa, vel jejunia de præcepto observanda. Hoc prænotato.

33. Quæritur I. An, quando est Festum in una Parochia, in altera autem Parochia vicina non est, possint subditi Parochiæ, in qua est Festum de præcepto, extra limites suæ Parochiæ laborare? Resp. Affirmative, prout tenet Lessius *lib. 4. de just. & jur. cap. 2. n. 55.* Navarrus *cap. 13. Manualis n. 5.* & alii. Ratio est: quia Statuta, & consuetudines locales, sunt veluti loco affixæ; unde non ligant talia Festa Parochianos, dum existunt extra districtum Parochiæ.

34. Quinimo Navarrus *loc. cit.* asserit, posse rationabiliter teneri, eos, qui in Festi Vigilia, vel etiam ipsomet Festo, a suo proprio loco in alium laborandi gratia exeunt, ubi Festum illud non observatur, juxta rigorem Juris non peccare. Rationem dat: quia non laborant in loco, ubi est dies Festus. Accedit, quod tales videantur uti jure suo. Verumtamen communiter homines magis timorati in tali casu solent servare diem Festum, quamvis si ab aliquibus sententia Navarri practicaretur, non esset ipsis formandus scrupulus peccati; præsertim,

si prius ante suum egressum audiant Missam, ut vult citatus Navarrus.

35. Quaritur II. An talis exiens e loco, ubi est Festum de præcepto, teneatur audire ibidem Missam, si eodem die perveniat ad locum, ubi non est dies Festus? Affirmat Navarrus *cit. n. 5.* eo quod dies Festus, ubi aliquem apprehendit, obliget eum ad sui observantiam.

36. Communior tamen, & valde probabilis sententia est, talem non teneri ad Sacrum in priori loco audiendum, dummodo eodem mane sit venturus extra limites illius loci, ubi agitur dies Festus. Ratio est: quia, quando præcipitur auditio Missæ, subintelligitur tacita conditio, si toto illo tempore, quo Missæ celebrantur, quis manserit in loco diei Festi, & consequenter subditus præcepto: talis autem adhuc mane est extra fines illius Parochiæ Festum de præcepto celebrantis, prout supponitur: ergo.

37. Neque tenetur talis prævenire, audiendo Missam ante suum discessum: quia tunc solum tenemur prævenire, quando manente vi præcepti, seu nostra subjectione, videmus nos postea fore impediendos; ut cum quis manens in loco, ubi viget præceptum diei Festi, videt se horis posterioribus impeditum iri negotiorum causa, tenetur prius audire Missam. Secus est, quando intra tempus implendi præceptum desinit esse subditus alicujus loci particularis, & reperitur extra limites illius; prout argumentatur Lessius *loc. cit. n. 56.* Tunc enim non teneretur prævenire; sicuti a pari, si existerem in territorio hora septima, & viderem, me per
dispen-

dispensationem fore a præcepto deobligandum hora 10. exinde non tenerer præveniendò exequi præceptum Missæ v. g. hora 7.

38. Quæritur III. An, qui mane discedit ex oppido, ubi non est jejunium, possit comedere carnes, quamvis vesperi, vel meridie sit venturus ad locum, ubi est jejunium de præcepto? Resp. affirmative, eo quod in priori loco constitutus, nondum teneatur lege jejunii posterioris loci. Non tamen contra potest quis in loco domicilii, ubi est jejunium, vesci carnibus, si inde mane discedat, perventurus ad locum, ubi non est jejunium. Ratio est: quia tenetur legibus proprii domicilii, quamdiu in eo reperitur.

39. Quæritur IV. Utrum is, qui durante Quadragesima negotiorum causa e loco proprii domicilii recedit, ac venit in locum, ubi ob discrepationem novi & veteris Calendarii Quadragesima jam est peracta, teneatur eandem ibi perficere, & tamdiu abstinere a carnibus, atque jejunare, donec compleatur tota Quadragesima? Ratio dubitandi est: quia præceptum jejunii Quadragesimalis est generale; ergo obligat ubique, & ubique impleri debet. Et hujusmodi sententia affirmativa utique est magis pia, tutior ac proinde Catholicis omnibus in praxi suadenda.

40. Nihilominus oppositum videtur probabilius, si loquamur de iis, qui non in fraudem jejunii, sed bona fide, v. g. negotiorum causa, ab uno loco in alium commigrarunt, præsertim cum valde difficile sit, in convic-
tu huma-
no,

no, seorsim ab aliis servare jejunium, & cæteris omnibus a lege jejunii solutis, ac Festa Paschalia cum gaudio celebrantibus, adhuc jejunare, & Quadragesimam continuare, prout tenet Lessius ibidem n. 51. & Bonacina disp. 1. de Legibus quest. 1. punct. 6 n. 64. cum aliis. Ratio generalis est: quia potest quis sese moribus eorum, quibuscum vivit, accommodare, juxta illud vulgatum, & superius jam adductum:

Si fueris Romæ, Romano vivito more:

Et si sis alibi, vivito sicut ibi.

41. Dicitur notanter, si loquamur de iis, qui non in fraudem jejunii &c. Siquidem, ut dicitur c. Sedes & c. Ex tenore de Rescript. fraus, & dolus alicui patrocinari non debent: unde non careret scrupulo peccati gravioris, si civis Landishutanus die 31. Octobris exiret ad suburbana civitatis ultra Isaram, eo solum animo, ut ibi posset vesci carnibus (siquidem in Diœcesi Ratisbonensi, ob solemnitatem S. Wolfgangi, Principalis Patroni, hac die non est jejunium Vigilæ omnium Sanctorum, sed illud pridie anticipatur) quia hoc fieret in fraudem legis, ac jejunii Vigilæ omnium Sanctorum totam Ecclesiam obligantis; quidquid cum nonnullis aliis contradicat Bonacina. loc. cit. ea ratione permotus, quod talis videatur uti jure suo: nullus autem videtur dolo facere, qui suo jure utitur. Reg. 55. ff. de Reg. Jur.

Additio.

* Sed potest negari suppositum, quod nimirum quis habeat Jus præcise eo fine exeundi e suo Territorio. Profecto, si quis illo solo fine a loco promulgati Concilii Tridentini exiret ad locum non promulgati Concilii, ut contrahere posset Matrimonium clandestinum, postea iterum redeundo ad suum proprium Territorium, tale Matrimonium non valeret juxta Declarationes Cardinalium videndas *Tom. 4. Decret Tit. 3. §. 3. **

42. Quæritur V. Utrum econtra is, qui explevit jejunium Quadragesimæ, vel aliud, si venerit ad locum, ubi illud necdum est peractum (prout sæpe fit in itinerantibus ratione novi Calendarii non ubique recepti) teneatur ibidem rursus a carnibus abstinere, atque jejunare? Resp. cum citat. Lessio *n. 52.* & aliis, talem non teneri: quia præceptum illud jam implevit: Ecclesia vero neminem obligat ad duplex jejunium. Cavendum tamen, ne alii inde scandalizentur. Et hoc idem dicendum est de celebratione Festorum, ac similibus aliis.

Q U Æ S T I O V.

Qua intentione, quibusque actibus satisfiat præceptis Legum?

S U M M A R I U M.

43. Intentio duplex hic distinguenda.
 44. Ut impleatur præceptum requiritur intentio faciendi opus.
 45. Non tamen intentio satisfaciendi præcepto.
 46. Co-

Quæst. V. Qua intentione, quibusque Actibus &c. 271

46. Corollaria.

47. Oportet tamen mutare animum.

48. Potest quandoque adimpleri præceptum per actum ex circumstantia malum.

49. Solvitur objectio.

50. Nisi modus sit de intrinseca ratione actus præcepti.

51. Potest quandoque uno actu satisfieri pluribus præceptis.

52. Fallit in debitis justitiæ.

53. Quid de Pœnitentia Sacramentali ?

54. An eodem tempore per plures actus possit satisfieri pluribus præceptis ?

55. Corollarium.

43. **Q**Uantum ad primam Quæstionis partem attinet, advertendum est, quod in executione operis præcepti possimus duplicem habere intentionem ; unam præstandi opus, quod præcipitur ; alteram satisfaciendi præcepto per tale opus. Hoc prænotato, Quæstio remanet, quænam ex his intentionibus requiratur ad satisfaciendum præceptis, seu legibus.

44. CONCL. I. Ut præceptum actum humanum injungens adimpleatur, requiritur ad minimum intentio faciendi opus, quod præcipitur : sic v. g. ut satisfiat præcepto Divini Officii persolvendi, requiritur intentio recitandi Horas Canonicas, seu orandi, & non sufficit earum recitatio facta solo animo studendi, vel discendi. Ita Sanchez lib. 1. Decal. c. 13. n. 2. Bonacina disp. 1. de Legibus q. 1. punct. 10. n. 2. & alii. Ratio est: quia talia opera præcepta

de-

debent præstari modo humano; non præstantur autem humano modo, nisi adsit voluntas, & intentio eadem præstandi: sic enim recitatio Horarum Canoniarum facta recreationis, aut studii causa, proprie non est oratio. Idem dicendum de eo: qui negotiorum causa, vel animo præcise pascendi oculos intrat in templum, nihil cogitans de Missa audienda, quæ interim celebratur; nam non censetur eam audivisse, cum defuerit animus ipsam audiendi.

45. CONCL. II. Nihilominus ad satisfaciendum præcepto non requiritur intentio satisfaciendi præcepto, sed sufficit intentio præstandi opus, quod præcipitur. Ita cit. Sanchez *n.* 9. Suarez, Herinck *disp.* 3. *de Legib. n.* 8. & alii. Ratio est: quia lex humana tantum præcipit voluntariam operis executionem, non autem quasi reflexam implendi præcepti intentionem.

46. Infertur proinde, quod si quis die Festo Missam reverenter audiat, non recordatus, esse diem Festum, is jam satisfaciat præcepto, ex communi Doctorum sententia. Quinimo licet Missam die Festo attente audiens habeat expressam intentionem tunc non satisfaciendi præcepto Ecclesiæ, sed aliam postea Missam audiendi, adhuc is satisfacit, ita, ut non teneatur postmodum aliam audire, prout notant cit. Auctores, & Layman. *cit. tract.* 4. *c.* 4. *n.* 7. Suarez, & alii; quamvis nonnulli contrarium sentiant. Et eadem ratio est de Horis Canonicis: quod scrupulosis notandum est, qui, cum videntur sibi inter orandum distracti, officium vel partem officii recitant cum proposito postea repe-

Quest. V. Qua intentione quibusque actibus Ec. 273
repetendi : neque enim tales tenentur repetere Officium, præsertim, si eorum distractio fuit involuntaria.

47. Fatendum tamen est, si quis in tali voluntate non satisfaciendi præcepto permanferit, eum peccaturum ratione pravæ suæ intentionis; quam proinde tenetur deponere, animumque mutare. Similiter si quis in falsa persuasione maneat, quasi præcepto non satisfecerit, peccabit ratione suæ conscientiae erroneæ, nisi vel animum mutet, aut errorem deponat, vel aliam Missam audiat, sive Horas Canonicas repetat; & idem dicendum de similibus aliis.

48. CONCL. III. Potest quandoque adimpleri præceptum per actum ex aliqua circumstantia malum. Ita Bonacina *loc. cit. punct. 9. n. 1.* Suarez, Sanchez & alii. Ratio est: quia talis adimplet substantiam præcepti; ergo etiam satisfacit præcepto, quamvis peccet pro ratione pravi finis, aut circumstantiæ malæ. Idem probatur exemplis, ac inductione : sic enim, qui jejunit ob vanam gloriam, aut ex affectu avaritiæ, ut parcat sumptibus, jam satisfacit præcepto jejunii Ecclesiastici; cum absteineat ab esu carnum, & multiplici refectioe. Similiter Sacerdos, qui Missam celebrat in statu peccati mortalis, satisfacit & suæ obligationi, & præcepto audiendi Missam die Festo, non obstante, quod gravissime peccet : siquidem po-

S

nen-

nendo actum præceptum jam adimplet quis id, quod injungebatur, & consequenter satisfacit etiam præcepto.

49. Nec obstat, quod talis non adimpleat modum ac finem præcepti, qui est honorare DEUM per actum præceptum. Resp. enim, hoc neutiquam obstat: quia modus non cadit sub præcepto, dummodo non sit de intrinseca ratione actus præcepti. Et hoc idem dicendum de fine, juxta illud commune dictum Theologorum: *Finis præcepti non cadit sub præcepto.*

50. Additur tamen, *nisi modus sit de intrinseca ratione Actus præcepti*: nam quando modus est de intrinseca ratione actus præcepti, nequit adimpleri præceptum non adimpleto modo. Sic sacrilege confitens, non satisfacit præcepto Paschalis Confessionis; quia ad Sacramentum Pœnitentiæ, tanquam partes ipsius, necessario debent concurrere contritio, & confessio omnium peccatorum. Similiter, si quis dormiens d'c Festo assistat Missæ, neutiquam satisfacit præcepto Ecclesiæ: quia ad devotam Missæ auditionem requiritur, ut quis assistat modo humano, seu cum advertentia rationis, quod in dormiente non fit. Idem accidit in similibus casibus.

51. CONCL. IV. Possumus uno eodemque actu pluribus præceptis satisfacere, nisi aliud colligatur ex mente præcipientis. Ita Sanchez *loc. cit. cap. 14. n. 5*, Herincx *num. 85.* & alii.

Patet ex quotidiana praxi: sic enim, qui obligatur ad recitandas Horas Canonicas ratione Ordinis sacri, simulque Beneficii Ecclesiastici, satisfacit una recitatione. Similiter quando Dominica, ac dies Festus de præcepto, incidunt in eundem diem, non tenetur quis audire duas Missas. Insuper qui vovit jejunare die Veneris, satisfacit unico jejunio, quamvis in eundem diem incidant quatuor anni Tempora, vel Vigilia alicujus Sancti. Et hoc ipsum generaliter contingit in illis casibus, quando obligatio plurium præceptorum cadit super eandem materiam.

52. Dicitur notanter, *nisi aliud colligatur ex mente præcipientis*. Sic enim inprimis non possumus unica solutione satisfacere pluribus obligationibus, seu debitis Justitiæ: nam qui debet alteri ex duplici obligatione bis centum florenos, non satisfacit, si semel dat centum. Ratio est: quia in debitis Justitiæ attenditur æqualitas rei ad rem: non potest autem unum centum esse æquale debitis plurium centum. Secus est in debitis legalibus, utpote in quibus attenditur mens & intentio legislatoris; quæ sæpius ferri potest in unum idemque opus.

53. Similiter, si cuiquam pro pœnitentia Sacramentali injungantur tria Rosaria, is non satisfacit recitando unicum Rosarium: quia circa hoc clara est intentio, & mens Confessarii præcipientis. Quinimo si Confessarius pro pœnitentia injungat auditionem Missæ, censetur

(nisi oppositum aliunde colligatur) velle obligare ad aliam auditionem Missæ ab ea, quam quis die Festo audire tenetur: secus, si imponat quotidianam auditionem Missæ, nam tunc satisfaceret pœnitens unica in Festis audita; quia hæc præsumitur fuisse intentio Confessarii, nisi is aliud expressisset.

54. CONCL. V. Insuper possumus eodem tempore per diversos actus satisfacere pluribus præceptis, quoties unus actus non impedit alium. Ita Sanchez, Bonacina, & alii passim. Ratio est: quia ille præcepto satisfacit, qui facit id, quod præceptum est: sed quoties unus actus non impedit alium, possumus eodem tempore facere, quod pluribus præceptis est injunctum; ergo.

55. Sic, qui tempore Missæ, recitat Horas Canonicas, satisfacit præcepto Missæ audiendæ ratione diei Festi, utpote quam devòte audit sub ea recitando Horas Canonicas, simulque præcepto Officii Divini, utpote quod devòte recitat; sicque eodem tempore præstat diversos actus: quorum unus non impedit alterum. Et hæc limitatio idcirco additur, quia si unus actus exercitium alterius impediret, clarum est, non posse eodem tempore per diversos actus pluribus præceptis satisfieri.

DISTINCTIO IV.

De Interpretatione, Dispensatione, ac Revocatione Legum.

QUÆSTIO I.

De Interpretatione Legum; ubi & de Epicheja.

SUMMARIUM.

1. Interpretatio, quid?
2. Interpretatio legum duplex; authentica, & doctrinalis.
3. Hæc potius menti Legislatoris, quam verbis convenire debet.
4. Mens Legislatoris unde præcipue cognoscatur?
5. Verba generalia generaliter intelligenda, quomodo?
6. Lex pœnalis, & odiosa, stricte interpretanda.
7. Unde Verba ejus accipienda cum effectu.
Limitatur in crimine læsæ Majestatis &c.
8. Leges favorabiles ample sunt interpretandæ.
Nomine Clericorum, & populi, qui comprehendantur?
9. Epicheja, quid?
10. Et quomodo differat ab interpretatione legis?
11. Habet quandoque locum.

1. Interpretatio aliud non est, quam verbi vel sententiæ per aliud clarius explicatio: unde tunc fit Interpretatio legis, quando ipsa per alia verba clariora explicatur.

2. Cæterum Interpretatio legum generatim duplex est, una *necessaria*, seu *authentica*, cui nempe necessario est acquiescendum : & talis est illa, quam Princeps seu Legislator, aut ejus successor, in suis Legibus dedit. De hac interpretatione intelligendum est illud, quod habetur *L. 11. C. de Legibus* juncto Summario ibidem : *Ejus est legem interpretari, cujus est condere.* Et c. *Inter alia de Sent. Excommunic.* ibi : *Ut unde jus prodiit, interpretatio quoque procedat.* Alia Interpretatio legis dicitur *doctrinalis*, scholastica, seu magisterialis : & talem possunt, ac solent dare Doctores, atque Auctores diversorum Librorum, quæ tamen probabilitatem duntaxat affert, non necessitatem : unde huic necessario inhærendum non est, nisi sit communis Doctorum consensus, ac alia meliora Juris fundamenta non suppetant. Porro ut hujusmodi Interpretatio doctrinalis melius fiat, pro ea rite ordinanda communiter solent dari quædam regulæ. Hinc sit

3. CONCL. I. Interpretatio legum potius menti legislatoris, quam verbis convenire debet. Ita Doctores communiter : nam, ut dicitur *L. Scire, ff. de Legibus.* *Scire leges non hoc est, verba earum tenere ; sed vim ac potestatem.* Et *Regul. 88. Juris in 6.* *Certum est, quod is committit in legem, qui legis verba complectens, contra legis nititur voluntatem.*

4. Cæterum mens legislatoris ex ratione in lege posita præcipue cognoscitur. Hinc c. *Intelligentia* de *Verb. significat.* dicitur : *Intelligentia dictorum ex causis est assumenda dicendi, quia*

quia non sermoni res , sed rei est sermo subjectus.
Unde illud vulgatum : *Ratio legis est anima legis.*

5. CONCL. II. Verba generalia legis generaliter sunt accipienda: siue Jus generaliter & indistincte loquens, generaliter & indistincte est intelligendum, nisi per aliud distinguatur. Ita rursus Doctores communiter. Hinc illud receptissimum : *Ubi lex non distinguit , neque nos distinguere debemus*, prout loquitur Summarium *l. De pretio ff. de publiciana in rem actione.* Intellige, nisi jus illud per aliud distinguatur (quæ limitatio notanter in Conclusionem additur) nam secus est dicendum, quando una lex generalis per aliam specialem aut per rationis ac circumstantiarum diversitatem distinguatur.

6. CONCL. III. Lex pœnalis, item lex nova correctoria legis antiquæ, & omnis alia odiosa, in dubio stricte interpretanda est, nec facile extendenda ultra casum & personas expressas. Ita unanimis Doctorum: siquidem juxta *Reg. 15. Juris in 6. Odia restringi, & favores convenit ampliari.* Et *Reg. 49. eod. In pœnis benignior est interpretatio facienda.* Dicitur notanter, in dubio stricte interpretanda est &c. Quia si verba legis pœnalis, aut alterius odiosæ, ejusque mens adeo clara sint, ut salva ratione recti sermonis non possint aliam interpretationem habere, lex erit observanda, non obstante, quod odiosa & durior appareat: prout inter alias desumitur ex *l. Prospexit ff. Qui a quibus manumissi.* ibi: *Quod quidem perquam durum est: sed ita lex scripta est.*

7. Ex hac Conclusionē inferunt Doctores, quod verba legis pœnalis intelligi debeant cum effectu arg. c. *Hec autem verba. de Pœnit. dist. 1.* ibi: *Hec autem verba cum effectu accipimus.* Sic excommunicationem in percussōres Clericorum latam non incurrit, qui Clericum voluit percutere, sed non potuit; quia voluntas, seu conatus, non punitur sine effectu. Excipe tamen crimen læsæ Majestatis l. *Quisquis C. Ad legem Juliam Majestatis* & nonnulla alia crimina in Jure specialiter expressa: siquidem quoad talia etiam ipsi conatui, seu voluntati in opus exterius prodeunti, a Legibus Civilibus, & sacris Canonibus, certæ pœnæ fuerunt decretæ, non obstante, quod ea crimina non fuerint opere externo completa; idque factum est ob summam perniciem, quam Reipublicæ inferre solent.

8. CONCL. IV. Leges favorabiles ample sunt interpretandæ: siue in materia favorabili verba accipi debent secundum amplam suam significationem. Siquidem juxta citatam Reg. 15. *Juris in 6. Odia restringi, & favores convenit ampliari.* Intellige nisi aliud exprimatur, vel appareat ex verbis legis, seu dispositionis. Sic in materia odiosa nomine Clericorum non comprehenduntur Episcopi. c. *Quia periculosum de Sentent. excomm. in 6.* Neque Canonici, aut alii in dignitate Ecclesiastica constituti, arg. c. *Sedes de Rescriptis.* Neque Religiosi, arg. *Clem. 1. De supplenda neglig. Prælat.* cum concordantiis: bene tamen in materia favorabili. Similiter sub nomine populi in materia pœnali non comprehenduntur.

prehenditur Clerus, ac proinde interdicto populo non censetur interdictus Clerus, nisi secus fuerit expressum *c. Si sententia de Sent. excomm. in 6.* tamen in materia favorabili nomen Populi comprehendit non tantum Sæculares, sed etiam Clericos, ac Regulares. Idem dicendum de aliis similibus. Quantum nunc attinet ad alteram Quæstionis partem.

9. Quæres, quid sit Epicheja? Resp. *Epicheja* est benigna legis interpretatio secundum æquum & bonum, declarans, casum aliquem particularem ex mente legislatoris ob suas circumstantias speciales sub lege universaliter lata non esse comprehensum: nam in omnibus causis potior debet esse ratio æquitatis, quam stricti Juris *l. Placuit C. de Judiciis.*

10. Differt autem Epicheja strictè loquendo ab Interpretatione Legis. Siquidem per hanc interpretamur verba legis, quando sunt obscura & ambigua: per Epichejam vero interpretamur mentem legislatoris etiam in verbis de se clavis, nimirum Generalibus, id est, ubi constat de universali verborum sensu, dubitatur autem de mente legislatoris, utrum nempe is talem casum particularem ob certas circumstantias voluerit, vel potuerit comprehendere sub generali locutione legis.

11. Et quidem quandoque, dum ipsemet legislator amplius commode interrogari nequit de mente sua, esse locum Epichejæ in casu aliquo particulari ob certas circumstantias concurrentes, communiter tenent Doctores. Ratio est: quia de iis, quæ forte uno aliquo casu ac-

cidere possunt, jure non constituuntur l. 4. & duabus seqq. ff. de Legibus. Etenim Legislator in lege ferenda communem spectat utilitatem, ac proinde ad id præsertim attendit, quod ut plurimum accidere solet: sed possunt aliqui casus particulares occurrere, quandoque fortuito, in quibus lex illa generaliter lata deficiat, ita quidem, ut non solum non obliget, sed neque licite servari possit; unde ipsa est tunc corrigenda per Epichejam. Sic enim, si lege Civili cautum sit, ne tempore hostili portæ civitatis aperiantur, nihilominus eæ per Epichejam possunt ac debent aperiri, si cives hostium impetum fugientes in civitatem se recipere volunt: & idem in plurimis aliis.

QUÆSTIO II.

De Dispensatione Legum, & variis ipsam concernentibus.

S U M M A R I U M.

12. Dispensatio quid?
* Quomodo interpretanda?
13. Papa dispensat in omni lege Ecclesiastica, non vero Divina.
14. Potest tamen legem Divinam interpretari.
15. Legislator, ejusque successor, dispensat in propria lege, etiam secum ipso.
16. Inferior nequit dispensare in lege Superioris, nisi in certis casibus, &c.
17. Corollarium.

18. Dispensatio a Legislatore concessa sine causa, est valida.
19. Sed non licita, nec sic presumenda.
20. An etiam peccet utens tali dispensatione?
21. Irrita est dispensatio concessa sine iusta causa ab inferiore in lege Superioris.
22. Corollaria.
23. Dispensatio ob-vel subreptitie obtenta non valet.
24. In Dispensationibus clausula, si preces veritate nitantur, vel exprimitur, vel subintelligitur.

* Corollarium.

25. Quomodo Papa censeatur dispensare in votis, iuramentis &c. cum tamen hæc obligent jure Divino?
26. Responsio verior.

(b) Tract. 6. Dist. 2. n. 23.

* An cesset dispensatio cessante causa? *Additio I.*
& II.

* An cesset eadem morte concedentis? *Add. III.*

* Item, an morte Executoris? *Add. IV.*

12. **C**ONCL. I. Dispensatio est juris communis relaxatio facta cum causæ cognitione ab eo, qui jus habet dispensandi. Ita Glossa c. *Requiritis* 1. quest. 7. & Doctores communiter.

Additio.

* Ex qua descriptione colligitur, quod dispensatio ordinarie sit stricte interpretanda tanquam vulnus Juris, seu a Jure communi exorbitans, arg. Reg. *Quæ a Jure* 28. de Reg. Juris

ris in 6. nec extendenda ultra propriam verborum significationem, ordinarie loquendo. Quod si in dispensatione aliqua verba forent obscura, dubia, vel incerta, attendenda est ipsa supplicatio Legislatori, seu Superiori facta: nam Princeps precibus sibi factis se solet accommodare; verba autem conformiter menti Principis interpretanda sunt. *cap. In his de verb. significat.*

13. CONCL. II. Papa potest dispensare in omni Jure Ecclesiastico, non autem in lege Divina. Ita omnes Theologi. Ratio est: quia inprimis legislator, vel ejus successor, potest dispensare in propria lege; siquidem ejusdem est ligare, & solvere. Econtra vero inferior non potest tollere, aut relaxare legem Superioris: atqui Papa, utpote homo, est inferior respectu Dei, ut patet. Et hinc Papa nequit dispensare in præceptis Decalogi, ut v. g. furtum sit licitum, aut perjurium, & hujusmodi.

14. Quo tamen non obstante interdum in Legge Divina positiva habet locum interpretatio, quod ea ob certas circumstantias hic & nunc per se ipsam obligare cesset: quo modo Judæi interpretati sunt præceptum Divinum de Sabbato custodiendo non obligare, sed eis licitum esse pugnare, si ipsis die Sabbati pugna inferatur ab hostibus, ne alioquin citius disperdantur a terra; ut legitur 1. *Machab. c. 2. v. 41.*

15. CONCL. III. Quilibet Legislator, aut ipsius superior, vel Successor in jurisdictione, potest

potest cum suis subditis in Lege propria dispensare : imo etiam secum ipso ; cum non debeat esse deterioris conditionis , ac sui subditi. Ita communis. Ratio : quia obligatio legis humanæ inducitur per voluntatem legitimi Superioris præcipientis ; ergo etiam per ipsius voluntatem potest auferri : nam *Omnis res , per quasunque causas nascitur , per easdem dissolvitur. cap. 1. de Reg. Juris.*

16. CONCL. IV. Inferior non potest dispensare in lege Superioris , nisi in certis casibus ex permissione Juris , aut delegatione Superioris sibi facta , vel expresse privilegio , aut legitima consuetudine , ejusmodi potestatem dispensandi obtinuerit. Ita certa , & communis : quia *Lex Superioris per inferiorem tolli non potest ; ut dicitur in Clem. Ne Romani , de Election.*

17. Inferitur proinde , quod Episcopus in Jure communi , aut Lege Pontificia nequeat dispensare , nisi hujusmodi potestas dispensandi sibi competat ex permissione Juris communis , vel delegatione Summi Pontificis , sive ex privilegio , aut longæva consuetudine. Quod notanter additur : quia ex hujusmodi capitibus possunt Episcopi ex causa rationabili dispensare circa observationem Festorum , ac jejuniorum totius Ecclesiæ , & quoad plura alia , puta circa levia , vel circa ea , quæ frequenter occurrunt , aut quando est necessitas & periculum in mora , ac præterea recursus ad Summum Pontificem difficilis , &c.

18. CONCL. V. Dispensatio in Lege humana , si concedatur sine justa causa a Legislatore ,

re, vel ipsius Successore, aut Superiore, valida est, sed non licita. Ita Herincx *disp. 4. de Leg. quest. 1. n. 14.* Bonacina *disp. 1. de Leg. quest. 2. punct. 3.* Sanchez, Filliucius, alique communiter, contra Vasquez & nonnullos alios, qui ejusmodi dispensationem ajunt esse invalidam. Ratio primæ partis est: quia obligatio legis pendet a voluntate legislatoris; ergo si ipse vult aliquem, etiam sine justa causa eximere ab obligatione legis, valebit ejusmodi dispensatio, seu exemptio.

19. Altera vero pars ex eo patet. Tum quia ejusmodi dispensatio non caret periculo scandali: tum quia dispensans sine causa, imprudenter utitur sua potestate, & temere eximit partem ab ordine totius corporis; nam *turpes omnis pars est suo universo non congruens. c. Quæ contra dist. 8.* Quare etiam nunquam præsumendum est, quod Legislator velit dispensare sine aliqua rationabili causa; cum nunquam præsumendum sit, quod velit dispensando peccare, nisi aliunde expresse constet, quod dispenfet in propria Lege sine justa causa; in quo quidem casu

20. Addunt multi Doctores, quod non solum peccet legislator sine justa causa in propria lege dispensans, sed etiam qui talem dispensationem postulat, aut eadem utitur: quamvis, an tale peccatum sit ex genere suo mortale, vel duntaxat veniale, iidem postmodum inter se variant, & plures velint per se loquendo, ac secluso scandalo, id esse duntaxat peccatum veniale. Sed verius est, utentem tali dispen-

fatione (sub data limitatione) nullatenus peccare: quia per eam, utpote validam, jam est exemptus a lege, simulque talis habet legitimam causam sese cæteris non conformandi, videlicet dispensationem, prout notat citatus Herincx n. 15. allegans Rodriguez, Navarrum, & alios.

21. CONCL. VI. Quod si vero Inferior sine justa causa dispense in lege Superioris, v. g. Episcopus in Lege Pontificia, irrita est dispensatio. Ita communis. Ratio est: quia Inferior non habet potestatem dispensandi in lege Superioris, nisi quatenus ipsi a Superiore concessa est facultas dispensandi; atqui non est verisimile, Superiorem velle concedere Inferiori potestatem dispensandi sine justa causa; cum hoc esset in præjudicium boni communis, simulque talis facultas adversaretur fini legis.

22. Inferitur proinde I. Eum, cum quo inferior dispensavit absque justa causa in Lege Superioris, non posse uti dispensatione, nam dispensatio est invalida; & consequenter ille, cum quo fuit dispensatum, non est exemptus ab obligatione legis.

23. Inferitur II. Etiam invalidam fore dispensationem a Summo Pontifice, vel ejus Delegato impetratam in Votis, ac Juramentis, si ejusmodi dispensatio impetrata fuit per obreptionem, id est, narrata falsa causa, aut tacita veritate necessario exprimenda. Ratio est: tum quia hic non intervenit justa causa dispensandi, eo quod causa illa non subsistat. Tum quia Deus Ecclesiæ Prælati contulit ejusmodi po-

potestatem dispensandi in ædificationem, & non in destructionem 2. Cor. c. 13. v. 10. atqui hoc fieret, si ipsi absque ulla causa possent in Votis, Juramentis, & hujusmodi dispensare; nam id non tam foret dispensare, quam dissipare.

24. Et hac de causa, si Summus Pontifex cum aliquo dispenseret ad factam præviam ejus supplicationem, solent communiter hujusmodi clausulæ in litteris dispensationis addi: *Si ita est, Si preces veritate nitantur.* Quinimo licet tales clausulæ expresse non apponantur, semper tamen non solum in votis, & juramentis, sed etiam ex mente Pontificis in aliis materiis tacite intelliguntur; prout clare habetur decisum cap. 2. de Rescriptis. Et hæc servata proportionem sunt intelligenda de aliis dispensationibus, quæ quandoque impetrantur ab inferioribus Prælati Ecclesiæ, vel Legatis Summi Pontificis, aut (pro foro conscientiæ) a Confessariis tempore Jubilæi, sive aliis habentibus potestatem dispensandi.

Additio

* Ex quo colliges, quod dispensatio sit invalida, si dispensandus in sua supplica alleget causam motivam seu finalem a parte rei falsam, quamvis id etiam bona fide, & ex inculpabili ignorantia faceret, putans illam causam allegatam esse a parte rei veram. Dixi notanter *causam motivam falsam*: secus enim foret sentiendum, si falsitas contingeret præcise circa causam impulsivam: ubi nota, quod *motiva*, seu

seu finalis causa vocetur illa, quæ movet actualiter Legislatorem ad dispensandum: *impulsiva* autem, sine qua Legislator quidem seu Superior absolute adhuc dispenseret, sed tamen difficilior. Ita pulcherrime resolvitur c. 20. de *Rescriptis*, ubi etiam adhuc alia notabilia decisa inveniuntur. *

25. Quæres I. Quomodo sit intelligendum, Papam posse dispensare ex gravi causa in Votis, Juramentis, Matrimonio, & hujusmodi: cum tamen obligatio Voti ac Juramenti sit de Jure Divino, prout & Matrimonium Jure Divino est indissolubile; Papa autem in Jure Divino nequeat dispensare, juxta dicta. Resp. in solutione hujus instantiæ Doctores variare. Nam in primis dicunt aliqui, quos sequitur Fagnanus in c. *Dudum* n. 24. de *Elect.* in hujusmodi casibus Papam proprie non dispensare, sed tantum declarare, seu interpretari Jus Divinum ob aliquam necessitatem gravem, aut aliam circumstantiam, in illo speciali casu non obligare; prout in simili n. 14. dictum est de Judæis interpretantibus præceptum Divinum quoad observationem Sabbati. Verum hæc sententia ex eo non placet: quia in dispensatione Votorum requiritur potestas jurisdictionis, ut constet ex praxi: atqui hæc non requireretur, si tantum interveniret interpretatio Juris Divini, cum hæc solum requirat prudentiam, cujus est actus: idemque liquet ex allato exemplo de Judæis, dictum præceptum Divinum absque alia jurisdictione interpretantibus.

26. Alio modo respondet Sanchez lib. 2. de

T

Ma-

Anacle. Reiffenstuel Theol. Tom. I.

Matrim. disp. 24. n. 5. & lib. 8. disp. 6. n. 6. cum aliis, docens, quod duplex sit Jus naturale Divinum: aliud absolutum, ut de non fornicando, non mentiendo, & in hoc Pontifex nullo modo dispensat. Aliud fundatum in actu, vel contractu humano, ut Votum, Matrimonium ratum, & in hoc potest dispensare. Sed tunc non proprie dispensat Papa in Jure Divino, tollendo hujus obligationem (Jus enim Divinū est, ut, qui Votum habet, id impleat, & hoc semper manet) sed dispensat tollendo obligationis fundamentum, quatenus Papa loco DEI remittit jus, vi Voti v.g. Deo acquisitum, quo facto evanescit juris Divini circa illud Votum obligatio. Et hoc amplius declarat Herinex *disp. 1. de Legib. q. 6. n. 54.* Quia (inquit) in dispensatione Votorum tantum concurrit remissio partis, cui facta est promissio: DEUS enim per suum in terris Vicarium remittit, seu condonat jus sibi ex promissione acquisitum: facta autem partis remissione cessat Voti, seu talis promissionis obligatio; quemadmodum etiam alia promissio, sive contractus civilis, non obstante, quod Jure naturæ obliget ad sui impletionem, dissolvitur, atque obligare cessat parte Jus suum remittente. Concordant dicenda inferius (b) explicando conditiones in omni Juramento, & Voto, tacite subintellectas, quarum tertia est hæc: *Nisi is, in cujus gratiam & utilitatem juratum (vel Votum factum) est, obligationem remittat*: hoc enim facto cessabit illius obligatio, cum quilibet suo juri renuntiare valeat. Porro praxis impetrandi dispensationes quoad Vota, vel etiam quoad impedimenta Matrimonii reperitur in suis pro-

Quest. II. De Dispensatione Legum, &c. 291
priis locis, nimirum *Tract. 6. dist. 3. q. 5. Tract.*
14. dist. 15.

Additio I.

* Quæres II. An cesset dispensatio actualiter jam facta, si cessat causa finalis, seu motiva adæquata, & totalis, antequam eadem dispensatio deducatur in usum? Casus potest esse sequens: Bertha extra Matrimonium habuit copulam cum Cajo suo consanguineo in quarto gradu, atque exinde genuit prolem, ad quam legitimandam ad instantiam supplicantium actualiter dispensatur per deputatum in Rescripto executorem, ut possint contrahere Matrimonium: interim tamen, antequam hanc dispensationem deducant in usum, seu antequam actualiter contrahant Matrimonium, ipsa proles, cujus legitimatio erat in supplica adducta tanquam unica causa motiva dispensandi, moritur: quæritur jam, an nihilominus prædicti possint contrahere Matrimonium? Ante responsionem suppono, quod causa motiva dispensandi debeat verificari pro tunc, quando actualiter dispensatur, uti cum aliis advertit Covarruvias *de Matrim. p. 2. tom. 1. c. 6. §. 9. de dispens. n. 22.* affirmans ita esse decisum a Rota. Et hinc, si in dicto casu proles moreretur ante actualem dispensationem, cessaret ipsa dispensatio, nec posset contrahi Matrimonium inter Cajum & Bertham consanguineos. Dubium vero remanet adhuc, si mors prolis contingeret post dispensationem jam factam, antequam fuerit Matrimonium actualiter contractum, an etiam tunc cesset dispensatio?

Resp. Etsi non a paucis notanter a Castro-
T 2
paola-

palao part. 1. tract. 3. disp. 4. punct. 15. & a Patre Henno Tract. de Leg. disp. 3. qu. 15. art. 5. valde probabiliter defendatur, in simili casu cessante post factam dispensationem causa motiva dispensandi non cessare dispensationem, sed posse deduci in usum: contraria tamen sententia Thomæ Sanchez lib. 8. de Matrim. disp. 30. n. 14. ac plurium aliorum, nec cedit gravitate auctorum, nec pondere rationum: etenim in actibus adhuc revocabilibus mens dispensantis non videtur se extendere ad illud tempus, a quo sine peccato dispensatio non potuit inchoari; atqui non potuit licite & sine peccato inchoari, absque aliqua rationabili causa motiva: ergo. Quare loquendo in praxi circa casum superius specificatū, ubi agitur de valore actus, mortua prole post concessam dispensationem ante contractum Matrimonium pro securitate petatur adhuc dispensatio; quoniam, etsi attendendo ad principia directa sententia Patris Castropalao &c. adhuc sit valde probabilis; attamen contraria est tutior, hincque ubi agitur de valore Sacramenti, uti hic, merito sequenda. Quod si vero Matrimonium jam fuisset bona fide contractum, & dubium postea primum superveniret, relinquendi sunt in Matrimonio, quoniam ex una parte nec caret Sententia contraria sua probabilitate; ex altera vero talibus conjugibus favet regula possessoria: sicut a pari in aliis casibus, superveniente dubio post contractum Matrimonium permittendi sunt conjuges in sua possessione. Ita suadet Bosco part. 6. Theol. Sacram. disp. 12. sect. 13. conclus. 4. n. 312. Interea tamen, si etiam tales pro majori

ri quiete adhuc volunt petere dispensationem, haud dubie agent tutissime. *

Additio II.

* Quæres III. An cesset dispensatio: si causa motiva dispensandi cessat, postquam dispensatio jam est deducta in usum? & quidem si pro eo tempore cessat solummodo causa impulsiva, non autem motiva; vel si motiva tantum ex aliqua parte, non ex integro; quod tunc adhuc duret prior dispensatio, est communissima: difficultas tamen adhuc remanet, si apud illas personas particulares dispensatas causa motiva adæquate, & ex integro cessat, an tunc pariter cesset dispensatio? e. g. ponamus, quod quis dispensatus sit ad comedendas diebus jejunalibus carnes ob infirmitatem, aut quoad Horas Canonicas ob oculorum imbecillitatem, quæritur, an talis adhuc sit exemptus a Jejunio, vel Horis Canonicis, si sanitas, postquam aliquo tempore jam usus est dispensatione, ex integro sit recuperata, & non tantum quis primum incipiat esse in statu reconvalescentiæ. Item si visus denuo perfecte post aliquod tempus redierit? ubi non desunt Auctores, qui cum Diana, Salas, & Burghaber affirmativam defendunt ex ratione persuasi; quia obligatio legis semel per dispensationem extincta non amplius reviviscit, nec, quod destructum est, reproducitur, nisi ab eo, qui producere potest, id est, nisi Legislator, qui respectu talium personarum mediante dispensatione sustulit legem, iterum eandem de novo ponat, seu resuscitet volendo, ut hi iterum obligentur. Communior tamen Doctorum distinguit, an per di-

spensationem cum una, vel altera persona particulari factam redigatur quispiam in statum irrevocabilem, vel num in adhuc revocabilem? nam in primo casu concedit, non cessare dispensationē etiam cessante causa motiva dispensandi: sice. g. si in voto simplici Castitatis, vel etiam in impedimento consanguinitatis fuit dispensatum ad contrahendum Matrimonium propter paupertatem sponsæ, non cessat dispensatio, nec opus est alia nova, si contracto jam Matrimonio fœmina illa ex donatione v. g. vel hæreditate ad pinguiorem fortunam devenierit; quia Matrimonium, in quo dispensatur, est ex sua natura actus irrevocabilis: nam in hoc sensu verificatur sequens 73. Reg. *Juris in 6. Factum legitime retractari non debet, licet casus postea eveniat, a quo non potuit inchoari.* Quod si vero actus, in quo dispensatur, est revocabilis, puta in comestione carnis, exemptione a recitatione Breviarii, cessante certo causa motiva adæquata dispensandi, cessaret etiam dispensatio; quia Legislatores in actibus revocabilibus censendus est dispensare velle tantum pro eo tempore, quo licite, & sine peccato dispensare potest; atqui etiam in propria lege juxta jam dicta nequit licite dispensare sine causa rationabili: ergo nec censendus est pro eo tempore, quo causa rationabilis non amplius durat, velle dispensare. Atque hæc, quæ dicta sunt de dispensationibus, pariter debent intelligi de aliis gratiis, & privilegiis, quæ concessa sunt contra Jus commune, & in præjudicium Tertii; de quibus vide Jus Canonicum lib. 5. decret. tit. 33. num. 185. *

Additio III.

* Quæres IV. An per mortem dispensantis cesset dispensatio,posito, quod pro tunc causa motiva dispensandi subsistat? Casus possunt esse varii: e. g. Bertha petiit Romæ dispensationem in voto perpetuæ Castitatis ob stimulum carnis, vel Cajus, ut valeat contrahere cum sua consanguinea Cornelia a se imprægnata, & exinde diffamata, &c. Papa quidem annuit supplici petito cum mandato exequendi, si preces veritate nitantur; interea tamen, antequam executioni mandetur illa dispensatio, Papa moritur. Quæritur jam, utrum adhuc dispensatio subsistat, vel an eadem cesset?

Resp. I. Si gratia dispensationis jam actualiter est concessa, vel Jus supplicanti actualiter aliquo saltem modo acquisitum, eadem durante adhuc causa motiva, non cessat morte dispensantis, quamvis ipsa necdum fuisset executioni inadata: hincque, si fuerit desuper quoque requisita aliqua executio, eandem Executores deputati possunt, imo tenentur etiam post mortem dispensantis facere. Ita clarissime reperitur decisum *cap. 9. de Off. Delegat in 6.* Atque ex hoc infertur, quod in allegatis superius casibus concessio Papæ non expiret, sed deputati in Rescripto Pontificio Executores debeant illam dispensationis gratiam durante adhuc pro eo tempore causa motiva executioni mandare; quia talis gratia non est facienda, sed jam facta respectu Papæ; cum Orator, seu supplicans vi concessionis Pontificiæ habeat Jus quæsitum, & executores jubeantur exequi, si preces veritate nitantur.

Resp. II. Si gratia dispensationis primum foret facienda, nec ullum Jus supplicanti acquisitum e. g. si Papa dixisset, quod cogitet aliquando dispensare, vel si in Rescripto dispensationis, ad Executorem directo, sequentia verba inserat: *Dispenses cum Titio, si expedire judicaveris* &c. in simili casu re adhuc integra, per mortem dispensare volentis cessat, seu expirat dispensatio, quamvis causa motiva dispensandi perduraret. Ita eruitur *ex cap. Si cui nulla §. fin. de Præb. in 6.* Qualiter autem cognoscatur, num aliqua gratia dispensationis sit facta, vel facienda, in dubio eruere poteris ex Jure Canonico *Lib. 1. Tit. 3. §. 10.* apud præsentem Auctorem; ubi is cum Abbate, & Sanchez *lib. 8. de Matrim. disp. 28. n. 87.* & pluribus ibi relatis defendit, quod censeatur *gratia facta*, si in Rescripto constituatur Executor necessarius, seu cum mandato exequendi, *si preces veritate nitantur*; e contra vero, si Executor denominetur, ut exequatur *juxta suum beneplacitum*, reputetur Executor voluntarius, sicque *gratia primum facienda*, quæ expirat morte concedentis re adhuc integra. Ita communior, quamvis non desint alii quoque cum Anchorano, Archidiacono, & aliis *gratiam factam, & faciendam* aliter explicantes.

Additio IV.

* Quær. V. An per mortem denominati in Rescripto Executoris expiret facultas exequendi, vel transeat ad alium, e. g. demortui successorem? Resp. I. Si facultas exequendi fuit facta præcise certæ personæ e. g. Sempronio: tunc, eo moriente, etiam expirat facultas exequen-

quendi. Ita deducitur ex Jure Canonico, arg. cap. 42. de Officio & Potestate Judicis delegati.

Resp. II. Quod si facultas exequendi potius alligata fuit Officio, seu Dignitati e. g. Episcopo, vel Officiali Diocesis Frisingensis, prout ordinarie contingit, tunc transit hæc facultas ad Successorem, in illa Dignitate, vel Officio. arg. cap. 14. de Officio & Potestate Judicis deleg. atque ex hac ratione credo, quod litteris dispensatoriis in causis matrimonialibus, quando constituitur in illis Executor, soleat plerumque superinscribi Episcopo vel Officiali Diocesis N. vel discreto Viro confessori ex approbatis al Ordinario per pœnitentem eligendo, non exprimendo eorum proprium nomen, & cognomen specificum.

Porro in dubio, utrum hæc facultas sit delegata Personæ, vel Officio, considerata est materia subjecta, ac totus contextus verborum, utum exinde colligi non possit? Vide præsentem Auctorem lib. 1. Decret. Tit. 29. n. 128. *

Q U Æ S T I O III.

De revocatione Legum.

S U M M A R I U M.

27. Abrogatio, Derogatio, & Irritatio legis quid, & quomodo differant?
28. Leges semel latae possunt justis de causis revocari.
29. Quæ sint ejusmodi justæ causæ?
30. Nova lex generaliter lata, tollit priorem contrariam.
31. Nisi prior sit specialiter loquens.
32. An tollat consuetudines, vel statuta particularia locorum?
33. In, & quando cessante causa legis, cesset ipsa lex?

34. Declaratur & limitatur data responsio.

* An cessante motivo legis in persona particulari cesset ipsa Lex ex parte ejusdem ?

* Ostenditur disparitas inter Legem, & dispensationem.

27. **N**otandum, quod hæc tria inter se differant, videlicet Abrogatio legis, Derogatio Legis, & Irritatio Legis. *Abrogatio* quippe *legis* fit, quando lex totaliter calatur, & tollitur. *Derogatio legis* econtra et, cum lex ex parte solum tollitur, quatenus legislator unum, vel alterum legis articulum mutat, aut a generali constitutione certos casus speciales excipit; juxta quod *l. Derogatur* 102. ff. de *Verb. signif.* dicitur, *Derogatur legi, cum pars detrahatur; abrogatur legi, cum forsus tollitur.* Tandem *Irritatio Legis* fit, quando Lex ab inferiori Magistratu constituta, auctoritate Superioris rescinditur, seu irrita & nullius roboris esse declaratur: ut si leges ab episcopo latæ auctoritate Summi Pontificis annullentur, seu irritentur.

28. Concl. I. Leges semel latæ possunt de novo justis de causis revocari, idque potest fieri tum per ipsum legislatorem, tum per ejus successorem. Ita omnes Doctores, atque constat ex praxi: sic enim multæ leges antiquiores tam in Jure Civili, quam Canonico reperiuntur, quæ fuerunt revocatæ per alias posteriores; ut taceamus alias Constitutiones tum Pontificias, tum Imperiales, quæ justis de causis per Successores fuerunt revocatæ.

29. Dicitur *justis de causis*. Quia nnnisi gravi de causa leges, legitima auctoritate condæ,

ditæ, sunt immutandæ : siquidem novitates plerumque querelas, & discordias pariunt; ac proinde, uti *L. 2. ff. de Constitut. Princ.* notatur: *In rebus novis constituendis evidens esse utilitas debet, ut recedatur ab eo jure, quod diu æquum visum est.* Porro justæ causæ mutandi legem sunt, si experientia teste constet, legem aliquam, quæ a principio sperabatur futura utilis, non expedire Reipublicæ: aut si quidem a principio fuerat utilis, postmodum mutatis rerum circumstantiis desinat esse utilis, & communitati conveniens. Leges enim debent juxta exigentiam locorum, temporum, & conditionem personarum constitui: unde juxta horum diversitatem nonnunquam variæ eduntur leges, atque etiam priores temperantur, suppleuntur, & corriguntur per posteriores. Hinc illud vulgatum Canonistarum dictum: *Concorda tempora, & concordabis jura: arg. c. Si peccaverit. 2. q. 1. juncta Glossa c. Si Ecclesia v. Temporibus 23. q. 4.*

30. Concl. II. Nova lex, seu Constitutio generalis Principis, tollit legem priorem contrariam, etiamsi de ipsa non faciat mentionem. Ita habetur expressum in Jure Canonico *c. 1. de Constit. in 6.* Accedit ratio: quia princeps non censetur ignorare legem communem priorem; ergo, dum novam statuit contrariam, aliam ipso facto revocare dignoscitur.

31. Cæterum hæc Conclusio intelligenda est de lege priori generaliter lata. Nam in primis lex prior specialiter loquens non tollitur per legem posteriorem generaliter loquentem, sed hæc per illam distinguitur: sic v. g. leges gener-
rales

rales de testamentis editæ, non comprehendunt testamenta ad pias causas, aut testamenta militum, vel alia privilegiata, quia de his habentur speciales leges: idem dicendum de aliis hujusmodi.

32. Insuper ab hac generali doctrina sunt excipiendæ rationabiles consuetudines, & particularia Statuta locorum: siquidem per legem generaliter latam non censetur Papa, vel alius Legislator, velle derogare particularibus locorum vel personarum Statutis, aut consuetudinibus rationabilibus, neque eadem revocare, nisi id exprimat. Ita enim habetur expresse decisum *cit. cap. 1. de Constit. in 6.* Quia talia particularia statuta, & consuetudines locorum, censetur Legislator probabiliter ignorare, unde non videtur velle quidpiam statuere de ipsis nisi id exprimat. Dicitur notanter, *nisi id exprimat*: nam si Legislator exprimat, velle se derogare etiam particularibus locorum consuetudinibus, aut Statutis, revera etiam istis derogatur. Id autem per hujusmodi clausulas in lege appositæ, *nulla obstante consuetudine contraria*: sive *non obstantibus quibuscunque constitutionibus locorum*, aut hujusmodi.

33. Quæres an cessante causa legis, Lex quoque ipsa cessare videatur? Resp. Cessante causa motiva seu finali legis adæquata, sive in totum, & respectu totius communitatis, cessat etiam obligatio legis, etiamsi non adsit aliud decretum, aut revocatio Principis. Ita Doctores communiter. Ratio est: quia *cessante causa, cessat effectus*, prout habetur *c. Cum cessante, de Appellat.* Accedit, quod lex non obliget ultra

tramentem Legislatoris: atqui Legislator non præsumitur velle obligare ad observantiam legis, quando cessat causa motiva legis adæquata, seu in totum, ac respectu totius communitatis: quia tunc cessaret finis legis; ergo.

34. Dicitur, *cessante causa motiva adæquata, sive in totum*. Quia si ob plures causas motivas lex condita sit, & una causa cesset manentibus cæteris, non cessat obligatio Legis. Sic v. g. cessante una causa, propter quam imposita sunt tributa, non illico cessat obligatio solvendi tributa, si aliæ causæ eorum perseverent. Et additur, *& respectu totius communitatis*: quia secus est dicendum, si causa legis cesset solummodo respectu particularis personæ, seu in casu particulari: sic v. g. quando ob periculum rixarum prohibetur noctu portatio armorum, punietur quis tanquam transgressor legis, si arma portaverit, quamvis testetur, nullum apud se subesse rixarum periculum: & taliter de aliis materiis discurrendo possunt resolvi plurimi casus. Ratio est: quia lex non respicit singulares tantummodo personas, sed totam communitatem: ergo adhuc manet ejus obligatio, non obstante, quod causa ipsius respectu particularis personæ, vel causæ cessarit. Quinimo, quando dubitatur, utrum causa legis cessaverit in totum, & respectu totius communitatis, ac per consequens, an cessaverit obligatio legis, nec ne, præsumendum erit in favorem legis, & quod adhuc obliget; siquidem in dubio melior est conditio possidentis: atqui in tali casu lex possidet, cum constet, illegem latam esse, & dubitetur de ipsius sublatione; ergo.

Ad-

Additio I.

* Dices: Juxta doctrinam Quæstione prima numero undecimo traditam potest quandoque fieri Epicheja, quod nimirum ex mente Legislatoris iste, vel ille casus particularis sub Lege non comprehendatur: sed Epicheja non videtur aptiorem habere locum, quam tunc, quando cessat finis legis, seu causa motiva in aliqua persona particulari: ergo. Antequam respondeatur, nota, quod finis legis, seu causa motiva possit cessare, vel contrarie, vel solum negative. Tunc cessat finis Legis contrarie, quando fieret illicitus, vel saltem in aliquo casu particulari ob varias circumstantias valde difficilis, seu moraliter impossibilis: e. g. si allegata superius quæstione Civibus hostium impetum fugientibus intelligeretur sub generali prohibitione interdictus in Civitatem ingressus, quamvis certo nullum foret periculum, ne simul hostes ingrederentur.

Tunc vero finis legis dicitur cessare tantum negative, si is quidem non reddatur illicitus, aut moraliter impossibilis, attamen per observationem legis in hac, vel illa persona particulari dictus finis, quem respectu communitatis in Lege ferenda sibi Legislator præfigebat, non obtineatur: e. g. in abstinencia a carne diebus veneris, & sabbatinis finis hujus legis est maceratio corporis: ponamus autem, quod unus vel alter dives magis delectetur comestione piscium quam carnis, apud talem particularem personam cessaret finis legis negative. H.N.

Resp. Disting. min. Epicheja videtur habere locum &c. quando finis legis cessat contrarie,

con-

concedo : quando tantummodo negative cessat, neque aliunde gravis ratio suadet Epichejam: nego minorem & consequentiam. Unde notanter dictum est præcedenter, *quandoque* tantum habere locum Epichejam: non enim debemus nobis in similibus nimium abblandiri: alias iane allegatus superius dives posset diebus jejunalibus comedere carnes. *

Additio II.

* Urgebis: Juxta jam dicta præcedentis quæstionis, cessante causa motiva seu finali dispensationis in aliqua particulari persona, cessat etiam quoad eandem regulariter dispensatio: ergo etiam cessante causa motiva, ac finali legis in aliqua persona particulari, cessat ipsa lex. Resp. negando consequentiam, & paritatem. Disparitas est, quia ipsa dispensatio data est pro particularibus personis, uti supponitur; & hinc mirum non est, quod cessante in illis causa motiva dispensationis cesset ipsa dispensatio: econtra vero lex non est lata pro personis particularibus, sed pro tota communitate; hincque non cessat, nisi pariter causa motiva cesset respectu totius communitatis. Quod si etiam loquendo de dispensationibus, ponas aliquem casum, quo conceditur dispensatio pro tota communitate, ibidem ob paritatem rationis de lege similiter admittitur, quod non cesset dispensatio, etsi causa motiva dispensandi cesset in una, vel altera particulari persona. E. g. ponamus, quod circa jejunium Quadragesimæ dispensetur in aliquo oppido ob paupertatem civium cibos jejunaes propter caritatem difficillime comparantium: in hoc casu, etsi unus, alterve dives

can-

eandem difficultatem in emptione ciborum non pateretur, exinde tamen apud ipsum non cessaret dispensatio, quæ facta est pro tota communitate; hincque posset se aliis in dispensatione conformare, quod bene notandum ad solvendo plurimos casus. *

QUÆSTIO IV.

Quomodo leges tollantur per contrariam Consuetudinem?

SUMMARIUM.

35. Consuetudo sumitur dupliciter.
36. Consuetudo triplex, præter legem, secundum legem, & contra legem.
37. Lex humana potest tolli per consuetudinem contrariam, rationabilem tamen & legitime præscriptam.
38. Quæ consuetudo censeatur rationabilis?
39. Solvitur instantia.
* Occurritur alteri adhuc Objectioni.
40. Consuetudo, quomodo dicatur legitime præscripta?
41. Per consuetudinem contrariam decennio abrogatur Lex Civilis.
42. An decennium pariter sufficiat ad tollendam legem Canonicam?
43. Probatur sententia affirmativa.
(c) Dist. 1. q. 4. per totam.
44. Solvuntur Objectiones.
* An consuetudo legem tollat, si Legi addatur Clausula derogativa consuetudinis? Addit. I.
* An Lex abroget consuetudines particulares? Addit. II.

35. **C**ONSUETUDO aliis verbis dicitur *Jus non scriptum*, ad differentiam legum, seu Constitutionum, quæ appellantur *Jus scriptum*

ptum. Porro generatim Consuetudo dupliciter sumitur; primo pro ipso usu, seu frequentatis actibus alicujus communitatis, & a nonnullis appellatur *Consuetudo facti*: secundo pro ipsomet jure, quod tandem ex ejusmodi diuturno usu, & frequentatis actibus nascitur. Et hoc posteriori modo *Consuetudo* aliud non est, quam jus quoddam moribus constitutum, quod pro lege suscipitur: in qua, non autem in priori acceptione sermo nunc est de Consuetudine. Cæterum

36. Consuetudo generatim sumpta dividitur tripliciter, nempe in eam, quæ est præter legem, secundum legem, & contra legem. *Consuetudo præter legem* (quæ & *juris constitutiva* dicitur) est illa ipsa, quam superiori numero descripsimus, ac reperitur in casibus a jure non decisus: unde hujus Consuetudinis vis est, constituere jus novum, ubi nulla lex posita fuit. Ubi tamen ab initio, vel saltem in continuatione requiritur intentio per hos actus inducendi obligationem: qualis intentio, seu consensus & voluntas adesse non censetur, si communitas aliqua ideo quidpiam facit: quia ex errore, seu ignorantia credit adesse legem & obligationem sic faciendi: nam errantis, seu ignorantis nullus est consensus, *L. 25. ff. de Jurisdic.* consequenter nec adesse censetur voluntas seu intentio se obligandi. Et hinc si populus per multos annos observaret aliquod Festum vel Jejunium, putans ex errore illud esse præceptum, exinde non induceretur consuetudo obligativa præter legem. Porro in dubio

U

pro-

probabilius præsumi poterit, hos actus potius ex devotione, quam ex intentione inducendi obligationem processisse; quia libertas est in possessione; neque aliquis præsumitur sibi voluisse onus imponere, nisi de eo sufficienter constet. Suarez hic l. 7. c. 15. n. 13. *Consuetudo secundum legem* est, quæ legem jam præ-existentm supponit, eamque vel deducit in usum, vel si ambigua est, interpretatur: & de hac loquitur illud commune dictum, *Consuetudo est optima legum interpret.* c. *Cum dilectus*, de Consuet. & l. 37. ff. de Legibus. Tandem *Consuetudo contra legem* (quæ & *Desuetudo*, seu *consuetudo legi contraria* dicitur) est illa, qua lex vel usu nunquam recepta fuit, vel jam recepta usu contrario denuo tollitur, & abrogatur: & de hac præcipue sermo est in proposito.

37. CONCL. I. Lex humana potest tolli per consuetudinem contrariam, dummodo ea sit rationabilis, ac legitime præscripta. Ita omnes Doctores, & habetur expresse cap. ult. de Consuetudine, cum concordantiis. Dicitur notanter, *lex humana*: siquidem contra legem naturalem, ac Divinam, nulla currit consuetudo, quæ potius dicenda esset corruptela: quinimo tanto graviora sunt peccata, quanto diutius infelicem animam detinent alligatam, ut cit. cap. ult. notatur. Hinc prava consuetudo pejerandi, blasphemandi, vel fornicandi, nunquam potest tollere legem Divinam de non pejerando, blasphemando, aut fornicando.

38. CONCL. II. Ea consuetudo generatim loquendo censetur rationabilis, quæ nec Juri naturali, aut Divino adversatur, neque Jure

Canonico reprobatum tanquam corruptela, neque peccandi licentiam aut occasionem præbet, neque alia ratione communi utilitati perniciofa est: quæ vero in aliquo horum deficit, censetur irrationabilis, & consequenter nunquam potest induci per actus legi contrarios. Ita Layman *lib. 1. tract. 4. c. 24.* & alii.

39. Dices. Omnis lex debet esse rationabilis, & iusta; ergo hoc ipso quælibet consuetudo legi contraria erit irrationabilis, atque iniusta. Resp. enim negando consequentiam: quia nihil impedit, quod lex secundum unam rationem, & in ordine ad certum finem seu respectum fuerit rationabilis, simulque consuetudo eidem contraria secundum aliam rationem, ac sub diverso respectu ac fine, etiam sit rationabilis: sic enim duæ contrariæ leges solent pariter esse rationabiles, prout videre est in mutatione, seu revocatione legum.

Additio.

* Urgebis: Actus consuetudinis contra Legem sunt irrationabiles; ergo etiam ipsa consuetudo, quæ ex his actibus generatur. Consequentia videtur patere ab exemplo; sic enim si actus blasphemandi sunt irrationabiles, etiam consuetudo blasphemandi ex his generata censetur irrationabilis. Antec. vero probatur, actus introducetes consuetudinem possunt esse peccaminosi, cum valeat introduci consuetudo contra Legem per actus etiam formaliter peccaminosos, uti tenent Baldus, Sanchez, Diana, Lugo, Hostiensis, Jafon, Joannes Andreas, Haunoldus &c. Sed actus formaliter peccaminosi sunt utique irrationabiles; cum nullum

peccatum sit rationabile: ergo. Resp. In primis non deesse Auctores, qui, etsi concedant per actus materialiter peccaminosos posse introduci consuetudinem; id tamen negant de actibus formaliter peccaminosis. Et ita defendunt Layman, Azorius, Engel, Henno, Felix Potestas, & alii. Nihilominus, quia ex Jure Canonico *L. 1. Decret. Tit. 4. §. 5. n. 143.* cum superius allegatis Doctoribus admittitur posse per actus formaliter peccaminosos constitui legitimam consuetudinem; ideo aliter

Resp. II. Concesso. antec. negando consequentiam; nam quoad actus præcedentes ipsam consuetudinem Juris necdum adest consensus legalis ipsius Legislatoris, hincque hi actus scienter contra legem, & voluntatem Legislatoris exerciti sunt formaliter peccaminosi, & consequenter irrationabiles; econtra vero habita ipsa consuetudine cum suis legitimis conditionibus, adest dictus consensus legalis, sicque consuetudo, & actus post eandem elicit non amplius erunt formaliter peccaminosi, & consequenter nec irrationabiles. De exemplo autem adducto circa blasphemias negatur paritas: quia ibidem juxta jam dicta nec in actibus præcedentibus, nec in ipsa consuetudine exinde generata (quæ tantum est facti, non juris) adest consensus legalis supremi Legislatoris, sicuti quoad nostrum propositum habetur in pura lege humana, dummodo dicta consuetudo fuerit tempore legitimo continuata. *arg. c. fin. de Consuetudine.* *

40. CONCL. III. Consuetudo dicitur legitime præscripta in tantum, quatenus tempore

a le-

a legibus definito a majori parte alicujus veræ communis est continuata. Ita communis. Ratio est: quia consuetudo legitime præscripta idem est, ac usus longævus, seu longa consuetudo, prout patet ex c. *Cum consuetudinis.* & cap. ult. de Consuet. cum concordantiis. Quod ut magis intelligatur.

41. Quæres, quantum temporis requiratur, & sufficiat, ut consuetudo censeatur legitime præscripta, ita ut legem aboleat? Supponitur, non moveri hic quæstionem de abolitione legis sciente ipsomet Legislatore: nam si is resciat, suam legem non observari, & tamen non contradicat, cum tamen facile possit, non requiritur certum tempus ex communi Doctorum; cum ibi Lex potius per tacitum consensum & per viam conniventiae, quam per consuetudinem abrogetur. Difficultas itaque solummodo restat, si id fiat Legislatore ignorante? ad quam Resp. I. Ad Consuetudinem contra legem Civilem Principe ignorante inducendam requiritur, & sufficit decennium. Ita communis. Ratio est: quia consuetudo, ut deroget legi Civili, debet esse longa, quæ & sufficit arg. L. 1. C. *Quæ sit longa consuetudo*: atqui per longam consuetudinem intelligitur illa, quæ decennio duravit; nam decennium in Jure vocatur longum tempus l. *Super longi* II. C. de Prescript. long. temp. ibi: *Super longi temporis prescriptione*, quæ ex decem annis introducit.

42. Resp. II. Loquendo de Legibus Ecclesiasticis, seu Canonicis, quamvis multi Doctores distinguendum censeant inter legem receptam,

& nunquam receptam; & hanc quidem decennio per contrariam consuetudinem tolli concedant, ad illam autem tollendam requiri quadraginta annos, asserant: ut volunt Ludov. Engel *tit. de consuetud. n. 15.* Layman. *l. 1. tract. 4. c. 3. n. 4.* Navarrus, Zoelsius, & alii plures. Nihilominus probabilius videtur, Jurique conformius, non esse opus memorata distinctione, sed generaliter ad abrogandā quamcunque legem Ecclesiasticam vi contrariæ consuetudinis, rationabilis tamen, sufficere decennium. Ita Lessius *lib. 2. de just. & jure c. 6. n. 46.* Pirrhing. *tit. de Consuetud. n. 33.* Christoph. Haunold. *tract. 1. c. 3. Controv. 2 n. 130.* Sannig. *distinct. 4. de Legibus. quest. 1. n. 5.* & innuit Herincx. *disp. 3. de Legibus. quest. 16. n. 217.*

43. Ratio hujus posterioris sententiæ est: quia ubi Jus non distinguit, neque nos distinguere debemus: sed Jus nullibi distinguit inter legem Canonicam usu receptam, & non receptam; ergo. Deinde cum acceptatio populi non requiratur ad intrinsecam constitutionem legis humanæ, ut dictum est superius (c) parum refert, num lex Pontificia sit aliquando recepta, nec ne; cum utraque jam habeat suam intrinsecam, & substantialem firmitatem ac robur obligandi. Confirmatur eadem sententia, quia non est inducenda discrepantia inter Jus Civile & Canonicum, ubi non habetur expressa dispositio Juris in contrarium *arg. c. 1. De novi operis nuntiatio.* atqui ad abrogandam legem Civilem per contrariam consuetudinem sufficit decennium, ut dictum *n. 14. & in*

Quæstio IV. Quomodo leges tollantur &c. 311
in Jure Canonico quoad hoc non reperitur expressa dispositio in contrarium; ergo.

44. Nec obstat, quod *c. Auditis, de Præscript.* & *c. Cum Ecclesia, de Causa possess.* & alibi, ad præscribendum contra bona, & jura Ecclesiastica requiratur spatium quadraginta annorum. Resp. enim, ibi sermonem esse de præscriptione contra bona immobilia Ecclesiarum, atque earum jura, utpote quæ sunt instar bonorum immobilium; prout desumitur ex ipsomet textu: non autem de præscriptione contra leges Ecclesiasticas, sive Pontificias. Alioquin enim, cum contra Romanam Ecclesiam non currat nisi sola centenaria præscriptio *c. Cum vobis de Præscript.* & alibi, leges Papales non nisi centenaria præscriptione, seu consuetudine in contrarium abrogari possent; quod est contra communem Doctorum.

Additio I.

* Quæres I. An, si Legislatur humanus decernens legem velit, quod hæc valeat *non obstante consuetudine contraria*, vel *nulla obstante consuetudine*, an (inquam) nihilominus talis lex possit tolli per consuetudinem contrariam? Resp. probabilius affirmative, nisi talis consuetudo reprobetur tanquam corruptela, seu velut irrationabilis. Ratio est: quia legislator per similes clausulas censetur solum improbare consuetudines præsentis contrarias, si quæ existerent: non autem prohibet per easdem introductionem consuetudinis in futurum. Et ita tenent Glossa, Abbas, Cardinalis Thùscus, Covarruvias & alii citati in *Jure Canonico lib. 1. Decret. Tit. 4. §. 8. n. 185.*

Ad-

Additio II.

* Quæres II. Quando consuetudo semel contra aliquam legem legitime introducta censeatur iterum abrogata ? Resp. I. Consuetudines locorum particularium per legem contrariam non censentur abrogatæ, si nulla adsit clausula abrogatoria. Ita communis. Ratio est: quia sicuti Legislator particularia locorum statuta, ita & particulares locorum consuetudines censetur ignorare, adeoque nec velle sub lege Generali contraria comprehendere earum revocationem, nisi exprimat per aliquam clausulam derogatoriam. Resp. II. Si legi Generali contrariæ annexa sit clausula derogatoria: e.g. *nulla obstante contraria consuetudine* &c. tunc præsentēs generales consuetudines exinde censentur abrogatæ. Ita communis, & ratio est; quia alias dicta clausula derogatoria nullum haberet effectum, prout patet consideranti, & eruitur ex jam dictis præcedente quæsito. Resp. III. Valde probabiliter tamen per dictam clausulam derogatoriam, legi Generali contrariæ annexam non abrogatur præexistens consuetudo immemorialis, id est illa, cujus determinatum initium memoriam hominum excedit. Ratio est: quia, ut illa tanquam alias specialiter privilegiata, censeatur sublata, videtur requiri, ut de eadem etiam fiat specialis mentio, prout subinde contingit addendo legi contrariæ sequentem clausulam: *non obstante quacunque consuetudine, etiam immemoriali* &c. Et ita teste Fagnano decrevit S. Congregatio, prout totum hoc videre poteris fusius in jure Canonico *Lib. 1. Decret. Tit. 4. §. 8. per totum.* *



INDEX

PRO

TOMULO PRIMO.

DE ACTIBUS HUMANIS, CONSCIENTIA, ET LEGIBUS.

A.

Abrogatio legis, quid? pag. 298. num. 27.

Acceptatio populi ad intrinsecam constitutionem legis? pag. 184. num. 34. & 35. an requiratur ad obligationem legum. pag. 185. num. 36.

Actio (honestæ) an requirat omnium facultatum animæ consensum pag. 50. in add. * *

Actus humanus, & actus hominis differunt. pag. 38. n. 1. Actus humanus, seu moralis quid? pag. 39. n. 2. & 3. quomodo debeat fieri ad regulam actuum nostrorum? pag. 40. n. 4. Unde desumat suam bonitatem vel malitiam? pag. 44. n. 9. quæ harum actui sit primaria & essentialis? pag. 45. n. 10. & 11. quomodo malitia & præsertim bonitas debeat esse volita, ut eam actus humanus desumat ex objecto & circumstantiis? pag. 51. n. 18. & seqq. actui interno voluntatis per se primo inest bonitas vel malitia moralis. pag. 58. n. 28. an actus externus addat propriam malitiam vel bonitatem actui interno? pag. 59. num. 29. & seqq. actus interior & exterior an sint duo peccata? pag. 63. n. 34. & 35.

X

Actus

I N D E X.

Actus indifferens quid? pag. 65. num. 36. & 37. & an de-
tur? pag. 66. n. 38. an omnem actum teneatur ho-
mo dirigere in finem honestum? pag. 67. n. 39. vel
in Deum summe diligibilem? pag. 68. in Addit I. an
liceat operari ex sola delectabilitate objecti? pag. 69.
Addit. II. an actus indifferens, inter bonum & ma-
lum ita debeat esse indifferens, ut non solum pecca-
tum, sed etiam omnem imperfectionem necessario ex-
cludat? pag. 71. Addit. III. item fusius in * * Ad-
dit. pag. 72. & seqq. quid requiratur, ut actus huma-
ni boni sint meritorii vitæ æternæ? pag. 78. n. 40. vi-
de etiam *meritum*.

An *actus meritorius* eo ipso sit etiam satisfactorius? Add.
I. pag. 83. cur aminæ in purgatorio potius dicantur
Satispati? & Addit. II. pag. 84. quandonam ad actum
satisfactorium non requiratur status gratiæ? Add. III.
pag. 85.

Actus omnis prohibitus an eo ipso etiam sit irritus? pag.
230. Addit. I. quid intersit, an actus sit irritus ipso
jure, vel primum irritandus per Judicem? Add. II. an
actus irritus ipso jure adhuc teneat in foro conscien-
tiæ ante sententiam declaratoriam? pag. 231. Addit.
III. cum Corrollariis.

Actus voluntatis alii elicit, alii imperati pag. 42. n. 6.

Actiones in se spectatæ naturales, an ex eo, quod depende-
ant ab actione quadam libera imputari possint ad cul-
pam? pag. 12. * * Addit. contra Wolf. Actiones
imputandæ ad culpam an bene à Wolfio dividantur
in deliberatas & indeiberatas? ead. pag. & Addit.

Advocatus an possit sequi sententiam probabilem reli-
cta probabiliori? pag. 129. n. 63. item pag. 131. &
132. num. 67. & 68. quænam obligationes advocato-
rum? pag. 129. n. 64.

B.

Bonitas naturalis & moralis in actibus nostris quæ? pag.
43. num. 7. bonitas actus moralis unde desumatur?
pag. 44. n. 9. & seqq. sola bonitas finis non sufficit
ad tollendam malitiam medii pravi. pag. 46. n. 12.

I N D E X.

- & seqq. ad bonitatem moralem actus ex objecto desumendam requiritur, ut hæc sit directe volita. pag. 53. n. 20. & seqq.
- Bonitatem* propriam an habeat actus externus? pag. 59. n. 29.
- Bonum* triplex, delectabile, utile, & honestum, quid? pag. 43. n. 8.
- Bulla* Pontificiæ cur multis in locis, saltem omnes non obli-
gient? pag. 187. n. 40.

C.

- Calites* nihil sibi mereri possunt. pag. 80. n. 44.
- Calendarium* novum seu Romanum & vetus discrepant. pag. 265. n. 32.
- Castellanus* extra regnum Castellæ an possit vesci die Sab-
bathi extremitatibus animalium? pag. 262. n. 28.
quid de advenis illuc venientibus? pag. 263. n. 30.
- Causam* peccati tollere quando quis teneatur? pag. 11.
num. 16.
- Circumciso* & alia cærimonialia legis veteris an & quando
illicita esse cæperint? pag. 196. n. 6. & seqq.
- Circumstantiæ* an & qualem bonitatem, vel malitiam tri-
buant actui humano? pag. 45. n. 11. & seqq. quo-
modo hæc debeat esse volita ut desumatur ex circum-
stantiis. pag. 51. n. 18.
- Clerici* an teneantur legibus civilibus. pag. 253. num. 13.
Clericorum nomine qui comprehendantur? pag. 280.
num. 8.
- Comedere* & bibere ad satietatem ob solam delectabilitatem
an liceat? pag. 69. Addit. II.
- Concupiscentia* an causet involuntarium? pag. 29. num. 32.
& seqq.
- Confessarius* an teneatur se conformare opinioni pœnitentis
probabili? pag. 121. n. 55.
- Conscientia* ut Regulæ actuum humanorum unde sic dicta? pag. 86. n. 1. & quid? pag. 87. n. 2. est multiplex. n. 3.
Conscientia recta, quid? pag. 88. n. 4. conscientia
tam speculative quam practice recta. pag. 89. num. 6.
per quod differat à probabili? n. 7. quanta sit obli-
gatio conscientie rectæ? pag. 90. n. 8. *Conscientia*
erronea quid? pag. 91. n. 9. Conscientia practice re-
cta

INDEX.

An sit erronea? pag. 92. n. 10. Conscientia erronea invincibilis & vincibilis. n. 11. Conscientia erronea quæcunque obligat negative n. 12. & 13. Actio debet esse libera, ut quis peccet agendo contra conscientiam erroneam. pag. 94 n. 14 ad hanc non sufficit solus scrupulus n. 15. conscientia invincibiliter errans obligat etiam positive. pag. 95. n. 16. & 17. e contra conscientia vincibiliter errans obligat, ut eam deponamus n. 18. alioquin peccabit operans, quamcunque partem elegerit. pag. 96. n. 19. conscientia erronea quomodo deponenda? pag. 97. n. 21. & 22. quid agendum, quando utraque contradictionis pars putatur esse peccatum? pag. 98. n. 23. quid si quis nesciat, ubi sit minus malum? pag. 99. n. 24. *Conscientia dubia*, quid? pag. 100. n. 25. conscientia speculative dubia. pag. 101. n. 26. practice dubia. n. 27. conscientia positive & practice dubia. pag. 102. n. 29. cum conscientia practice dubia illicitum est operari. pag. 103. n. 30. non vero cum conscientia solum speculative dubia, seu practice deposita. pag. 105. n. 33. *Conscientia probabilis*, quid? n. pag. 108. n. 38. & 39. sequitur ad opinionem probabilem. pag. 109. n. 40. opinio probabilis quid? pag. 110. n. 41. opinio probabilis probabilitate intrinseca & extrinseca quid? pag. 111. n. 42. opinio probabilior & minus tuta, quæ? pag. 112. n. 43. per probabilitatem quantumvis tenuem quid intelligatur. n. 44. & seqq. an sit licitum, sequi sententiam probabilem etiam in concursu probabilioris, & tutioris? pag. 114. n. 50. & seqq. an idem dicendum in quæstionibus circa materiam facti versantibus? pag. 122. n. 56. & an liceat Ministro Sacramentorum, Medico, Judici & Advocato? quibus tres aureæ Regulæ Scoti observandæ traduntur. pag. 123. n. 57. usque ad n. 68. vide etiam plura in quæstione addita pag. 133. nempe non licere Ministro per se loquendo in Sacramentis conferendis sequi sententiam probabilem, minusque tutam quoad valorem Sacramenti, quando periculum invaliditatis non oritur ex conditione per Ecclesiæ ratificationem supplibili. pag. 133. Addit. I. Secundo licet in Sacramentis conferendis, & suscipiendis sequi sententiam mi-

I N D E X.

minus tutam, moraliter tamen certam de valore, re-
 licta tutiore. pag. 142. Add. II. Tertio ponuntur *illa-*
tiones practicae ex antecedentibus duabus additionibus
 loquendo de Sacramento Baptismi, Pœnitentiæ, Ma-
 trimonii &c. pag. 147. Addit. III. De *Conscientia Scrupu-*
pulosa ejusque signis & remediis. pag. 154. num. 69.
 an sit licitum agere contra conscientiam scrupulo-
 sam? pag. 156. n. 72. discrimen inter timoratum
 timore Dei & inter Scrupulosum. pag. 158. n. 76.
 vide Scrupulus.

Consilia Evangelica an possint præcipi? pag. 189. n. 43.

Consuetudo sumitur dupliciter. pag. 305. n. 35. consuetu-
 do triplex, præter legem, Secundum legem, & contra
 legem. pag. 306. n. 36. per consuetudinem contra-
 riam rationabilem tamen, & legitime præscriptam po-
 test tolli lex humana pag. 307. n. 37. quæ consuetu-
 do censeatur rationabilis? pag. 308. n. 38. & legiti-
 me præscripta? pag. 310. n. 40. an id quoque sufficiat
 ad abrogandas leges Ecclesiasticas? pag. 311. n. 42.
 & seqq. an consuetudo tollat legem, si legi addatur
 clausula derogativa consuetudinis? pag. 313. Add. I.
 an lex abroget consuetudines particulares? pag. 313.
 Addit. II.

D.

Damnatio propositionum à SS. Pontificibus facta non est
 odiosa. pag. 140. in Addit.

Damnati nihil omnino demereri possunt. pag. 80. n. 44

Debitum conjugale non potest peti ob solam voluptatem
 pag. 69. post n. 39. Add. II.

Derogatio legis quid? pag. 298. n. 27.

Dispensatio legis quid? pag. 283. n. 12. quomodo inter-
 pretanda? in Addit. Papa dispensat in omni lege Ec-
 clesiastica, non vero Divina. pag. 284. n. 13. potest ta-
 men legem Divinam interpretari. pag. 284. n. 14. in-
 ferior an possit dispensare in lege Superioris. pag. 285.
 n. 16. dispensatio a Legislatore concessa etiam sine
 justa causa est valida. n. 18. sed non licita, nec
 sic præsumenda. pag. 286. n. 19. an petens dispensa-

I N D E X.

tionem in lege sine causa peccet? n. 20 dispensatio ab inferiore, sine iusta causa obtenta an sit valida? pag. 287. n. 21. vel sub- aut obreptitie obtenta? n. 22. quid in dispensatione operentur clausulæ: *si ita est: si preces veritate nitantur*? pag. 288. n. 24. an valeat dispensatio, si causa impulsiva sit falsa? pag. 288. in Addit. Quomodo Papa dicatur dispensare in votis, juramentis, &c. cum tamen hæc obligent jure Divino? pag. 289. n. 25. & 26. an cesset dispensatio cessante causa? pag. 291. in Addit. I. & II. an morte concedentis? pag. 295. Addit. III. an morte executoris pag. 297. Addit. IV. vide etiam *Papa*.

Dubium speculativum & practicum quid? pag. 101. n. 26. & 27. dubium aliud generale aliud particulare. pag. 102. n. 28. item aliud positivum aliud negativum. n. 29. An licitum sit operari cum dubio? pag. 103. n. 30. dubitans practice, an peccet venialiter vel mortaliter, & cum hoc dubio operans quomodo peccet? pag. 103. n. 31. in dubiis tutior pars est eligenda quomodo? pag. 106. n. 35. & 36.

E.

Effectus ut imputetur ad culpam, veluti in causa, aut indirecte voluntarius, quid requiratur? pag. 7. n. 9. usque ad n. 15.

Epikēja quoad exemptionem à lege quando & apud quas personas habeat locum, cessante apud easdem causa motiva legis? pag. 302. Addit. I. post n. 34.

Epikēja quid? pag. 281. n. 9. quomodo differat ab interpretatione legis? n. 10. habet quandoque locum n. 11.

Episcopus an possit dispensare in lege Pontificis? pag. 285. num. 17.

Excommunicato vel irregulari occulto quid liceat ad vitandam infamiam? pag. 209. n. 28.

H.

Hæretici an obligentur legibus Pontificiis pro toto orbe latis. pag. 246. n. 2.

Horas Canonicas omittens Beneficiatus, cur ante ullam sententiam Judicis teneatur restituere fructus? pag. 220. post n. 43. in Addit. quoad horas Canonicas dispensatus

I N D E X.

ſatus ab oculorum imbecillitatem, an teneatur eas recitare? pag. 293. poſt n. 26. Addit. II.

I.

Jejunium quadrageſimale an teneatur abſolvere, qui pervenit ad locum, ubi illud jam eſt abſolutum? pag. 268. num. 39. & 40. quid ſi quis in fraudem jejunii ſtudio illuc pergat? pag. 269. n. 41. an eſt contra, qui jejunium jam peregit, teneatur alibi rurfus jejunare? pag. 270. n. 42. an diſcedens à loco, ubi non eſt jejunium, venturus ad locum, ubi eſt jejunium poſſit comedere carnes? pag. 268. n. 38. jejunium an obliget diſpenſatum propter infirmitatem, ſi fuerit denuo ſanitati reſtitutus? pag. 293. Addit. II.

Ignorantia quid? pag. 32. n. 35. varie dividitur. n. 36. & 37. ignorantia juris & facti. pag. 33. n. 38. antecedens, concomitans, & conſequens. n. 39. invincibilis & vincibilis. pag. 34. n. 40. item in Addit. craſſa & affectata. pag. 36. n. 41. an cauſet involuntarium. pag. 36. n. 42. & ſeqq. ignorantia vincibilis quandonam ſit imputabilis ad culpam? pag. 34. in Addit. poſt n. 40.

Illationes practicæ de Sacramento Baptiſmi, Pœnitentiæ, & matrimonii. pag. 147.

Indifferentia actus an maneat, ſi quis operetur præciſe ex fine delectabili? pag. 68. Addit. I. poſt n. 39.

Intentio bona, ſeu ſola bonitas intentionis non ſufficit ad tollendam malitiam medii pravi. pag. 46. n. 12. intentio judicat omnes, quomodo? pag. 47. n. 14. intentio noſtris actionibus eſt præfigenda, cur? pag. 56. n. 25. commendatur bona intentio de mane facta, & an ea ſufficiat? n. 26. ſufficit ad meritum intentio virtualis, & quæ ea ſit? pag. 57. n. 27. qua intentione ſatiſſiat præceptis legum? pag. 272. n. 45. intentio in executione operis duplex. pag. 271. n. 43. qualis requiratur, ut impleatur præceptum? n. 44.

Interpretatio, quid? pag. 277. n. 1. eſt duplex, authentica & Doctrinalis. pag. 278. n. 2. quomodo fieri debeat? n. 3. Interpretatio quomodo fiat in diſpenſationibus? pag. 283. Addit. poſt n. 12.

Involuntarium ſimpliciter & ſecundum quid. pag. 26. n. 26. violentia cauſat involuntarium. n. 27. metus ſe-

I N D E X.

- cundum quid solummodo. pag. 27. n. 28. concupiscentia antecedens minuit voluntarium. pag. 29. n. 32. non item consequens. pag. 30. n. 33. passio quandoque omnino tollit voluntarium. n. 34.
- Irregularis* occultus an possit celebrare ad vitandam infamiam? pag. 209. n. 28.
- Irritatio* legis. pag. 298. n. 27.
- Judei* obligabantur sola lege veteri. pag. 195. n. 3. & nunc etiam nunc obligantur ad legem Evangelicam, præsertim Baptismi susceptionem. pag. 201. n. 13.
- Judex* an possit sequi sententiam probabilem relicta probabiliori? pag. 122. n. 56. & pag. 126. n. 61. quid agendum ei, quando litigantes habent pro se opiniones æque probabiles? pag. 126. n. 62. inter judicem & advocatum differentia. pag. 131. n. 67. Judex in criminalibus & civilibus actionibus quid debeat observare, si occurrunt pro & contra reum rationes probabiles? pag. 127. in Addit. post n. 62.
- Jurisdictio* alia simplex, alia bassa, seu inferior, alia superior, alia suprema. pag. 236. Addit. II.
- Jus* & lex an differant? pag. 163. n. 3. jus humanum dividitur in jus gentium, civile, & Ecclesiasticum. pag. 166. n. 9. & seqq.
- Jus* Naturæ acatholicorum præsertim Wolfii pag. 167 Addit. crit.

L.

- Legislator*, v. g. Papa, Rex &c. an teneatur propriis legibus? pag. 255. n. 17. & 18. legislator ejusque successor dispensat in propria lege, etiam secum ipso. pag. 284. n. 15.
- Lex* Divina nullum reddit perplexum. pag. 97. n. 22. & seqq. lex unde dicatur? pag. 163. n. 2. varia legis nomina. n. 3. ejus encomina. pag. 172. n. 12. lex quid? pag. 164. n. 4. ejus divisio. n. 5. lex naturalis quid? n. 6. n. 6. lex positiva. pag. 165. n. 7. dividitur in Divinam. n. 8. & humanam, quæ iterum ulterius dividitur, in jus Gentium. pag. 166. n. 9. jus civile. n. 10. & Canonicum. pag. 171. n. 11. legis condiciones. pag. 172. n. 12. & seqq. quomodo differat à simplici præcepto? pag. 174. n. 18. & 19. ut lex obliget in conscientia, requiritur ejus promulgatio. pag. 176. n. 20. an interdum

I N D E X.

dum extendatur ad præterita? pag. 177. n. 21. leges Imperatorum qualem requirant promulgationem? pag. 178. n. 24. qualem lex Pontificia? pag. 179 n. 26. & seqq. legem acceptare, & usu recipi quid? pag. 184. n. 33. an ad eam requiratur acceptatio populi? n. 34. leges firmatur, cum moribus utentium comprobantur, quomodo? pag. 185. n. 35. an legem teneatur populus acceptare? n. 36. & seqq. lege humana quanam generatim præcipi possint? pag. 188. n. 41. & 42. consilia Evangelica an præcipi possint? pag. 189. n. 43. legis prohibitorie quanam materia? n. 44. idem actus potest præcipi pluribus legibus. pag. 190. n. 45. actus interni an lege humana præcipi possint? n. 46. & seqq. quid de inhonesto? pag. 192. num. 51.

Lex vetus quos obligaverit? pag. 145. n. 3. ea cessavit introducta lege Evangelica. n. 4. ejus præcepta alia cæremonialia alia moralia, alia judicialia. pag. 193. n. 1. circumcisio, & cæremonialia defacto sunt illicita. pag. 196. n. 6. præcepta judicialia quomodo sint evacuata? pag. 198. n. 9. differentia inter præcepta cæremonialia, & judicialia n. 10. præcepta ejus moralia adhuc defacto obligant & quare? pag. 199 n. 11. lex nova seu Evangelica ejus encomia. pag. 200. n. 12. ea lata à Christo Domino pro toto mundo obligat etiam gentiles, ac Judæos pag. 201. n. 13. & quando? n. 14. excedit veterem multis modis. pag. 202. n. 15. & seqq.

Leges humana sive Ecclesiasticæ sive civiles an obligent in conscientia & sub peccato? pag. 204. n. 20. & seqq. Lex humana obligat cum aperio vitæ periculo, quando ejus observantia est necessaria ad bonum publicum. pag. 207. n. 23. vel quando ejus violatio cedit in contemptum fidei, aut Ecclesiasticæ potestatis. n. 24. extra hos casus non obligat cum periculo vitæ aut gravis incomodi. pag. 108. n. 23. & seqq. dantur leges mere pœnales. pag. 213. n. 30. & 31. unde colligatur legem esse mere pœnalem? pag. 214. n. 32. & seqq. leges pœnales an obligent in conscientia ad subeundam pœnam. pag. 215. n. 34. & seqq. legibus Pontificiis qui obligentur? pag. 245. n. 1. an etiam hæretici? pag.

INDEX.

246. n. 2. & seqq. quid de Judæis & paganis? pag.
 247. n. 5. & seqq. de pueris & puellis quid? in Add.
 * pag 250. leges inferiorum Prælatorum obligant so-
 lum subditos proprii territorii. pag. 248. n. 9. Religi-
 oſi exempti an teneantur legibus per Ordinarios loco-
 rum editis, pag. 249. n. 10. & 11.
 * *De lege irritante* (ſeu invalidante contractus aliosque
 actus vide in Append. I. per 6. Addit. pag. 229. *
 item de legibus, ac Principum edictis imponentibus
 veſtigialia, Tributa, Steuras, Collectas, exactiones, Ga-
 bellas, Acciſa, vel indebita pariter per 6. Addit. an
 quando, & ſub quibus conditionibus ea juſte impo-
 nere, & exigere liceat? pag. 235.
Legibus civilibus an obligentur Clerici? pag. 253. n. 13.
 ſaltem quoad vim directivam? n. 14. quid de vi co-
 activa? pag. 254. n. 15.
*Legis obligatio gravis vel levis ex quibus ſignis cognoſca-
 tur?* pag. 209. in Addit. poſt n. 28.
*Lex an ceſſet obligare ſi tantum apud particularem perſonam ceſ-
 ſet cauſa motiva legis?* pag. 302. Addit. I. & II. lex quan-
 donam abrogetur per contrariam conſuetudinem? pag. 308.
 in Addit. item pag. 313. Addit. I. leges contrariæ an cenſean-
 tur tollere conſuetudines particulares locorum antecederent
 jam introductas? ibid. Addit. II.
Leges ſemel latæ quomodo poſſint denuo revocari? pag. 299. n.
 28. & ſeqq. lex nova generaliter lata an tollat priorem? pag.
 300. n. 30. ceſſante cauſa legis an ceſſet ipſa lex? n. 32.
*Legibus & conſuetudinibus locorum, per quæ tranſeunt an tene-
 antur peregrini?* pag. 259. n. 23. & ſeqq. tenentur legibus to-
 tius Eccleſiæ ubique locorum. pag. 258. n. 20. etiam particu-
 laribus locorum. n. 21. vide etiam *Jejunium. Miſſa.*
Loth quomodo excuſetur ab inceſtu? pag. 8. n. 10.
- M.**
- Malum culpæ non licet facere cum ordinatione ad bonum ſi-
 nem.* pag. 48. n. 15. & ſeqq. ex duobus malis minus eligen-
 dum, quomodo? ibid.
*Medicus an poſſit ſequi ſententiam probabilem relicta proba-
 biliori?* pag. 124. n. 59. 60. & 66.
Meritum quid? pag. 78. n. 40. & ſeqq. Meritum de condigno
 & congruo. n. 41. Ad meritum de condigno requiritur ſtatus
 viæ & ſtatus gratiæ. pag. 79. n. 42.
Metus an cauſet involuntarium? pag. 27. n. 28. Pro nullo me-
 tu debet quis peccare. n. 29. Pacta & contractus metu initi
 an valeant? pag. 28. n. 30. Metus gravis & levis quis? n. 31.
*Miſſam prius an audire teneatur, qui exit e loco, ubi eſt fe-
 ſtum, perventurus ad locum, ubi non eſt feſtum?* pag. 167. n.
 35. & ſeqq. Quando teneamur prævenire audiendo miſſam? n. 37.
 Ope.

INDEX.

O.

Opera bona viva, mortificata, & mortua, quæ? pag. 81. n. 46.
Opinio probabilis, quæ? pag. 110. n. 41. Per opinionem quantumvis tenuem quid intelligatur? pag. 112. n. 44. Frustra post factum inquiritur opinio probabilis. pag. 118. n. 51. Opinionem probabilem relicta probabiliori an liceat sequi? Vide *Conscientia*, *Confessarius*. Opiniones probabiles quomodo in medicina & jure dentur? pag. 131. n. 66.

P.

Pagani an obligentur legibus Ecclesiasticis? pag. 247. n. 5. & seqq.
Papa an obligetur legibus totius Ecclesiæ? pag. 256. n. 18. Dispensat in omni lege Ecclesiastica non vero Divina. pag. 284. n. 13. Potest tamen legem Divinam interpretari. n. 14. Papa quomodo dispenset in votis, juramentis &c. cum tamen hæc obligent jure Divino? pag. 289. n. 25. Verior responsio. n. 26.
Parochiani an extra Parochiam, ubi est festum, possint laborare? pag. 266. n. 33. & 34. An mane exiens e loco, ubi est festum de præcepto, prævenire teneatur audiendo missam? pag. 267. n. 35. & seqq.
Parocho celebraturo recordanti se non esse jejunum, quid agendum? pag. 99. n. 24.
Peccator in statu peccati mortalis an per bona opera quidpiam mereatur? pag. 80. n. 45. 47. & 48.
Peccatum Commissionis & *Omissionis* quid? pag. 14. n. 17. Quo tempore peccatum tum commissionis tum omissionis veluti indirecte vel in sua causa duntaxat voluntarium contrahatur? n. 18. & seqq. Peccati causam quando quis tollere teneatur? pag. 11. n. 16. Ob peccatum in causa duntaxat voluntarium quando incurrantur poenæ & inhabilitates. pag. 19. n. 25.
Peregrini & advenæ vide supra. *Lex peregrinorum*.
Pœna ipso jure inflicta, seu lætæ sententiæ, & pœna ferendæ sententiæ, quæ? pag. 216. n. 35. Pœna quando censetur esse lætæ vel ferendæ sententiæ? n. 36. Pœnam an teneatur reus subire ante sententiam judicis? pag. 218. n. 39. & seqq. Quid de Pœnis corporis afflictivis? pag. 221. n. 44. & 45. Pœnæ ob peccatum in causa duntaxat voluntarium, quando incurrantur? pag. 19. n. 25.
Populi nomine qui comprehendantur? pag. 280. n. 8.
Potestas imponendi leges, tributa, & Vestigalia fundatur in jurisdictione, & quali? pag. 235. Addit. I. & II.
Potestas legislativa alia Ecclesiastica, alia civilis, & quomodo differant? pag. 204. n. 19.
Præceptum simplex quomodo differat à lege? pag. 174. n. 18. & 19. Ut impleatur præceptum, requiritur intentio faciendi opus. pag. 271. n. 44. Non tamen intentio satisfaciendi præcepto. pag. 272. n. 45. Vide *Lex*.
Probabilitas quantumvis tenuis quæ? pag. 212. n. 44. Probabilitas sententiarum quid prosit in absolvendo vel condemnando reum? pag. 127. post. n. 62. in *Addit.* vide *Conscientia* *probabilis*. *Opinio probabilis*.

Pro-

I N D E X.

Promulgatio ad obligationem legum an, & qualis requiratur? pag. 176. n. 20. & seqq.
Pueri in qua ætate adstringantur legibus, seu præceptis? pag. 250. in Addit.

Q.

Quæstiones aliæ versantes circa honestatem actus, aliæ circa materiam facti. pag. 115. n. 47. Notabile discrimen inter utraque. pag. 116. n. 48. & 49. An circa eas liceat sequi sententiam probabiliam? pag. 117. n. 50. & pag. 122. n. 56. Vide *Conscientia probabilis*.

R.

Regalia Principum quidnam importent? pag. 237. Addit. III.
Regula morum alia remota alia proxima. pag. 41. n. 5. Regulae Cancellariæ nondum publicatæ obligant, & quomodo? pag. 177. n. 21. & 22.
Religiosi exempti an teneantur legibus per Ordinarios locorum editis? pag. 249. n. 10. & 11.

S.

Sacramenta, an in iis conferendis & suscipiendis liceat sequi sententiam probabilem minus tutam præ tutiore? pag. 133. ** *in quest. addita*.
Sancti in coelis sibi nihil amplius merentur. pag. 80. n. 44.
Satisfactio quid? pag. 83. Addit. I. Quomodo distinguatur à satisfatione? pag. 84. Addit. II. Satisfactio an & quando remittat poenam, si peragatur in statu peccati mortalis? ibidem.
Scrupulus, quid? pag. 155. n. 69. Quæ sit origo scrupulorum? pag. 156. n. 71. Signa scrupulorum. pag. 155. n. 70. Discrimen inter timoratos timore Dei & scrupulosos. pag. 158. n. 76. Mala scrupulorum. n. 77. Remedia contra scrupulos. pag. 159. n. 78. & Consilia pro iisdem. n. 79. & 80.
Status viæ & status Gratiæ, quid? pag. 79. n. 43 requiritur utrumque ad meritum de condigno. pag. 80. n. 45.

V.

Vestigalia quoduplicia, & quando licita? pag. 238. Addit. IV. ac præsertim. pag. 240. Addit. VIII. & IX.
Verba generalia generaliter sunt intelligenda. pag. 279. n. 5.
Veritas duplex speculativa & practica. pag. 88. n. 5.
Violentia an causet involuntarium? pag. 26. n. 27.
Voluntarium tripliciter. pag. 3. n. 2. voluntarium strictè quid? pag. 4. n. 3. perfectè & imperfectè voluntarium. n. 4. voluntarium directum & indirectum. n. 5. & 6. voluntarium in se & in sua causa. p. 5. n. 7. voluntarium interpretativum. pag. 6. n. 8. quando effectus veluti indirectè & in causa voluntarius imputetur ad culpam? pag. 8. n. 9. & pag. 11. n. 15. voluntarium an tollatur per *violentiam*, *metum*, *concupiscentiam*, *Passionem*, vel *ignorantiam*? vide *violentia metus*. &c. voluntas quomodo reputetur pro facto? pag. 62. n. 32. & 33.




ELENCHUS
TRACTATUUM, DISTIN-
CTIONUM, QUÆSTIONUM ET
PARAGRAPHORUM HUIUS
TOMULI I.

TRACTATUS I.
DE ACTIBUS HUMANIS ET
CONSCIENTIA.

DISTINCTIO I.

De Voluntario & Involuntario.

QUÆSTIO I. Quid & quotuplex sit voluntarium.	Pag. 2
II. Quando effectus veluti indirecte, & in causa Voluntarius imputeretur ad culpam?	7
** Addit. adversus Wolfium.	12
III. Quo tempore peccatum tum Commissionis tum Omissionis, indirecte seu in causa duntaxat vo- luntarium contrahatur.	13
** QUÆST. addita, de actibus conjunctis cum omissione culpabili, an nempe omnes actus, quomodocunque conjuncti cum omissione cul- pabili, & quando imputentur ad peccatum.	20
IV. An Violentia, Metus, & Concupiscentia cau- sent Involuntarium?	25
V. Quotuplex sit ignorantia, & an causet Involun- tarium?	31



DISTINCTIO II.

De natura actus Humani, seu Moralis, & variis ipsum concernentibus.

QUÆST. I. Quid sit actus humanus, seu moralis?	Pag. 38
II. Unde actus humani desumant suam bonitatem vel malitiam moralem?	41
** Addit. adversus Wolfium.	50
III. Quomodo malitia & præsertim bonitas debeat esse volita, ut eam Actus humanus desumat ex objecto & circumstantiis?	51
IV. De bonitate vel malitia actus externi.	58
V. An detur actus indifferens.	64
** Addit. non omnis actus indifferens ex objecto necessario est conjunctus cum aliqua imperfectione.	75
VI. Quid requiratur, ut Actus humani boni sint meritorii vitæ æternæ.	77

DISTINCTIO III.

De Conscientia ut Regula Actuum humanorum.

QUÆSTIO I. De natura & divisione Conscientiæ ut sic ut & de Conscientia recta seu certa.	86
II. De Conscientia erronea, ejusque obligatione.	90
III. De Conscientia dubia, ejusque obligatione.	100
IV. De Conscientia probabilis, & an ipsam sequi possimus? §. I. Quid sit Conscientia & Opinio Probabilis?	108
§. II. An sit licitum sequi sententiam probabilem etiam in concursu probabilioris & tutioris?	114
§. III. Inferuntur Corollaria de Ministro Sacramentorum, Medico, Judice, Advocato.	123

** QUÆ-

** QUÆSTIO addita in 3. Additiones divisa. Ad-	Pag.
ditio I. an in Sacramentis conferendis & susci-	
piendis liceat sequi sententiam probabilem mi-	
nus tutam præ tutiore.	133
** Additio II. Continuatio Quæstionis additæ.	142
** Additio III. Illationes practicæ ex antecedenti-	
bis duabus Additionibus.	147
V. De Conscientia scrupulosa, ejusque Signis, & Re-	
mediis contra scrupulos.	154

TRACTATUS II.

DE LEGIBUS.

DISTINCTIO I.


De natura Legum.

QUÆST. I. Quid & quotuplex sit Lex?	162
** Additio critica contra Wolfium, de jure naturæ.	167
II. De Conditionibus Legis, ejusque differentia à sim-	
plici præcepto.	171
III. De promulgatione ad Legem requisita,	175
IV. De acceptatione Legum.	183
V. Quænam opera, & an etiam actus interni per Le-	
gem humanam possint præcipi vel prohiberi?	188

DISTINCTIO II.

De obligatione Legum.

QUÆST. I. De obligatione Legis veteris ejusque	
Cessatione.	193
II. De obligatione Legis novæ seu Evangelicæ ejus-	
que perfectione.	200
III. De obligatione Legum humanarum & an obli-	
gent cum periculo vitæ.	204
IV. De Legibus pœnalibus earumque obligatione.	211
** QUÆST.	



**QUEST. Addita. An ignorantia excuset à pœ- na Legis humanæ.	Pag. 222
Appendix I. De Lege irritante seu invalidante con- tractus, aliosve Actus.	229
Appendix II. De Legibus, ac Principum Edictis im- ponentibus Vectigalia vel Tributa &c.	235

DISTINCTIO III.

De subjecto Obligationis Legum.

QUÆSTIO I. Quinam obligentur Legibus Pontifi- ciis, aliisque Ecclesiasticis.	245
II. An Clerici obligentur Legibus Civilibus, ac Le- gislator teneatur propriis.	252
III. An Peregrini obligentur Legibus & Consuetu- dinibus locorum, per quæ transeunt.	257
IV. Resolvuntur varia quæsitæ quoad Peregrinos.	264
V. Qua intentione, quibusque actibus satisfiat præ- ceptis Legum.	270

DISTINCTIO. IV.

De Interpretatione, Dispensatione, ac Revocatione Legum.

QUÆST. I. De interpretatione Legum; ubi & de Epikeja.	277
II. De Dispensatione Legum, & variis ipsum con- cernentibus.	280
III. De Revocatione Legum.	297
IV. Quomodo Leges tollantur per contrariam consuetudinem.	304



